



6

17-c

31

*F. Moysi  
i Ordini  
M.V.*



*6-17-c-31*









Quinti  
**HORATII**  
Flacci  
**OPERA**


*Denuo emendata*



Amsterodami,  
*Sumtibus*  
*Societates*



ANNO MDCLXXVIII.





3

V I T A  
BIBLIOTECA  
VITAE  
H O R A T I I  
F L A C C I

*E vetusto codice Bland. descripta.*

**Q**UINTUS HORATIUS  
Flaccus Venusinus, patre, ut ipse quidem tradit, libertino & exactio-  
num coactore, ut vero creditum est, falsamentario,  
cum illi quidam exprobrasset in altercatione,  
Quoties ego vidi patrem tuum brachio se  
emungentem? Bello Philippensi excitus à  
M. Bruto Imperatore, tribunus militum me-  
ruit: victisque partibus venia impetrata, scri-  
ptum Quæstorium comparavit. ac primo Mæ-  
cenati, mox Augusto in gratiam insinuatus,  
non mediocrem in amborum amicitia locum  
tenuit. Mæcenatas quantopere eum dilexerit,  
satis demonstratur illo expigrammate,

*Ni te visceribus meis Horati*

*Plus jam diligo, tu tuum sodalem*

*Hinno me videas strigosorem.*

Sed multo magis extremis Esquiliis tali ad  
Augustum elogio,

*Horatii Flacci, ut mei, esto memor.*

Augustus epistolarum quoque ei officium ob-  
tulit, ut hoc ad Mæcenatem scripto signifi-  
cat: Ante ipse sufficiebam scribendis episto-  
lis amicorum, nunc occupatissimus & infir-  
mus, Horatium nostrum te cupio adducere.  
Veniet igitur ab ista parasitica mensa ad hanc  
regiam, & nos in epistolis scribendis adjuva-  
bit. Ac ne recusanti quidem aut succensuit  
quicquam, aut amicitiam suam suggerere de-  
siit. Extant epistolæ, equibus argumenti gra-  
tia, pauca subjeci. Sume tibi aliquid juris apud  
me, tanquam si convictor mihi fueris: recte



enim & non temere feceris, quoniam id usus  
 tibi tecum esse volui, si per valetudinem  
 tuam fieri possit. *Et rursus*: Tui qualem habeo  
 memoriam, poteris ex Septimio quoque no-  
 stro audire: nam incidit ut illo coram fieret à  
 me tui mentio. Neque enim si tu superbus  
 amicitiam nostram sprevisi, ideo nos quoque  
 ἀνδρὶ περὶ φρονήμῳ. Præterea sæpe cum inter  
 alios jocos, purissimum penem, & homuncio-  
 nem lepidissimum appellat, unaque & altera  
 liberalitate locupletavit. Scripta quidem ejus  
 usque adeo probavit, mansuraque perpetuo  
 . . . . . ut non modo Sæculare carmen  
 componendum injunxerit, sed & Vindelicam  
 victoriam Tiberii Drusique privignorum suo-  
 rum: eumque coëgerit propter hoc, tribus  
 Carminum libris ex longo intervallo quartum  
 addere. Post Sermones vero lectos quosdam,  
 nullam sui mentionem habitam ita sit questus:  
 Irasci me tibi scito, quod non in plerisque  
 ejusmodi scriptis mecum potissimum loqua-  
 ris. An vereris ne apud posteros infame tibi  
 sit, quod videaris familiaris nobis esse? Ex-  
 pressitque Eclogam, cujus initium est,

*Cum tot sustineas & tanta negotia solus,  
 Res Italas armis tuteris, moribus ornes,  
 Legibus emendes, in publica commoda peccem,  
 Si longo sermone morer tua tempora, Caesar.*

Habitu corporis brevis fuit atque obelus: qua-  
 lis & à semetipso in Satyris describitur, & ab  
 Augusto hac epistola: Pertulit ad me Diony-  
 sius libellum tuum, quem ego (ne accusem  
 brevitatem) quantuluscunque est, boni con-  
 sulo. Vereri autem mihi videris ne majores li-  
 belli tui sint quam ipse es: sed tibi statura de-  
 est, corpusculum non deest. Itaque licebit in  
 sextariolo scribas, cum circuitus voluminis  
 tui sit ὀγχαδίστατον, sicut est ventriculi tui.

Ad

5

Ad res Venereas Intemperantior traditur. Nam speculato cubiculo scorta dicitur habuisse disposita, ut quocunque respexisset, ibi ei imago coitus referretur. Vixit plurimum in secessu ruris sui Sabini aut Tiburtini: domusque ejus ostenditur circa Tiburni luculum. Venerunt in manus meas & elegi sub ejus titulo, & epistola prosa oratione quasi commendantis se Mæcenati; sed utraque falsa puto. Nam elegi vulgares, epistola obscura: quo vitio minime tenebatur. Natus est vi. id. Decembris, L. Cotta & L. Torquato Consulibus. Decessit v. Kal. Decemb. C. Mario Censorino & C. Asinio Gallo Coss. post nonum & quinquagesimum annum, hærede Augusto palam nuncupato, cum urgente vi valerudinis non sufficeret ad obsignandas testamenti tabulas. Humatus & conditus est extremis Esquiliiis juxta Mæcenatis tumulum.

*Ejusdem Horatii vita, in eodem codice  
aliter descripta.*

**Q**uintus Horatius Flaccus libertino patre natus in Apulia, cum parente in Sabinos commigravit. quem cum pater puerum Romanam misisset in ludum litterarium, parcissimis eruditus impensis, angustias patris vicit ingenio, coluitque adolescens Brutum, sub quo tribunus militum civili bello militavit: captusque à Cæsare post multum tempus, beneficio Mæcenatis non solum servatus, sed etiam in amicitiam receptus est. quapropter Mæcenati & Augusto in omnibus scriptis suis venerabiliter assurgit. Scripsit autem Carminum libr. iv. Epodon i. Carmen Sæculare. Sermorum lib. i i. Epistolarum i i. De arte poëtica i. Commentari sunt in illum Porphyrio, Modesto, Helenius Acron. Omnium autem optime Acron.

# TESTIMONIA

de Scriptis

HORATII.

M. Fabius Quintilianus,  
De Lyricis Horatii.

**A**T LYRICORVM idem Horatius fere solus legi dignus. Nam & insurgit aliquando, & plenus est jucunditatis, & gratiæ; variis figuris & verbis felicissime audax.

De iisdem Petronius.

**P**raterea curandum est, ne sententiæ emineant extra corpus orationis expressæ, sed intexto vestibus colore niteant. Homerus testis, & Lyrici, Romanusque Virgilius, & Horatii curiosa felicitas.

De Satyris Quintilianus.

**S**ATYRA quidem toto nostra est: in qua primus insignem laudem adeptus est Lucilius: qui quosdam ita deditos sibi adhuc habet amatores, ut eum non ejusdem modo operis autoribus, sed omnibus poetis præferre non dubitent. Ego quantum ab illis, tantum ab Horatio dissentio, qui Lucilium fluere lutulentum, & esse aliquid quod tollere possis, putat. Multo est tersior ac purus magis Horatius, & ad notandos hominum mores præcipuus.

De iisdem autor libri De causis  
corruptæ eloquentiæ,

**S**ed vobis utique versantur ante oculos, qui Lucilium pro Horatio, & Lucretium pro Virgilio legunt.

Idem, De autore.

**E**Xigitur enim jam ab oratore etiam poeticus decor: non Attii aut Pacuvii veterino inquinatus, sed ex Horatii & Virgilii & Lucani sacrario prolatus.

7

Q. HORATII  
FLACCICI  
CARMINUM  
LIBER I.

ODE PRIMA.

*Alios aliis rebus duci: se lyricorum versuum studio teneri.*

**M**Æcenæ atavis edite regibus,  
O & præsidium, & dulce decus meum;  
Sunt quos curriculo pulverem Olympicum  
Collegisse juvat, metaque fervidis  
Evitata rotis, palmaque nobilis  
Terrarum dominos evehit ad Deos.  
Hunc, si mobilium turba Quiritium  
Cerrat tergeminis tollere honoribus:  
Illum, si proprio condidit horreo  
Quicquid de Libycis verritur areis,  
Gaudentem patrios findere sarculo  
Agros, Attalicis conditionibus  
Numquam dimoveas, ut trabe Cypria  
Myrtoum pavidus nauta secet mare.  
Luctantem Icariis fluctibus Africum  
Mercator metuens, otium, & oppidi  
Laudat rura sui: mox reficit rateis  
Quassas, indocilis pauperiem pati.  
Est qui nec veteris pocula Massici,  
Nec partem solido demere de die  
Spernit, nunc viridi membra sub arbuto  
Stratus, nunc ad aquæ lenæ caput sacræ.  
Multos castra juvant, & lituo tubæ  
Permissus sonitus, bellaque matribus  
Detestata. manet sub jove frigido  
Venator, teneræ conjugis immemor  
Seu visa est catulis cerva fidelibus,  
Seu rupit tereteis Marsus aper plagas.  
Me doctarum hederæ præmia frontium  
Diis miscent superis: me gelidum nemus,  
Nympharumque leves cum Satyris chori,

2                    C A R M I N U M  
Secernunt populo ; si neque tibias  
Euterpē cohibet , nec Polyphymnia  
Lesboum refugit tendere harbiton.  
Quod si me Lyricis varibus inseres ,  
Sublimi feriam sidera vertice.

AD AUGUSTUM CÆSAREM.

ODE II.

*Deos omnes iratos esse Romanis , ob Caesaris eadem :  
unam imperii spem in Augusto constitutam.*

**I** Am satis terris nivis , atque diræ  
Grandinis misit pater , & rubente  
Dextera sacras jaculatus arceis ,  
Terruit urbem :  
Terruit genteis , grave ne rediret  
Sæculum Pyrrhæ nova monstra questæ.  
Omne cum Proteus pecus egit altos  
Visere monteis.  
Piscium & summa genus hæsit ulmo ,  
Nota quæ sedes fuerat columbis :  
Et superjecto pavidæ natarunt  
Æquore damæ.  
Vidimus flavum Tiberim retortis  
Littore Etrusco violenter undis ,  
Ire dejectum monumenta regis ,  
Templaque Vestæ :  
Illæ dum se nimium querenti  
Jactat ultorem , vagus & sinistra  
Labitur ripa , Jove non probante ,  
Uxorius amnis.  
Audiet , civeis acuisse ferrum ,  
Quo graves Persæ melius perirent :  
Audiet pugnæ , vitio parentum  
Rara juvenus.  
Quem vocet divum populus , ruentis  
Imperi rebus ? prece qua fatigent  
Virgines sanctæ minus audientem  
Carmina Vestam ?  
Cui dabit parteis scelus expiandi  
Jupiter ? tandem venias precamur ,  
Nube candenteis humeros amictus  
Augur Apollo :

Sive



# LIBER I.

9

Sive tu mavis Erycina ridens,  
Quam Iocus circumvolat, & Cupido,  
Sive neglectum genus, & nepotes  
Respicis auctor.

Heu nimis longo satiate ludo:  
Quem juvat clamor, galeæque leves,  
Acer & Mauri peditis cruentum  
Vultus in hostem.

Sive mutata juvenem figura,  
Ales in terris imitaris, alma  
Filius Majæ, patiens vocari  
Cæsaris ultor:

Serus in cælum redeas, diuque  
Lætus inter sis populo Quirini:  
Neve te nostris vitiis iniquum  
Ocyor aura

Tollat. hic magnos potius triumphos,  
Hic ames dici pater, atque princeps:  
Neu finas Medos equitare inultos  
Te duce Cæsar.

## IN VIRGILIUM ATHENAS PRO- FICISCENTEM.

### ODE III.

*Secundam ei navigationem precatur: deinde occasionem  
nactus, hominum audaciam detestatur.*

Sic te diva potens Cypri,  
Sic fratres Helenæ, lucida sidera,  
Ventorumque regat pater,  
Obstrictis aliis, præter Japyga:  
Navis, quæ tibi creditum

Debes Virgilium, finibus Atticis  
Reddas incolumem precor:  
Et serves animæ dimidium meæ.

Illi robur, & æs triplex

Circa pectus erat, qui fragilem truci  
Commisit pelago ratem

Primus, nec timuit præcipitem Africum  
Decertantem Aquilonibus,

Nec tristes Hyadas, nec rabiem Noti:  
Quo non Arbiter Adriæ

Major, tollere seu ponere vult freta.

A 5

Quem

Quem mortis timuit gradum ,  
 Qui siccis oculis monstra natantia ,  
 Qui vidit mare turgidum , &  
 Infameis scopulos Acroceraunia ?  
 Nequicquam Deus abscidit  
 Prudens Oceano dissociabili  
 Terras , si tamen impiæ  
 Non tangenda rates transiliunt vada.  
 Audax omnia perpeti  
 Gens humana , ruit per vetitum nefas.  
 Audax Japeti genus  
 Ignem fraude mala gentibus intulit.  
 Post ignem ætheria domo  
 Subductum , macies , & nova febrium  
 Terris incubuit cohors :  
 Semotique prius tarda necessitas  
 Leti , corripuit gradum.  
 Expertus vacuum Dædalus aëra  
 Pennis non homini datis.  
 Perrupit Acheronta Herculeus labor.  
 Nil mortalibus arduum est.  
 Cælum ipsum petimus stultitia ; neque  
 Per nostrum patimur scelus  
 Iracunda Jovem ponere fulmina.

## AD L. SEXTIUM CONSULAREM.

## ODE IV.

*Adventu veris , & communi moriendi conditione propo-  
 sita , hortatur ad voluptates.*

**S**olvitur acris hyems grata vice veris, & Favoni;  
 Trahuntque siccas machinæ carinas :  
 Ac neque jam stabulis gaudet pecus , aut arator  
 Nec prata canis albicant pruinis. (igni :  
 Jam Cytherea choros ducit Venus imminēte Luna:  
 Junctæque Nymphis Gratiæ decentes  
 Alternò terram quatiant pede , dum graveis Cy-  
 clopum  
 Vulcanus ardens urit officinas.  
 Nunc decet aut viridi nitidum caput impedire  
 myrto ,  
 Aut flore , terræ quem ferunt solutæ.  
 Nunc & in umbrosis Fauno decet immolare lucis,  
 Sen

Seu poscat agna, sive malit hædo.  
 Pallida mors æquo pulsat pede pauperum taber-  
 Regumque turreis. ô beate Sexti, (nas,  
 Vitæ summa brevis spæ nos vetat inchoare longâ,  
 Jam te premet nox, fabulæque manes,  
 Et domus exilis Plutonia. quo simul mearis,  
 Nec regna vini fortiere talis,  
 Nec tenerum Lycidâ mirabere, quo calet juvenus  
 Nunc omnis, & mox virgines tepebunt.

## AD PYRRHAM.

## ODE V.

*Miseros esse qui illius amore teneantur. se ex eo, tan-  
 quam è naufragio, enatasse.*

Q Uis multa gracilis te puer in rosa  
 Perfusus liquidis urget odoribus  
 Grato, Pyrrha, sub antro?  
 Cui flavam religas comam  
 Simplex munditiis? heu, quoties fidem,  
 Mutatosque deos flebit, & aspera  
 Nigris æquora ventis  
 Emirabitur insolens,  
 Qui nunc te fruitur credulus aures:  
 Qui semper vacuam, semper amabilem  
 Sperat, nescius auræ  
 Fallacis! miseri, quibus  
 Intentata nites. me tabula sacer  
 Votiva paries indicat, uvida  
 Suspendisse potenti  
 Vestimenta maris deo.

## AD VIPSANIUM AGRIPPAM.

## ODE VI.

*Bella ab eo gesta à Vario cantatum iri: se convivii  
 tantum, & amoribus describendis aptum esse.*

S Criberis Vario fortis, & hostium  
 Victor, Mæonii carminis alite,  
 Quam rem cumque ferox navibus, aut equis  
 Miles te duce gesserit.

Nos, Agrippa, neque hæc dicere, nec gravem  
 Pelidæ

Pelidæ stomachum c  
 Nec cursus duplicis p  
 Nec sævam Pelopis d  
 Conamur, tenues gra  
 Imbellisque lyræ m  
 Laudes egregii Cæsari  
 Culpa deterere ingeni  
 Quis martem tunica  
 Digne scripserit? aut  
 Nigrum Merionen? a  
 Tydiden superis parem  
 Nos convivia, nos p  
 Sectis in juvenes ungui  
 Cantamus vacui; sive q  
 Non præter solitum le

A D M U N A T I U  
 C O N S U

O D E

*Alias aliis: sibi Tiburtina  
 ratio ad voluptates.*

**L** Audabunt alii claram  
 Aut Ephesum, bim  
 Mœnia, vel Baccho The  
 Insigneis, aut Thessala  
 Sunt quibus unum opus e  
 Carmine perpetuo cele  
 Undique decerpæ frondi  
 Plurimus, in Junonis h  
 Aptum dicit equis Argos  
 Me nec tam patiens La  
 Nec tam Larissæ percussit  
 Quam domus Albuneæ  
 Et præceps Anio, & Tib  
 Mobilibus pomaria rivi  
 Albus ut obscuro detergr  
 Sape Notus, neque pa  
 Perpetuos: sic tu sapiens  
 Tristitiam, vitæque lab  
 Molli, Plance, mero; s  
 Castra tenent, seu den  
 Tiburis umbra tui. Teuce

## AD LYDIAM.

## ODE XIII.

*Dolet sibi Telephum anteponi.*

tu Lydia Telephi  
 ervicem roseam, cerea Telephi  
 rachia; væ, meum  
 s difficili bile tumet jecur.  
 mens mihi, nec color  
 ede manent. humor & in genas  
 bitur, arguens  
 tentis penitus macerer ignibus.  
 u tibi candidos  
 ant humeros immodicæ mero  
 e puer furens  
 t memorem dente labris notam.  
 e satis audias,  
 erpetuum, dulciabarbare  
 oscula, quæ Venus  
 arte sui nectaris imbuit.  
 , & amplius,  
 rupta tenet copula, nec malis  
 querimoniis,  
 citius solvet amor die.

UTUM, BELLUM CIVILE  
REPARANTEM.

## ODE XIV.

, referent in mare te novi  
 is. ô quid agis? fortiter occupa  
 nonne vides, ut  
 migio latus,  
 is celeri saucius Africo,  
 que gemant, ac sine funibus  
 e carinæ  
 periosius  
 ? non tibi sunt integra lintea:  
 quos iterum pressa voces malo:  
 Pontica pinus,  
 nobilis  
 e genus, & nomen inutile:

enim & non temere feceris, quoniam id usus mihi tecum esse volui, si per valetudinem tuam fieri possit. *Et rursus*: Tui qualem habeo memoriam, poteris ex Septimio quoque nostro audire: nam incidit ut illo coram fieret à me tui mentio. Neque enim si tu superbus amicitiam nostram sprevisi, ideo nos quoque *ἐνδοκίμοι φρονησόμεναι*. Præterea sæpe eum inter alios jocos, purissimum penem, & homuncionem lepidissimum appellat, unaque & altera liberalitate locupletavit. Scripta quidem ejus usque adeo probavit, mansuraque perpetuo . . . . . ut non modo Sæculare carmen componendum injunxerit, sed & Vindelicam victoriam Tiberii Drusique privignorum suorum: eumque coëgerit propter hoc, tribus Carminum libris ex longo intervallo quartum addere. Post Sermones vero lectos quosdam, nullam sui mentionem habitam ita sit questus: Irasci me tibi scito, quod non in plerisque ejusmodi scriptis mecum potissimum loquaris. An vereris ne apud posteros infame tibi sit, quod videaris familiaris nobis esse? Expressitque Eclogam, cujus initium est,

*Cum tot sustineas & tanta negotia solus,  
Res Italas armis tuteris, moribus ornes,  
Legibus emendes, in publica commoda peccem,  
Si longo sermone morer tua tempora, Cæsar.*

Habitu corporis brevis fuit atque obesus: qualis & à semetipso in Satyris describitur, & ab Augusto hac epistola: Pertulit ad me Dionysius libellum tuum, quem ego (ne accusem brevitatem) quantuluscunque est, boni consulo. Vereri autem mihi videris ne majores libelli tui sint quam ipse es: sed tibi statura deest, corpusculum non deest. Itaque licebit in sextariolo scribas, cum circuitus voluminis tui sit *ὀγχοδέσμιος* &, sicut est ventriculi tui.

Ad

5

Ad res Venereas Intemperantior traditur. Nam speculato cubiculo scorta dicitur habuisse disposita, ut quocunque respexisset, ibi ei imago coitus referretur. Vixit plurimum in secessu ruris sui Sabini aut Tiburtini: domusque ejus ostenditur circa Tiburni luculum. Venerunt in manus meas & elegi sub ejus titulo, & epistola prosa oratione quasi commendantis se Mæcenati; sed utraque falsa puto. Nam elegi vulgares, epistola obscura: quo vitio minime tenebatur. Natus est vi. id. Decembris, L. Cotta & L. Torquato Consulibus. Decessit v. Kal. Decemb. C. Mario Censorino & C. Asinio Gallo Coss. post nonum & quinquagesimum annum, hærede Augusto palam nuncupato, cum urgente vi valerudinis non sufficeret ad obsignandas testamenti tabulas. Humatus & conditus est extremis Esquiliiis juxta Mæcenatis tumulum.

*Ejusdem Horatii vita, in eodem codice  
aliter descripta.*

**Q**uintus Horatius Flaccus libertino patre natus in Apulia, cum parente in Sabinos commigravit. quem cum pater puerum Romanam misisset in ludum litterarium, parcissimis eruditus impensis, angustias patris vicit ingenio, coluitque adolescens Brutum, sub quo tribunus militum civili bello militavit: captusque à Cæsare post multum tempus, beneficio Mæcenatis non solum servatus, sed etiam in amicitiam receptus est. quapropter Mæcenati & Augusto in omnibus scriptis suis venerabiliter assurgit. Scripsit autem Carminum libr. iv. Epodon i. Carmen Sæculare. Semonum lib. i i. Epistolarum i i. De arte poëtica i. Commentari sunt in illum Porphyrio, Modestus, Helenius Acron. Omnium autem optime Acron.

# TESTIMONIA

de Scriptis

HORATII.

M. Fabius Quintilianus,  
De Lyricis Horatii.

**A**T LYRICORVM idem Horatius fere solus legi dignus. Nam & insurgit aliquando, & plenus est iucunditatis, & gratiæ; variis figuris & verbis felicissime audax.

De iisdem Petronius.

**P**æterea curandum est, ne sententiæ emineant extra corpus orationis expressæ, sed intexto vestibulo colore niteant. Homerus testis, & Lyrici, Romanusque Virgilius, & Horatii curiosa felicitas.

De Satyris Quintilianus.

**S**ATYRA quidem toto nostra est: in qua primus insignem laudem adeptus est Lucilius: qui quosdam ita deditos sibi adhuc habet amatores, ut eum non ejusdem modo operis autoribus, sed omnibus poetis præferre non dubitent. Ego quantum ab illis, tantum ab Horatio dissentio, qui Lucilium fluere lutulentum, & esse aliquid quod tollere possis, putat. Multo est tersior ac purus magis Horatius, & ad notandos hominum mores præcipuus.

De iisdem autor libri De causis  
corruptæ eloquentiæ,

**S**ed vobis utique versantur ante oculos, qui Lucilium pro Horatio, & Lucretium pro Virgilio legunt.

Idem, De autore.

**E**Xigitur enim jam ab oratore etiam poeticus decor: non Attii aut Pacuvii veterano inquinatus, sed ex Horatii & Virgilii & Lucani sacrario prolatus.



7

Q. HORATII  
FLACCII  
CARMINUM  
LIBER I.

ODE PRIMA.

*Alios aliis rebus duci : se lyricorum versuum studio teneri.*

**M**Æcenas atavis edite regibus ,  
O & præsidium , & dulce decus meum ;  
Sunt quos curriculo pulverem Olympicū  
Collegisse juvat , metaque fervidis  
Evitata rotis , palmaque nobilis  
Terrarum dominos evehit ad Deos.  
Hunc , si mobilium turba Quiritium  
Cerrat tergeminis tollere honoribus :  
Illum , si proprio condidit horreo  
Quicquid de Libycis verritur areis ,  
Gaudentem patrios findere sarculo  
Agros , Attalicis conditionibus  
Numquam dimoveas , ut trabe Cypria  
Myrtoum pavidus nauta secet mare.  
Luctantem Icariis fluctibus Africum  
Mercator metuens , otium , & oppidi  
Laudat rura sui : mox reficit rateis  
Quassas , indocilis pauperiem pati.  
Est qui nec veteris pocula Massici ,  
Nec partem solido demere de die  
Spernit , nunc viridi membra sub arbutō  
Stratus , nunc ad aquæ lene caput sacræ.  
Multos castra juvant , & lituo tubæ  
Permissus sonitus , bellaque matribus  
Detestata . manet sub jove frigido  
Venator , teneræ conjugis immemor  
Seu visa est catulis cerva fidelibus ,  
Seu rupit tereteis Marsus aper plagas .  
Me doctarum hederæ præmia frontium  
Diis miscent superis : me gelidum nemus ,  
Nympharumque leves cum Satyris chori ,

3 C A R M I N U M  
Secernunt populo ; si neque tibia  
Euterpe cohibet , nec Polyphymnia  
Lesboum refugit tendere harbiton.  
Quod si me Lyricis vatibus inferes ,  
Sublimi feriam sidera vertice.

AD AUGUSTUM CÆSAREM.

ODE II.

*Deos omnes iratos esse Romanis , ob Cæsaris eadem :  
unam imperii spem in Augusto constitutam.*

**I** Am satis terris nivi , atque diræ  
Grandinis misit pater , & rubente  
Dextera sacras jaculatus arceis ,  
Terruit urbem :  
Terruit genteis , grave ne rediret  
Sæculum Pyrrhæ nova monstra questæ.  
Omne cum Proteus pecus egit altos  
Visere monteis.  
Piscium & summa genus hæsit ulmo ,  
Nota quæ sedes fuerat columbis :  
Et superjecto pavidæ natarunt  
Æquore damæ.  
Vidimus flavum Tiberim retortis  
Littore Etrusco violenter undis ,  
Ire dejectum monumenta regis ,  
Templaque Vestæ :  
Iliæ dum se nimium querenti  
Jactat ultorem , vagus & sinistra  
Labitur ripa , Jove non probante ,  
Uxorius amnis.  
Audiet , civeis acuisse ferrum ,  
Quo graves Persæ melius perirent :  
Audiet pugas , vitio parentum  
Rara juvenus.  
Quem vocet divum populus , ruentis  
Imperi rebus ? prece qua fatigent  
Virgines sanctæ minus audientem  
Carmina Vestæ ?  
Cui dabit parteis scelus expiandi  
Jupiter ? tandem venias precamur ,  
Nube candenteis humeros amictus  
Augur Apollo :

Sive

LIBER I.

9

Sive tu mavis Erycina ridens ,  
 Quam Iocus circumvolat , & Cupido ,  
 Sive neglectum genus , & nepotes  
 Respicias auctor.

Heu nimis longo satiate ludo :  
 Quem juvat clamor , galeæque leves ,  
 Acer & Mauri peditis cruentum  
 Vultus in hostem.

Sive mutata juvenem figura ,  
 Ales in terris imitaris , almæ  
 Filius Majæ , patiens vocari  
 Cæsaris ultor :

Serus in cælum redeas , diuque  
 Ictus inter sis populo Quirini :  
 Neve te nostris vitiis iniquum  
 Ocyor aura

Tollat. hic magnos potius triumphos ,  
 Hic ames dici pater , atque princeps :  
 Neu finas Medos equitare inultos  
 Te duce Cæsar.

IN VIRGILIUM ATHENAS PRO-  
 FICISCENTEM.

ODE III.

*Secundam ei navigationem precatur : deinde occasionem  
 nactus , hominum audaciam detestatur.*

**S**ic te diva potens Cypri ,  
 Sic fratres Helenæ , lucida sidera ,  
 Ventorumque regat pater ,

Obstrictis aliis , præter Japyga :  
 Navis , quæ tibi creditum  
 Debes Virgilium , finibus Atticis  
 Reddas incolumem precor :

Et serves animæ dimidium meæ.  
 Illi robur , & æs triplex  
 Circa pectus erat , qui fragilem truci  
 Commisit pelago ratem

Primus , nec timuit præcipitem Africum  
 Decertantem Aquilonibus ,  
 Nec tristes Hyadas , nec rabiem Noti :

Quo non Arbiter Adriæ  
 Major , tollere seu ponere vult freta.



Seu poscat agna, sive malit hædo.  
 Pallida mors æquo pulsat pede pauperum taber-  
 Regumque turreis. ô beate Sexti, (nas,  
 Vitæ summa brevis spê nos vetat inchoare longâ,  
 Jam te premet nox, fabulæque manes,  
 Et domus exilis Plutonia, quo simul mearis,  
 Nec regna vini fortiere talis,  
 Nec tenerum Lycidâ mirabere, quo calet juvenus  
 Nunc omnis, & mox virgines tepebunt.

## AD PYRRHAM.

## ODE V.

*Miseros esse qui illius amore teneantur. se ex eo, tan-  
 quam è naufragio, enataste.*

**Q**uis multa gracilis te puer in rosa  
 Perfusus liquidis urget odoribus  
 Grato, Pyrrha, sub antro?  
 Cui flavam religas comam  
 Simplex munditiis? heu, quoties fidem,  
 Mutatosque deos flebit, & aspera  
 Nigris æquora ventis  
 Emirabitur insolens,  
 Qui nunc te fruitur credulus aures:  
 Qui semper vacuam, semper amabilem  
 Sperat, nescius auræ  
 Fallacis! miseri, quibus  
 Intentata nites. me tabula sacer  
 Votiva paries indicat, uvida  
 Suspendisse potenti  
 Vestimenta maris deo.

## AD VIPSANIUM AGRIPPAM.

## ODE VI.

*Bella ab eo gesta à Vario cantatum iri: se convivii  
 tantum, & amoribus describendis aptum esse.*

**S**criberis Vario fortis, & hostium  
 Victor, Mæonii carminis alite,  
 Quam rem cumque ferox navibus, aut equis  
 Miles te duce gesserit.  
 Nos, Agrippa, neque hæc dicere, nec gravem  
 Pelidæ

Pelidæ stomachum cedere nescii,  
 Nec cursus duplicis per mare Ulyssæi,  
 Nec sævam Pelopis domum  
 Conamur, tenues grandia: dum pudor,  
 Imbellisque lyræ musa potens vetat  
 Laudes egregii Cæsaris, & tuas  
 Culpa deterere ingeni.

Quis martem tunica tectum adamantina  
 Digne scripserit? aut pulvere Troico  
 Nigrum Merionen? aut ope Palladis  
 Tydiden superis parem?

Nos convivia, nos prælia virginum  
 Sectis in juvenes unguibus acrium  
 Cantamus vacui; sive quid urimur,  
 Non præter solitum leves.

### AD MUNATIUM PLANCUM CONSULAREM.

#### ODE VII.

*Alias aliis: sibi Tiburtinam regionem placere. Cohor-  
 tatio ad voluptates.*

**L** Audabunt alii claram Rhodon, aut Mitylenæ;  
 Aut Ephesum, bimariseve Corinthi  
 Mœnia, vel Baccho Thebas, vel Apolline Del-  
 Insigneis, aut Thessala Tempe. (phos  
 Sunt quibus unum opus est, intactæ Palladis urbem  
 Carmine perpetuo celebrare, &  
 Undique decerpæ frondi præponere olivam.  
 Plurimus, in Junonis honorem,  
 Aptum dicit equis Argos, diteisque Mycenæ.  
 Me nec tam patiens Lacedæmon,  
 Nec tam Larissæ percussit campus optimæ  
 Quam domus Albunæ resonantis,  
 Et præceps Anio, & Tiburni lucus, & uda  
 Mobilibus pomaria rivis.  
 Albus ut obscuro detergit nubila cælo  
 Sæpe Notus, neque parturit imbreis  
 Perpetuos: sic tu sapiens finire memento  
 Tristitiam, vitæque labores  
 Molli, Plance, mero; seu te fulgentia signis  
 Castra tenent, seu densa tenebit  
 Tiburis umbra tui. Teucer Salamina, patremque  
 Cum

## LIBER I.

13

Cum fugeret, tamen uda Lyæo  
 Tempora populea fertur vinxisse corona,  
 Sic tristes affatus amicos:  
 Quo nos cumque feret melior fortuna parente,  
 Ibimus ô socii, comitesque,  
 Nil desperandum Teucro duce, & auspice Teucro.  
 Certus enim promisit Apollo,  
 Ambiguam tellure nova Salamina futuram.  
 O fortes; pejoraque passi  
 Mecum sæpe viri, nunc vino pellite curas:  
 Cras ingens iterabimus æquor.

## AD LYDIAM.

## ODE VIII.

*Obscure juvenem quendam, quem Sybarin vocat, ut amare perditum, & voluptatibus colliquefactum, notat.*

**L**Ydia dic, per omneis  
 Te deos oro: Sybarin cur properes amando  
 Perdere: cur apricum  
 Oderit campum patiens pulveris, atque solis.  
 Cur neque militaris  
 Inter æqualeis equitet; Gallica nec lupatis  
 Temperet ora frenis.  
 Cur timet flavum Tiberim tangere? cur olivum  
 Sanguine viperino  
 Cautius vitat? neque jam livida gestat armis  
 Brachia, sæpe disco,  
 Sæpe trans finem jaculo nobilis expedito?  
 Quid latet, ut marinæ  
 Filium dicunt Thetidis sub lacrymosa Trojæ  
 Funera, ne virilis  
 Cultus in cædem, & Lycias proriperet catervas.

## AD TALIA RCHUM.

## ODE IX.

*Hyeme indulgendum voluptati.*

**V**ides, ut alta stet nive candidum  
 Soracte: nec jam sustineant onus  
 Silvæ laborantes: geluque  
 Flumina constiterint acuto.

Dissolve

Dissolve frigus , ligna super foco  
 Large reponens : atque benignius  
 Deprome quadrimum Sabina  
 O Thaliarche merum diota.

Permitte divis cætera : qui simul  
 Stravere ventos æquore fervido  
 Deprælianteis , nec cupressi  
 Nec veteres agitantur orni.

Quid sit futurum cras , fuge quærere : &  
 Quem fors dierum cumque dabit , lucro  
 Appone : nec dulceis amores  
 Sperne puer , neque tu choreas.

Donec virenti canities abest  
 Morosa , nunc & campus , & aræ ,  
 Lenesque sub noctem susurri  
 Composita repetantur hora :

Nunc & latentis proditor intimo  
 Gratus puellæ risus ab angulo :  
 Pignusque dereptum lacertis ,  
 Aut digito male pertinaci.

## IN MERCURIUM.

### O D E X.

**M**ercuri facunde , nepos Atlantis ,  
 Qui feros cultus hominum recentum  
 Voce formasti catus , & decoræ

More palæstræ :  
 Te canam magni Jovis , & deorum  
 Nuntium , curvæque lyræ parentem ,  
 Callidum , quicquid placuit , jocosum  
 Condere furto.

Te , boves olim nisi reddidisses  
 Per dolum amotas , puerum minaci.  
 Voce dum terret , viduus pharetra

Risit Apollo.  
 Quin & Atridas duce te superbos  
 Ilio dives Priamus relicto ,  
 Thessalosque igneis , & iniqua Trojæ  
 Castra fefellit.

Tu pias latis animas reponis  
 Sedibus : virgaque levem coërces.  
 Aurea turbam , superis deorum  
 Gratus , & imis,



## AD LEUCONOEN.

## ODE XI.

*Indulgendum voluptati, omiſſa futurorum cura.*

**T**U ne quæſieris ſcire. (nefas) quem mihi,  
quem tibi  
Finem Dii dederint, Leuconoe: nec Babylonios  
Tentaris numeros, ut melius, quicquid erit, pati.  
Seu plureis hiemes, ſeu tribuit Jupiter ultimam:  
Quæ nunc oppoſitis debilitat pumicibus mare  
Tyrrhenum: ſapias: vina liques: & ſpatio brevi  
Spem longâ reſeces. dum loquimur, fugerit invida  
Ætas. carpe diem, quam minimû credula poſtero.

## AD AUGUSTUM.

## ODE XII.

*Diis, heroibus, virisque aliquot claris laudatis, poſtremo commendat Auguſtum.*

**Q**Uem virum, aut heroa lyra, vel acri  
Tibia, ſumes celebrare Clio?  
Quem deum? cujus recinet jocosa  
Nomen imago,  
Aut in umbroſis Heliconis oris,  
Aut ſuper Pindo, gelidove in Hæmo?  
Unde vocalem temere inſecutæ  
Orphea ſilvæ,  
Arte materna rapidos morantem  
Fluminum lapſus, celereisque ventos,  
Blandum & auritas fidibus canoris  
Ducere quercus.  
Quid prius dicam ſolitis parentis  
Laudibus: qui res hominum ac deorum,  
Qui mare & terras, variisque mundum  
Temperat horis?  
Unde nil majus generatur ipſo:  
Nec viget quicquam ſimile, aut ſecundum:  
Proximos illi tamen occupavit  
Pallas honores.  
Præliis audax neque te ſilebo  
Liber, & ſævis inimica virgo

*Belluis:*

Belluis: nec te metuende certa

Phœbe sagitta.

Dicam & Alciden, puerosque Ledaë,

Hunc equis, illum superare pugnīs

Nobilem: quorum simul alba nautis

Stella refulsit,

Defluit faxis agitatus humor:

Concidunt venti, fugiuntque nubes:

Et minax (sic Dii voluere) ponto

Unda recumbit.

Romulum post hos prius, an quietum

Pompili regnum memorem, an superbos

Tarquini fasceis, dubito, an Catonis

Nobile lethum.

Regulum, & Scauros, animæque magnæ

Prodigum Paullum superante Pœno,

Gratus insigni referam camœna,

Fabricumque:

Hunc, & incomitis Curium capillis

Utilem bello tulit, & Camillum

Sæva paupertas, & avitus apto

Cum lare fundus.

Crescit, occulto velut arbor ævo

Fama Marcelli: micat inter omneis

Julium sidus, velut inter igneis

Luna minores.

Gentis humanæ pater atque custos

Orte Saturno, tibi cura magni

Cæsaris fatis data: tu secundo

Cæsare regnes.

Ille, seu Parthos Latio imminenteis

Egerit iusto domitos triumpho,

Sive subiectos Orientis oræ

Seras & Indos;

Te minor latum reget æquus orbem:

Tu gravi curru quaties Olympum;

Tu parum castis inimica mittes

Fulmina lucis.

## AD LYDIAM.

## ODE XIII.

*Dolet sibi Telephum anteponi.*

**C**um tu Lydia Telephi  
 Cervicem roseam, cerea Telephi  
 Laudas brachia; væ, meum  
 Fervens difficili bile tumet jecur.  
 Tunc nec mens mihi, nec color  
 Certa sede manent. humor & in genas  
 Furtim labitur, arguens  
 Quam lentis penitus macerer ignibus.  
 Uror, seu tibi candidos  
 Turparunt humeros immodicæ mero  
 Rixæ: sive puer furens  
 Impressit memorem dente labris notam.  
 Non, si me satis audias,  
 Speres perpetuum, dulciabarbare  
 Ludentem oscula, quæ Venus  
 Quinta parte sui nectaris imbuit.  
 Felices ter, & amplius,  
 Quos irrupta tenet copula, nec malis  
 Divulsus querimoniis,  
 Suprema citius solvet amor die.

IN BRUTUM, BELLUM CIVILE  
REPARANTEM.

## ODE XIV.

**O** Navis, referent in mare te novi  
 Fluctus. ô quid agis? fortiter occupa  
 Portum. nonne vides, ut  
 Nudum remigio latus,  
 Et malus celeri saucius Africo,  
 Antennæque gemant, ac sine funibus  
 Vix durare carinæ  
 Possint imperiosius  
 Hæ quor? non tibi sunt integra lintea:  
 Non Dii, quos iterum pressa voces malo:  
 Quamvis Pontica pinus,  
 Silvæ filia nobilis  
 Jactes & genus, & nomen inutile:

Nil pictis timidus navita puppibus

Fidit. tu, nisi ventis

Debes ludibrium, cave.

Nuper sollicitum quæ mihi tædium,

Nunc desiderium curaque non levis,

Interfusa nitenteis

Vites æquora Cycladas.

NEREI VATICINIUM DE  
RUINA TROJÆ.

ODE XV.

**P** Astor cum traheret perfreta navibus  
Idæis Helenam perfidus hospitam;

Ingrato celereis obruit otio

Ventos, ut caneret fera

Nereus fata. M A L A D U C I S avi domum,

Quam multo repetet Græcia milite,

Conjurata tuas rumpere nuptias,

Et regnum Priami vetus.

Eheu, quantus equis, quantus adest viris

Sudor! quanta moves funera Dardanæ

Genti! jam galeam Pallas, & Ægida,

Currusque, & rabiem parat,

Nequicquam Veneris præsidio ferox,

Pectus cæsariem: grataque sæminis

Imbelli cithara carmina divides.

Nequicquam thalamo graveis

Hastas, calami spicula Cnossii

Vitabis, strepitumque, & celerem sequi

Ajacem. tamen, heu! serus adulteros

Crineis pulvere collines.

Non laertiaden, exitium tuæ

Gentis, non Pylum Nestora respicis?

Urgent impavidi te Salaminus

Teucer, te Schenelus sciens

Pugnæ, siue opus est imperitare equis.

Non auriga piger. Merionem quoque

Nosces. ecce furit te reperire atrox

Tydides melior patre:

Quem tu, cervus uti vallis in altera

Visum parte lupum graminis immemor,

Sublimi fugies mollis anhelitu,

Non hoc pollicitus tuæ.

Iracun-

## LIBER I.

19

Iracunda diem proferet Ilio ,  
 Matronisque Phrygum classis Achillei.  
 Post certas hiemes uret Achaicus  
 Ignis Iliacas domos.

## PALINODIA.

## ODE XVI.

*Veniam petit à puella, quam jam bis laeserat.*

**O** Matre pulchra filia pulchrior ,  
 Quem criminosis cumque voles modum  
 Pones jambis ; sive flamma ,  
 Sive mari libet Adriano.

Non Dindymene , non adytis quatit  
 Mentem sacerdotum incola Pythius ,  
 Non liber æque : non acuta  
 Sic geminant Corybantes æra ,  
 Tristes ut iræ : quas neque Noricus  
 Deterret ensis , nec mare naufragum ,  
 Nec sævus ignis , nec tremendo  
 Jupiter ipse ruens tumultu.

Fertur Prometheus addere principi  
 Limo coactus particulam undique  
 Defectam , & infani leonis  
 Vim stomacho apposuisse nostro.

Iræ Thyesten exitio gravi  
 Stravere : & altis urbibus ultimæ  
 Stetere causæ , cur perirent  
 Funditus , imprimeretque muris  
 Hostile aratrum exercitus insolens.  
 Compesce mentem : me quoque pectoris  
 Tentavit in dulci juvena  
 Fervor , & in celeres jambos  
 Misit furentem. nunc ego mitibus  
 Mutare quæro tristia , dum mihi  
 Fias recantatis amica  
 Opprobriis , animumque reddas.

## AD TYNDARIDEM.

## ODE XVII.

*Invitat eam in Lucretilem.*

**V** Elox amœnum sæpe Lucretilem  
 Mutat Lycæo Faunus : & igneam

Defendit æstatem capellis

Uſque meis, pluviſque ventos.

Impune tutum per nemus arbutos

Quærunť latenteis, & thyma devix

Olentis uxores mariti.

Nec virideis metuunt colubras,

Nec Martialeis hædilia lupos:

Utrumque dulci Tyndari fiſtula

Valles, & Uſticæ cubantis

Lævia perſonuerē ſaxa.

Dii me tuentur: Diis pietas mea,

Et Muſa cordi eſt. hinc tibi copia

Manabit ad plenum benigno

Ruris honorum opulenta cornu.

Hic in reducta valle caniculæ

Vitabis æſtus: & fide Teja

Dices laboranteis in uno

Penelopen, vitreamque Circen.

Hic innocentis pocula Teſbii

Duces ſub umbra: nec Semeleius

Cum Marte confundet Thyoneus

Prælia: nec metues protervum

Suſpecta Cyrum; ne male diſpari

Incontinenteis injiciat manus,

Et ſcindat hærentem coronam.

Crinibus, immeritamque veſtem.

## AD QUINCTILIUM VARUM.

### ODE XVIII.

*Vini potu moderato hilarari animum: immoderato rixas  
excitari.*

**N**Ullum, Vare, ſacra vite prius ſeveris arborem  
Circa mite ſolum Tiburis, & mœnia Catili.

Siccis omnia nam dura Deus propoſuit: neque  
Mordaces aliter diffugiunt ſollicitudines.

Quis poſt vina gravem militiam, aut pauperiem  
crepat?

Quis non te potius Bacche pater, teque decens  
Venus?

At, ne quis modici tranſiliat munera Liberi,

Centaurea monet cum Lapithis rixa ſuper mero

Debellata: monet Sithoniis non levis Euius:

Cum

Cum fas atque nefas exiguo fine libidinum  
 Discernunt avidi. non ego te candide Bassareu  
 Invitum quatiā : nec variis obsita frondibus  
 Sub diū rapiam. sœva tene cum Berecynthio  
 Cornu tympana: quæ subsequitur cæcus amor sui,  
 Et tollens vacuum plus nimio gloria verticem,  
 Arcanique fides prodiga, perlucidior vitro.

## DE GLYCERA.

## ODE XIX.

*Se illius amore uri.*

**M**ater sœva Cupidinum,  
 Thebanæque jubet me Semelæ puer,  
 Et lasciva licentia  
 Finitis animum reddere amoribus.  
 Urit me Glyceræ nitor  
 Splendentis Pario marmore purius:  
 Urit grata protervitas,  
 Et vultus nimium lubricus aspici.  
 In me tota ruens Venus  
 Cyprum deseruit: nec patitur Scythas,  
 Et versis animosum equis  
 Parthum dicere: nec quæ nihil attinent.  
 Hic vivum mihi cespitem, hic  
 Verbenas pueri ponite, thuraque  
 Bimi cum patera meri.  
 Mactata veniet lenior hostia.

## AD MÆCENATEM.

## ODE XX.

*Invitat eam ad convivium minime sumptuosum.*

**V**ile potabis modicis Sabinum  
 Cantharis, Græca quod ego ipse testa  
 Conditum levi, datus in theatro  
 Cum tibi plausus,  
 Carè Mæcenas, equës: ut paterni  
 Fluminis ripæ, simul & jocosa  
 Redderet laudes tibi Vaticanæ  
 Montis imago.  
 Cæcubum, & prælo domitam Caleno

Tu hibes uvam. mea nec Falernæ  
 Temperant vites, neque Formiani  
 Pocula colles.

# IN DIANAM, ET APOLLINEM.

## ODE XXI.

*Saculare Carmen.*

**D**ianam teneræ dicite virgines,  
 Intonsum, pueri, dicite Cynthium,  
 Latonamque supremo  
 Dilectam penitus Jovi.

Vos lætam fluviis, & nemorum coma,  
 Quæcumque aut gelido prominet Algido,  
 Nigris aut Erymanthi  
 Silvis, aut viridis Cragi:

Vos Tempe totidem tollite laudibus,  
 Natalemque, mares, Delon Apollinis,  
 Insignemque pharetra,  
 Fraternaue humerum lyra.

Hic bellum lacrymosum, hic miseram famem,  
 Pestemque à populo, & principe Cæsare in  
 Persas, atque Britannos  
 Vestra motus aget prece.

## AD ARISTIUM.

## ODE XXII.

*Vita integritatem & innocentiam ubique esse tutam,*

**I**nteger vitæ, scelerisque purus,  
 Non eget Mauri jaculis, nec arcu:  
 Nec venenatis gravida sagittis  
 Fusce, pharetra.

Sive per Syrteis iter æstuosas,  
 Sive facturns per inhospitalem  
 Caucasum, vel, quæ loca fabulosus  
 Lambit Hydaspes.

Namque me silva lupus in Sabina,  
 Dum meam canto Lalagen, & ultra  
 Terminum, curis vagor expeditus,  
 Fugit inermem.

Quale portentum neque militaris

Daunia



# LIBER I.

21

Daunia in latis alit esculetis ,  
Nec Jubæ tellus generat , leonum  
Arida nutrix.

Pone me , pigris ubi nulla campis  
Arbor æstiva recreatur aura ,  
Quod latus mundi nebulæ , malusque  
Jupiter urget :

Pone sub curru nimium propinqui  
Solis , in terra domibus negata ;  
Dulce ridentem Lalagen amabo ,  
Dulce loquentem.

## AD CHLOEN.

### ODE XXIII

*Non esse jam , quod virileis complexus extimescat , viro  
matura.*

**V**itas hinnuleo me similis , Cloë ,  
Quærenti pavidam montibus aviis  
Matrem non sine vano  
Aurarum , & silvæ metu.

Nam seu mobilibus veris inhorruit  
Adventum foliis , seu virides rubum  
Dimovere lacertæ :  
Et corde , & genibus tremit.

Atqui non ego te , tigris ut aspera ,  
Getulusve leo frangere persequor.  
Tandem desine matrem ,  
Tempestiva sequi viro.

## AD VIRGILIUM.

### ODE XXIV.

*Deflect Quintilii Vari mortem.*

**Q**uis desiderio sit pudor , aut modus  
Tam cari capitis ? præcipe lugubreis  
Cantus Melpomene : cui liquidam pater  
Vocem cum cithara dedit.

Ergo Quintilium perpetuus sopor  
Urget ? cui pudor , & justitiæ soror  
Incorrupta fides , nudaque veritas ,  
Quando ullum invenient parem ?

Multis ille bonis flebilis occidit :  
 Nulli flebilior , quam tibi , Virgili.  
 Tu frustra pius , heu , non ita creditum ,  
 Poscis Quinctilium deos.

Quid si Threicio blandius Orpheo  
 Auditam moderere arboribus fidem ?  
 Num vanæ redeat sanguis imagini ,  
 Quam virga semel horrida

Non lenis precibus fata recludere ,  
 Nigro compulerit Mercurius gregi ?  
 Durum , sed levius fit patientia ,  
 Quicquid corrigere est nefas.

## A D L Y D I A M.

## O D E X X V.

*Insultat ei, quod jam vetula, vicissim à juvenibus  
 contemnatur.*

P Arcius junctas quatiunt fenestras  
 Ictibus crebis juvenes protervi :  
 Nec tibi somnos adimunt , amatque  
 Janua limen :

Quæ prius multum facileis movebat  
 Cardines. audis minus , & minus jam ,  
 Me tuo longas pereunte nocteis  
 Lydia dormis ?

Invicem mœchos anus arroganteis  
 Flebis in solo levis angiportu ,  
 Thracio bacchante magis sub inter-  
 Lunia vento ,

Cum tibi flagrans amor , & libido ,  
 Quæ solet matres furiare equorum ,  
 Sæviet circa jecur ulcerosum ,  
 Non sine questu ;

Læta quod pubes hedera virenti  
 Gaudeat , pulla magis atque myrto :  
 Aridas frondeis hiemis sodali  
 Dedicet Hebro.

## DE ÆLIO LAMIA.

## ODE XXVI.

*Se soluto animo velle Lamiam laudare.*

**M**Uſis amicus, triſtitiâ & metus  
Tradam protervis in mare Creticum  
Portare ventis, quis ſub arcto  
Rex gelidæ metuatur oræ,

Quid Tiridatem terreat, unice  
Securus. ô, quæ fontibus integris  
Gaudes, apricos neſte flores,  
Neſte meo Lamix coronam,

Pimplea dulcis: nil line te mei  
Proſunt honores. hunc fidibus novis,  
Hunc Leſbio ſacrare plectro,  
Teque tuasque decet ſorores.

## AD SODALES.

## ODE XXVII.

*Ad ſodales inter pocula rixantes, & poculis ipsis pug-  
nantes, invitatus ut bibat, id ſe ea lege ſaturum,  
ſi frater Megillæ nomen amicæ ſuæ proſerat, vel ſibi  
in aurem dicat.*

**N**Atis in uſum lætitiæ ſcyphis  
Pugnare, Thracum eſt. tollite barbarum  
Morem: verecundumque Bacchum  
Sanguineis prohibete rixis.

Vino & lucernis Medus acinaces  
Immane quantum diſcrepat. impium  
Lenite clamorem ſodales,  
Et cubito remanete preſſo.

Vultis ſeveri me quoque ſumere.  
Partem Falerni? dicat Opuntix  
Frater Megillæ, quo beatus  
Vulnere, qua pereat ſagitta.

Ceſſat voluntas? non alia bibam  
Mercede. quæ te cumque domat Venus,  
Non erubescendis adurit  
Ignibus, iugenuoque ſemper

Amore peccas, quicquid habes, age,

Depone tutis auribus ah miser,  
Quanta laboras in Charybdi!  
Digne puer me' iore flamma.

Quæ saga, quis te solvere Theſſalis  
Magus venenis, quis poterit deus?  
Vix illigatum te triformi  
Pegasus expediet Chimæra.

## IN ARCHYTAM.

## ODE XXVIII.

*Inducitur Archytas nautæ cuidam respondens omnibus  
esse moriendum, oratque ne se insepultum jacere patia-  
tur: sed corpori suo terram, aut arenam injiciat.*

**T**E maris, & terræ, numeroque carentis arenæ  
Menforem cohibent, Archyta,  
Pulveris exigui prope littus parva Matinum  
Munera: nec quicquam tibi prodest  
Aerias tentasse domos, animoque rotundum  
Percurrisse polum morituro.  
Occidit & Pelopis genitor, conviva deorum,  
Tithonusque remotus in auras,  
Et Jovis arcanis Minos admissus: habentque  
Tartara Penthoiden iterum Orco  
Demissum: quamvis clypeo Trojano refixo  
Tempora testatus, nihil ultra  
Nervos atque cutem morti concesserat atre;  
Judice te, non sordidus auctor  
Naturæ, verique. Sed omneis una manet nox,  
Et calcanda semel via lethi,  
Dant Alios Furæ torvo spectacula Marti:  
Exitio est avidis mare nauris.  
Mista senum ac juvenum densantur funera. nul-  
Sæva caput Proserpina fugit. (lum  
Me quoque devexi rapidus comes Orionis  
Illyricis Notus obruit undis.  
At tu nauta vagæ ne parce malignus arenæ  
Ossibus & capiti inhumato  
Particulam dare, sic, quodcunque minabitur Eurus  
Fluctibus Hesperiiis, Venusinæ  
Plectantur silvæ te sospite: multaquæ merces  
Unde potest, tibi defluat æquo  
Ab Jove, Neptunoque sacri custode Tarenti.

Negligis immeritis nocituram  
 Postmodo te natis fraudem committere. forsan  
 Debita jura vicesque superbæ  
 Te maneant ipsum: precibus non linquar inultis:  
 Teque piacula nulla resolvent.  
 Quamquam festinas, non est mora longa: licebit  
 Injecto ter pulvere curras.

## AD ICCIUM.

## ODE XXIX.

*Mirum quiddam, & monstri simile esse ait, cum Philo-  
 sophiæ studio ad militiam transisse.*

**I**cci, beatis nunc Arabum invides  
 Gazis: & acrem militiam paras  
 Non ante devictis Sabææ  
 Regibus: horribilique Medo  
 Nectis catenas. quæ tibi virginum  
 Sponso necato barbara serviet?  
 Puer quis ex aula capillis  
 Ad cyathum statuetur unctis.

Doctus sagittas tendere Sericas  
 Arcu paterno? quis neget arduis  
 Pronos relabi posse rivos  
 Montibus, & Tiberim reverti;  
 Cum tu coemptos undique nobileis  
 Libros Panæti, Socraticam & domum  
 Mutare loricis Iberis,  
 Pollicitus meliora, tendis?

## AD VENEREM.

## ODE XXX.

*Ut in ædeis Glyceræ veniat.*

**O**Venus regina Cnidi, Paphique,  
 Sperne dilectam Cypron, & vocantis  
 Thure te multo Glyceræ decoram  
 Transfer in ædem.  
 Fervidus tecum puer, & solutis  
 Gratæ zonis, properentque Nymphæ,  
 Et parum comis sine te Juventas,  
 Mercuriusque.

*Se non opulentiam, sed tranquillam hilaremque vitam  
ab Apolline poscere.*

**Q**uid dedicatum poscit Apollinem  
Vates? quid orat, de patera novum  
Fundens liquorem? non opimas  
Sardiniae segetes feracis,  
Non æstuosæ grata Calabriæ  
Armenta: non aurum, aut ebur Indicum,  
Non rura, quæ Liris quieta  
Mordet aqua, taciturnus amnis.  
Premant Calæna falce, quibus dedit  
Fortuna vitem: dives & aureis  
Mercator exsiccet culullis  
Vina Syra reparata merce,  
Diis carus ipsis: quippe ter & quater  
Anno revisens æquor Atlanticum  
Impune. me pascunt olivæ,  
Me cichorea, levesque malvæ.  
Frui paratis & valido mihi  
Latœ donec, &, precor, integra  
Cum mente: nec turpem senectam  
Degere, nec cithara carentem.

*Barbiton sive testudinem suam commendat.*

**P**osimus, si quid vacui sub umbra  
Lusimus tecum, quod & hunc in annum  
Vivat, & plureis: age, dic Latinum  
Barbite carmen,  
Lesbio primum modulata civi:  
Qui ferox bello, tamen inter arma,  
Sive jactatam religarat udo  
Littore navim,  
Liberum, & Musas, Veneremque, & illi  
Semper hærentem puerum canebat,  
Et Lycum nigris oculis, nigroque  
Crine decorum.  
O decus Phœbi, & dapibus supremi  
Grata testudo Jovis, ô laborum  
Dulce lenimen, mihi cumque salve  
Rite vocanti.

## AD ALBIUM TIBULLUM.

## ODE XXXIII.

*Ne doleat sibi rivalem juniorem à Glycera anteponi.*

**A**lbi ne doleas plus nimio memor  
Immitis Glyceræ, neu miserabileis  
Decantes elegos, cur tibi junior  
Læsa præniteat fide.

Insignem tenui fronte Lycorida  
Cyri torret amor: Cyrus in asperam  
Declinat Pholoen. sed prius Appulis  
Jungentur capræ lupis,  
Quam turpi Pholoë peccet adultero.  
Sic visum Veneri: cui placet impares  
Formas, atque animos sub juga ænea  
Sævo mittere cum joco.

Ipsam me melior cum peteret Venus,  
Grata detinuit compede Myrtale  
Libertina, fretis acrior Adriæ  
Curvantis Calabros sinus.

## ODE XXXIV.

*Panitere se, quod dum Epicuream disciplinam sectaretur, parum studiose Deos coluerit.*

**P**arcus Deorum cultor, & infrequens,  
Infanientis dum sapientiæ  
Consultus erro, nunc retrorsum  
Vela dare, atque iterare cursus  
Cogor relictos. namque Diespiter  
Igni corusco nubila dividens,  
Plerumque per purum tonanteis  
Egit equos, volucremque currum:  
Quo bruta tellus, & vaga flumina,  
Quo Styx, & invisi horrida Tænari  
Sedes, Atlanteusque finis  
Concutitur. valet ima summis

Mutare, & insignem attenuat Deus,  
Obscura promens. hinc apicem rapax  
Fortuna cum stridore acuto  
Sustulit: hic posuisse gaudet.

*Ad Fortunam : quam orat ut servet Cæsarem in Britannos ire meditantem.*

**O** Diva , gratum quæ regis Antium ,  
Præsens vel imo tollere de gradu  
Mortale corpus , vel superbos  
Vertere funeribus triumphos :

Te pauper ambit sollicita prece  
Ruris colonus : te dominam æquoris ,  
Quicumque Bithyna laceffit  
Carpathium pelagus carina.

Te dacus asper , te profugi Scythæ ,  
Urbesque , gentesque , & Latium ferox ,  
Regumque matres barbarorum , &  
Purpurei metuunt tyranni ,

Injurioso ne pede proruas  
Stantem columnam : neu populus frequens  
Ad arma cessanteis , ad arma  
Concitet , imperiumque frangat.

Te semper anteit sæva necessitas ,  
Clavos trabaleis , & cuneos manu  
Gestans æna : nec severus  
Uncus abest , liquidumque plumbum.

Te Spes , & albo rara Fides colit  
Velata panno , nec comitem abnegat ,  
Utcumque mutata potenteis  
Veste domos inimica linquis.

At vulgus infidum , & meretrix retro  
Perjura cedit. diffugiunt cadis  
Cum fæce siccatis amici  
Ferre jugum pariter dolosi.

Servesitutum Cæsarem in ultimos  
Orbis Britannos , & juvenum recens  
Examen Eois timendum  
Partibus , Oceanoque rubro.

Eheu : cicatricum , & sceleris pudet ,  
Fratrumque. quid nos dura refugimus  
Ætas ? quid intactum nefasti  
Liquimus ? unde manus juvenus

Metu Deorum continuit ? quibus  
Pepercit aris ? ô utinam nova  
Incude dissingas retusum in  
Massagetis , Arabasque ferrum.



IN HONOREM POMPONII  
NUMIDÆ.

## ODE XXXVI.

*Ob Numidæ reditum gaudio exultat.*

**E**T thure, & fidibus jurat  
 Placare, & vituli sanguine debito  
 Custodes Numidæ deos:  
 Qui nunc Hesperia sospes ab ultima  
 Caris multa sodalibus,  
 Nulli plura tamen dividit oscula,  
 Quam dulci Lamiæ, memor  
 Actæ non alio rege puertiæ,  
 Mutatæque simul togæ.  
 Cressa ne careat pulchra dies nota:  
 Neu promptæ modus amphoræ,  
 Neu morem in Salium sit requies pedum:  
 Neu multi Damalis meri  
 Bassum Threicia vincat amyctide:  
 Neu desint epulis rosæ:  
 Neu vivax apium, neu breve lilium.  
 Omnes in Damalin putreis  
 Deponent oculos: nec Damalis novo  
 Divelletur adultero,  
 Lascivis hederis ambitiosior.

## AD SODALES.

## ODE XXXVII.

*Ob victoriam Asiaticam, genio indulgendum esse.*

**N**unc est bibendum: nunc pede libero  
 Pulsanda tellus: nunc Saliaribus.  
 Ornare pulvinar deorum  
 Tempus erat dapibus, sodales.  
 Antehac nefas depromere Cæcubum  
 Cellis avitis, dum Capitolio  
 Regina dementis ruinas,  
 Funus & imperio parabat,  
 Contaminato cum grege turpium  
 Morbo virorum quidlibet impotens  
 Sperare, fortunaque dulci

Ebria.

Ebria. sed minuit furorem

Vix una sospes navis ab ignibus :  
Mentemque lymphatam Mareotico  
Redegit in veros timores  
Cæsar ab Italia volantem

Remis adurgens , accipiter velut  
Molleis columbas , aut leporem citus  
Venator in campis nivalis  
Æmoniaë , daret ut catenis

Fatale monstrum : quæ generosius  
Perire quærens , nec muliebriter  
Expavit enses , nec latenteis  
Classe cita reparavit oras.

Ausa & jacentem visere regiam  
Vultu sereno fortis , & asperas  
Tractare serpenteis , ut atrum  
Corpore combiberet venenum

Deliberata morte ferocior :  
Sævis Liburnis scilicet invidens  
Privata deduci superbo  
Non humilis mulier triumphos

### A D P U E R U M .

### O D E XXXVIII.

*Se tenui apparatu gaudere.*

**P**erfidos odi , puer , apparatus :  
Displicent nexæ philyra coronæ :  
Mitte sectari , rosa quo locorum

*Sera moretur.*

Simplici myrto nihil allabores  
Sedulus curo. neque te ministrum  
Dedecet myrtus , neque me sub arcta  
Vite bibentem.

Q. HORATII  
FLACCICI  
CARMINUM  
LIBER II.

AD C. ASINIUM POLLIONEM.

ODE I.

*Commendat scripta illius, quibus bella civilia completebatur.*

**M**otum ex Metello consule civicum,  
Bellique causas, & vitia, & modos,  
Ludumque Fortunæ, graveisque  
Principum amicitias, & arma

Nondum expiatis uncta cruoribus,  
Periculosa plenum opus alex  
Tractas, & incedis per igneis  
Suppositos cineri dolofo.

Paullum severæ Musa tragædiæ  
Desit theatri: mox, ubi publicas  
Res ordinari, grande munus  
Cecropio repetes cothurno,  
Insigne mœstis præsidium reis,  
Et consulenti, Pollio, curiæ:  
Cui laurus æternos honores  
Dalmatico peperit triumpho.

Jam nunc minaci murmure cornuum  
Perstringit aureis. jam litui strepunt:  
Jam fulgor armorum fugaceis  
Terret equos, equitumque vultus.

Audire magnos jam videor duces  
Non indecoro pulvere sordidos,  
Et cuncta terrarum subacta,  
Præter atrocem animum Catonis.

Juno, & deorum quisquis amicior  
Afris, inulta cesserat impotens  
Tellure, victorum nepotes  
Rettulit inferias Jugurthæ.

Quis non Latino sanguine pinguior

Campus, sepulchris impia prœlia  
 Testatur, auditumque Medis  
 Hesperiaë sonitum ruinæ?

Qui gurgēs, aut quæ flumina lugubris  
 Ignara belli? quod mare Dauniæ  
 Non decoloravere cædes?  
 Quæ caret ora cruore nostro?

Sed ne, relictis Musa procax jocis,  
 Cææ retractes munera nœniæ,  
 Mecum Dionæo sub antro  
 Quære modos levioꝛe plectro.

# AD C. SALLUSTIUM CRISPUM.

## ODE II.

*Primo Proculeium laudat ob liberalitatem in fratres :  
 deinde ostendit, eum qui suas cupiditatis reprimere,  
 pecuniamque contemnere possit, solum regem, solum  
 beatum esse.*

**N**Ullus argento color est, avaris  
 Abditæ tērris inimice laminae  
 Crispe Sallusti, nisi temperato  
 Splendeat usu.

Vivet extento Proculejus ævo,  
 Notus in fratres animi paterni.  
 Illum aget penna metuente solvi  
 Fama superstes.

Latius regnes avidum domando  
 Spiritum, quam si Libyam remotis  
 Gadibus jungas, & uterque Pœnus  
 Serviat uni.

Crescit indulgens sibi dirus hydrops:  
 Nec sitim pellit, nisi causa morbi  
 Fugerit venis, & aquosus albo  
 Corpore languor.

Redditum Cyri solio Phraaten  
 Dissidens plebi, numero beato-  
 Rum eximit virtus: populumque falsis  
 Dedocet uti

Vocibus, regnum & diadema tutum  
 Deferens uni, propriamque laurum,  
 Quisquis ingenteis oculo irretorto  
 Spectat acervos.

## AD DELLIIUM.

## ODE III.

*Neque demittendum adversis, neque effereendum secundis rebus animum: sed hilariter vivendum, cum aqua sit omnibus moriendi conditio.*

**Æ** Quam memento rebus in arduis  
Servare mentem: non secus in bonis  
Ab insolenti temperatam  
Lætitia, moriture Delli,

Seu mæstus omni tempore vixeris:  
Seu te in remoto gramine per dies  
Festos reclinatum bearis  
Interiore nota Falerni.

Quæ pinus ingens, albaque populus  
Umbram hospitalem confociare amant  
Ramis, qua obliquo laborat  
Lympha fugax trepidare rivo:

Huc vina, & unguenta, & nimium brevis  
Flores amœnæ ferre jube rosæ:  
Dum res, & ætas, & sororum  
Fila trium patiuntur atra.

Cedes coemtis saltibus, & domo,  
Villaque, flavus quam Tiberis lavit,  
Cedes: & exstructis in altum  
Divitiis potietur hæres.

Divesne prisco natus ab Inacho  
Nil interest, an pauper, & infima  
De gente sub dio moreris,  
Victima nil miserantis Orci.

Omnes eodem cogimur: omnium  
Versatur urna: serius, ocys,  
Sors exitura: & nos in æter-  
Num exsilium impositura cymba.

## AD XANTHIAM PHOCEUM.

## ODE IV.

*Quod ancillam amet, non esse, cur eum pudeat: multis enim magnis viris idem usu venisse.*

**N**E sit ancillæ tibi amor pudori  
Xanthia Phoceu, prius insolentem

Serva Briseis niveo colore  
 Movit Achillem.  
 Movit Aiace Telamone natum  
 Forma captivæ dominum Tecmessæ ?  
 Arsit Atrides medio in triumpho  
 Virgine rapta :  
 Barbaræ postquam cecidere turmæ  
 Thessalo victore : & ademptus Hector  
 Tradidit fessis leviora tolli  
 Pergama Grajis.  
 Nescias , an te generum beati  
 Phyllidis flavæ decorent parentes.  
 Regium certe genus , & penateis  
 Mœret iniquos.  
 Crede non illam tibi de scelestâ  
 Plebe delectam : neque sic fidelem ,  
 Sic lucro aversam , potuisse nasci  
 Matre pudenda.  
 Brachia , & vultum , tereteisque suras  
 Integer laudo. fuge suspicari ,  
 Cujus octavum trepidavit ætas  
 Claudere lustrum.

## O D E . V .

*Revocandam esse mentem à cupiditate virginis immaturæ.*

**N** Ondum subacta ferre jugum valet  
 Cervice : nondum munia comparis  
 Æquare : nec tauri ruentis  
 In Venerem tolerare pondus.  
 Circa virentis est animus tuæ  
 Campos juvencæ , nunc fluvii gravem  
 Solantis æstus , nunc in udo  
 Ludere cum vitulis salictis  
 Prægestientis. tolle cupidinem  
 Immitis uvæ . jam tibi lividos  
 Distinguet autumnus racemos  
 Purpureo varius colore.  
 Jam te sequetur : currit enim ferox  
 Ætas : & illi , quos tibi demserit ,  
 Apponet annos. jam proterva  
 Fronte petet Lalage maritum ,  
 Dilecta , quantum non Pholoë fugax ,

Non

## LIBER II.

37

Non Chloris : albo sic humero nitens ,  
 Ut pura nocturno renidet  
 Luna mari , Cnidiufve Gyges :  
 Quem si puellarum infereres choro ,  
 Mire fagaceis falleret hospites  
 Discrimen obscurum , solutis  
 Crinibus , ambiguoque vultu.

## AD SEPTIMIUM.

## ODE VI.

*Tiburinae , & Tarentinae regionis amantatem laudat.*

**S**eptimi Gadeis aditure mecum , &  
 Cantabrum indoctum juga ferre nostra , &  
 Barbaras Syrteis , ubi Maura semper  
     Æstuat unda ,  
 Tibur Argeo positum colono  
 Sit meæ sedes utinam senectæ :  
 Sit modus lasso maris , & viarum ,  
     Militiæque.  
 Unde si Parcæ prohibent iniquæ ,  
 Dulce pellitis ovibus Galefi  
 Flumen , & regnata petam Laconi  
     Rura Phalantho.  
 Ille terrarum mihi præter omneis  
 Angulus ridet , ubi non Hymetto  
 Mella decedunt , viridique certat  
     Bacca Venafro :  
 Ver ubi longum , tepidasque præbe  
 Jupiter brumas : & amicus Aulon  
 Fertilis Baccho , minimum Falernis  
     Invidet uvis.  
 Ille te mecum locus , & beatæ  
 Postulant arces : ibi tu calentem  
 Debita sparges lachryma favillam  
     Vatis amici.

## AD POMPEIUM VARUM.

## ODE VII.

*Cui reditum gratulatur.*

**O** Sæpe mecum tempus in ultimum :  
 Deducte Bruto militiæ duce ,

Quis te redonavit Quiritum  
 Diis patriis, Italoque cælo,  
 Pompei meorum prime sodalium?  
 Cum quo morantem sæpe diem mero  
 Fregi, coronatus nitenteis  
 Malobathro Syrio capillos.

Tecum Philippos, & celerem fugam  
 Senti, relicta non bene parmula:  
 Cum fracta virtus, & minaces  
 Turpe solum tetigere mento.

Sed me per hosteis Mercurius celer  
 Denso paventem sustulit aëre:  
 Te rursus in bellum resorbens  
 Unda fretis milit-æstuosis.

Ergo obligatam redde Jovi dapem:  
 Longaque fessum militia latus  
 Depone sub lauru mea: nec  
 Parce cadis tibi destinatis.

Oblivioso levia Massico  
 Ciboria exple: funde capacibus  
 Unguenta de conchis. quis udo  
 Deproperare apio coronas,

Curatve myrto? quem Venus arbitrum  
 Dicit bibendi? non ego sanius  
 Bacchabor Edonis. recepto  
 Dulce mihi furere est amico.

## I N B A R I N E M.

## O D E V I I I.

*Non esse, cur ei juranti credatur: Formosarum enim  
 perjurja à diis non vindicari.*

Ulla si juris tibi pejerati  
 Pœna, Barine, nocuisset unquam:  
 Dente si nigro fieres, vel uno  
 Turpior ungui:

Crederem. sed tu, simul obligasti  
 Perfidum votis caput, enitescis  
 Pulchrior multo, juvenumque prodis  
 Publica cura.

Expedi matris cineres opertos  
 Fallere, & toto taciturna noctis  
 Signa cum cælo, gelidaque divos



Morte carenteis.

Ridet hoc, inquam, Venus ipsa: rident  
Simplices Nymphæ. ferus & Cupido,  
Semper ardenteis acuens sagittas

Cote cruenta.

Adde, quod pubes tibi crescit omnis:  
Servitus crescit nova: nec priores  
Impiæ tectum dominæ relinquunt,  
Sæpe minati.

Te suis matres metuunt juvencis:  
Te senes parci: miseræque nuper  
Virgines nuptæ; tua ne retardet  
Aura maritos.

## AD VALGIUM.

## ODE IX.

*Ut mortuum puerum aliquando flere desinat.*

**N**on semper imbres nubibus hispidos  
Manant in agros, aut mare Caspium  
Vexant inæquales procellæ  
Usque: nec Armeniis in oris,  
Amice Valgi, stat glacies iners  
Menſeis per omneis, aut Aquilonibus  
Querceta Gargani laborant,  
Et foliis viduantur orni.

Tu semper urges flebilibus modis  
Myſten ademtum: nec tibi vespero  
Surgente decedunt amores,  
Nec rapidum fugiente solem.

At non ter ævo functus amabilem  
Ploravit omneis Antilochum senex  
Annos: nec impubem parentes  
Troilon, aut Phrygiæ sorores

Flevire semper. desine mollium  
Tandem querelarum: & potius nova  
Cantemus Augusti tropæa  
Cæsaris, & rigidum Niphaten,

Medumque flumen gentibus additum  
Victis, minores volvere vortices:  
Intraque præscriptum Gelonos  
Exiguus equitare campis.

*Retinendam esse mediocritatem, & animi in utraque fortuna æquabilitatem.*

**R**ectius vives Licini, neque altum  
Semper urgendo: neque, dum procellat  
Cautus horrescis, nimium premendo  
Littus iniquum.

Auream quisquis mediocritatem  
Diligit, tutus caret obsoleti  
Sordibus tecti, caret invidenda  
Sobrius aula.

Sæpius ventis agitur ingens  
Pinus: & celsæ graviore casu  
Decidunt turre: feriuntque summos  
Fulmina montes.

Sperat infestis, metuit secundis  
Alteram sortem bene præparatum  
Pectus. informeis hiemes reducit  
Jupiter: idem

Summovet, non, si male nunc, & olim  
Sic erit. quondam cithara tacentem  
Suscitât Musam, neque semper arcum  
Tendit Apollo.

Rebus angustis animosus, atque  
Fortis appare. sapienter idem  
Contrahe vento nimium secundo  
Turgida vela.

*Omissis curis, jucunde vivendum esse.*

**Q**uid bellicosus Cantaber, & Scythes,  
Hirpine Quincti, cogitet, Adria  
Divisus objecto, remittas  
Quærere: nec trepides in usum  
Poscentis ævi pauca. fugit retro  
Levis Juventus, & decor, arida  
Pellente lascivos amores

Canitie,

Canitie, facilemque somnum.

Non semper idem floribus est honos  
Vernis: neque uno Luna rubens nitet  
Vultu. quid æternis minorem  
Consiliis animum fatigas?

Cur non sub alta vel platano, vel hac  
Pinu jacentes sic temere, & rosa  
Canos odorati capillos,

Dum licet, Assyriaque nardo,  
Potamus uncti? dissipat Euius  
Curas edaceis. quis puer ocyus  
Restinguet ardentis Falerni  
Pocula prætereunte lympa?

Quis devium scortum eliciet domo  
Lyden? eburna, dic, age, cum lyra  
Maturet incommum Lacænæ  
More comam religata nodum.

## AD MÆCENATEM.

## ODE XII.

*Res graveis & tragicas lyricis versibus non convenire.  
Soluta autem oratione, res Augusti Mæcenatem ipsum  
per scripturum. se nihil posse, præter Lycymniæ for-  
mam canere.*

**N**olis longa feræ bella Numantiæ,  
Nec dirum Annibalem, nec Siculum mare  
Pæno purpureum sanguine, mollibus  
Aptari citharæ modis:

Nec sævos Lapithas, & nimium mero  
Hyleum, domitosque Herculeæ manu  
Telluris juvenes, unde periculum  
Fulgens contremuit domus

Saturni veteris: tuque pedestribus  
Dices historiis prælia Cæsaris  
Mæcenæ melius, ductaque per vias  
Regum colla minacium.

Me dulcis dominæ Musa Lycymniæ  
Cantus, me voluit dicere lucidum  
Fulgenteis oculos, & bene mutuis  
Fidum pectus amoribus:

Quam nec ferre pedem dedecuit choris:  
Nec certare joco, nec dare brachia

Ludentem nitidis virginibus , sacro  
Dianæ celebris die.

Num tu , quæ tenuit dives Achæmenes ,  
Aut pinguis Phrygiæ Mygdonias opes ,  
Permutare velis erine Lycymniæ ,  
Plenas aut Arabum domos :

Cum fragrantia detorquet ad oscula  
Cervicem , aut facili sævitia negat ,  
Quæ poscente magis gaudeat eripi ;  
Interdum rapere occupet.

IN ARBOREM, CUJUS CASU IN  
AGRO SABINO PÆNE  
OPPRESSUS EST.

## ODE XIII.

*Numquam homini satis exploratum esse , quid vitare de-  
beat. Sapphonis & Alcæi laudes.*

**I**lle & nefasto te posuit die ,  
Quicumque primum , & sacrilega manu  
Produxit arbos , in nepotum  
Perniciem , opprobriumque pagi.

Illum & parentis crediderim sui  
Fregisse cervicem , & penetralia  
Sparsisse nocturno cruore  
Hospitis : ille venena Colchi-

Ca , & quicquid usquam concipitur nefas  
Traçtavit , agro qui statuit meo  
Te , triste lignum , te caducum  
In domini caput immerentis.

Quid quisque vitet , numquam homini satis  
Cautum est in horas. navita Bosporum  
Pœnus per horrescit , neque ultra  
Cæca timet aliunde fata.

Miles sagittas , & celerem fugam  
Parthi : catenas Parthus , & Italum  
Robur. sed improvisa lethi  
Vis rapuit , rapietque genteis.

Quam pæne furvæ regna Proserpinæ ,  
Et judicantem vidimus Æacum ,  
Sedeisque descriptas piorum , &  
Æoliis fidibus querentem

Sappho puellis de popularibus !

Et te sonantem plenius aureo ,

Alcæ , plectro , dura navis ,

Dura fugæ mala , dura belli !

Utrumque sacro digna silentio

Mirantur umbræ dicere : sed magis

Pugnas , & exactos tyrannos

Densum humeris bibit aure vulgus.

Quid mirum , ubi illis carminibus stupens

Demittit atras bellua centiceps

Aureis ? & intorti capillis

Eumenidum recreantur angues ?

Quin & Prometheus & Pelopis parens

Dulci laborum decipitur sono :

Nec curat Orion leones ,

Aut timidos agitare lyncas.

## AD POSTUMUM.

## ODE XIV.

*Mortem vitari non posse.*

**E** Heu , fugaces , Postume , Postume ,

Labuntur anni : nec pietas moram

Rugis , & instanti senectæ

Afferet , indomitæque morti.

Non si trecentis , quotquot eunt dies ,

Amice places illachrymabilem

Plutona tauris : qui ter amplum

Geryonem Tityonque tristi

Compescit unda , scilicet omnibus ,

Quicumque terræ munere vescimur ,

Enaviganda , sive reges ,

Sive inopes erimus coloni.

Frustra cruento Marte carebimus ,

Fractisque rauci fluctibus Adriæ.

Frustra per ætumnos nocentem

Corporibus metuemus Austrum.

Vifendus ater flumine languido

Cocytus errans , & Danaï genus

Infame , damnatusque longi

Sisyphus Æolides laboris.

Linquenda tellus , & domus , & placens

Uxor : neque harum , quas colis , arborum

Te præter invisas cupressos ,

Ulla brevem dominum sequetur.

Absumet hæres Cæcuba dignior,  
Servata centum clavibus: & mero  
Tinget pavementum superbum  
Pontificum potiore cænis.

## IN SUI SÆCULI LUXURIAM.

### ODE XV.

**I** Am paucos aratro jugera regix  
Moles relinquent: undique latius  
Extenta visentur Lucrino  
Stagna lacu: platanusque cælebs  
Evincet ulmos. tum violaria, &  
Myrtus, & omnis copia narium  
Spargent olivetis odorem,  
Fertilibus domino priori.

Dum spissa ramis laurea fervidos  
Excludet ictus. non ita Romuli  
Præscriptum, & intonsi Catonis  
Auspiciis, veterumque norma.

Privatus illis census erat brevis:  
Commune magnum. nulla decempedis  
Metata privatis, opacam  
Porticus excipiebat Arcton:

Nec fortuitum spernere cespitem  
Leges sinebant: oppida publico  
Sumtu jubentes, & deorum  
Templa novo decorare saxo.

## AD GROSPHUM.

### ODE XVI.

*Tranquillitatem animi optari ab omnibus: eam vero  
non congerendis opibus honoribusve consequendis, sed  
coercendis cupiditatibus comparari.*

**O** Tium divos rogat in patenti  
Prensus Ægæo, simul atra nubes  
Condedit Lunam, neque certa fulgent  
Sidera nautis:

Orium bello furiosa Thrace,  
Otium Medi pharetra decori,  
Grosphæ, non gemmis, neque purpura ve-

Nale.

Nale, neque auro.

Non enim gazæ, neque consularis  
Summovet lictor miseros tumultus  
Mentis, & curas laqueata circum  
Testa volanteis.

Vivitur parvo bene, cui paternum  
Splendet in mensa tenui salinum,  
Nec levis somnos timor, aut Cupido  
Sordidus aufert.

Quid brevi fortes jaculamur ævo  
Multa? quid terras alio calenteis  
Sole mutamus? patriæ quis exsul  
Se quoque fugit?

Scandit æratas vitiosa naveis  
Cura: nec turmas equitum relinquit,  
Ocyor cervis, & agente nimbos  
Ocyor Euro.

Lætus in præsens animus, quod ultra est  
Oderit curare: & amara lento  
Temperet risu. nihil est ab omni  
Parte beatum.

Abstulit clarum cita mors Achillem,  
Longa Tithonum minuit senectus:  
Et mihi forsan, tibi quod negarit,  
Porriget hora.

Te greges centum, Siculæque circum  
Mugiant vaccæ? tibi tollit hinni-  
Tum apta quadrigis equa: te bis Afro  
Murice tinctæ

Vestiunt lanæ. mihi parva rura, &  
Spiritus Grajæ tenuem Camœnæ  
Parca non mendax dedit, & malignum  
Spernere vulgus.

## AD MÆCENATEM ÆGROTUM.

## ODE XVII.

*Negat se ei superstitem velle esse.*

**C**Ur me querelis exanimas tuis?  
Nec Diis amicum est, nec mihi, te prius  
Obire, Mæcenas, mearum  
Grande decus columenque rerum  
Ah, te meæ si partem animæ rapit

Matu.

Maturior vis , quid moror altera ,  
 Nec carus æque , nec superstes  
 Integer ? ille dies utramque  
 Ducet ruinam : non ego perfidum  
 Dixi sacramentum : ibimus , ibimus ,  
 Utcumque præcedes , supremum  
 Carpere iter comites parati.

Me nec Chimææ spiritus igneæ ,  
 Nec , si resurgat centimanus Gyas ,  
 Divellet umquam. sic potenti  
 Justitiæ , placitumque Parcis.

Seu Libra , seu me Scorpius aspicit  
 Formidolosus , pars violentior  
 Natalis horæ , seu tyrannus  
 Hesperie Capricornus undæ :

Utrumque nostrum incredibili modo  
 Consentit astrum. te Jovis impio  
 Tutela Saturno refulgens  
 Eripuit , volucrisque fati

Tardavit alas , cum populus frequens  
 Lætum theatris ter crepuit sonum :  
 Me truncus illapsus cerebro  
 Sustulerat , nisi Faunus ictum

Dextraque levasset , Mercurialium  
 Custos virorum. reddere victimas ,  
 Ædemque votivam memento :  
 Nos humilem feriemus agnam.

## O D E X V I I I.

*Se in re tenui , sua tamen sorte contentum vivere : et  
 alios nullum ædificandi , nullum quærendi , nullum  
 rapiendi modum facere , nihil de morte cogitantis.*

**N**on ebur , neque aureum  
 Mea renidet in domo lacunar :  
 Non trabes Hymettie

Premunt columnas ultima recisas  
 Africa : neque Attali ,

Ignotus hæres regiam occupavi :  
 Nec Laconicas mihi

Trahunt honestæ purpuras clientæ.  
 At fides , & ingeni

Benigna vena est : pauperemque dives  
 Me petit. nihil supra



Deos laceſſo : nec potentem amicum  
 Largiora flagito ;  
 Satis beatus unicis Sabinis.  
 Truditur dies die ,  
 Novæque pergunt interire Lunæ ,  
 Tu ſecanda marmora  
 Locas ſub ipſum funus : & ſepulchri  
 Immemor ſtruis domos :  
 Mariſque Bajis obſtrepentis urges  
 Summovere littora ,  
 Parum locuples continentē ripa.  
 Quid , quod uſque proximos  
 Revellis agri terminos ? & ultra  
 Limites clientium  
 Salis avarus ? pellitur paternos  
 In ſinu ferens deos  
 Et uxor , & vir , ſordidoſque natos.  
 Nulla certior tamen  
 Rapacis Orci fine deſtinata  
 Aula divitem manet  
 Herum. quid ultra tendis ? æqua tellus  
 Pauperi recluditur ,  
 Regumque pueris : nec ſatelles Orci  
 Callidum Promothea  
 Revexit auro captus. hic ſuperbum  
 Tantalum , atque Tantalī  
 Genus coërcet. hic levare functum  
 Pauperem laboribus ,  
 Vocatus atque non vocatus audit.

## IN BACCHUM.

## ODE XIX.

*Sibi licere Bacchi laudes , & ejus numinis pleno & concitato pectore , canere.*

**B**acchum in remotis carmina rupibus  
 Vidi docentem (credite poſteri)  
 Nymphasque diſcenteis , & aureis  
 Capripedum Satyrorum acutas.  
 Euæ , recenti mens trepidat metu ,  
 Plenoque Bacchi pectore turbidum  
 Lætatur , euæ , parce Liber ,  
 Parce gravi metuende thyſſo.

Fas pervicaceis est mihi Thyadas,  
 Vinique fontem, lacis & uberes  
 Cantare rivos: atque truncis  
 Lapfa cavis iterare mella.

Fas & beatæ conjugis additum  
 Stellis honorem, tectaque Penthei  
 Disjecta non leni ruina,  
 Thracis & exitium Lycurgi.

Tu flectis amneis, tu mare barbarum,  
 Tu separatis avidus in jugis  
 Nodo coërces viperino  
 Bistonidum sine fraude crineis.

Tu, cum parentis regna per arduum  
 Cohors Gigantum scanderet impia,  
 Rhæcum retorsisti leonis  
 Unguibus, horribilique mala:

Quamquam choreis aptior & jocis,  
 Ludoque dictus, non sat idoneus  
 Pugnæ ferebaris: sed idem  
 Pacis eras mediusque belli.

Te vidit insons Cerberus aure  
 Cornu decorum, leniter atterens  
 Candam, & recedentis trilingui  
 Ore pedes tetigitque crura.

## AD MÆCENATEM.

### ODE XX.

*Famam suam æternam fore.*

**N**on usitata nec tenui ferar  
 Penna biformis per liquidum æthera  
 Vates: neque in terris morabor  
 Longius: invidiaque major

Urbeis relinquam. non ego pauperum  
 Sanguis parentum: non ego, quem vocas,  
 Dilecte Mæcenas, obibo,  
 Nec Stygia cohibebor unda.

Jam jam residunt cruribus asperæ  
 Pelles: & album mutor in alitem  
 Superne: nascunturque leves  
 Per digitos humerosque plumæ.

Jam Dædaleo ocyor Icaro,  
 Visam gementis littora Bospori,

Syrteisque Getulas canorus

Ales, Hyperboreosque campos.

Me Colchus, &, qui dissimulat metum

Marsæ cohortis Dacus, & ultimi

Noscent Geloni, me peritus

Dicet Iber, Rhodanique potor.

Absint inani funere nœniæ,

Inctusque turpes, & querimonie.

Compesce clamorem, ac sepulchri

Mitte supervacuos honores.

## Q. HORATII

## F L A C C I

## C A R M I N U M

## LIBER III.

## O D E P R I M A.

*Non opibus aut honoribus, sed animi tranquillitate vitam beatam effici.*

**O** Di profanum vulgus, & arceo.  
Favete linguis: carmina non prius.  
Audita, Musarum sacerdos,

Virginibus, puerisque canto.

Regum timendorum in proprios greges,

Reges in ipsos imperium est Jovis

Clari Giganteo triumpho,

Cuncta supercilio moventis.

Est ut viro vir latius ordinet

Arbusta sulcis: hic generosior

Descendat in campum petitor:

Moribus hic meliorque fama

Contendat: illi turba clientium

Sit major. ÆQUA lege necessitas

Sortitur insignis, & imos.

Omne capax movet urna nomen.

Distriktus ensis cui super impia

Cervice pendet, non Siculæ dapes

Dulcem elaborabunt saporem:

Non avium citharæque cantus

Somnum reducent. somnus agrestium

Lenis virorum non humileis domos  
 Fastidit, umbrosamque ripam:  
 Non Zephyris agitata Tempe.  
 Desiderantem quod satis est, neque  
 Tumultuosum sollicitat mare,  
 Nec sævus Arcturi cadentis  
 Impetus, aut orientis Hædi.  
 Non verberatæ grandine vineæ,  
 Fundusque mendax, arbore nunc aquas  
 Culpante, nunc torrentia agros  
 Sidera, nunc hiemes iniquas.  
 Contracta pisces æquora sentiunt,  
 Lactis in altum molibus. huc frequens  
 Cæmenta dimittit redemptor  
 Cum famulis, dominusque terræ  
 Fastidiosus. sed timor, & minæ  
 Scandunt eodem, quo dominus: neque  
 Decedit ærata triremi, &  
 Post equitem sedet atra cura.  
 Quod si dolentem nec Phrygius lapis,  
 Nec purpurarum sidere clarior  
 Delenit usus, nec Falerna  
 Vitis, Achæmeniumque costum;  
 Cur invidendis postibus, & novo  
 Sublime ritu moliar atrium?  
 Cur valle permutem Sabina  
 Divitias operosiores?

## A D A M I C O S.

## O D E I I.

*Pueros ab ineunte ætate assuescendos esse paupertati,  
 rei militari, vitæque laboriosæ.*

**A** Ngustam, amici, pauperiem pati  
 Robustus acri militia puer  
 Condiscat: & Parthos feroceis  
 Vexet eques metuendus hasta,  
 Vitamque sub dio, & trepidis agat  
 In rebus: illum ex mænibus hosticis  
 Matrona bellantis tyranni  
 Prospiciens, & adulta virgo,  
 Suspiret: eheu, ne rudis agminum  
 Sponsus lacessat regius asperum  
 Tactu leonem: quem cruenta

Per medias rapit ira cædeis.  
 Dulce & decorum est pro patria mori.  
 Mors & fugacem persequitur virum ;  
 Nec parcit imbellis juventæ  
 Poplitibus , timidoque tergo.  
 Virtus repulsæ nescia sordidæ , in-  
 contaminatis fulget honoribus :  
 Nec sumit aut ponit secureis  
 Arbitrio popularis auræ.  
 Virtus recludens immeritis mori  
 Cælum , negata tentat iter via :  
 Cœtusque vulgareis , & udam  
 Spernit humum fugiente penna.  
 Est & fideli tuta silentio  
 Merces ; vetabo , qui Cereris sacrum  
 Vulgarit arcanæ , sub iisdem  
 Sit trabibus , fragilemque mecum  
 Solvat faselum. sæpe Diespiter  
 Neglectus , incesto addidit integrum  
 Raro antecedentem scelestum  
 Deseruit pede pœna claudo.

## ODE III.

*Oratio Junonis de bello Trojano finito, & imperio Ro-  
 mano à Trojanis initium capturo.*

**J**Ustum , & tenacem propositi virum ,  
 Non civium ardor prava jubentium ,  
 Non vultus instantis tyranni  
 Mente quatit solida , neque Auster ,  
 Dux inquieti turbidus Adriæ ,  
 Nec fulminantis magna Jovis manus.  
 Si fractus illabatur orbis ,  
 Impavidum ferient ruinæ.  
 Hac arte Pollux , & vagus Hercules  
 Innixus , arceis attigit igneas :  
 Quos inter Augustus recumbens  
 Purpureo bibit ore nectar.  
 Hac te merentem , Bacche pater , tuæ  
 Vexere tigres , indocili jugum  
 Collo trahentes : hac Quirinus  
 Martis equis Achoronta fugit :  
 Gratum elocuta consiliantibus  
 Junonæ divis , Ilion , Ilion

Fatalis incestusque iudex,  
Et mulier peregrina vertit  
In pulverem, ex quo destituit deos  
Mercede pacta Laomedon mihi,  
Castæque damnatum Minervæ  
Cum populo, & duce fraudulento.  
Jam nec Lacænæ splendet adulteræ  
Famosus hospes: nec Priami domus  
Perjura pugnaceis Achivos  
Hectoreis opibus refringit:  
Nostrisque ductum seditionibus  
Bellum refedit. protinus & graveis  
Iras, & invisum nepotem,  
Troica quem peperit sacerdos,  
Marti redonabo: illum ego lucidas  
Inire sedeis, ducere nectaris  
Succos, & adscribi quietis  
Ordinibus patiar deorum.  
Dum longus inter sæviat Ilion  
Romamque pontus; qualibet exules  
In parte regnanto beati.  
Dum Priami Paridisque busto  
Insultet armentum. & catulus feræ  
Celent inultæ: stet Capitolium  
Fulgens, triumphatisque possit  
Roma ferox dare jura Medis.  
Horrenda late nomen in ultimas  
Extendat oras. qua medius liquor  
Secernit Europen ab Afro,  
Qua tumidus rigat arva Nilus.  
Anrum irrepertum, & sic melius situm,  
Cum terra celat, spernere fortior,  
Quam cogere humanos in usus,  
Omne sacrum rapiente dextra.  
Quicumque mundi terminus obstitit,  
Hunc tangat armis, visere gestiens,  
Qua parte debacchentur ignes;  
Qua nebulæ, pluviique rores.  
Sed bellicosæ fata Quiritibus  
Hac lege dico, ne nimium pii,  
Rebusque fidentes, avitæ  
Testa velint reparare Trojæ  
Trojæ renascens alite lugubri  
Fortuna, tristi clade iterabitur,

Ducente victrices catervas  
 Conjuge me Jovis & sorore.  
 Ter si resurgat murus aeneus  
 Auctore Phœbo ; ter pereat meis  
 Excisus Argivis , ter uxor  
 Capta virum puerosque ploret.  
 Non hæc jocosæ conveniunt lyræ ,  
 Quo Musa tendis ? desine pervicax  
 Referre sermones deorum , &  
 Magna modis tenuare parvis.

## AD CALLIOPEN.

## ODE IV.

*Se à multis periculis , Musarum ope , ereptum fuisse.  
 Male cessisse omnibus , qui adversum deos aliquid  
 moliri voluerint.*

**D**Escende cælo , & dic , age , tibia  
 Regina, longum , Calliope , melos ;  
 Seu voce nunc mavis acuta ,  
 Seu fidibus , citharave Phœbi.  
 Auditis ? an me ludit amabilis  
 Infania audire , & videor pios  
 Errare per lucos , amœnæ  
 Quos & aquæ subeunt , & auræ.  
 Me fabulosæ Vulture in Appulo ,  
 Altricis extra limen Apuliæ ,  
 Ludo , fatigatumque somno ,  
 Fronde nova puerum palumbes  
 Texere : mirum quod foret omnibus ,  
 Quicumque celsæ nidum Acherontix ,  
 Saltusque Bantinos , & arvum  
 Pingue tenent humilis Ferenti ,  
 Ut tuto ab atris corpore viperis  
 Dormirem , & ursis : ut premerer sacra  
 Lauroque collataque myrto ,  
 Non sine Diis animosus infans.  
 Vester , Camœnæ , vester in arduos  
 Tollor Sabinos : seu mihi frigidum  
 Præneste , seu Tibur supinum ,  
 Seu liquidæ placuere Bajæ.  
 Vestris amicis fontibus , & choris ,  
 Non me Philippis versa acies retro ,  
 Devota non exstinxit arbor ,

Nec Sicala Palinurus unda.  
 Utcumque mecum vos eritis ; libens  
 Infanientem navita Bosphorum  
 Tentabo , & arenteis arenas  
 Littoris Assyrii viator.  
 Visam Britannos hospitibus feros ,  
 Et latum equino sanguine Concanum.  
 Visam pharetratos Gelonos ,  
 Et Scythicum inviolatus amnem.  
 Vos Casarem altum , militia simul  
 Fessas cohorteis abdidit oppidis ,  
 Finire quærentem labores  
 Pierio recreatis antro.  
 Vos lene consilium & datis , & dato  
 Gaudetis almæ. scimus , ut impios  
 Titanas , immanemque turmam  
 Fulmine sustulerit caduco :  
 Qui terram inertem, qui mare temperat  
 Ventosum, & urbeis, reguaque tristia ;  
 Divosque , mortaleisque turbas  
 Imperio regit unus æquo.  
 Magnum illa terrorem intulerat Jovi  
 Fidens juvenus horrida brachiis :  
 Fratresque tendentes opaco  
 Pelion imposuisse Olympo.  
 Sed quid Typhæus, & validus Minas,  
 Aut quid minaci Porphyriion statu ,  
 Quid Rhæcus , evulsisque truncis  
 Enceladus jaculator audax.  
 Contra sonantem Palladis Ægida  
 Possent ruentes ? hinc avidus stetit  
 Vulcanus : hinc matrona Juno , &  
 Numquam humeris positurus arcum ,  
 Qui rore puro Castaliæ lavit  
 Crineis solutos : qui Lyciæ tenet  
 Dumeta natalemque silvam ,  
 Delius , & Patareus Apollo.  
 Vis consili expers mole ruit sua :  
 Vim temperatam Dii quoque provehunt  
 In majus : iidem odere vireis  
 Omne nefas animo moventeis.  
 Testis mearum centimanus Gyges  
 Sententiarum notus , & integræ  
 Tentator Orion Dianæ ,



Virginea domitus sagitta.  
 Injecta monstros terra dolet suis:  
 Mœretque partus fulmine luridum  
 Missos ad orcum: nec peredit  
 Impositam celer ignis Ætnam:  
 Incontinentis nec Titii jecur  
 Relinquit ales, nequitiae additus  
 Custos: amatorem trecentæ  
 Pirithoum cohibent catenæ.

## AUGUSTI LAUDES.

## ODE V.

*Reguli constantia, & ad Pænos reditus.*

**C**Ælo tonantem credidimus Jovem  
 Regnare: præsens divus habebitur  
 Augustus, adjectis Britannis  
 Imperio, gravibusque Persis.  
 Milesne Crassi conjuge barbara  
 Turpis maritus vixit? & hostium  
 (Pro curia, inversique mores!)  
 Consenuit focerorum in armis.  
 Sub rege Medo Marfus, & Appulus,  
 Anciliorum nominis, & togæ  
 Oblitus, æternæque Vestæ,  
 Incolumi Jove, & urbe Roma?  
 Hoc caverat mens provida Reguli,  
 Dissidentis conditionibus  
 Fœdis, & exemplo trahenti  
 Perniciem veniens in ævum,  
 Si non periret immiserabilis  
 Captiva pubes. Signa ego Punicis  
 Affixa delubris, & arma  
 Militibus sine cæde, dixit,  
 Direpta vidi. vidi ego civium  
 Retorta tergo brachia libero  
 Portasque non clausas, & arva  
 Marte coli populata nostro.  
 Auro repensus scilicet acrior  
 Miles redibit. flagitio additis  
 Damnum: neque amissos colores  
 Lana refert medicata fuco:  
 Nec vera virtus, cum semel excidit  
 Curat reponi deterioribus.

Si pugnat extricata densis  
 Cerva plagis, erit ille fortis.  
 Qui perfidis se credidit hostibus:  
 Et Marte Pœnos proteret altero.  
 Qui lora restrictis lacertis  
 Sensit iners, timuitque mortem.  
 Hic, unde vitam sumeret inscius,  
 Pacem duello miscuit. O pudor!  
 O magna Carthago, probrosis  
 Altior Italiæ ruinis!  
 Fertur pudicæ conjugis osculum,  
 Parvosque natos, ut capitis minor,  
 Ab se removisse, & virilem  
 Torvus humi posuisse vultum,  
 Donec labanteis consilio patres  
 Firmaret auctor numquam alias dato:  
 Interque mœrenteis amicos  
 Egregius properaret exsul.  
 Atqui sciebat, quæ sibi barbarus  
 Tortor pararet. non aliter tamen  
 Dimovit obstanteis propinquos,  
 Et populum reditus morantem,  
 Quam si clientum longa negotia  
 Dijudicata lite relinqueret;  
 Tendens Venafranos in agros,  
 Aut Lacedæmonium Tarentum.

## A D R O M A N O S.

## O D E V I.

*Corruptos suæ ætatis mores insectatur.*

**D** Eli&ta majorum immeritus lues,  
 Romane, donec templa refeceris  
 Ædeisque labenteis deorum, &  
 Fœda nigro simulacra fumo.  
 Diis te minorem quod geris, imperas:  
 Hinc omne principium, huc refer exitum,  
 Dii multa neglecti dederunt  
 Hesperiaæ mala luctuosæ.  
 Jam bis Monæses, & Pacori manus,  
 Non auspicatos contudit impetus  
 Nostros: & adjecisse prædam  
 Torquibus exiguis renidet.  
 Pœne occupatam seditionibus

Delevit urbem Dacus, & Æthiops:  
 Hic classe formidatus, ille  
 Missilibus melior sagittis.  
 Fœcunda culpæ sæcula, nuptias  
 Primum inquinavere, & genus, & domos,  
 Hoc fonte derivata clades  
 In patriam populumque fluxit.  
 Motus doceri gaudet Jonicos  
 Matura virgo: & fingitur artibus  
 Jam nunc, & incestos amores  
 De tenero meditatur ungui.  
 Mox juniores quærit adulteros  
 Inter mariti vina: neque eligit,  
 Cui donet impermissa raptim  
 Gaudia luminibus remotis:  
 Sed jussa coram non sine conscio  
 Surgit marito, seu vocat institor,  
 Seu navis Hispanæ magister,  
 Dedecorum pretiosus emtor.  
 Non his juvenus orta parentibus  
 Infecit æquor sanguine Punico:  
 Pyrrhumque, & iugentem cecidit  
 Antiochum, Annibalemque dirum,  
 Sed rusticorum mascula militum  
 Proles, Sabellis docta ligonibus  
 Versare glebas: & severæ  
 Matris ad arbitrium recisos  
 Portare fusteis, sol ubi montium  
 Mutaret umbras: & juga demeret  
 Bobus fatigatis, amicum  
 Tempus agens abeunte curru.  
 Damnosa quid non imminuit dies?  
 Ætas parentum pejor avis, tulit  
 Nos nequiores, mox daturos  
 Progeniem vitiosorem.

## AD ASTERIEN.

## ODE VII.

*Consolatur eam de viri sui absentia mœstam ac sollicitam.*

Quid fies, Asterie, quem tibi candidi  
 Primo restituent vere Favonii,  
 Thyra merce beatum,

Constanti juvenem fido  
 Gigen ? ille Notis actus ad Oricum  
 Post insana Capræ sidera frigida.  
 Nocteis non sine multis  
 Insomnis lachrymis agit.  
 Atqui sollicitæ nuncius hospitæ  
 Suspirare Chloen , & miseram tuis  
 Dicens ignibus uri ,  
 Tentat mille vafer modis.  
 Ut Proetum mulier perfida credulum  
 Falsis impulerit criminibus , nimis  
 Casto Bellerophonti  
 Maturare necem , refert.  
 Narrat pæne datum Pelea Tartaro ,  
 Magnessam Hippolyten dum fugit abstinens :  
 Et peccare docenteis  
 Fallax historias monet.  
 Frustra. nam scopulis surdior Icari  
 Voces audit adhuc integer. at , tibi  
 Ne vicinus Enipeus  
 Plus justo placeat , cave :  
 Quamvis non alius flectere equum sciens  
 Æque conspicitur gramine Martio :  
 Nec quisquam citus æque  
 Tusco denatat alveo.  
 Prima nocte domum claude : neque in vias  
 Sub cantum querulæ despice tibiæ :  
 Et te sæpe vocanti  
 Duram , difficilis mane.

## AD MÆCENATEM.

## ODE XXVIII.

*Cur Kalend. Martijs , cum uxorem non habeat , nihilominus sacrificet , & epuletur tamen.*

**M**Artijs cælebs quid agam Calendis ,  
 Quid velint flores , & acerra turis  
 Plena , miraris , positusque carbo in  
 Cespite vivo ,  
 Docte sermones utriusque linguae :  
 Voveram dulceis epulas , & album  
 Libero caprum , prope fuderatus  
 Arboris icu.  
 Hic dies , anno redeunte festus ,

Corticem astrictum pice demovebit  
 Amphoræ, fumum bibere institutæ  
 Consule Tullo.

Sume Mæcenæ cyathos amici  
 Sospitis centum; & vigiles lucernas  
 Profer in lucem: procul omnis esto  
 Clamor & ira.

Mitte civileis super urbe curas:  
 Occidit Daci Cotifonis agmen:  
 Medus infestus sibi luctuosus  
 Diffidet armis:

Servit Hispanæ vetus hostis oræ  
 Cantaber, sera domitus catena:  
 Jam Scythæ laxo meditantur arcu  
 Cedere campis.

Negligens, nequa populus laboret,  
 Parce privatus nimium cavere: ac  
 Dona præsentis rape lætus horæ: &  
 Linque severa.

## AD LYDIAM.

## ODE IX.

*Dialogus Horatii & Lydiæ.*

HO. **D**onec gratus eram tibi.  
 Nec quisquam potior brachia candidæ  
 Cervici juvenis dabat;  
 Persarum vigui rege beatior.

LY. Donec non alia magis  
 Arsisti, neque erat Lydia post Chloen:  
 Multi Lydia nominis  
 Romana vigui clarior Ilia.

HO. Me nunc Thressa Chloe regit,  
 Dulceis docta modos & citharæ sciens:  
 Pro qua non metuum mori,  
 Si parcent animæ fata superstiti.

LY. Me torret face mutua  
 Thurini Calais filius Ornithi:  
 Pro quo bis patiar mori.  
 Si parcent puero fata superstiti.

HO. Quid, si prisca rēdit Venus?  
 Diductosque jūgo cogit ahenco?  
 Si flava excutitur Chloe?  
 Rejectæque patet janua Lydiæ?

LY. Quam-

LY. Quamquam fidere pulchrior  
 Ille est, tu levior cortice, & improbo  
 Iracundior Adria;  
 Tecum vivere amem, tecum obeam libens.

## I N L Y C E N.

## O D E X.

*Ut posita duritie, aliqua ipsius misericordia capiatur.*

**E**Xtremum Tanaim si biberes Lyce,  
 Sævo nupta viro: me tamen asperas  
 Porrectum ante foreis objicere incolis  
 Plorares Aquilonibus.  
 Audis, quo strepitu janua, quo nemus  
 Inter pulchra situm tecta remugiat  
 Ventis? & positas ut glaciēt niveis  
 Puro lumine Jupiter?  
 Ingratam Veneri pone superbiam:  
 Ne currente retro funis eat rota.  
 Non te Penelopē difficilem procis  
 Tyrrhenus genuit parens.  
 O, quamvis neque te munera, nec preces,  
 Nec tinctus viola pallor amantium,  
 Nec ver Pieria pellice saucius  
 Curvat, supplicibus tuis  
 Parcas nec rigida mollior esculo,  
 Nec Mauris animum mitior anguibus:  
 Non hoc semper erit liminis aut aquæ  
 Cælestis patiens latus.

## A D M E R C U R I U M.

## O D E X I.

*Ut cantus sibi distet, quibus Lyde flecti possit. Danaï-  
 dum fabula.*

**M**ercuri (nam te docilis magistro  
 Movit Amphion lapides, canendo)  
 Tuque testudo resonare septem  
 Callide nervis:  
 (Nec loquax olim, neque grata, nunc &  
 Divitum mensis, & amica templis)  
 Dic modos, Lyde quibus obstinatas  
 Applicet aureis.

Quæ velut latis equa trima campis ,  
Ludit exultim : metuitque tangi ,  
Nuptiarum expers , & adhuc protervo  
Cruda marito.

Tu potes tigreis comitesque silvas  
Ducere : & rivos celereis morari ,  
Cessit immanis tibi blandienti  
Janitor aulæ

Cerberus , quamvis furiale centum  
Muniant angues caput ejus , atque  
Spiritus teter , saniesque manet  
Ore trilingui.

Quin & Ixion Tytiisque vultu  
Risit invito , stetit urna paullum  
Sicca , dum grato Danaï puellas  
Carmine mulces.

Audiat Lyde scelus , atque notas  
Virginum pœnas , & inane lymphæ  
Dolium fundo pereuntis imo ,  
Seraque fata :

Quæ manent culpas etiam sub Orco ,  
Impiæ , nam quid potuere majus ?  
Impiæ sponfos potuere duro  
Perdere ferro.

Una de multis face nuptiali  
Digna , perjurum fuit in parentem  
Splendide mendax , & in omne virgo  
Nobilis ævum :

Surge , quæ dixit juveni marito :  
Surge : ne longus tibi somnus , unde  
Non times , detur : socerum , & scelestas  
Falle sorores ,

Quæ , velut nactæ vitulos lænæ.  
Singulos , cheu , lacerant : ego illis  
Mollior , nec te feriam , nec intra  
Claustra tenebo.

Me pater sævis oneret catenis ,  
Quod viro clemens misero peperci :  
Me vel extremos Numidarum in agros  
Classe releget.

I pedes quo te rapiunt , & auræ ,  
Dum favet nox , & Venus : i secundo  
Omne : & nostri memorem sepulchro  
Sculpe querelam.

C A R M I N U M  
A D N E O B U L E N .

O D E X I I .

*Eam Hebri adolescentis amore captam, inertia se & desidia dedisse.*

**M**iserarum est, neque amorì dare ludum,  
Neque dulci mala vino lavere: aut exanimari,  
metuentes patruæ verbera linguæ.

Tibi qualum Cithereæ puer ales,  
Tibi telas, operosæque Minervæ  
Studium aufert, Neobule, Liparæi nitor Hebri.

Eques ipso melior Bellerophonte:  
Neque pugno, neque segni pede victus,  
Simul unctos Tiberinis humeros lavit in undis:

Catus idem per apertum fugienteis  
Agitato grege cervos jaculari: &  
Celer alto latitantem fruticeto excipere aprum.

A D F O N T E M B L A N D U S I A M .

O D E X I I I .

*Commendat ejus amœnitatem.*

**O** Fons Blandusæ splendidior vitro,  
Dulci digne mero, non sine floribus;  
Cras donaberis hædo:

Cui frons turgida cornibus  
Primis, & Venerem & prælia destinat  
Frustra: nam gelidos inficiet tibi  
Rubro sanguine rivos,  
Lascivi soboles gregis.

Te flagrantis atrox hora Caniculæ  
Nescit tangere: tu frigus amabile  
Fessis vomere tauris

Præbes, & pecori vago.  
Fies nobilium tu quoque fontium,  
Me dicente, cavis impositam ilicem  
Saxis: unde loquaces  
Lymphæ defiliunt tuæ.

A D P O P U L U M R O M A N U M .

O D E X I V .

*Cæsaris victoriam canit, eamque sacrificiis & festis dapibus prosequi hortatur.*

**H**erculis ritu modo dictus, ô plebs,  
Morte venalem petiisse laurum,

Cæsar,



Cæsar, Hispana repetit Penateis  
Victor ab ora.

Unico gaudens mulier marito  
Prodeat justis operata divis:  
Et soror clari ducis, & decoræ

Supplice vitta,  
Virginum matres, juvenumque nuper  
Sospitum, vos ô pueri, & puellæ  
Jam virum expertæ, male nominatis  
Parcite verbis,

Hic dies vere mihi festus atras  
Extimet curas. ego nec tumultum,  
Nec mori per vim metuam, tenente  
Cæsare terras.

I, pete unguentum, puer, & coronas,  
Et cadam Marfi memorem duelli:  
Spartacum si qua potuit vagantem  
Fallere testa.

Dic & argutæ properet Neæræ  
Myrrheum nodo cohibere crinem,  
Si per invisum mora janitorem  
Fiet, abito.

Ienit albescens animos capillus,  
Litium & rixæ cupidos protervæ.  
Non ego hoc ferrem callidis juventa,  
Consule Planco.

## IN CHLORIM, SEU CHLORIDEM.

### ODE XV.

*Ut saltem vetula, nequitia & libidini modum con-*  
*stituat.*

**U**Xor pauperis Ibici,  
Tandem nequitia fige modum tuæ;  
Famosisque laboribus.

Maturo propior define funeri  
Inter ludere virgines,  
Et stellis nebulam spargere candidis.

Non, si quid Pholoen satis,  
Et te, Chlори, decet. filia rectius  
Expugnat juvenum domos:

Pulso Thyas uti concita tympano.  
Illam cogit amor Nothi  
Lascivæ similem ludere capræ.

Te lanæ prope nobilem

Tonsæ Luceriam, non cithare, decent,

Nec flos purpureus rosæ,

Nec poti vetulam face tenus cadi.

A D M Æ C E N A T E M.

O D E X V I.

*Auro omnia parent. Horatius vero contentus est sua sorte, unde beatus existit.*

**I**nclusam Danaen turris ahenea,  
Robustæque fores, & vigilum canum

Tristes excubiæ munierant satis

Nocturnis ab adulteris:

Si non Acrisium, virginis abditæ

Custodem pavidum, Jupiter & Venus

Risissent: fore enim tutum iter, & patens,

Converso in pretium deo,

Aurum per medios ire satellites,

Et perrumpere amat saxa potentius

Ictu fulmineo: concidit auguris

Argivi domus, ob lucrum

Demersa excidio; diffidit urbium

Portas vir Macedo, & subruit æmulos

Reges muneribus; munera navium

Sævos illaqueant duces.

Crescentem sequitur cura pecuniam,

Majorumque fames. jure perhorruì

Late conspicuum tollere verticem,

Mæcenas, equitum decus.

Quanto quisque sibi plura negaverit,

**A** Diis plura feret. nil cupientium

Nudus castra peto: & transfuga, divitum

Parteis linquere gestio,

Contemtæ dominus splendidior rei,

Quam si quicquid arat impiger Appulus,

Occultare meis dicerer horreis;

Magnas inter opes inops.

Puræ rivus aquæ, silvaque jugerum

Paucorum, & segetis certa fides meæ,

Fulgentem imperio fertilis Africæ

Fallit sorte beatior.

Quamquam nec Calabræ mella ferunt apes:

Nec Læstrigonia Bacchus in amphora

Languescit mihi ; nec pingua Gallicis  
 Crescunt vellera pascuis :  
 Importuna tamen pauperies abest :  
 Nec , si plura velim , tu dare deneges ,  
 Contracto melius parva Cupidine  
 Vectigalia porrigam :  
 Quam si Mygdoniis regnum Halyattici  
 Campis continuem. multa petentibus  
 Desunt multa. bene est , cui Deus obtulit  
 Parca , quod satis est , manu.

## AD ÆLIUM LAMIAM.

## ODE XVII.

*Primum nobilitatem ipsius laudat, deinde admonet, ut se  
 præparet ad diem crastinum, qui pluvius fore videba-  
 tur, hilariter exigendum.*

Æ Li vetusto nobilis ab Lamo ,  
 Quando & priores hinc Lamias ferunt  
 Denominatos , & nepotum  
 Per memores genus omne fastos ;  
 Auctore ab illo ducis originem ,  
 Qui Formiarum mœnia dicitur  
 Princeps , & innantem Maricæ  
 Littoribus tenuisse Lirim ,  
 Late tyrannus. Cras foliis nemus  
 Multis , & alga littus inutili  
 Demissa tempestas ab Euro  
 Sternet ; aquæ nisi fallit augur  
 Annosa cornix. dum potes , aridum  
 Compose lignum : cras Genium mero  
 Curabis , & porco bimestri ,  
 Cum famulis operum solutis.

## AD FAUNUM.

## ODE XVIII.

*Deum sylvestrem, infernum & pestilentem precatur, ut  
 per suos transiens agros, sibi suisque sit propitius.*

F Aune Nympharum fugientum amator ,  
 Per meos fineis , & aprica rura  
 Lenis incedas : abeasque parvis  
 Æquus alumnis ,  
 Si tener pleno cadit hædus anno ,

Larga nec desunt Veneris sodali  
 Vina crateræ, vetus ara multo  
     Fumat odore :  
 Ludit herboſo pecus omne campo  
 Dum tibi nonæ redeunt Decembres,  
 Feſtus in pratis vacat otioſo  
     Cum bove pagus :  
 Inter audacèis lupus errat agnos,  
 Spargit agreſteis tibi ſilva frondeis,  
 Gaudet inviſam pepuliſſe foſſor  
     Ter pede terram.

## A D T E L E P H U M.

## O D E X I X.

*Reprehendit eum, quod veterum hiftoriarum ſtudio de-  
 ditus, ea, quæ ad hilariter & jucunde vivendum per-  
 tinent, negligat.*

Q Uantum diſtet ab Inacho  
     Codrus, pro patria non timidus mori,  
 Narras & genus Æaci,  
     Et pugната ſacro bella ſub Illo:  
 Quo Chium pretio cadum  
     Merchemur: quis aquam temperet ignibus,  
 Quo præbente domum, & quota  
     Pelignis caream frigorigibus, taces.  
 Da lunæ propere novæ,  
     Da noctis mediæ: da, puer, auguris,  
 Murenæ, tribus aut novem  
     Miſcentur cyathis pocula commodis.  
 Qui Muſas amat impareis,  
     Ternos ter cyathos attonitus petet  
 Vates. treis prohibet ſupra  
     Rixarum metuens, tangere Gratia  
 Nudis juncſta ſororibus.  
     Inſanire juvat. cur Berecynthiæ  
 Ceſſant flamina tibiæ?  
     Cur pendet tacita fiſtula cum lyra?  
 Parcenteis ego dexteras  
     Odi. ſparge roſas: audiat invidus  
 Dementem ſtrepitum Lycus:  
     Et vicina ſeni non habilis Lyco.  
 Spiffa te nitidum coma,  
     Puro te ſimilem Telephe Veſpero,

Tempeſtiva petit Chloe :

Me lentus Glyceræ torret amor meæ.

## AD PYRRHUM.

## ODE XX.

*N: formoſum Nearchum à ſua meretricula abſtrahat.*

**N**on vides , quanto moveas periclo  
Pyrrhe , Getulæ , catulos lænæ ?  
Dura poſt paullo fugies inaudax ,

Prælia raptor :

Cum per obſtanteis juvenum catervas  
Ibit , inſiguem repetens Nearchum ,  
Grande certamen , tibi præda cedat.

Major , an illi.

Interim dum tu celereis ſagittas  
Promis , hæc denteis acuit timendos ,  
Arbiter pugnæ poſuiſſe nudo

Sub pedepalmam ,

Fertur , & leni recreare vento  
Sparsum odoratis humerum capillis:  
Qualis aut Nireus fuit , aut aquoſa

Raptus ab Ida.

## AD AMPHORAM.

## ODE XXI.

*Ex qua ſe in Corvini gratiam vinum vetuſtum promptu-  
rum oſtendit , & occasione oblata vini laudes comme-  
morat.*

**O**Nata mecum conſule Manlio ,  
Seu tu querelas , ſive geris jocos  
Seu rixam , & iuſanos amores ,

Seu facilem pia teſta ſomnum ,

Quocunque lectum nomine Maſſicum  
Servas , moveri digna bono die ;

Descende , Corvino jubente ,

Promere languidiora vina.

Non ille , quanquam Socraticis madet  
Sermonibus , te negliget horridus :

Narratur & priſci Catonis

Sæpe mero caluiſſe virtus.

Tu lene tormentum ingenio admoves

Plerumque duro : tu ſapientium

## C A R M I N U M

Curas , & arcanum jocoſo  
 Conſilium retegis Lyeo:  
 Tu ſpem réducis mentibus anxiis ,  
 Vireiſque , & addis cornua pauperi ;  
 Poſt te , neque iratos trementi  
 Regum apices , neque militum arma,  
 Te , Liber , & ſi læta aderit Venus  
 Sægnesque nodum ſolvere Gratia ,  
 Vivæque producent lucernæ ,  
 Dum rediens fugat aſtra Phœbus.

## I N D I A N A M.

## O D E X X I I.

*Diana conſecrat pinum villæ ſuæ propinquam , & quotannis verris immolatæ ſanguine arborem hanc aſperſurum ſe vovet.*

**M**ontium cuſtos nemorumque virgo ,  
 Quæ laboranteis utero puellas  
 Ter vocata audis , adimiſque letho  
 Diva triformis:  
 Imminens villæ tua pinus eſto:  
 Quam per exactos ego lætus annos ,  
 Verris obliquum meditantis iſtum ,  
 Sanguine donem.

## A D P H I D I L E M.

## O D E X X I I I.

*Suadens, ut deos puris manibus, & conſcientia bene aſſævitæ colat.*

**C**ælo ſupinas ſi tuleris manus  
 Naſcente luna , ruſtica Phidile ,  
 Si thure placaris , & horna  
 Fruge Lareis , avidaque porca ;  
 Nec peſtilentem ſentiet Africum  
 Fæcunda vitis , nec ſterilem ſeges  
 Rubiginem , aut dulces alumni  
 Pomifero grave tempus anno.  
 Nam , quæ nivali paſcitur Algidio  
 Devota , quercus inter & ilices :  
 Aut creſcit Albanis in herbis  
 Viſtima : pontificum ſecureis  
 Cervice tinget. te nihil attinet

Tentare multa cæde bidentium  
 Parvos coronantem marino  
 Rore deos fragilique myrto.  
 Immunis aram si tetigit manus ;  
 Non sumtuosa blandior hostia ,  
 Mollibit averfos Penateis  
 Farre pio , & saliente mica.

## IN AVAROS.

## ODE XXIV.

*In avaros invehitur, qui domos domibus subinde addunt,  
 in ipso etiam mari ædificantes : cum tamen nulla ædi-  
 ficia necessitate mortis eos liberare possint. Ad hæc  
 autem mala extirpanda , una cum prava illa augendi  
 opes cupiditate , disciplina asperiore opus esse dicit.*

**I**ntactis opulentior  
 Thesauris Arabum , & divitis Indiæ ,  
 Cæmentis licet occupes  
 Tyrrhenum omne tuis , & mare Punicum :  
 Si figit adamantinos  
 Summis verticibus dira neceffitas  
 Clavos : non animum metu ,  
 Non mortis laqueis expedies caput.  
 Campestris melius Scythæ ,  
 Quorum plaustra vagas rite trahunt domos  
 Vivunt , & rigidi Getæ :  
 Immetata quibus jugera liberas  
 Fruges , & Cererem ferunt :  
 Nec cultura placet longior annua :  
 Defunctumque laboribus  
 Æquali recreat sorte vicarius.  
 Illic matre carentibus  
 Privignis mulier temperat innocens :  
 Nec dotata regit virum  
 Conjux : nec nitido fudit adultero.  
 Dos est magna , parentium  
 Virtus , & metuens alterius viri  
 Certo fœdere castitas.  
 Et peccare nefas , aut pretium mori ,  
 O quisquis volet impias  
 Cædeis , & rabiem tollere civicam ;  
 Si quæret pater urbium ,  
 Subscribi statuis , indomitam audeat

Refrenare licentiam ,  
 Carus postgenitis, quatenus , heu nefas ,  
 Virtutem incolumem odimus ,  
 Sublatam ex oculis quærimus invidi.  
 Quid tristes quærimonia ,  
 Si non supplicio culpa reciditur ?  
 Quid leges sine moribus  
 Vanæ proficiunt , si neque fervidis  
 Pars inclusa caloribus  
 Mundi , nec Boreæ finitimum latus ,  
 Duratæque solo nives  
 Mercatorem abigunt? horrida callidi  
 Vincunt æquora navitæ.  
 Magnum pauperies opprobrium, jubet  
 Quidvis , & facere & pati :  
 Virtutisque viam deserit arduæ.  
 Vel nos in Capitolium ,  
 Quo clamor vocat , & turba faventium ;  
 Vel nos in mare proximum  
 Gemmas, & lapides, aurum & inutile ,  
 Summi materiam mali ,  
 Mittemus, scelerum si bene pœnitet ;  
 Eradenda Cupidinis  
 Pravi sunt elementa: & teneræ nimis  
 Mentis , asperioribus  
 Formandæ studiis, nescit equo rudis  
 Hærare ingenuus puer :  
 Venarique timet , ludere doctior ;  
 Seu Græco jubeas trocho ,  
 Seu malis vetita legibus alea.  
 Cum perjura patris fides  
 Consortem socium fallat, & hospitem  
 Indignoque pecuniam  
 Hæredi properet : scilicet improbæ  
 Crescunt divitiæ , tamen  
 Curtæ nescio quid semper abest rei.

## A D B A C C H U M.

## O D E X X V.

*Se Bacchi instinctu afflatuque concitatum , nova quæ-  
 dam & inaudita de Augusto dicturum.*

Q Uo me, Bacche, rapis tui (specus  
 Plenum? quæ in nemora, aut quos agor in  
 Velox



Velox mente nova? quibus  
 Antris, egregii Cæsaris audiar  
 Æternam meditans decus  
 Stellis inferere, & concilio Jovis?  
 Dicam insigne, recens, adhuc  
 Indictum ore alio, non secus in jugis  
 Ex somnis stupet Evias,  
 Hebrum prospiciens, & nive candidam  
 Thracen, ac pede barbaro  
 Lustratam Rhodopen, ut mihi devio  
 Rupeis, & vacuum nemus  
 Mirari libet! ô Najadum potens,  
 Baccharumque valentium  
 Proceras manibus vertere fraxinos:  
 Nil parvum, aut humili modo;  
 Nil mortale loquar: dulce periculum est,  
 O Lænæ, sequi deum  
 Cingentem viridi tempora pampino.

## AD VENEREM.

## ODE XXVI.

*Se jam senem factum rebus amatoriis minus aptum esse.*

**V**ixi puellis nuper idoneus,  
 Et militavi non sine gloria:  
 Nunc arma, defunctumque bello  
 Barbiton hic paries habebit:  
 Lævum marinæ qui Veneris latus  
 Custodit. hic, hic ponite lucida  
 Funalia, & vesteis, & arcus  
 Oppositis foribus minaceis.  
 O, quæ beatam diva tenes Cyprum, &  
 Memphim carentem Sythonia nive,  
 Regina, sublimi flagello  
 Tange Chloen semel arrogantem.

## AD GALATEAM NAVIGATURAM.

## ODE XXVII.

*Deterret eam præcipue exemplo Europæ.*

**I**mpios parræ recinentis omen  
 Ducat, & prægnans canis, aut ab agro  
 Raya decurrens lupa Lanuvino,  
 Fortaque vulpes,

Rumpat & serpens iter institutum ,  
 Si per obliquum similis sagittæ  
 Terruit Mannos. ego cui timebo  
 Providus auspex ?

Antequam stanteis reperat paludes  
 Imbrium divina avis imminendum ,  
 Oscinem corvum prece suscitabo  
 Solis ab ortu.

Sis licet felix , ubicumque mavis ,  
 Et memor nostri Galatea vivas :  
 Teque nec lævus vetet ire picus ,  
 Nec vaga cornix.

Sed vides , quando trepidet tumultu  
 Pronus Orion : ego , quid sit ater  
 Adriæ , novi , sinus : & quid albus  
 Peccet lapix.

Hostium uxores puerique cæcos  
 Sentiant motus orientis Hædi , &  
 Æquoris nigri fremitum , & trementeis  
 Verbere ripas.

Sic & Europe niveum doloso  
 Credidit tauro latus : & scatentem  
 Belluis pontum , mediasque fraudeis  
 Palluit audax.

Nuper in pratis studiosa florum , &  
 Debitæ Nymphis opifex coronæ ,  
 Nocte sublustri , nihil astra præter  
 Vidit , & undas.

Quæ simul centum tetigit potentem  
 Oppidis Creten : pater ô relictum  
 Filia nomen , pietasque dixit  
 Victa furore.

Unde ? quo veni ? levis una mors est  
 Virginum culpæ , vigilansne ploro  
 Turpe commissum ? an vitiis carentem  
 Ludit imago

Vana : quæ porta fugiens eburna  
 Somnium ducit ? meliusve fluctus  
 Ire per longos fuit : an recenteis  
 Carpere flores ?

Si quis infamem mihi nunc juvenicum  
 Dedat iratæ , lacerare ferro , &  
 Frangere enitar modo multum amati  
 Cornua tauri.

Impudens liqui patrios Penateis :  
 Impudens Orcum moror. O deorum  
 Si quis hæc audit : utinam inter errem  
 Nudaleones.

Antequam turpis macies decenteis  
 Occupet malas , teneræque succus  
 Defluat prædæ , speciosa quæro  
 Pascere tigreis.

Vilis Europe pater urget absens ;  
 Quid mori cessas ? potes hac ab orno  
 Pendulum , zona bene te secuta ,  
 Lædere collum.

Sive te rupes , & acuta letho  
 Saxa delectant : age , te procellæ  
 Crede voloci : nisi herile mavis  
 Carpere pensum.

Regius sanguis , dominæque tradi ,  
 Barbaræ pellex. Aderat querenti  
 Perfidum ridens Venus , & remisso  
 Filius arcu.

Mox ubi lussit satis : Abstineto ,  
 Dixit , irarum , calidæque rixæ :  
 Cum tibi invisus laceranda reddet  
 Cornuataurus.

Uxor invicti Jovis esse nescis ?  
 Mitte singultus : bene ferre magnam  
 Disce fortunam : tua sectus orbis  
 Nomina ducet.

AD LYDEN.

O D E XXVIII.

*Diem Neptuno sacrum hilariter exigendum esse.*

**F**esto quid potius die  
 Neptuni faciam prome reconditum ,  
 Lyde strenua , Cæcubum ,  
 Munitæque adhibe vim sapientiæ ,  
 Inclinare meridiem  
 Sentis : ac veluti stet volucris dies ,  
 Parcis deripere horreo  
 Cessantem Bibuli consulis amphoram.  
 Nos cantabimus invicem  
 Neptunum , & virideis Nereidum comas.  
 Tu curva recines lyra

Latonam , & celeris spicula Cynthiæ  
 Summo carmine , quæ Cnidon  
 Fulgentisque tenet Cycladas , & Paphon  
 Junctis visit oloribus.  
 Dicetur merita Nox quoque nœnia.

## A D M Æ C E N A T E M .

## O D E XXIX.

*Invitat eum ad cœnam hilarem, publicis curis omiſſis.*

**T**Yrrhena regum progenies , tibi  
 Non ante verſo lene merum cado  
 Cum flore , Mæcenas , roſarum , &  
 Preſſa tuis balanis capillis  
 Jamdudum apud me eſt : eripe te moræ  
 Ne ſemper udum Tybur , & Æſulæ  
 Declive contempleris arvum , &  
 Telegoni juga patricidæ ,  
 Faſtidioſam deſere copiam , &  
 Molem propinquam nubibus arduis ,  
 Omitte mirari beatæ  
 Fumum , & opes , ſtrepitumque Romæ.  
 Plerumque gratæ divitibus vices ,  
 Mundæque parvo ſub lare pauperum  
 Cænæ , ſine aulæis , & oſtro  
 Sollicitam explicuere frontem.  
 Jam clarus occultum Andromedæ pater  
 Oſtendit ignem : jam Procyon furit.  
 Et ſtella veſani leonis ,  
 Sole dies referente ſiccos.  
 Jam paſtor umbras cum grege languido ,  
 Rivumque feſſus quærit , & horridi  
 Dumeta Sylvani : caretque  
 Ripa vagis taciturna ventis.  
 Tu civitatem quis deceat ſtatus ,  
 Curas , & urbi ſollicitus times :  
 Quid Seres , & regnata Cyro  
 Bactra parent , Tanaiſque diſcors.  
 Prudens , futuri temporis exitum  
 Caliginofa nocte premit Deus :  
 Ridetque , ſi mortalis ultra  
 Fas trepidat. quod adeſt , memento  
 Componere æquus : cætera fluminis

Ritu feruntur, nunc medio alveo  
 Cum pace delabentis Etrus-  
 cum in mare, nunc lapides adefos,  
 Stirpeisque raptas, & pecus, & domos  
 Volventis una, non sine montium  
 Clamore, vicinæque silvæ:  
 Cum fera diluvies quietos  
 Irritat amneis. ille potens sui,  
 Lætusque deget, cui licet in diem  
 Dixisse, vixi: cras vel atra  
 Nube polum pater occupato,  
 Vel sole puro: non tamen irritum  
 Quodcumque retro est, efficiet: neque  
 Diffinget, insectumque reddet,  
 Quod fugiens semel hora vexit.  
 Fortuna sævo læta negotio, &  
 Ludum insolentem ludere pertinax,  
 Transmutat incertos honores,  
 Nunc mihi, nunc aliis benigna.  
 Laudo manentem: si celereis quatit  
 Pennas, resigno, quæ dedit, & mea  
 Virtute me involvo: probamque  
 Pauperiem sine dote quæro.  
 Non est meum, si mugiat Africis  
 Malus procellis, ad miseras preces  
 Decurrere: & votis pacisci  
 Ne Cypriæ Tyriæque merces  
 Addant avaro divitias mari.  
 Tunc me biremis præsidio scaphæ  
 Tutum per Ægeos tumultus  
 Aura feret; geminusque Pollux.

## AD MELPOMENEN MUSAM.

## ODE XXX.

*Scribendis carminibus lyricis se melius consuluisse im-  
 mortalitati nominis sui dicit, quam si obtinisset ut si-  
 bi a reâ statua aut pyramides erigerentur. Præcipuè  
 quæ laudis materiam fore innuit, quod primus ex La-  
 tinis in hoc carminum genere Græcos imitatus fuerit.*

**E**Xegi monumentum ære perennius,  
 Regalique situ Pyramidum altius,  
 Quod non imber edax, non Aquilo impotens  
 Possit diruere, aut innumerabilis

Annorum series, & fuga temporum.  
 Non omnis moriar: multaque pars mei  
 Vitabit Libitinam. usque ego postera  
 Crescam laude recens: dum Capitolium  
 Scandet cum tacita virgine pontifex.  
 Dicar, qua violens obstrepit Aufidus.  
 Et, qua pauper aquæ Daunus agrestium  
 Regnavit populorum, ex humili potens  
 Princeps Æolium carmen ad Italos  
 Deduxisse modos. fume superbiam  
 Quæsitam meritis, & mihi Delphica  
 Lauro cinge volens Melpomene comam.

Q. HORATII  
 F L A C C I  
 C A R M I N U M  
 LIBER IV.

O D E P R I M A.

*Se jam ea ætate esse, ut à rebus amatoriis, & carminibus  
 ludicris & venereis, alieno esse animo debeat: & ta-  
 men Ligurini vesano amore torreri.*

**I**ntermissa Venus diu  
 Rursus bella moves, parce, precor, precor,  
 Non sum qualis eram bonæ  
 Sub regno Cynaræ. desine dulcium  
 Mater sæva Cupidinum,  
 Circa lustra decem flectere mollibus  
 Jam durum imperiis. abi  
 Quo blandæ juvenum te revocant preces.  
 Tempestivius in domo  
 Pauli, purpureis ales oloribus,  
 Commestabere Maximi,  
 Si torrere jecur quæris idoneum,  
 Namque & nobilis, & decens,  
 Et pro sollicitis non tacitus reis,  
 Et centum puer artium;  
 Late signa feret militiæ tuæ.  
 Et, quandoque potentior  
 Largis muneribus riferit æmuli;

Albanos prope, te, lacus  
 Ponet marmoream sub trabe Cypria,  
 Illic plurima naribus  
 Duces thura - lyræque, & Berecynthiæ  
 Delectabere tibiæ  
 Mistis carminibus non sine fistula.  
 Illic bis pueri die  
 Numen cum teneris virginibus tuum  
 Laudantes, pede candido  
 In morem Salium ter quatient humum.  
 Me nec fœmina, nec puer  
 Jam nec spes animi credula mutui,  
 Nec certare juvat mero:  
 Nec vincere novis tempora floribus.  
 Sed cur heu, Ligurine, cur  
 Manat rara meas lachryma per genas?  
 Cur facunda parum decoro  
 Inter verba cadit lingua silentio?  
 Nocturnis te ego somniis  
 Jam captum teneo, jam volucrem sequor  
 Te per gramina Martii  
 Campi, te per aquas, dure, volubileis.

AD ANTONIUM JULUM, M. AN-  
 TONII TRIUMVIRI FILIUM.

## ODE II.

*Antiquos Poëtas imitari periculosum est.*

**P**indarum quisquis studet æmulari,  
 Jule, ceratis ope Dædalea  
 Nititur pennis, vitreo daturus  
 Nomina ponto.  
 Monte, decurrens velut amnis, imbras  
 Quem super notas aluere ripas,  
 Fervet, immensusque ruit profundo  
 Pindarus ore,  
 Lauream donandus Apollinari,  
 Seu per audaceis nova dithyrambos  
 Verba devolvit, numerisque fertur  
 Lege solutis:  
 Seu deos, regesque canit, deorum  
 Sanguinem: per quos cecidere iusta  
 Morte Centauri, cecidit tremendæ  
 Flamma Chimææ:

Sive,

370

Sive , quos Elea domum reducit  
 Palma cœlestis: pugilemve equumve  
 Dicit : & centum potiore signis  
 Munere donat.

Flebili sponsæ juvenemve raptum  
 Plorat : & vireis, animumque, mores-  
 que aureos educit in astra, nigro-  
 que invidet Orco.

Multa Diræum levat aura cygnum ,  
 Tendit, Antoni, quoties in altos  
 Nubium tractus : ego apis Matinæ  
 More modoque

Grata carpentis thyma per laborem  
 Plurimum circa nemus , uvidique  
 Tiburis ripas , operosa parvus  
 Carmina fingo.

Concines majore poëta plectro  
 Cæsarem, quandoque trahet feroceis  
 Per sacrum civium, merita decorus  
 Fronde , Sicambros ,

Quo nihil majus meliusve terris  
 Fata donavere , bonique divi ,  
 Nec dabunt : quamvis redeant in aurum  
 Tempora priscum.

Concines lætosque dies , & urbis  
 Publicum ludum , super impetrato  
 Fortis Augusti reditu , forumque  
 Litibus orbum.

Tum me, si quid loquar audiendum,  
 Vocis accede bona pars, & ô Sol  
 Pulcher, ô laudande, canam recepto  
 Cæsare felix.

Tuque, dum procedis, Io triumphæ,  
 Non semel dicemus : Io triumphæ ,  
 Civitas omnis , dabimusque divi  
 Thura benignis.

Te decem tauri , totidemque vaccæ,  
 Me tener solvet vitulus relicta  
 Matre , qui largis juvenescit herbis  
 In mea vota ,

Fronte curvatos imitatus igneis  
 Tertium Lunę referentis ortum ,  
 Qua notam duxit, niveus videri,  
 Cætera fulvus,



## AD MELPOMENEN.

## ODE III.

*Se natum esse ad poeticon, ejusque beneficio nominis immortalitatem & gloriam consecutum esse.*

**Q**uem tu Melpomene semel  
 Nascentem placido lumine videris,  
 Illum non labor Isthmius  
 Clarabit pugilem: non equis impiger  
 Curru ducet Achaico  
 Victorem: neque res bellica Deliis  
 Ornatum foliis ducem;  
 Quod regum tumidas contuderit minas,  
 Ostendet Capitolio:  
 Sed, quæ Tybur aquæ fertile præfluunt,  
 Et spissæ nemorum comæ,  
 Fingent Æolio carmine nobilem.  
 Romæ principis urbium  
 Dignatur soboles inter amabileis  
 Vatum ponere me choros:  
 Et jam dente minus mordeor invido.  
**O** testudinis aureæ  
 Dulcem quæ strepitum Pieri temperas:  
**O** mnis quoque piscibus  
 Donatura cygni, si libeat, sonum!  
**T**otum muneris hoc tui est,  
 Quod monstror digito prætereuntium,  
 Romanæ fidicen lyræ:  
 Quod spiro & placeo (si placeo) tuum est.

## AD ROMAM.

## ODE IV.

*Drusi Neronis, qui fuit Augusti Caesaris privignus, vi-  
 ctorias de Rhætis & Vindelicis celebrat. Quin etiam  
 Claudii Neronis fortia quædam facta commemorat.*

**Q**ualem ministrum fulminis alitem,  
 Cui rex deorum regnum in aveis vagas  
 Permisit, expertus fidelem  
 Jupiter in Ganymede flavo,  
 Olim juvenus, & patrius vigor  
 Nido laborum propulit inscium:  
 Vernique jam nimbis remotis,

Insolitos docuere nifus  
 Ventipaventem: mox in ovilia  
 Demisit hostem vividus impetus.  
 Nunc in reluctantibus dracones  
 Egit amor dapis, atque pugnae:  
 Qualemve lætis caprea pascuis  
 Intenta, fulvæ matris ab ubere,  
 Jam lacte depulsum leonem,  
 Dente novo peritura vidit  
 Videre Rhæti bella sub Alpibus  
 Drusum gerentem & Vindelici, quibus  
 Mos unde deductus per omne  
 Tempus Amazonia securi  
 Dextra, obarmet, quærere distuli:  
 Nec scire fas est omnia. Sed diu  
 Lateque victrices catervæ  
 Consiliis juvenis revictæ  
 Sensere, quid mens rite, quid indoles  
 Nutrita faustis sub penetralibus  
 Posset, quid Angusti paternus  
 In pueros animus Neronēs.  
 Fortes creantur fortibus & bonis.  
 Est in juvencis, est in equis patrum  
 Virtus: nec imbellem feroces  
 Progenerant aquilæ columbam.  
 Doctrina sed vim promovet insitam  
 Rectique cultus pectora roborant.  
 Utcunque defecere mores,  
 Dedecorant bene nata culpæ.  
 Quid debeas, ô Roma, Neronibus,  
 Testis Metaurum flumen, & Asdrubal  
 Devictus, & pulcher fugatis  
 Ille dies Latio tenebris.  
 Qui primus alma risit adorea,  
 Dirus per urbeis Afer ut Italas,  
 Ceu flamma per tēdas, vel Euris  
 Per Siculas equitavit undas.  
 Post hoc secundis usque laboribus  
 Romana pubes crevit: & impio  
 Vastata Pœnorum tumultu  
 Fana deos habuere rectos.  
 Dixitque tandem perfidus Annibal,  
 Cervi luporum præda rapacium  
 Sectamur ultro, quos opimus

Fallere & effugere est triumphus.  
 Gens, quæ cremato fortis ab Ilio  
 Jactata Tuscis æquoribus, sacra,  
 Natosque, maturosque patres  
 Pertulit Ausonias ad urbeis,  
 Duris ut ilex tonsa bipennibus  
 Nigræ feracifrondis in Algido,  
 Per damna, per cædeis ab ipso  
 Ducit opes animumque ferro.  
 Non hydra secto corpore firmior  
 Vinci dolentem crevit in Herculem:  
 Monstrumvè summisere Colchi  
 Majus, Echioniave Thebæ.  
 Merces profundos pulchrior evenit.  
 Luctere, multa prouet integrum  
 Cum laude victorem: geretque  
 Prælia conjugibus loquenda.  
 Carthagini jam non ego nuntios  
 Mittam superbos: occidit, occidit  
 Spes omnis, & fortuna nostri  
 Nominis, Asdrubale interemto.  
 Nil Claudiae non perficient manus:  
 Quas & benigno numine Jupiter  
 Defendit, & curæ sagaces  
 Expediunt per acuta belli.

## AD AUGUSTUM.

## ODE V.

*Ut tandem in urbem redeat.*



**D** Ivis orte bonis, optime Romulæ  
 Custos gentis, abes jam nimium diu:  
 Maturum reditum pollicitus patrum  
 Sancto concilio, redi.  
 Lucem redde tuæ, dux bone, patriæ,  
 Instar veris enim vultus ubi tuus  
 Affulsit populo, gravior it dies  
 Et soles melius nitent.  
 Ut mater juvenem, quem Notus invido  
 Flatu Carpathii trans maris æquora  
 Cunctantem spatio longius anauro  
 Dulci distinet à domo,  
 Votis, omnibusque, & precibus vocat,  
 Curvo nec faciem littore dimovet:

Sic desiderii ista fidelibus

Quærit patria Cæsarem.

Tutus bos etenim rura perambulat :

Nurit rura Ceres, almaque Faustitas :

Pacatum volitant per mare navitæ :

Culpari metuit fides :

Nullis polluitur casta domus stupris :

Mox & lex maculosum edomuit nefas :

Laudantur simili prole puerperæ ,

Culpam pœna premit comes.

Quis parthum paveat ? quis gelidum Scythen ?

Quis , Germania quos horrida parturit

Fœtus , incolumi Cæsare ? quis feræ

Bellum curet Iberiæ ?

Condit quisque diem collibus in suis.

Et virem viduas ducit ad arbores.

Hinc ad vina redit lætus , & alteris

Te mensis adhibet deum.

Te multa prece , te prosequitur mero

Defuso pateris : & Laribus tuum

Miscet numen , uti Græcia Castoris ,

Et magni memor Herculis.

Longas ô utinam dux bone ferias

Præstes Hesperia , dicimus integro

Sicci mane die : dicimus uvidi

Cum Sol Oceano subest.

## IN APOLLINEM, ET DIANAM.

### O D E V I.

*Carmen seculare.*

**D**Ive , quem proles Niobæ a magnæ  
Vindicem linguæ , Tityosque raptor  
Sensit , & Trojæ prope victor altæ

Phthius Achilles.

Cæteris major , tibi miles impar :

Filius quamvis Thetidis marinæ

Dardanas turreis quateret tremenda

Cuspide pugnax.

Ille , mordaci velut ista ferro

Pinus , aut impulsa cupressus Euro

Procidit late : posuitque collum in

Pulvere Teucro.

Ille non inclusus equo Minervæ

Sacra

Sacramentito , male feriatos

Troas , & lætam Priami choreis

Falleret aulam :

Sed palam captis gravis , heu nefas , heu ,

Nescios fari pueros Achivis

Ureret flammis , etiam latenteis

Matris in alvo :

Ni tuis victus Venerisque gratæ

Vocibus , divum pater annuisset

Rebus Æneæ potiore ductos

Alite muros.

Doct̃or argutæ fidicen Thaliæ

Phœbe , qui Xantho lavis anne crineis ;

Dauniæ defende decus camænæ

Lævis Agyeû.

Spiritum Phœbus mihi , Phœbus artem

Carminis , nomenque dedit poëtæ ,

Virginum primæ , puerique claris

Patribus orti ,

Delix tutela deæ , fugaceis

Lyncas : & cervos cohibentis arcu ,

Lesbium servate pedem , meique

Pollicis ictum :

Rite Latonæ puerum canentes ,

Rite crescentem face noctilucam ,

Prosperam frugum , celeremque pronos

Volvere menseis.

Nupta jam dices , ego dîs amicum ,

Sæculo festas referente luces

Reddidi carmen docilis modorum

Vatis HoratI.

## AD L. MANLIUM TORQUATUM.

### ODE VII.

*Veris adventu , & aqua omnibus hominibus moriendi  
conditione sine spe reviviscendi , omniumque rerum  
mutatione & vicissitudine proposita , invitat ad hila-  
riter jucundæque vivendum.*

**D** Iffugere nives, redeunt jam gramina campis  
Arboribusque comæ.

Mutat terra vices , & decrefcentia ripas

Flumina prætereunt.

Gratia cum Nymphis geminisque sororibus aude

Ducere nuda choros.  
 Immortalia ne speres monet annus, & alium  
 Quæ rapit hora diem.  
 Frigora mitescunt zephyris: ver proterit æstas  
 Interitura, simul  
 Promifer autumnus fruges effuderit: & mox  
 Bruma recurret iners.  
 Damna tamen celeres reparant cælestia Lunæ:  
 Nos ubi decidimus  
 Quo pius Æneas, quo Tullus dives & Ancus:  
 Pulvis & umbra sumus.  
 Quis scit, an adjiciant hodiernæ crastina summæ  
 Tempora Di superi?  
 Cuncta manus avidas fugient hæredis, amico  
 Quæ dederis animo.  
 Cum semul occideris, & de te splendida Minos  
 Fecerit arbitria,  
 Non, Torquate, genus, non te facundia, non te  
 Restituet pietas.  
 Infernis neque enim tenebris Diana pudicum  
 Liberat Hippolytum  
 Nec lethæa valet Theseus abrumpere caro  
 Vincula Pirithoo.

## AD MARCIUM CENSORINUM.

## ODE VIII.

*Nihil est, quod homines magis immortales reddere possit,  
 quam Poëtarum carmina.*

**D**onarem pateras, grataque commodas,  
 Censorine, meis æra sodalibus,  
 Donarem tripodas, præmia fortium  
 Grajorum: neque tu pessima munerum  
 Ferres: divite me scilicet artium,  
 Quas aut Parrhasius protulit, aut Scopas  
 Hic saxo, liquidis ille coloribus  
 Sollers nunc hominem ponere, nunc deum.  
 Sed non hæc mihi vis: non tibi talium  
 Res est, aut animus deliciarum egeus.  
 Gaudes carminibus: carmina possumus  
 Donare, & pretium dicere muneris.  
 Non incisa notis marmora publicis,  
 Per quæ spiritus, & viâa redit bonis  
 Post mortem ducibus: non celeres fugæ

Reje.

Reiectæque retrorsum Annibalis minæ ,  
 Non incēdia Carthaginiſ impīæ ,  
 Ejus , qui domita nomen ab Africa  
 Lucratus rediit , clariuſ indicant  
 Laudes , quam Calabræ Pierides : neque ,  
 Si chartæ ſileant quod bene feceris ,  
 Mercedem tuleris. quid foret Iliæ ,  
 Mavortisque puer , ſi taciturnitas  
 Obſtaret meritis invida Romuli ?  
 Ereptum Stygiis fluctibus Æacum  
 Virtus , & favor , & lingua potentium  
 Vatum divitibus conſecrat inſulis.  
 Dignum laude virum Muſa vetat mori ,  
 Cælo Muſa beat. ſic Jovis intereſt  
 Optatis epulis impiger Hercules.  
 Clarum Tyndaridæ ſidus ab inſimis  
 Quaffas eripiunt æquoribus rateis.  
 Ornatus viridi tempora pampino  
 Liber vota bonos ducit ad exituſ.

## AD LOLLIIUM. ODE IX.

*Scripta ſua nunquam interitura. Sine poetarum ope  
 Virtutem oblivione ſempiterna deleri. Se ſuis verſibus  
 res à Lollio geſtas memoria poditurum. Laus conſtan-  
 tia , & cæterarum virtutum.*

**N**E forte credas interitura , quæ  
 Longe ſonantem natus ad Aufidum ,  
 Non ante vulgatas per arteis  
 Verba loquor ſocianda chordis.  
 Non , ſi priores Mæoniuſ tenet  
 Sedeis Homeruſ , Pindaricæ latent ,  
 Cœque , & Alcæi minaces ,  
 Steſichorique graves camœnæ.  
 Nec , ſi quid olim luſit Anacreon ,  
 Delevit æraſ : ſpirat adhuc amor ,  
 Vivuntque commiſſi caloreſ  
 Æoliæ ſidibus puellæ.  
 Non ſola comtoſ arſit adulteri  
 Crineis , & aurum veſtibuſ illituſ  
 Mirata , regaleiſque cultuſ ,  
 Et comiteſ. Helene Lacena  
 Primuſve Tencer tela Cydonio  
 Direxit arcu : non ſemel Iliuſ

Vexata : non pugnavit ingens  
 Idomeneus Sthenelusve solus  
 Dicenda Musis praelia : non ferox  
 Hector , vel acer Deiphobus graveis  
 Excepit ictus pro pudicis  
 Conjugibus puerisque primus.  
 Vixere fortes ante Agamemnona  
 Multi : sed omnes illachrymabiles  
 Urgentur , ignotique longa  
 Nocte : carent quia vate sacro.  
 Paulum sepultæ distat inertiae  
 Celata virtus , non ego te meis  
 Chartis inornatum silebo ,  
 Totve tuos patiar labores  
 Impune , Lolli , carpere lividas  
 Obliviones. est animus tibi  
 Rerumque prudens & secundis  
 Temporibus dubiisque  
 Vindex avare fraudis , & abstinens  
 Ducentis ad se cuncta pecuniae ,  
 Consulque non unius anni ,  
 Sed quoties bonus atque fidus  
 Iudex honestum prætulit utili , &  
 Rejecit alto dona nocentium  
 Vultu ; & per obstanteis catervas  
 Explicuit sua victor arma.  
 Non possidentem multa vocaveris  
 Recte beatum : rectius occupat  
 Nomen beati , qui deorum  
 Muneribus sapienter uti ,  
 Duramque callet pauperiem pati ,  
 Pejusque letho flagitium timet.  
 Non ille pro caris amicis ,  
 Aut patria timidus perire.

## A D L I G U R I N U M.

## O D E X.

*Ut dum per aetatem licet , frustur formæ suæ bono :  
 alioqui fore ut ipsum sero pœniteat , cum flos illæ æta-  
 tis exaruerit.*

**O** Crudelis adhuc , & Veneris muneribus po-  
 tens ,  
 Insperata tuæ cum veniet pluma superbiæ ,  
 Et ,



Et, quæ nunc humeris involitant, deciderint  
comæ,

Nunc & qui color est puniceæ flore prior rosæ,  
Mutatus Ligurinum in faciem verterit hispidam,  
Dices heu (quoties te in speculo videris alterum)

Quæ mens est hodie, cur eadem non puero fuit?  
Vel cur his animis incolumes non redeunt genæ.

## AD PHYLLEDIDEM.

## ODE XI.

*Die natali Mæcenatis, qui erat Id. Aprilis, invitatur  
eam ad epulas.*

**E**st mihi nonum superantis annum  
Plenus Albani cadus: est in horto,  
Phylli, nectendis apium coronis,  
Est hederæ vis

Multa, qua crineis religata fulges.  
Ridet argento domus: ara castis  
Vineta verbenis aet immolato  
Spargier agno.

Cuncta festinat manus: huc & illuc  
Curstant mistæ pueris puellæ:  
Sordidum flammæ trepidant rotantes  
Vertice fumum.

Ut tamen noris, quibus advoceris  
Gaudiis: idus tibi sunt agendæ,  
Qui dies mensem Veneris marinæ  
Findit Aprilem,

Jure solennis mihi, sanctiorque  
Pæne natali proprio, quod ex hac  
Luce Mæcenas meus affluenteis  
Ordinat annos.

Telephum, quem tu petis, occupavit  
(Non tuæ fortis juvenem) puella  
Dives, & lasciva: tenetque grata  
Compede vinctum.

Terret ambustus Phaëton avaras  
Spes: & exemplum grave præbet ales  
Pegasus, terrenum equitum gravatus  
Bellerophontem;

Semper ut te digna sequare & ultra,  
Quam licet sperare, nefas putando,

Disparem vites. age jam meorum  
 Finis amorum ,  
 (Non enim posthac alia calebo  
 Fœmina) condisce modos , amanda  
 Voce quos reddas. minuuntur atræ  
 Carmine curæ.

## A D V I R G I L I U M .

## O D E X I I .

*Describit Veris adventum , & Virgilium ad convivium  
 sub conditione invitat.*

**I** Am veris comites , quæ mare temperant ,  
 Impellunt animæ lintea Thraciæ  
 Jam nec prata rigent , nec fluvii strepunt  
 Hiberna nive turgidi.  
 Nidum ponit , Ityn flebiliter gemens ,  
 Infelix avis , & Cecropiæ domus  
 Æternum opprobrium , quod male barbara ,  
 Regum est ulta libidines.  
 Dicunt in tenero gramine , pinguium  
 Custodes ovium , carmina fistula :  
 Delectantque deum , cui pecus , & nigri  
 Colles Arcadiæ placent.  
 Adduxere sitim tempora Virgili :  
 Sed , pressum Calibus ducere Liberum  
 Si gestis , juvenum nobilium cliens.  
 Nardo vina merebere.  
 Nardi parvus onyx eliciet cadum ,  
 Qui nunc Sulpitiis accubat horreis ,  
 Spes donare novas largus , amaraque  
 Curarum eluere efficax ,  
 Ad quæ si properas gaudia , cum tua  
 Velox merce veni. non ego te meis  
 Immunem meditor tingere poculis ,  
 Plena dives ut in domo.  
 Verum pone moras , & studium lucri :  
 Nigrorumque memor , dum licet , ignium ,  
 Misce stultitiam consiliis brevem.  
 Dulce est desipere in loco.

## LIBER IV.

19

## IN LYCEN.

## ODE XIII.

*Insultat ei quod jam anus fiat, & libidine flagrans, contemptatur à juvenibus.*

**A**Udivere Lyce Dii mea vota: Dii  
 Audivere Lyce; sis anus, & tamen  
 Vis formosa videri,  
 Ludisque, & bibis impudens:  
 Et cantu tremulo pota cupidinem  
 Lentum sollicitas: ille virentis, &  
 Doctæ psallere Chiæ,  
 Pulchris excubat in genis.  
 Importunus enim transvolat aridas  
 Quercus, & refugit te, quia luridi  
 Dentes, te quia rugæ  
 Turpant, & capitis nives.  
 Nec Coæ referunt jam tibi purpuræ,  
 Nec clari lapides tempora, quæ semel  
 Notis condita fastis:  
 Inclusit volucris dies.  
 Quo fugit Venus heu? quoque color decens?  
 Quo motus? quid habes illius, illius,  
 Quæ spirabat amores,  
 Quæ me surpuerat mihi,  
 Felix post Cynaram, notaque, & artium  
 Gratarum facies? sed Cynare brevis  
 Annos fata dederunt,  
 Servatura diu parem  
 Cornicis vetulæ temporibus Lycen:  
 Possent ut juvenes visere fervidi  
 Multo non sine risu,  
 Dilapsam in cineres facem.

## AD AUGUSTUM.

## ODE XIV.

*A Senatu, populoque Romano honores Augusto tribui non possunt, qui virtutes ejus æquare valeant.*

**Q**Uæ curapatrum, quæve Quiritium  
 Plenis honorum muneribus, tuas,  
 Auguste, virtutes in ævum  
 Per titulos memoresque fastos

Æternæ? ô qua sol habitabileis  
Illustrat oras, maxime principum:  
Quem legis expertes Latinæ  
Vindelici didicere nuper  
Quid Marte posses. milite nam tuo  
Drusus Genaunos, implacidum genus,  
Brennosque veloceis, & arceis  
Alpibus impositas tremendis,  
Dejecit acer, plus vice simplici.  
Major Neronum mox grave prælium  
Commisit, immaneisque Rhætos  
Auspiciis pepulit secundis.  
Spectandus in certamine Martio,  
Devoa morti pectora liberæ  
Quantis fatigaret ruinis:  
Indomitas prope qualis undas  
Exerceret Auster Pleiadum choro  
Scindente nubeis, impiger hostium  
Vexare turmas: & frementem  
Mittere equum medios per igneis.  
Sic tauriformis volvitur Aufidus  
Qui regna Dauni præfluit Appuli,  
Cum sævit, horrendamque cultis  
Diluvium meditatur agris:  
Ut Barbarorum Claudius agmina  
Ferrata vasto diruit impetu:  
Primosque & extremos metendo  
Stravit humum sine clade victor;  
Te copias, te consilium, & tuos  
Præbente divos. nam tibi, quo die  
Portus Alexandria supplex,  
Et vacuum patefecit aulam,  
Fortuna lustro prospera tertio  
Belli secundos reddidit exitus:  
Laudemque, & optatum peractis  
Imperiis decus arrogavit.  
Te Cantaber non ante domabilis,  
Medusque & Indus: te profugus Scythes  
Miratur, ô tutela præsens  
Italix, dominæque Romæ:  
Te fontium qui cælat origines  
Nilusque & Ister: te rapidus Tigris,  
Te belluosus qui remotis  
Obstrepat Oceanus Britannis:

Te non paventis funera Gallia :  
 Duræque tellus audit Iberiæ :  
 Te cæde gaudentes Sicambri :  
 Compositis venerantur armis.

## AUGUSTI LAUDES.

## ODE XV.

*Se non esse idoneum ad canenda Lyricis versibus Augusti encomia.*

**P**Hœbus volentem prælia me loqui  
 Victas & urbeis , increpuit lyra ,  
 Ne parva Tyrrhenum per æquor  
 Vela darem : tua , Cæsar , ætas  
 Fruges & agris rettulit uberes ,  
 Et signa nostro restituit Jovi ,  
 Direpta Parthorum superbis  
 Postibus : & vacuum duellis  
 Janum Quirini clausit : & ordinem  
 Rectum evaganti frena licentiæ  
 Injecit : amovitque culpas  
 Et veteres revocavit arteis :  
 Per quas Latinum nomen , & Italæ  
 Crevere vires , famaue , & Imperi  
 Porrecta majestas ad ortum  
 Solis ab Hesperio cubili.  
 Custode rerum Cæsare non furor  
 Civilis , aut vis exiget otium :  
 Non ira , quæ procudit enseis ,  
 Et miseras inimicat urbeis.  
 Non , qui profundum Danubium bibunt ,  
 Edicta rumpent Julia : non Getæ ,  
 Non Seres , infidive Persæ ,  
 Non Tanaim prope flumen orti.  
 Nosque & profestis lucibus & sacris ,  
 Inter jocos munera Liberi ,  
 Cum prole , matronisque nostris ,  
 Rite deos prius apprecati  
 Virtute sanctos more patrum duces ,  
 Lydis remisto carmine tibiis  
 Trojamque , & Anchisen , & almæ  
 Progeniem Veneris canemus.

Q. HORATII  
F. L. A. C. C. I  
E P O D O N  
L I B E R  
A D MÆCENATEM.

O D E I.

*Mæcenati ad bellum Asiaticum proficiscenti comitem se offert, non tam quod præsentia sua quicquam commo-  
di sit ei allaturus, quam quod minus de salute ejus sollicitus sit futurus.*

**I** Bis Liburnis inter alta navium,  
Amice, propugnacula,  
Paratus omne Cæsaris periculum  
Subire, Mæcenas, tuo.  
Quid nos? quibus te vita sit superstita  
Jucunda: si contra, gravis?  
Utrumne jussi persequemur otium  
Non dulce, ni tecum simul?  
An hunc laborem mente laturo, decet  
Qua ferre non molleis viros?  
Feremus: & te vel per Alpium juga,  
Inhospitalem & Caucasum,  
Vel occidentis usque ad ultimum sinum,  
Forti sequemur pectore.  
Roges, tuum labore quid juvem meo,  
Imbellis, ac firmus parum.  
Comes minore sum futurus in metu,  
Qui major absenteis habet.  
Ut assidens implumibus pullis avis  
Serpentium allapsus timet  
Magis relictis: non, ut adsit, auxili  
Latra plus præsentibus.  
Libenter hoc & omne militabitur  
Bellum in tuæ spem gratiæ:  
Non ut juvencis illigata pluribus  
Aratra nitantur meis;  
Pecusve Calabris ante sidus fervidum  
Lucana mutet pascua:

Nec,

Nec , ut superni villa candens Tusculi  
 Circæa tangat mœnia.  
 Satis superque me benignitas tua  
 Ditavit. hant paravero ,  
 Quod aut , avarus ut Chremes , terra premam ,  
 Discinctus aut perdam ut nepos.

ODE II.

*Varias vitæ rusticæ laudes hæc ode complectitur : præsertim vero ab animi tranquillitate & frugalitate eam laudat.*

**B**eatns ille , qui procul negotiis ,  
 Ut prisca gens mortalium ,  
 Paterna rura bobus exercet suis ,  
 Solutus omni sænore.  
 Neque excitatur classico miles truci  
 Neque horret iratum mare ,  
 Forumque vitat , & superba civium  
 Potentiorum limina.  
 Ergo aut adulta vitium propagine  
 Altas maritat populos ;  
 Aut in reducta valle mugientium  
 Prospektat erranteis greges :  
 Inutileisque falce ramos amputans ,  
 Feliciores inserit :  
 Aut pressa puris mella condit amphoris  
 Aut tondet infirmas oveis ,  
 Aut el , cum decorum mitibus pomis caput  
 Autumnis arvis extulit ,  
 Aut gaudet insitiva decerpens pyra ,  
 Certantem & uvam purpuræ ,  
 Aut muneretur te , Priape , & te pater  
 Sylvane , tutor finium !  
 Aut jacere modo sub antiqua ilice ,  
 Aut modo in tenaci gramine.  
 Aut videntur altis interim ripis aquæ ,  
 Aut queruntur in silvis aves :  
 Aut resque lymphis obstreperunt manantibus ,  
 Aut omnos quod invitet leveis.  
 Aut cum tonantis annus hibernus Jovis  
 Aut brevis , niveisque comparat :  
 Aut trudit acreis hinc & hinc multo cane  
 Aut pros in obstanteis plagas :

Aut amite levi rara tendit retia ,  
 Turdis edacibus dolos ,  
 Pavidumque leporem, & advenam laqueo gruem,  
 Jucunda captat præmia.  
 Quis non malarum , quas amor curas habet ,  
 Hæc inter obliviscitur ?  
 Quod si pudica mulier in partem juvens  
 Domum , atque dulceis liberos ,  
 (Sabina qualis , aut perusta solibus  
 Pernicis uxor Appuli)  
 Sacrum vetustis exstruat lignis focum  
 Lassi sub adventum viri ,  
 Claudensque textis cratibus lætum pecus ,  
 Distenta siccet ubera ,  
 Et horna dulci vina promens dolio ,  
 Dapes inemptas apparet :  
 Non me Lucrina juverint conchylia ,  
 Magisve rhombus , aut scari ,  
 Si quos Eois intonata fluctibus  
 Hyems ad hoc vertat mare.  
 Non Afra avis descendat in ventrem meum ,  
 Non attragen Jonicus  
 Jucundior , quam lecta de pinguißimis  
 Oliva ramis arborum ,  
 Aut herba lapathi prata amantis , & gravi  
 Malvæ salubres corpori ;  
 Vel agna festis cæsa Terminalibus ,  
 Vel hædus ereptus lupo ,  
 Has inter epulas , ut juvat pastas oveis  
 Videre properanteis domum !  
 Videre fessos vomerem inversum boves  
 Collo trahanteis languido ,  
 Positosque vernas , ditis examen domus ,  
 Circum renidenteis Lareis !  
 Hæc ubi locutus fœnerator Alphius ,  
 Jam jam futurus rusticus ,  
 Omnem relegit idibus pecuniam ,  
 Quærit Calendis ponere.

## AD MÆCENATEM.

## ODE III.

*Allii detestatio.*

**P**arentis olim si quis impia manu  
 Senile guttur fregerit ,



Edat cicutis allium nocentius ,  
 O dura messorum illa !  
 Quid hoc veneni sævit in præcordiis ?  
 Num viperinus his cruor  
 Incoctus herbis me fefellit : an malas  
 Canidia tractavit dapes ?  
 Ut Argonautas præter omneis candidum  
 Medea mirata est ducem  
 Ignota tauris illigaturum juga ,  
 Perunxit hoc Jasonem :  
 Hoc delibutis ultra donis pellicem ,  
 Serpente fugit alite.  
 Nec tantus unquam siderum insedit vapor  
 Siticulosæ Apuliæ :  
 Nec munus humeris efficacis Herculis  
 Inarsit æstuosius.  
 At , si quid unquam tale concupiveris ,  
 Jocosæ Mæcenæ , precor ,  
 Manum puella suavio opponat tuo ,  
 Extrema & in sponda cubet.

IN MENAM LIBERTUM POM-  
 PEII MAGNI.

ODE IV.

*In ejus , ex mutata conditione , arrogantiam invehitur.*

**L**Upis & agnis quanta sortito obtigit ,  
 Tecum mihi discordia est ,  
 Ibericis peruste funibus latus ,  
 Et crura dura compede.  
 Licet superbus ambules pecunia ,  
 Fortuna non mutat genus.  
 Videſne ſacram meriente te viam  
 Cum bis ter ulnarum toga ,  
 Ut ora vertat huc & huc euntium  
 Liberrima indignatio ?  
 Sectus flagellis hic triumphalibus  
 Præconis ad fastidium.  
 Arat Falerni mille fundi jugera ,  
 Et Appiam mannis terit :  
 Sedilibusque magnus in primis eques  
 Othone contempto sedet.  
 Quid attinet tot ora navium gravi  
 Rostrata duci pondere

Contra latrones atque servilem manum ,  
Hoc hoc tribuno militum ?

## IN CANIDIAM.

## O D E V.

*Loquentem inducit puerum quendam , quem aliquot veneficæ sub terra defoderant mento tenus , fame necandum , ut ex ejus jecore & medulla , poculum amatorium conficerent. Hujus preces primum , deinde imprecationes adversus eas describit Existimatur autem Cratidiam Canidiæ nomine significare.*

**A**T ô deorum quicquid in cælo regis  
Terras , & humanum genus ,  
Quid iste fert tumultus ? & quid omnium  
Vultus in unum me truces ?  
Per liberos te , si vocata partibus  
Lucina veris affuit.  
Per hoc inane purpuræ decus precor ,  
Per improbaturum hæc Jovem ,  
Quid ut noverca me intueris ? aut uti  
Petita ferro bellua ?  
Ut hæc trementi questus ore , constitit  
Insignibus raptis puer.  
Impube corpus , quale posset impia ,  
Mollire Thracum pectora :  
Canidia brevibus implicata viperis  
Crineis , & incomtum caput ,  
Jubet sepulchris caprificos erutas ,  
Jubet cupressus funebreis ,  
Et uncta turpis ova ranæ sanguine ,  
Plumamque nocturnæ strigis ,  
Herbasque quas Jolcos atque Iberia  
Mittit , venenorum ferax :  
Et ossa ab ore rapta jejunæ canis  
Flammis aduri Colchicis.  
At expedita Sagana per totam domum  
Spargens avernaleis aquas ,  
Horret capillis , ut marinus , asperis  
Echinus , aut currens aper.  
Abacta nulla Veja conscientia ,  
Ligonibus duris humum  
Exhauriebat ingemens laboribus ,  
Quo posset infossus puer

o die bis terve, mutatae dapis  
mori spectaculo.  
promineret ore, quantum exstant aquae  
penſa mento corpora :  
ſta uti medulla, & aridum jecur,  
noris eſſet poculum :  
minato cum ſemel fixae cibo  
tabuiſſent pupulae,  
deſuiſſe maſculae libidinis  
rminenſem Foliam,  
tioſa credidit Neapolis,  
e omne vicinum oppidum :  
e ſidera excantata voce Theſſala,  
namque coelo deripit.  
irreſectum ſava dente livido  
anidi rodens pollicem,  
id dixit? aut quid tacuit? ô rebus meis  
non infideles arbitrae  
& Diana, quae ſilentium regis  
Arcana cum ſunt ſacra  
nunc nunc adeſte : nunc in hoſtileis domos  
ſtram, atque numen vertite.  
timiduloſae dum latent ſilvis ferae  
Dulci ſopore languidae,  
nem, quod omnes rideant, adulterum  
Latrent ſuburanæ canes;  
ardo perunctum, quale, nec perfectius,  
Meae laborarunt manus.  
uid accidit? cur dira barbarae minus  
Venena Medae valent,  
uibꝯ ſuperbam fugit ulta pellicem  
Magni Creontis filiam,  
um palla, tabo munus imbutum, novam  
Incendio nuptam abſtulit?  
Atqui nec herba, nec latens in aſperis  
Radix ſefellit me locis.  
ndormit unctis omnium cubilibꝯ  
Oblivione pellicum.  
Ah, ah, ſolutus ambulat veneficae  
Scientioris carmine.  
Non uſitatis, Vare, potionibus,  
(O multa fleturum caput !)  
Ad me recurreſ : nec vocata mens tua  
Marſis redibit vocibus.

Majus parabo : majus infundam tibi  
 Fastidiente poculum.  
 Priusque cœlum sider inferius mari ,  
 Tellure porrecta super ;  
 Quam non amore sic meo flagres , uti  
 Bitumen atris ignibus.  
 Sub hæc puer , jam non , ut ante , mollibus  
 Lenire verbis impias ;  
 Sed dubius unde rumperet silentium ,  
 Misit Thyesteas preces :  
 Venena , magnum fas nefasque , non valent  
 Convertere humanam vicem.  
 Diris agam vos : dira detestatio  
 Nulla expiatur victima.  
 Quin , ubi perire jussus exspiravero ,  
 Nocturnus occurram furor :  
 Peramque vultus umbra curvis unguibus ,  
 Quæ vis decorum est Manium :  
 Et inquietis affidens præcordiis ,  
 Pavore somnos auferam.  
 Vos turba viciatim hinc & hinc saxi petens ,  
 Contundet obscenas anus.  
 Post insepulta membra different lupi ,  
 Et Esquilinæ alites.  
 Neque hoc parenteis , heu , mihi superstites ,  
 Effugerit spectaculum.

IN CASSIUM SEVERUM, POE-  
 TAM MALEDICUM.

ODE VI.

Quid immerenteis hospites vexas canis  
 Ignavus adversum lupos ?  
 Quin huc inaneis , si potes , vertis minas ,  
 Et me remorsurum petis ?  
 Nam , qualis aut Molossus , aut fulvus Lacon ,  
 Amica vis pastoribus ,  
 Agam per altas aure sublata niveis ,  
 Quæcumque præcedet fera.  
 Tu , cum timenda voce complesti nemus ,  
 Projectum odoraris cibum.  
 Cavè , cavè : namque in malos asperrimus  
 Parata tollo cornua.  
 Qualis Lycambæ spretus infido gener ,

Aut acer hostis Bupalò.

An, si quis atro dente me petiverit,  
Inultus ut flebo puer?

## AD POPULUM ROMANUM.

IN BELLUM CIVILE GESTUM  
hinc Bruto & Cassio, illinc Octaviano, M. Antonio,  
& M. Lepido Ducibus.

## ODE VII.

Quo, quo scelesti ruitis? aut cur dexteris  
Aptantur enses conditi?

Parumne campis atque Neptuno super  
Fusum est Latini sanguinis?

Non, ut superbas invidæ Carthaginis  
Romanus arceis ureret,

Intactus aut Britannus ut descenderet  
Sacra catenatus via:

Sed ut, secundum vota Parthorum, sua  
Urbs hæc periret dextera.

Neque hic lupis inos, nec fuit leonibus  
Unquam, nisi in dispar genus.

Furorne cæcus, an rapit vis acrior?  
An culpa? responsum date.

Tacent: & ora pallor albus inficit,  
Mentesque percussæ stupent.

Sic est, acerba fata Romanos agunt,  
Scelusque fraternæ necis,

Ut immerentis fluxit in terram Remi  
Sacer nepotibus cruor.

## IN ANUM LIBIDINOSAM.

## ODE VIII.

Rogare longo putidam te sæculo,  
Vireis quid enervet meas?

Cum sit tibi dens ater, & rugis vetus  
Frontem senectus exaret,

Hæretque turpis inter aridas nateis  
Podex, velut crudæ bovis.

Sed incitat me pectus, & mammæ putres  
Equina quales ubera:

Venterque mollis, & femur tumentibus  
Exile furis additum.

Esse beata: funus atque imagines

Ducant triumphales tuum ,  
 Nec sit marita , quæ rotundioribus  
 Onusta baccis ambulet.  
 Quid ? quod libelli Stœici inter sericos  
 Jacere pulvillos amant ?  
 Illiterati num minus nervi rigent ?  
 Minusve languet fascinum.  
 Quod ut superbo provoces ab inguine ,  
 Ore allaborandum est tibi ?

## AD C. CILNIUM MÆCENATEM.

## ODE IX.

*Præsentit voluptatem quam est percepturus cum Augustus de Antonio & Cleopatra triumphum agit.*

**Q**uando repostum Cæcubum ad festas dapes ,  
 Victore lætus Cæsare ,  
 Tecum sub alta , (sic Jovi gratum) domo  
 Beate Mæcenas , bibam ,  
 Sonante mistum tibiis carmen lyra ,  
 Hac Dorium , illis Barbarum ?  
 Ut nuper , actus cum freto Neptunius  
 Dux fugit uestis navibus ,  
 Minatus urbi vincla , quæ detraxerat  
 Servis amicus perfidis.  
 Romanus (eheu posteri negabitis ,)  
 Emancipatus fæminæ ,  
 Fert vallum , & arma miles : & spadonibus  
 Servire rugosis potest.  
 Interque signa turpe militaria  
 Sol aspicit conopeum.  
 Ad hunc frementeis verterunt bis mille equos  
 Galli canentes Cæsarem :  
 Hostiliumque navium in portu latent  
 Puppes sinistrorsum citæ.  
 Io triumphæ , tu moraris aureos  
 Currus , & intactas boves.  
 Io triumphæ , nec Jugurthino parem  
 Bello reportasti ducem ,  
 Neque Africano : cui super Carthaginem  
 Virtus sepulchrum condidit.  
 Terra marique victus hostis , Punico  
 Lugubre mutavit sagum.  
 Aut Ille centum nobilem Cretam urbibus

Ventis

Ventis iturus non suis ,  
 excitatas aut petit Syrteis Noto ,  
 Aut fertur incerto mari.  
 paciores asser huc puer , scyphos ,  
 Et Chia vina , aut Lesbica :  
 Il , quod fluentem nauseam coërceat ,  
 Metire nobis Cæcubum.  
 iram merumque Cæsaris rerum juvat ,  
 Dulci Lyæo solvere.

## IN MÆVIUM.

## ODE X.

*Tempestatem & naufragium ei imprecatur.*

Ala soluta navis exit alite ,  
 Ferens volentem Mævium ,  
 horridis utrumque verberes latus ,  
 Auster memento , fluctibus ,  
 ger rudentes Euris inverso mari ,  
 tractosque remos differat.  
 surgat Aquilo , quantus aliis montibus  
 rangit trementeis ilices.  
 c sidus atra nocte amicum appareat ;  
 Qua tristis Orion cadit.  
 ietioire nec feratur æquore ,  
 Quam Graja victorum manus :  
 m Pallas uestro vertit iram ab Illo  
 n impiam Ajacis ratem.  
 quantus instat navitis sudor tuis ,  
 tibi que pallor luteus ,  
 illa non virilis ejulatio.  
 Preces & aversum ad Jovem :  
 ius udo cum remugiens sinus ,  
 noto carinam ruperit !  
 ma quod si præda curvo littore  
 correctæ mergos juveris ;  
 idinosus immolabitur caper ,  
 t agna tempestatibus.

## AD PECTUS. ODE XI.

*Amore captum , non posse adversus faciendos operam  
 studiumve conferre.*

Eti , nihil me , sicut antea , juvat  
 Scribere versiculos ,  
 ore perculsum gravi :

Amore, qui me præter omneis, expetie  
Mollibus in pueris,  
Aut in puellis urere.

Hic tertius december, ex quo destiti  
Inachia furete,  
Silvis honorem decutit.

Heu me, per urbem (nam pudet tanti mali)  
Fabula quanta fui?  
Conviviorum & pœnitet:

In queis amantem languor & silentium  
Arguit, & latere  
Petitus imo spiritus.

Contraque lucrum nil valere candidum  
Pauperis ingenium  
Querebar applorans tibi,

Simul calentis inverecondus deus  
Fervidiore mero  
Arcana promorat loco.

Quod si meis inæstuet præcordijs  
Libera bilis, ut hæc  
Ingrata ventis dividat

Fomenta, vulnus nil malum levantia:  
Desinet imparibus  
Certare summotus pudor.

Ubi hæc severus te palam laudaveram,  
Jussus abire domum,  
Ferebar incerto pede

Ad non amicos, heu, mihi posteis, & heu.  
Limina dura, quibus  
Lumbos, & infregi latus.

Nunc glorientis quamlibet mulierculam  
Vincere mollitia,  
Amor Lycisci me tenet:

Unde expedire non amicorum queant  
Libera consilia  
Nec contumeliæ graves:

Sed alius ardor, aut puellæ candidæ,  
Aut teretis pueri,  
Longam renodantis comam.

## O D E X I I.

*In anum sædam ac sætidam, quæ illius amores ambiebat.*

Quid tibi vis mulier nigris dignissima barris?  
Munera cur mihi, quidve tabellas

Mittis,



tis, nec firmo juveni, neque naris obefæ?  
 amque sagacius unus odoror.  
 ypus, an gravis hirsutis cubet hircus in alis,  
 quam canis acer, ubi lateat sus.  
 sudor vietis, & quam malus undique mem-  
 rescit odor, cum pene soluto (bris  
 om tam properat rabiem sedare: nec illi  
 um manet humida creta, colorque  
 core fucatus crocodili: jamque subando  
 enta cubilia testaque rumpit.  
 mea cum sævis agitat fastidia verbis:  
 achia langues minus, ac me.  
 chiam ter nocte potes mihi semper ad unum  
 tollis opus. pereat male, quæ te  
 bia, quærenti taurum, monstravit inertem,  
 um mihi Coua adesset Amyntas;  
 us in indomito constantior inguine nervus,  
 quam nova collibus arbor inhæret.  
 ricibus Tyriis iteratæ vellera lanæ,  
 ui properabantur? tibi nempe.  
 foret æqualeis inter conviva, magis quem  
 oligeret mulier sua, quam te.  
 go non felix, quam tu fugis; ut pavet acreis  
 aqua lupos, capræque leones.

## AD AMICOS. ODE XIII.

*Hyemem hilariter & jucunde esse traducendam.*  
 Orrida tempestas cælum contraxit & imbres,  
 Nivesque deducunt Jovem.  
 nunc mare, nunc silvæ  
 threicio Aquilone sonant, rapiamus amici  
 rationem de die:  
 nque virent genua,  
 t decet, obducta solvatur fronte senectus,  
 vina Torquato move  
 nsule pressa meo.  
 cætera mitte loqui. Deus hæc fortasse benigna  
 ducet in sedem vice.  
 nunc & Achæmenia  
 perfundi nardo juvat: & fide Cyllenea  
 vare diris pectora  
 licitudinibus,  
 nobilis ut grandi cecinit Centaurus alumno:  
 ieste mortalis, dea

Nate puer Thetide ,

Te manet Affaraci tellus , quam frigida parvi  
Findunt Scamandri flumina ,  
Eubricus & Simois.

Unde tibi reditum certo subtemine Parcæ  
Rupere : nec mater domum  
Cæcula te revehet.

Illic omne malum vino cantuque levato :  
Deformis ægrimoniæ  
Dulcibus alloquiis.

AD C. MÆCENATEM. ODE XIV.

*Phrynes amorem causam esse quamobrem promissos Jam-  
bos non absolvat.*

**M**ollis inertia cur tantum diffuderit imis  
Oblivionem sensibus ,

Pocula lethæos ut si ducentia somnos  
Arentē fauce traxerim ,

Candide Mæcenas , occidis sæpe rogando.

Deus deus nam me vetat ,  
Inceptos olim , promissum carmen , jambos  
Ad umbilicum adducere.

Non aliter Samio dicunt arsisse Bathyllo  
Anacreonta Teium :

Qui persæpe cava testudine flevit amorem  
Non elaboratum ad pedem.

Ureris ipse miser : quod si non pulchrior ignis  
Accendit obsessam Ilion.

Gaude sorte tua , me libertina , neque uno  
Contenta , Phryne macerat.

AD NÉÆRAM. ODE XV.

*Non servatam ab ea fidem conqueritur.*

**N**ox erat , & cœlo fulgebat Luna sereno  
Inter minora sidera ,

Cum tu magnorum numen læsura deorum  
In verba jurabas mea ,

Arctius atque edera procera astringitur illex ,  
Lentis adhærens brachiis :

Dum pecori lupo , & nautis infestus Orion  
Turbaret hibernum mare ,

Intonsofque agitare Apollinis aura capillos ,  
Fore hunc amorem mutuum ,

O dolitura mea multum virtute Néæra :

Nam

m si quid in Flacco viri est ,  
 feret assiduas potiori te dare nocteis ,  
 quæret iratus parem ,  
 semel offensæ cedit constantia formæ ,  
 certus intrarit dolor .  
 quicumque es felicior , atque meo nunc  
 perbus incedis malo :  
 ecore & multa dives tellure licebit ,  
 oique Pactolus fluat ,  
 e Pythagoræ fallant arcana renati ,  
 rmaque vincas Nireæ :  
 translatos alio mærebis amores :  
 t ego vicissim risero .

## ODE XVI.

*itur bellorum civilium nullum esse finem, quare de  
 Romana desperat, aliasque terras & ipse pete-  
 bgitat, & aliis, ut idem faciant, suadet.*

ltera jam teritur bellis civilibus ætas ,  
 Suis & ipsa Roma viribus ruit .  
 n neque finitimi valuerunt perdere Marfi ,  
 nacis aut Etrusca Porſenæ manus ,  
 la nec virtus Capuæ , nec Spartacus acer ,  
 visque rebus infidelis Allobrox ,  
 fera cærulea domuit Germania pube ,  
 rentibusque abominatus Annibal ;  
 a perdemus devoti sanguinis ætas :  
 risque rursus occupabitur solum .  
 arus, heu, cineres insistet victor : & urbem  
 nes sonante verberabit ungula .  
 que carent ventis & solibus , ossa Quirini ,  
 fas videre , dissipabit insolens .  
 , quid expediat , communiter , aut melior  
 lis carere quæritis laboribus . ( pars  
 sit hac potior sententia ( Phocæorum  
 ut profugit execrata civitas ,  
 s , atque Lareis patrios, habitandaque sana  
 ris reliquit , & rapacibus lupis )  
 edes quocunque ferunt : quocunq; per undas  
 tus vocabit , aut protervus Africus .  
 acet ? an melius quis habet suadere ? secunda  
 em occupare quid moramur alite ?  
 remus in hæc : Simul imis saxa renarint  
 is levata , ne redire sit nefas :

Neu conversa domum pigeat dare lintea, quando  
 Padus Matina laverit cacumina.  
 In mare seu celsus procurrerit Apenninus,  
 Novaque monstra junxerit libidine  
 Mirus amor, juvet ut tigris subsidere cervis:  
 Adulteretur & columba milvio:  
 Credula nec fulvos timeant armenta leones,  
 Ametque salsa lævis hircus æquora.  
 Hæc & quæ poterunt reditus abscindere dulceis,  
 Eamus omnis exsecrata civitas.  
 Aut pars indocili melior grege: mollis & exspes  
 Inominata perprimat cubilia.  
 Vos, quibus est virtus, muliebrem tollite luctum,  
 Etrusca præter & volate littora.  
 Nos manet Oceanus circumvagus, arva, beata  
 Petamus arva, diviteis & insulas:  
 Reddit ubi Cererem tellus inarata quotannis,  
 Et imputata floret usque vinea,  
 Germinat & nunquam fallentis termes olivæ,  
 Suamque pulla ficus ornat arborem.  
 Mella cava manant ex ilice: montibus altis  
 Levis crepante lympa desilit pede.  
 Illic injussæ veniunt ad mulctra capellæ,  
 Refertque tenta grex amicus ubera:  
 Nec vespertinus circum gemit ursus ovile,  
 Nec intumescit alta viperis humus.  
 Pluraque felices mirabimur, ut neque largis  
 Aquosus Eurus arva radat imbribus,  
 Pinguia nec siccis urantur semina glebis;  
 Utrumque rege temperante cœlitum.  
 Non huc Argoo contendit remige pinus,  
 Neque impudica Colchis intulit pedem.  
 Non huc Sidonii torserunt cornua nautæ,  
 Laboriosa nec cohors Ulyssæi  
 Nulla nocent pecori contagia: nullius astri  
 Gregem æstuosa torret impotentia.  
 Jupiter illa piæ secrevit littora genti,  
 Ut inquinavit ære tempus aureum,  
 Ære, dehinc ferro duravit secula, quorum  
 Piis secunda vate me datur fuga.

## AD CANIDIAM. ODE XVII.

*Petit, ut sibi ignoscat. Eam autem dum vult videri placare, gravissime & acerbissime vellicat, atq; adeo lacerat.*

Jam

Am jam efficaci do manus scientiæ  
 Supplex : & oro regna per Proserpinæ :  
 Per & Dianæ non movenda numina ,  
 Per atque libros carminum valentium  
 Refixa cœlo devocare fidera ,  
 Canidia , parce vocibus tandem sacris.  
 Citumque retro volve , volve turbinem.  
 Novit nepotem Telephus Nereium ,  
 In quem superbus ordinarat agmina  
 Myſorum , & in quem tela acuta tot ferat,  
 Invere matres Iliæ addictum feris  
 Alitibus, atque canibus homicidam Hectorem,  
 Poſtquam relictis mœnibus rex procidit ,  
 Hen , pervicacis ad pedes Achillei.  
 Getoſa duris exuere pellibus  
 Laborioſi remiges Ulyſſei ,  
 Volente Circe, membra : tunc mens & lonus  
 Relatus , atque notus in vultus honor.  
 Dedi ſatis ſuperque pœnarum tibi  
 Amata nautis multum & inſtitoribus.  
 Fugit juvenas , & verecundus color  
 Reliquit oſſa pelle amiſta lurida.  
 Tuis capillus albus eſt odoribus.  
 Nullum à labore me reclinat otium ,  
 Urget diem nox , & dies noctem : neque eſt  
 Levare tenta ſpiritu præcordia.  
 Ergo negatum , vincor , ut credam miſer ,  
 Sabella pectus increpare carmina ,  
 Capntque Marſa diſſilire nœnia.  
 Quid amplius vis ? ô mare, & terra, ardeo ,  
 Quantum neque atro delibutus Hercules  
 Neſſi cruore : nec Sicana fervida  
 Furens in Ætna flamma. tu , donec cinis  
 Injuſtoſis aridus ventis ferar ,  
 Cales venenis officina Colchicis.  
 Quæ finis , aut quod me manet ſtipendium ?  
 Eſſare : juſſas cum fide pœnas luam :  
 Paratus expiare , ſeu popoſceris  
 Centum juvencos , ſeu mendaci lyra  
 Voles ſonari : tu pudica , tu proba  
 Perambulabis aſtra ſidus aurenm.  
 Infamis Helenæ Caſtor offenſus vice ,  
 Fraterque magni Caſtoris , victi prece  
 Adempta vati reddidere lumina.

Et tu (potes nam) solve me dementia.  
 O nec paternis obsoleta sordibus,  
 Nec in sepulchris pauperum prudens anus  
 Novendialeis dissipare pulveres.  
 Tibi hospitale pectus, & puræ manus,  
 Tunsque venter partum ejus: & tuo  
 Cruore rubros obstetrix pannos lavit,  
 Utcumque fortis ex filis puerpera.

## CANIDIÆ RESPONSIO.

*Qua ostendit, se nullis precibus exorari, nulla ratione placari posse.*

**Q**uid obsecratis auribus fundis preces?  
 Non saxa nudis surdiora navitis  
 Neptunus alto tundit hybernus salo.  
 Inultus ut tu riseris Coryttia  
 Vulgata, sacrum liberi Cupidinis,  
 Et Esquilini pontifex venefici  
 Impune ut urbem nomine impleris meo?  
 Quid proderit ditasse Pelignas anus,  
 Velociusve miscuisse toxicum,  
 Si tardiora fata te votis manent?  
 Ingrata misero vita ducenda est, in hoc,  
 Novis ut usque suppetas doloribus.  
 Optat quietem Pelopis infidus pater,  
 Egens benignæ Tantalus semper dapis.  
 Optat Prometheus obligatus aliti.  
 Optat supremo collocare Sisyphus  
 In monte saxum: sed vetant leges Jovis,  
 Voles modo altis defilire turribus,  
 Modo ense pectus Norico recludere:  
 Frustraque vincla gutturi nectes tuo,  
 Fastidiosa tristis ægrimonia.  
 Vectabor humeris tunc ego inimicis eques  
 Meæque terra cedit insolentiæ.  
 An, quæ movere cereas imagines,  
 (Ut ipse nosti curiosus) & polo  
 Deripere Lunam vocibus possim meis,  
 Possim crematos excitare mortuos,  
 Desiderique temperare poculum:  
 Plorem artis in te nil agentis exitum?

Q. HORATII  
 L A C C I  
 C A R M E N  
 S E C U L A R E.

*Pro Imperii Romani incolumitate.*

O Hæbe, sylvarumque potens Diana,  
 Lucidum cœli decus, & colendi  
 Semper, & culti, date quæ precamur  
 Tempore sacro,

no Sibyllini monuere versus,  
 rginēs lectas, puerosque castos,  
 is, quibus septem placuere colles.  
 Dicere carmen.

Ime Sol, curru nitido diem qui  
 romis, & celas, aliasque & idem  
 asceris; possis nihil urbe Roma  
 Visere majus.

ite maturos aperire partus,  
 enis Ilithyia, tuere matres:  
 ve tu Lucina probas vocari,  
 Seu genitalis.

iva, producas sobolem, patrumque  
 rospere decreta super jugandis  
 oeminis, prolisque novæ feraci  
 Lege marita.

ertus ut denos decies per annos  
 rbis & cantus referatque ludos,  
 er die claro, totiesque grata  
 Nocte frequentes.

osque feraces cecinisse Parcæ,  
 uod semel dictum est, stabilisque rerum  
 erminus seruet, bona jam peractis  
 Jungite fata.

ertilis frugum, pecorisque tellus  
 picea donet Cererem corona.  
 utriant fœtus & aquæ salubres,  
 Et Jovis auræ.

Condito mitis placidusque telo  
 upplices audi pueros Apollo;

Siderum regina bicornis audi

Luna puellas.

Roma si vestrum est opus ; Iliæque

Litus Etruscum tenuere turmæ ,

Iussa pars mutare Lareis , & urbem

Sospite cursu ;

Cui per ardentem sine fraude Trojam

Castus Æneas patriæ superstes

Liberum munivit iter , daturus

Plura relictus ;

Dii probos mores docili juventæ ,

Dii senectuti placidæ quietem ,

Romulæ genti date , remque , prolem-

que & decus omne.

Quique vos bubus veneratur albis

Clarus Anchisæ Venerisque sanguis ,

Imperet bellante prior , jacentem

Lenis in hostem.

Jam mari , terraque manus potenteis

Medus , Albanasque timet secureis :

Jam Scythæ responsa petunt , superbi

Nuper & Indi.

Jam fides , & pax & honor , pudorque.

Priscus , & neglecta redire virtus

Audet : apparetque beata pleno

Copia cornu.

Augur , & fulgente decorus arcu

Phœbus , acceptusque novem Camœnis ,

Qui salutare levat arte fessos

Corporis artus :

Si Palatinas videt æquus arceis

Remque Romanam , Latinumque felix ,

Alterum in lustrum , meliusque semper

Proroget ævum.

Quæque Aventinum tenet , Algidumque ,

Quindecim Diana preces virorum

Curet : & votis puerorum amicas

Applicet aureis.

Hæc Jovem sentire , deosque cunctos ,

Spem bonam , certamque domum reporto ,


Doctus , & Phœbi chorus & Dianæ

Dicere laudes.



QUINTI  
HORATII  
FLACCI  
SERMONUM  
LIBRI IV.

Quorum duo Satyrarum, vulgo duo  
Epistolarum inscribuntur.



Q. HORATII  
FLACCICI  
SATYRARUM

LIBER I.

SATYRA I.

**Q**UI sit Mæcenas, ut nemo, quam sibi fortem  
Seu ratio dederit, seu Fors objecerit, illa  
Contentus vivat: laudet diversa sequenteis:  
O fortunati mercatores, gravis animum  
Miles ait, multo jam fractus membra labore.  
Contra mercator, navim jactantibus Austris,  
Militia est potior: quid enim? concurritur: horæ  
Momento cita mors venit, aut victorialæta.  
Agricolam laudat juris legumque peritus,  
Sub galli cantum consultor ubi ostia pulsat.  
Ille, datis vadibus qui rure extractus in urbem est,  
Solos felices viventes clamat in urbe.  
Cætera de genere hoc (adeo sunt multa) loquacem  
Delassare valent Fabium. ne te morer, audi  
Quo rem deducam. si quis Deus, En ego, dicat,  
Jam faciam, quod vultis: eris tu, qui modo miles,  
Mercator. tu consultus modo, rusticus. hinc vos,  
Vos hinc mutatis discedite partibus. eja  
Quid statis? nolint. atqui licet esse beatis.  
Quid causæ est, merito quin illis Jupiter ambas  
Iratus buccas inflet? neque se fore posthac  
Tam facilem dicat, votis ut præbeat aurem?  
Præterea, ne sic, ut qui jocularia, ridens  
Percurram: quamquam ridentem dicere verum  
Quid vetat, ut pueris olim dant crustula blandi  
Doctores, elementa velint ut discere prima.  
Sed tamen amoto quæramus seria ludo.  
Ille graven duro terram qui vertit aratro,  
Perfidus hic caupo, miles, nautæque, per omne  
Audaces mare qui currunt, hac mente laborem  
Sese ferre, senes, ut in otia tuta recedant,  
Ajunt, cum sibi sint congesta cibaria, sicut  
Parvula, nam exemplo est, magni formica laboris,

Ore trahit quodcunq; potest, atque addit acervo,  
 Quem struit, haud ignara, ac non incauta futuri.  
 Quæ, simul inversum contristat Aquarius annum;  
 Non usquam prorepat, & illis uritur ante  
 Quæsitis sapiens. cum te neque fervidus æstus  
 Dimoveat lucro, neque hiems, ignis, mare, ferrum  
 Nil obstat tibi, dum ne fit te ditior alter:  
 Quid juvat immensum te argenti pondus, & auri  
 Furtim defossa timidum depouere terra?  
 Quod si comminuas, vilem redigatur ad assem.  
 At, ni id fit, quid habet pulcri constructus acer-  
 Millia frumenti tua triverit area centum, (vix?  
 Non tuus hoc capiet venter plus, quam meus: ut si  
 Reticulum panis venaleis inter onusto  
 Forte vehas humero, nihil plus accipias, quam  
 Qui nil portarit. vel dic, quod referat intra  
 Naturæ sineis viventi, jugera centum, an  
 Mille aret. at suave est ex magno tollere acervo,  
 Dum ex parvo nobis tantundem haurire relin-  
 quas,

Cur tua plus laudes cumeris granaria nostris?  
 Ut, tibi si sit opus liquidi non amplius urna,  
 Vel cyatho: & dicas, magno de flumine mallesem,  
 Quam ex hoc fonticulo tantundem sumere, eo fit,  
 Plenior ut si quos delectet copia iusto,  
 Cum ripa simul avulsos ferat ausidus acer.  
 At qui tantulo eget, quanto est opus, is neq; limo  
 Turbatam haurit aquam, neque vitam amittit in  
 undis,

At bona pars hominum decepta cupidine falso,  
 Nil satis est, inquit: quia tanti, quantum ha-  
 beas, sis,  
 Quid facies illi? jubeas miserum esse libenter,  
 Quatenus id facit; ut quidam memoratur Athe-  
 nis

Sordibus, ac dives. populi contemnere voces  
 Sic solitus: Populus me sibilat: at mihi plaudo  
 Ipse domi, simul ac nummos contemplor in arca.  
 Tantalus à labris sitiens fugientia captat  
 Flumina. quid rides? mutato nomine, de te  
 Fabula narratur. congestis undique saccis  
 Indormis inhians, & tamquam parcere sacris  
 Cogitis, aut pictis tamquam gaudere tabellis.  
 Nescis quid valeat nummus, quam præbeat usum?

Panis

Panis ematur, olus, vini sextarius: adde,  
Queis humana sibi doleat natura negatis.  
An vigilare metu exanimem, noctesque diesque  
Formidare malos fures, incendia, servos,  
Ne te compilent, fugienteis: hoc juvat? horum  
Semper ego optarim pauperrimus esse bonorum.  
At si condoluit tentatum frigore corpus,  
Aut alius casus lecto te affixit; habes, qui  
Assideat, fomenta paret, medicum roget, ut te  
Suscitet, ac reddat gnatis, carisque propinquis.  
Non uxor saluum te vult, non filius; omnes  
Vicini oderunt, noti, pueri, atque puellæ.  
Miraris, cum tu argento post omnia ponas  
Si nemo præstet, quem non merearis, amorem?  
At si cognatos, nullo natura labore  
Quos tibi dat, retinere velis, servareque amicos;  
Infelix operam perdas: ut si quis asellum  
In campo doceat parentem currere frenis.  
Denique sit finis quærendi; cumque habeas plus,  
Pauperiem metuas minus, & finire laborem  
Incipias, parto quod avebas: nec facias, quod  
Umidius quidam, non longa est fabula, dives  
Ut metiretur nummos; ita sordidus, ut se  
Non umquam servo melius vestiret: adusque  
Supremum tempus, ne se pænuria victus  
Opprimeret, metuebat. at hunc liberta securi  
Divisit medium, fortissima Tyndaridarum.  
Quid mi igitur suades, ut vivam Mævius? aut sic,  
Ut Nomentanus? pergis pugnantia secum  
Frontibus adversis componere. non ego avarum  
Cum veto te fieri vappam jubeo, ac nebulonem.  
Est inter Tanaim quiddam, socerumque Viscelli,  
Est modus in rebus, sunt certi denique fines,  
Quos ultra, citraque nequit consistere rectum.  
Illuc unde abii, redeo. nemon' ut avarus  
Se probet, ac potius laudet diversa sequenteis,  
Quodque aliena capella gerat distentius uber  
Tabescat, neque se majori pauperiorum  
Turbæ comparet: hunc atque hunc superare la-  
boret?

Sic festinanti semper locupletior obstat.  
Ut cum carceribus missus rapit ungula currus,  
Instat equis auriga, suos vincentibus, illum  
Præteritum temnens extremos inter euntem

Inde fit, ut raro, qui se vixisse beatum  
 Dicat, & exacto contentus tempore vitæ  
 Cedat, uti conviva satur, reperire queamus.  
 Jam satis est: ne me Crispini scrinia lippi  
 Compilasse putes, verbum non amplius addam.

## S A T Y R A I I.

**A** Mbubजारum collegia, pharmacopolæ,  
 Mendici, minæ, balathrones, hoc genus omne  
 Mœstum ac sollicitum est cantoribus morte Tigelli.  
 Quippe benignus erat. contrahic, ne prodigus esse  
 Dicatur, metuens, inopi dare nolit amico;  
 Frigus quo duramque famem depellere possit.  
 Hunc si percuncteris, avi cur atque parentis  
 Præclaram ingrata stringat malus ingluvie rem,  
 Omnia conductis coëmens obsonia nummis:  
 Sordidus atque animi quod parvi nolit haberi,  
 Respondet. laudatur ab his, culpatur ab illis.  
 Fusidius vappæ famam timet ac nebulonis,  
 Dives agris, dives positus in fœnore nummis.  
 Quinas hic capiti mercedes exsecat, atque  
 Quanto perditior quisque est, tanto acrius urget  
 Nomina sectatur, modo sumpta veste virili,  
 Sub patribus duris tironum, maxime, quis non,  
 Jupiter, exclamat, simul atque audivit? at in se  
 Pro quæstu sumtum facit. heic vix credere possis  
 Quam sibi non sit amicus: ita ut pater ille, Terenti  
 Fabula quem miserum gnato vixisse fugato  
 Inducit, non se pejus cruciaverit, atque hic,  
 Si quis nunc quærat, quo res hæc pertinet. illuc,  
 Dum vitant stulti vitia, in contraria currunt.  
 Malthicus tunicis demissis ambulat: est qui  
 Inguen ad obscenum subductis usque facetus.  
 Pastillos Rufillus olet, Gorgonius hircum.  
 Nil medium est. sunt qui nolint tetigisse, nisi illas,  
 Quarum subsuta talos tegat instituta veste,  
 Contra, alius nullam, nisi olenti in fornice stan-  
 tem.

Quidam notus homo cum exiret fornice, macte  
 Virtute esto, inquit sententia dia Catonis.  
 Nam simul ac venas inflavit terra libido,  
 Huc juvenes æquum est descendere, non alienas  
 Permolere uxores. nolim laudari, inquit,

Sic

Sic me, mirator cunni Cupiennius albi.  
 Audire est operæ pretium, procedere recte  
 Qui mœchis non vultis, ut omni parte laborent;  
 Utque illis multo corrupta dolore voluptas,  
 Atque hæc rara cadat dura inter sæpe pericla.  
 Hic se præcipitem tecto dedit: ille flagellis  
 Ad mortem cæsus; fugiens hic decedit acrem  
 Prædonum in turban: dedit hic pro corpore num-  
 mos,

Hunc perminxerunt calones. quin etiam illud  
 Accidit, ut cuidam testeis caudamque salacem  
 Demeteret ferrum. jure omnes: Galba negabat.  
 Tutior at quanto merx est in classe secunda?  
 Libertinarum dico, Sallustius in quas  
 Non minus insanit, quam qui mœchatur. at hic si,  
 Qua res, qua ratio suaderet, quaque modeste  
 Munifico esse licet, vellet bonus, atque benignus  
 Esse; daret quantum satis esset, nec sibi damno,  
 Dedecoriqu; foret: verum hoc se amplectitur uno  
 Hoc amat, hoc laudat: matronam nullam ego  
 tango:

Ut quondam Marsæus amator Originis ille,  
 Qui patrum mimæ donat fundumque laremque:  
 Nil fuerit mi, inquit, cum uxoribus umquam  
 alienis. (unde

Verum est cum mimis, est cum meretricibus:  
 Fama malum gravius, quam res, trahit. an tibi  
 abunde

Personam satis est, non illud, quidquid ubique  
 Officit, evitare? Bonam deperdere famam,  
 Rem patris oblimare, malum est ubicunque.  
 quid inter-

Est, in matrona, ancilla peccesse togata?  
 Villius in Fausta Scyllæ gener, hoc miser uno  
 Nomine deceptus, pœnas dedit usque superque  
 Quam satis est, pugnis cæsus, ferroque petitus,  
 Exclusus fore, cum Longarenus foret intus.  
 Huic si mutonis verbis mala tanta videntis  
 Diceret hæc animus, quid vis tibi? nanquid ego  
 à te

Magno prognatum deponco consule cunnum,  
 Velatumque stola, mea cum conferbuit ira?  
 Quid responderet? magno patre nata puella est.  
 At quanto meliora monet, pugnantiaque istis

Dives opīs natura suæ? tu si modo recte  
 Dispensare velis, ac non fugienda petendis  
 Immiscere; tuo vitio, rerumne labores,  
 Nil referre putas? quare. ne pœniteat te,  
 Desine matronas sectarier: unde laboris (Ætus.  
 Plus haurire mali est, quam ex te decerpere fru-  
 Nec magis huic inter niveos, virideisque lapil-  
 los,

Sit licet hoc Cærinthe tuum, tenerum est femur,  
 aut crus

Rectius, atque etiam melius persæpe togatæ.  
 Adde huc, quod mercem sine fucis gestas; aperte,  
 Quod venale habet, ostendit: nec, si quid hone-  
 sti est,

Jactat, habetque palam: quærit quo turpia celet.  
 Regibus hic mos est, ubi equos mercantur, oper-  
 Inspiciunt: ne, si facies, ut sæpe, decora, (tos  
 Molli fulta pede est, emtorem inducat hiantem,  
 Quod pulchræ clunes, breve quod caput, ardua  
 cervix.

Hoc illi rectè: ne corporis optima Lynceis  
 Contemplere oculis: Hypsæa cæcior, illa  
 Quæ mala sunt, spectes. ô crus, ô brachia! verum  
 Depygis, nasuta, brevi latere, ac pede longo est.  
 Matronæ præter faciem nil cernere possis.  
 Cætera, ni Catia est, demissa veste regentis.  
 Si interdicta petes, vallo circumdata. (nam te  
 Hoc facit insanum) multæ tibi tum officient res:  
 Custodes lectica, cinisones, parasitæ,  
 At talos stola demissa, & circumdata palla;  
 Plurima, quæ inuideant pure apparere tibi rem.  
 Altera nil obstat: Cois tibi pœne videre est,  
 Ut nudam: ne crure malo, ne sit pede turpi,  
 Metiri possis oculo latus. an tibi mavis  
 Infidias fieri, pretiumque avellier, ante,  
 Quam mercem ostendi. leporem venator ut alta  
 In nive seclretur, positum sic tangere nolit.  
 Cantat, & apponit: meus est amor huic similis: nam  
 Transvolat in medio posita, & fugientia captat.  
 Hiscene versiculis speras tibi posse dolores.  
 Atque æstus, curasque graveis è pectore pelli?  
 Nonne cupidinibus statuit natura modum, quem,  
 Quid latura sibi, quid sit dolitura negatum,  
 Quærere plus prodest, & inane abscindere soldo?  
 Num,



Num, tibi cum fauces urit sitis, aurea quæris  
Pocula: num esuriens fastidis omnia, præter  
Pavonem, rhombumque tument tibi cum ingui-  
na, num si

Ancilla, aut verna est præsto puer, impetus in quæ  
Continuo fiat, malis tentigine rumpi?

Non ego: namque parabilem amo Venerem, fa-  
cilemque.

Illam, post paullo, sed pluris, si exierit vir,  
Gallis hanc, Philodemus ait: sibi, quæ neque  
magno.

Stet pretio, neque cunctetur, cum est iussa, ve-  
nire. (longa,

Candida, tectaque sit: munda hætenus, ut neque  
Nec magis alba velit, quam det natura, videri.

Hæc ubi supposuit dextra corpus mihi lævum;

Ilia, & Egeria est: do nomen quodlibet illi.

Nec vereor, ne dum futuo, vir rure recurrat,

Janua frangatur: latret canis, undique magno

Pulsa domus strepitu resonet: vel pallida lecto

Defiliat mulier: miseram se conscia clamet:

Cruentibus hæc metuat, doti deprensa, egomet mi,

Discincta tunica fugiendum est, ac pede nudo:

Ne nummi pereant, aut pyga, aut denique fama.

Deprendi miserum est; Fabio vel iudice vincam.

## SATYRA III.

O M nibus hoc vitium est cantoribus, inter  
amicos

Ut nunquam inducant animum cantare rogati ~

Injussi nunquam desistant. Sardus habebat

Ille Figellius hoc. Cæsar, qui cogere posset,

Si peteret per amicitiam patris, atque suam, non

Quidquam proficeret: si collibuisse, ab ovo

Usque ad mala citaret, Io Bacche, modo summa

Vocæ, modo hac resonat quæ chordis quatuor  
ima.

Nil æquale homini fuit illi: sæpe velut qui

Currebat fugiens hostem: persæpe velut qui

unonis sacra ferret. habebat sæpe ducentos,

sæpe decem servos: modo reges, atque tetrar-  
chas. (tripēs &

omnia magna loquens. modo, Sit mihi mensa

Concha salis puri, & toga, quæ defendere frigus,  
 Quamvis crassa, queat. decies centena dedisses  
 Huic parco paucis contento: quinque diebus  
 Nil erat in oculis. noctes vigilabat ad ipsum  
 Mane: diem totum stertebat. nil fuit unquam  
 Sic impar sibi. nunc aliquis dicat mihi: quid tu?  
 Nullane habes vitia? immo alia, haud fortasse  
 minora

Mænius absentem Novium cum carperet: heus tu,  
 Quidnam ait, ignorasne? an ut ignotum dare  
 nobis

Verba putas? ego met mi ignosco, Mænius inquit.  
 Stultus, & improbus hic amor est, dignusque  
 notari,

Cum tua pervideas oculis mala lippus inunctis,  
 Cur in amicorum vitiis tam cernis acutum,  
 Quam aut aquila, aut serpens Epidaurius? at  
 tibi contra

Evenit, inquirant vitia ut tua rursus, & illi.  
 Iracundior est paullo, minus aptus acutis  
 Naribus horum hominum: rideri possit, eo quod  
 Rusticius tonso toga defluit, & male laxus  
 In pede calceus hæret. at est bonus, ut melior vir  
 Non alius quisquam: at tibi amicos: at inge-  
 nium ingens

Inculto latet hoc sub corpore. denique te ipsum  
 Concute, num qua tibi vitiorum inseverit olim  
 Natura, aut etiam consuetudo mala. namque  
 Neglectis urenda filix innascitur agris.

Illuc prævertamur: amatorem quod amicæ  
 Turpia decipiunt cæcum vitia, aut etiam ipse hoc  
 Delectant: veluti Balbinum polypus Agnæ:  
 Vellem in amicitia sic erraremus; & isti  
 Errori nomen virtus posuisset honestum.

At, pater ut gnati, sic nos debemus amici,  
 Si quod sit vitium, non fastidire. strabonem  
 Appellat pætum pater; & pullum, male parvus  
 Si cui filius est: ut abortivus fuit olim  
 Sisyphus. hunc varum, distortis curibus, illum  
 Balbutit scaurum, pravis fultum male talis.  
 Parcius hic vivit: frugi dicatur. ineptus  
 Et jactantior hic paullo est: concinnus amicis  
 Postulat ut videatur. at est truculentior, atque  
 Plus æquo liber: simplex, fortisque habeatur.

Caldior est: acreis iuter numeretur. opinor,  
 Hæc res & jungit, junctos & servat amicos.  
 At nos virtutes ipsas invertimus, atque  
 Sincerum cupimus vas incrustare. probus quis  
 Nobiscum vivit: multum est demissus homo. illi  
 Tardo cognomen pingui dæmus, hic fugit omneis  
 Insidias, nullique malo latus obdit apertum.  
 Cum genus hoc inter vitæ versetur, ubi acris  
 Invidia, atque vigent ubi crimina: pro bene sano,  
 Ac non incauto, fictum, astutumque vocamus.  
 Simplicior si quis, qualem me sæpe libenter  
 Obtulerim tibi Mæcenas, ut forte legentem  
 Aut tacitum impellat, quovis sermone molestus,  
 Communi sensu plaue caret, inquit. eheu,  
 Quam temere in nosmet legem sancimus ini-  
 quam.

Nam vitiis nemo sine nascitur: optimus ille est,  
 Qui minimis urgetur. amicus dulcis, ut æquum  
 est,

Cum mea compenset vitiis bona, pluribus hisce,  
 Si modo plura mihi bona sunt, inclinet; amari  
 Si volet: hac lege in trutina ponetur eadem.  
 Qui, ne tuberibus propriis offendant amicum  
 Postulat; ignoscat verrucis illius. æquum est,  
 Peccatis veniam poscentem, reddere rursus.  
 Denique, quatenus excidi penitus vitium iræ,  
 Cætera item nequeunt stultis hærentia; cur non  
 Ponderibus, modulisque suis ratio utitur, ac res  
 Ut quæque est, ita suppliciiis delicta coercet?  
 Si quis eum servum, patinam qui tollere jussus,  
 Semesos pisceis, tepidumque ligurierit jus,  
 In cruce suffigat; adeone insanius inter  
 Sanos dicatur: quanto hoc furiosius, atque  
 Majus peccatum est? paullum deliquit amicus,  
 Quod nisi concedas, habere insuavis, acerbus;  
 Odisti, & fugis, ut Drusonem debitor æris:  
 Qui nisi cum tristes misero venere Kalendæ,  
 Mercedem aut nummos unde unde extricat;  
 amaras

Porrecto jugulo historias, captivus ut audit.  
 Comminxit lectum potus, mensave catillum  
 Evandri manibus tritum dejecit: ob hanc rem,  
 Aut positum ante mea quia pullum in parte ca-  
 tini

Sustulit esuriens, minus hoc jucundus amicus  
 Sit mihi? quid faciam, si furtum fecerit, aut si  
 Prodiderit commissa fide, sponsumve negarit?  
 Quæis paria esse fere placuit peccata, laborant,  
 Cum ventum ad verum est; sensus, moresque  
 repugnant,

Atque ipsa utilitas iusti prope mater, & æqui,  
 Cum prorepserunt primis animalia terris,  
 Mutum & turpe pecus, glandem, atque cubilia  
 propter,

Unguibus, & pugnis, dein fustibus, atque ita porro  
 Pugnant armis, quæ post fabricaverat usus:  
 Donec verba, quibus voces, sensusque notarent,  
 Nominaque invenere; dehinc absistere bello,  
 Oppida cœperunt munire, & ponere leges;  
 Ne quis fur esset neu latro, neu quis adulter.  
 Nam fuit ante Helenam cunnus teterrima belli  
 Causa: sed ignotis perierunt mortibus illi,  
 Quos Venerem incertam rapientes more ferarum  
 Viribus editior cædebat, ut in grege taurus.  
 Jura inventa metu iniusti fateare necesse est;  
 Tempora si, fastosque velis evolvere mundi,  
 Nec natura potest iusto secernere iniquum;  
 Dividit ut bona diversis, fugienda petendis:  
 Nec vincet ratio hoc, tantundem ut peccet, idem-  
 que

Qui teneros cauleis alieni fregerit horti,  
 Et qui nocturnus Divum sacra legerit. Adsit  
 Regula, peccatis quæ pœnas irroget æquas;  
 Ne scutica dignum, horribili sectere flagello,  
 Nam, ut ferula cædas meritum majora subire  
 Verbera, non vereor, cum dicas esse pares res  
 Furta latrociniiis, & magnis parva mineris  
 Falce recisurum simili te, si tibi regnum  
 Permittant homines. Si dives, qui sapiens est,  
 Et sutor bonus, & solus formosus, & est rex;  
 Cur optas quod habes? non nosti, quid pater, in-  
 quit,

Chrysippus dicat: sapiens crepidas sibi nunquam,  
 Nec soleas fecit, sutor tamen est sapiens. quo?  
 Ut, quamvis tacet Hermogenes, cantor tamen,  
 atque

Optimus est modulator: ut Alfenus vafer, omni  
 Abiecto instrumento artis, clausaque taberna,

Sutor

Sutor erat: sapiens operis sic optimus omnis  
 Est opifex solus: sic rex. vellunt tibi barbam  
 Lascivi pueri: quos tu nisi fuste coerces,  
 Urgeris turba circum te stante, miserque  
 Rumperis, & latras, magnorum maxime regum.  
 Ne longum faciam: dum tu quadrante lavatum  
 Rex ibis, neque te quisquam stipator, ineptum  
 Præter Crispinum, sectabitur: & mihi dulces  
 Ignoscent, si quid peccavero stultus amici:  
 Inque vicem illorum patiar delicta libenter,  
 Privatusque magis vivam te rege beatus.

## S A T Y R A I V.

**E** Upolis atque Cratinus, Aristophanesque poë-  
 tæ,  
 Atque alii, quorum comœdia prisca virorum est:  
 Si quis erat dignus describi, quod malus, aut  
 fur,  
 Quod mœchus foret, aut sicarius, aut alioqui  
 Famosus; multa cum libertate notabant.  
 Hinc omnis pendet Lucilius, hosce secutus,  
 Mutatis tantum pedibus, numerisque, facetus,  
 Emunctæ naris, duos componere versus:  
 Nam fuit hoc vitiosus: in hora sæpe ducentos,  
 Ut magnum, versus dictabat, stans pede in uno.  
 Cum flueret, lutulentus, erat quod tollere velles.  
 Garrulus, atque piger scribendi ferre laborem,  
 Scribendi recte: nam ut multum, nil moror, ecce  
 Crispinus minimo me provocat: accipe, si vis,  
 Accipe jam tabulas. detur nobis locus, hora,  
 Custodes: videamus uter plus scribere possit.  
 Dii bene fecerunt, inopis me, quodque pusilli  
 Pinxerunt animi, raro & perpauca loquentis.  
 At tu conclusas hircinis follibus auras  
 Usque laborantes, dum ferrum molliat ignis,  
 Ut mavis, imitare. beatus Fannius, altro  
 Delatis capsis, & imagine, cum mea nemo  
 Scripta legat, vulgo recitare timentis, ob hanc  
 rem (plureis  
 Quod sunt, quos genus hoc minime juvat: utpote  
 Culpari dignes, quemvis media crue turba:  
 Aut ob avaritiam, aut misera ambitione laborant.  
 Hic nuptarum insanit amoribus, hic puerorum:  
 Hunc

Hunc capit argenti splendor : stupet Albius ære :  
 Hic mutat merces surgente à Sole, ad eum quo  
 Verspertina tepet regio : quin per mala præceps  
 Fertur , uti pulvis collectus turbine , ne quid  
 Summa deperdat metuens , aut ampliet ut rem.  
 Omnes hi metuunt versus : odere portas.  
 Fœnum habet in cornu, longe fuge. dum modo  
 risum

Excutiat sibi , non hic cniquam parcat amico ,  
 Et, quodcumque semel chartis illeverit, omneis  
 Gestiet à furno redeuntē scire , lacuque ,  
 Et pueros, & anus, agedum pauca accipe contra.  
 Primum ego me illorum , dederim quibus esse  
 poëtas , (sum

Excerptam numero, neque enim concludere ver-  
 Dixeris esse satis ; neque si quis scribat, uti nos.  
 Sermoni propiora , putes hunc esse poëtam.  
 Ingénium cui sit , cui mens divinior , atque os  
 Magna sonaturum, des nominis hujus honorem.  
 Idcirco , quidam , comœdia , necne poëma  
 Effet quæsivere , quod acer spiritus , ac vis  
 Nec verbis, nec rebus inest : nisi quod pede certo  
 Differt sermoni , sermo merus at pater ardens  
 Sævī , quod meretrice nepos insanit amica  
 Filius , uxorem grandi cum dote recuset ,  
 Ebrius &, magnum quod dedecus, ambulet ante  
 Noctem cum facibus. numquid Pomponius istis  
 Audiret leviora , pater si viveret ? ergo  
 Non satis est puris versum perscribere verbis ,  
 Quem si dissolvas , quivis stomachetur eodem ,  
 Quo personatus pacto patet. his, ego quæ nunc,  
 Olim quæ scripsit Lucilius , eripias si  
 Tempora certa , modosque , & quod prius ordi-  
 ne verbum est ,

Posterius facias , præponens ultima primis ;  
 Non ut si solvas , postquam discordia terra  
 Belli ferratos posteis , portasque refregit ;  
 Invenias etiam disjecti membra poëtae.  
 Hactenus hæc : alias, justum sit necne, poëma.  
 Nunc illud tantum quæram : meritone tibi sit  
 Suspectum genus hoc scribendi. Sulcius acer  
 Ambulat, & Caprius, rauci male, cumque libellis:  
 Magnus uterque timor latronibus. at bene si quis,  
 Et vivat puris manibus ; contemnat utrumque.

Ut sis tu similis Cæli, Byrrhique latronum,  
Non ego sim Capri, neque Sulci, cur metuas me?  
Nulla taberna meos habeat neque pila libellos,  
Queis manus infudet vulgi, Hermogenisque Tigelli.

Non recito cuiquam, nisi amicis, idque coactus:  
Non ubivis, coramve quibuscumque. in medio qui  
Scripta foro recitent, sunt multi, quique lavan-  
tes.

Suave locus voci resonat conclusus, inaneis  
Hoc juvat, haud illud quærentes, num sine sensu,  
Tempore num faciant alieno. lædere gaudes,  
Inquis, & hoc studio pravus facis. unde petium  
Hoc in me jacies? est auctor quis denique eorum,  
Vixi cum quibus? absentem qui rodit amicum;  
Qui non defendit alio culpante; solutos  
Qui captat risus hominum, famamque dicacis;  
Fingere qui non visa potest, commissa tacere  
Qui nequit; hic niger est, hunc tu Romane ca-  
veto,

Sæpe tribus lectis videas cœnare quaternos:  
E quibus unus avet quavis adspargere cunctos,  
Præter eum, qui præbet aquam. post, hunc  
quoque potus,

Condita cum verax aperit præcordia Liber,  
Hic tibi comis, & urbanus, liberque videtur  
Infesto nigris: ego si risi, quod ineptus  
Pastillos Rufillus olet, Gorgonius hircum;  
Lividus, & mordax videor tibi? mentio si quæ  
De Capitolini furtis injecta Petili  
Te coram fuerit: defendas, ut tuus est mos.  
Me Capitolinus convictore usus amico-  
Que à puero est, causaque mea permulta rogatus  
Fecit, & incolumis lætor quod vivit in urbe,  
Sed tamen admiror, quo pacto iudicium illud  
Fugerit, hic nigræ succus loliginis, hæc est  
Ærugo mera, quod vitium procul abfore chartis,  
Atque animo prius, ut si quid promittere de me  
Possum aliud, vere promitto. liberius si  
Dixero quid, si forte jocosus, hoc mihi juris  
Cum venia dabis. insuevit pater optimus hoc me  
Ut fugerem exemplis vitiorum quæq; notando,  
Cum me hortaretur, parce, frugaliter, atque  
Viverem uti contentus eo quod mi ipse parasset:

Nonne

Nonne vides. Albi ut male vivat filius, utque  
Barus inops? magnum documentum, ne patriam,  
rem

Perdere quis velit. à turpi meretricis amore  
Cum deterreret: Sectani dissimilis sis.  
Ne sequerer mœchas, concessa cum Venere uti  
Possem: deprensi non bella est fama Treboni,  
Ajebat sapiens, vitatu quidque peritu  
Sit melius, causas reddet tibi. me satis est, si  
Traditum ab antiquis morem servare, tuamque,  
Dum custodis eges, vitam, famamque tueri  
Incolumem possim. simulac duraverit ætas  
Membra, animumque tuum, nabis sine cortice.  
sic me

Formabat puerum dictis: & sive jubebat,  
Ut facerem quid, Habes auctore, quo facias hoc,  
Unum ex iudicibus selectis objiciebat:  
Sive vetabat, an hoc inhonestum, & inutile factu  
Nec ne sit, adlubites, flagret rumore malo cum  
Hic atque ille? avidos vicinum funus ut ægros  
Exanimat, mortisque metu sibi parcere cogit:  
Sic teneros animos aliena opprobria sæpe  
Absterrent vitiis. ex hoc ego sanus ab illis  
Perniciem quæcunque ferunt; mediocribus, &  
Ignoscas, vitiis teneor, fortassis & istinc (queis  
Iargiter abstulerit longa ætas, liber amicus,  
Consilium proprium, neque enim, cum lectulus  
aut me

Porticus excepit, desum mihi. rectius hoc est:  
Hoc faciens, vivam melius: sic dulcis amicis  
Occurram: hoc quidam non belle. numquid ego  
illi

Imprudens olim faciam simile? hæc ego mecum  
Compressis agito labris. ubi quid datur oti,  
Illudo chartis. hoc est mediocribus illis  
Ex vitiis unum: cui si concedere nolis,  
Multa poetarum veniet manus, auxilio quæ  
Sit mihi: nam multo plures sumus: ac veluti te  
Judæi cogemus in hanc concedere turbam.

## S A T Y R A V.

E Gressum magna, me accepit Aricia, Roma,  
Hospitio modico: rhetor comes Heliodorus  
Græ-



Græcorum longe doctissimus: inde Forum Appi  
Differtum nautis, cauponibus atque malignis.  
Hoc iter ignavi divisimus altius, ac nos  
Præcinctis unum. minus est gravis Appia tardis.  
Heic ego propter aquam, quod erat deterrima,  
ventri

Indico bellum, cenantels haud animo æquo  
Expectans comites. jam nox inducere terris  
Umbras, & cælo diffundere signa parabat.  
Tum pueri nautis, pueris convicia nautæ  
Ingerere. huc appelle. trecentos inferis: ohe  
Jam satis est. dum as exigitur, dum mula ligatur,  
Tota abit hora. mali culices, ranæque palustres  
Avertunt somnos. absentem cantat amicam  
Multa prolutus vappa nauta, atque viator  
Certatim. tandem fessus dormire viator  
Incipit, ac missæ pastum retinacula mulæ  
Nauta piger saxo religât, stertitque supinus.  
Jamque dies aderat, cum nil procedere lintrem  
Sentimus: donec cerebrosus profilit unus,  
Ac mulæ nautæque caput, lumbosque saligno  
Fuste dolat, quarta vix demum exponimur hora,  
Ora, manusque tua lavimus Feronia lynpha.  
Millia tum pransi tria repimus, atque subimus  
Impositum saxi late candentibus Anxur.  
Huc venturus erat Mæcenas optimus atque  
Coccejus, missi magnis de rebus uterque  
Legati, averfos soliti componere amicos.  
Heic oculis ego nigra meis collyria lippus  
Illinere. interea Mæceus advenit atque  
Coccejus, Capitoque simul Fontejus, ad unguem  
Factus homo, Antoni, non ut magis alter, amicus,  
Fundos Aufidio Lusco prætor libenter  
Linquimus, insani ridentes præmia scribæ,  
Prætextam, & latum clavum, prunæque barillum.  
In Mamurrarum lassî deinde urbe manemus,  
Murena præbente domum, Capitone culinam.  
Postera lux oritur multo gratissima. namque  
Plotius, & Varius Sinuessæ, Virgiliusque  
Occurrunt: animæ, quales neque candidiores  
Terra tulit, neque queis me sit devinctior alter.  
O, qui complexus & gaudia quanta fuerunt?  
Nil ego contulerim jucundo sanus amico.  
Proxima Campano ponti quæ villula, tectum

Præbuit, & parochi, quæ debent. ligna salemque.  
 Hinc muli Capuæ clitellas tempore ponunt.  
 Lusum it Mæcenæ, dormitum ego, Virgiliusque.  
 Namque pila lippis inimicum, & ludere crudis.  
 Hinc nos Cocceji recipit plenissima villa,  
 Quæ super est Claudicauponas. nunc mihi paucis  
 Sarmenti scurræ pugnam, Messique Cicerri,  
 Musa velim memores, & quo patre natus uterque  
 Contulerit lites. Messî clarum genus Osci,  
 Sarmenti domina exstat. ab his majoribus orti  
 Ad pugnam venire: prior Sarmentus, equi te  
 Esse feri similem dico. ridemus: & ipse  
 Messius, accipio; caput & movet. ô tua cornu  
 Ni foret exsecto frons, inquit, quid faceres, cum  
 Sic mutilus minitaris? at illi fœda cicatrix  
 Setosam lævi frontem turpaverat oris.  
 Campanum in morbum, in faciem permulta jo-  
 catus,

† Pastorem saltaret uti Cyclopa, rogabat:  
 Nil illi larva, aut tragicis opus esse cothurnis.  
 Multa Cicerrus ad hæc: donasset jamne catenam  
 Ex voto Laribus, quærebat. scriba quod esset,  
 Deterius nihilo dominæ jus esse. rogabat  
 Denique, cur nunquam fugisset; cui satis una  
 Farris libra foret. gracili sic, tamque pusillo.  
 Prorsus jucunde cœnam produximus illam.  
 Tendimus hinc recta Beneventum, ubi sedulus  
 hospes

Pane arsit, macros dum turdos versat in igne.  
 Nam vaga per veterem dilapso flamma culinam  
 Vulcano, summum properabat lambere testum.  
 Convivas avidos cœnam, servosque timentes  
 Tum rapere, atque omneis restinguere velle vi-  
 deres.

Incipit ex illo montejs Appulia notos  
 Ostentare mihi, quos torret Atabulus, & quos  
 Numquam erepfemus, nisi nos vicina Trivici  
 Villa recepisset lachrimoso non sine fumo,  
 Udos cum foliis ramos urente camino.  
 Heic ego mendacem stultissimus usque puellam  
 Ad mediam noctem exspecto. somnus tamen  
 aufert

Intentum Veneri. tum immundo somnia visi  
 Nocturnam vestem maculant ventremq; supinū.  
 Qua-

Quatuor hinc rapimur, viginti & millia, rhedis,  
 Mansuri oppidulo, quod versu dicere non est;  
 Signis perfacile est, vānit vilissima rerum  
 Heic aqua: sed panis longe pulcherrimus, ultro  
 Callidus ut soleat humeris portare viator.  
 Nam Canusi lapidosus; aquæ non ditior urna,  
 Qui locus à forti Diomede est conditus olim.  
 Flentibus hic Varius discedit mœstus amicis.  
 Inde Rubos fessi pervenimus, utpote longum  
 Carpentem iter, & factum corruptius imbri.  
 Postera tempestas melior: via pejor, adusque  
 Bari mœnia piscosi. dehinc Gnatia lymphis  
 Iratis exstructa dedit risusque, jocosque.  
 Dum flama sine, thura liquefcere limine sacro  
 Persuadere cupit: credat Judæus apella,  
 Non ego. namque Deos didici securum agere  
 ævum:

Nec, si quid miri faciat natura, Deos id  
 Tristes ex alto cæli demittere tecto.  
 Brundisium longæ finis chartæque viæque.

## SATYRA VI.

**N**on quia, Mæcenas, Lydorum quidquid E-  
 truscos  
 Incoluit sineis, nemo generosior est te:  
 Nec, quod avus tibi maternus fuit, atque pater-  
 nus,  
 Olim qui magnis legionibus imperitarint:  
 Ut plerique solent, naso suspendis adunco  
 Ignotos, ut me libertino patre natum.  
 Cum referre negas, quali sit quisque parente?  
 Natus, dum ingenuus: persuades hoc tibi vere,  
 Ante potestatem Tulli, atque ignobile regnum,  
 Multos sæpe viros nullis majoribus ortos,  
 Et vixisse probos, amplis & honoribus auctos.  
 Contra Lævinum Valeri genus unde Superbus  
 Tarquinius regno pulsus fuit, unius assis  
 Non unquam pretio pluris licuisse, notante  
 Iudice, quem nosti, populo; qui stultus honores  
 Sæpe dat indignis, & famæ servit, ineptus:  
 Qui stupet in titulis, & imaginibus, quid oportet  
 Nos facere à vulgo longe lateque remotos?  
 Namque esto, populus Lævino mallet honorem,  
 I  
 Quam

Quam Decio mandare novo, censorque moveret  
 Appius, ingenio si non essem patre natus :  
 Vel merito, quoniam in propria non pelle quies-  
 sem,

Sed fulgente trahit constrictos gloria curru  
 Non minus ignotos generosis. quo tibi Tulli  
 Sumere depositum clavum, fierique tribunum ?  
 Invidia accrevit, privato quæ minor esset  
 Nam ut quisque insanus nigri medium impedit  
 crus

Pellibus, & latum demisit pectore clavum ;  
 Audit continuo : quis homo hic est ? quo patre  
 natus ?

Ut si qui ægrotet, quo morbo Barrus, haberi  
 Et cupiat formosus : eat quacumque, puellis  
 Injiciat curam quærendi singula, quali  
 Sit facie, sira quali, pede, dente, capillo :  
 Sic qui promittit, civeis, urbem sibi curæ,  
 Imperium fore, & Italiam, & delubra Deorum ;  
 Quo patre sit natus, nū ignota matre inhonestus,  
 Omneis mortaleis curare & quærere cogit  
 Tunc Syri, Damæ, aut Dionysi filius, audes  
 Dejicere è saxo civeis, aut tradere Cadmo ?  
 At Novius collega gradu post me sedet uno.  
 Namque est ille, pater quod erat meus. hoc ti-  
 bi Paulus

Et Messala videris. at hic, si plaustra ducenta,  
 Concurrantque foro tria funera, magna sonabit,  
 Cornua quod vincatque tubas : saltem tenet hoc  
 Nunc ad me redeo libertino patre natum (nos.  
 Quem rodunt omnes libertino patre natum :  
 Nunc, quia Mæcenas tibi sim victor : at olim,  
 Quod mihi pareret legio Romana tribuno.  
 Dissimile hoc illi est : quia non ut forsitan honorem  
 Jure mihi invidet quisvis. ita te quoque amicum :  
 Præsertim cautum dignos assumere, prava  
 Ambitione procul, felicem dicere non hoc,  
 Me possum casu. quod te sortitus amicum.  
 Nulla etenim mihi te Fors obtulit, optimus olim  
 Virgilius, post hunc Varius dixere quid essem,  
 Ut veni coram, singultim pauca locutus,  
 Infans namque pudor prohibebat plura profari ;  
 Non ego me claro natum patre, non ego circum  
 Me Saturojano vestari rura caballo,

Sed quod eram, narro; respondes, ut tuus est mos  
 Pauca, abeo, & revocas nono post mense, jubef-  
 que

Esse in amicorum numero. magnum hoc ego du-  
 Quod placui tibi, qui turpi fecernis honestum.  
 Non patre præclaro, sed vita, & pectore puro.  
 Atqui si vitiis mediocribus, ac mea paucis  
 Mendosa est natura, alioqui recta; velut si  
 Egregio insperfos reprendas corpore nævos,  
 Si neque avaritiam, neque sordes, ac mala lustra  
 Objiciet vere quisquam mihi; purus, & insons  
 Ut me collaudem, si & vivo carus amicis;  
 Causa fuit pater his, qui macro pauper agello  
 Noluit in Flavi ludum me mittere; magni  
 Quo pueri magnis è centurionibus orti,  
 Lævo suspensi loculos, tabulamque lacerto,  
 Ibant octonis referentes Idibus æra.

Sed puerum est ausus Romam portare, docendum  
 Arteis, quas doceat quivis eques, atque senator  
 Semet prognatos: vestem, servosque sequenteis  
 In magno ut populo si quis vidisset; avita  
 Ex re præberi sumtus mihi crederet illos.  
 Ipse mihi custos incorruptissimus omneis  
 Circum doctores aderat, quid multa? Pudicum,  
 Qui primus virtutis honos, servavit ab omni  
 Non solum factis, verum opprobrio quoque turpi  
 Nec timuit, sibi ne vitio quis verteret, olim  
 Si præco parvas, aut, ut fuit ipse, coactor  
 Mercedes sequeretur: neque ego essem questus ob  
 hoc nunc

Laus illi debetur, & à me gratia major.  
 Nil me pœniteat sanum patris hujus, eoque  
 Non. ut magna dolo factum negat esse suo pars,  
 Quod non ingenuos habeat; clarosque parenteis,  
 Sic me defendam. longe mea discrepat istis  
 Et vox, & ratio. nam, si natura juberet  
 A certis annis ævum remeare peractum,  
 Atque alios legere ad fastum quoscunque paren-  
 teis

Optaret sibi quisque: meis contentus, onustos  
 Fascibus & sellis nolim mihi sumere: demens  
 Indiciò vulgi, sanus fortasse tuo: quod  
 Nollem onus haud unquam solitus portare mo-  
 lestum.

Nam mihi continuo major quærenda foret res,  
 Atque salutandi plures: ducendus & unus,  
 Et comes alter, uti ne solus rursus peregre-  
 ve exirem: plures calones, atque caballi  
 Pascendi: ducenda petorrita, nunc mihi curto  
 Ire licet mulo, vel, si libet, usque Tarentum;  
 Mantica cui lumbos onere ulceret, atque eques  
 armos

Objiciet nemo sordes mihi: quas tibi Tulli.  
 Cum Tiburte via prætorem quinque sequuntur  
 Te pueri, lasanum portantes, cœnophorumque.  
 Hoc ego commodius, quam tu, præclare senator  
 Multis atque aliis vivo, quacunque libido est,  
 Incedo solus: percunctor, quanti olus, ac far?  
 Fallacem circum, vespertinumque pererro  
 Sæpe forum. assisto divinis: inde domum me  
 Ad porri & ciceris refero laganique catinum.  
 Cœna ministratur pueris tribus, & lapis albus  
 Pocula cum cyatho duo sustinet: adstat echinus  
 Vilis, cum patera guttus; Campana supellex.  
 Deinde eo dormitum, non sollicitus mihi quod  
 cras

Surgendum sit mane: obeundus Marsya, qui se  
 Vultum ferre negat Noviorum posse minoris.  
 Ad quartam jaceo; posthanc vagor, aut ego lecto,  
 Aut scripto, quod me tacitum juvet. ungor olivo,  
 Non quo fraudatis immundus Natta lucernis.  
 Ast, ubi me fessum Sol acrior ire levatum  
 Admonuit, fugio rabiosi tempora signi.  
 Præsums non avide, quantum interpellat inani  
 Ventre diem durare, domesticus otior. hæc est  
 Vita solutorum misera ambitione, gravi que.  
 His me consolor, victurus suavius, ac si  
 Quæstor avus, pater atque meus, patruusque  
 fuissent.

## S A T Y R A VII.

**P**ROscripti Regis Rupuli pus atque venenum  
 Hybrida quo pacto sit Persius ultus, opinor  
 Omnibus & lippis notum, & tonsoribus esse.  
 Persius hic permagna negotia dives habebat  
 Clazomenis, etiam lites cum Rege molestas;  
 Durus homo, atque odio qui posset vincere Re-  
 gem;

Confidens, tumidusque : adeo sermonis amari ,  
 Sisennas , Barros ut equis præcurreret albis.  
 Ad regem redeo. postquam nihil inter utrumque  
 Convenit (hoc etenim sunt omnes jure molesti)  
 Quo fortes, quibus adversum bellum incidit. inter  
 Hæctora Priamidem, animosumque inter Achil-  
 lem

Ira fuit capitalis , ut ultima divideret mors :  
 Non aliam ob causam , nisi quod virtus in utro-  
 que

Summa fuit. (dno si discordia vexet inerteis ,  
 Aut si disparibus bellum incidat, ut Diomedes  
 Cum Lycio Glauco , discedat pigrior , ultro  
 Muneribus. missis) Bruto prætoris tenente  
 Ditem Asiam, Rupuli & Persi par pugnatur, uti non  
 Compositus melius cum Bitho Bacchius, in jus  
 Acres procurrunt; magnum spectaculum uterq;.  
 Persius exponit causam. ridetur ab omni  
 Conventu, laudat Brutum, laudatque cohortem :  
 Solem Asiæ Brutum appellat, stellasque salubres  
 Appellat comites, excepto Rege : Canem illum  
 Invisum agricolis sidus, venisse, ruebat ,  
 Flumen ut hibernum, fertur quo rata securis.  
 Tum Prænестinus falso, multumque fluenti  
 Expressa arbusculo regerit convicia ; durus  
 Vindemiator & invictus : cui sæpe viator  
 Cessisset, magna compellans voce cucullum.  
 At Græcus, postquam est Italo perfusus aceto ,  
 Persius, exclamat : per magnos, Brute, Deos te  
 Oro, qui reges consueris tollere, cur non  
 Hunc Regem jugulas ? operum hoc, mihi crede,  
 tuorum est.

## SATYRA VIII.

**O** Lim truncus eram ficulnus, inutile lignum :  
 Cum faber incertus , scamnum faceretne  
 Priapum ;

Maluit esse Deum. Deus inde ego, furum avium-  
 que

Maxima formido. nam fures dextra coercet ,  
 Obscenoque ruber porrectus ab inguine palus.  
 Ast importunas volucreis in vertice arundo  
 Terret fixa, vetatque novis considere in hortis.

Huc prius angustis ejecta cadavera cellis  
 Conservus vili portanda locabat in arca.  
 Hoc miseræ plebi stabat commune sepulcrum,  
 Pantalabo scurræ, Nomentanoque nepoti,  
 Mille pedes in fronte, trecentos cippus in agrum  
 Heic dabat, hæredes monumentum ne sequere-  
 tur.

Nunc licet Esquiliis habitare salubribus atque  
 Aggere in aprico spatium: quo modo tristes  
 Albis informem spectabant ossibus agrum:  
 Cum mihi non tantum furesque feræque suetæ  
 Hunc vexare locum; curæ sunt, atque labori;  
 Quantum, carminibus quæ versant atque venenis  
 Humanos animos, has nullo perdere possum,  
 Nec prohibere modo, simulac vaga Luna deco-  
 rum

Protulit os, quin ossa legant, herbasque nocenteis.  
 Vidi egomet nigra succinctam vadere palla.  
 Canidiam pedibus nudis passoque capillo,  
 Cum Sagana majore ululantem, pallor utrasque  
 Fecerat horrendas adspectu, scalpere terram  
 Unguibus, & pullam divellere mordicus agnam  
 Cœperunt. cruor in fossam confusus, ut inde  
 Maneis elicerent, animas responsa daturas.  
 Lanea & effigies erat, altera cerea: major  
 Lanea, quæ pœnis compesceret inferiorem,  
 Cerea suppliciter stabat, servilibus, utque (vam  
 Jam peritura, modis. Hecaten vocat altera, sæ-  
 Altera Tisiphonem, serpenteis, atque videres  
 Infernas errare canes, Lunamque rubentem,  
 Ne foret his testis, post magna latere sepulchra.  
 Mentior at si quid, merdis caput inquinat albis  
 Corvorum, atque in me veniat mictum atque ca-  
 catum

Julius, & fragilis Pedacia, furque Veranus.  
 Singula quid memorem; quo pacto alterna lo-  
 quentes

Umbræ cum Sagana, resonarent triste & acutum?  
 Utque lupi barbam variæ cum dente colubræ  
 Abdiderint furtim terris, & imagine cerea  
 Largior arserit ignis, & ut non testis inultus  
 Horruerim voces Furiarum & facta duarum?  
 Nam, displosa sonat quantum vesica, pepedi,  
 Diffusa nate ficus, at illæ currere in urbem.



Canidiæ denteis, altum Saganæ caliendum  
Excidere, atque herbas, atque incantata lacertis  
Vincula, cum magno risuque jocoque videres.

## SATYRA IX.

**I**Bam forte via sacra, sicut meus est mos,  
Nescio quid meditans nugarum. totus in illis:  
Accurrit quidam, notus mihi nomine tantum,  
Arreptaque manu. Quid agis dulcissime rerum?  
Suaviter, ut nunc est, inquam: & cupio omnia;  
quæ vis

Cum affectaretur: numquid vis? occupo. at ille.  
Noris nos, inquit; docti sumus. heic ego, pluris  
Moc, inquam, mihi eris, misere discedere quæ-  
rens,

Ire modo ocyus, interdum consistere, in aurem  
Dicere nescio quid puero: cum sudor ad imos  
Manaret talos, ô te Bollane cerebri  
Felicem, ajebam tacitus. cum quidlibet ille  
Garriret, vicos, urbem laudaret, ut illi  
Nil respondebam; Misere cupis, inquit, abire,  
Jamdudum video: sed nil agis. usque tenebo,  
Persequar. hinc quo nunc iter est tibi? nil opus  
est te

Circumagi, quendam volo visere, non tibi notum:  
Trans Tiberim longe cubat is, prope Cæsaris  
hortos.

Nil habeo, quod agam, & non sum piger. usque  
sequar te.

Demitto auriculas, ut iniquæ mentis asellus,  
Cum gravius dorso subiit onus. incipit ille.  
Si bene me novi, non Viscum pluris amicum,  
Non varinm facies. nam quis me scribere plureis,  
Aut citius possit versus? quis membra movere  
Mollius? invidet quod & Hermogenes, ego canto  
Interpellandi locus heic erat. est tibi mater:  
Cognati, queis te salvo est opus? haud mihi quis-  
quam,

Omneis composui. felices. nunc ego resto  
Confice; namque instat fatum mihi triste, Sabella  
Quod puero cecinit, divina mota anus urna:  
Hunc neque dira venena, nec hosticus auferet  
ensis,

Nec laterum dolor, aut tussis, nec tarda podagra;  
Garrulus hunc quando consumet cumque. lo-  
quaces,

Si sapiat, vitet, simul atque adoleverit ætas,  
Ventum erat ad Vestæ, quarta jam parte diei  
Præterita, & casu tunc respondere vadato  
Debebat; quod ni fecisset, perdere litem.  
Si me amas, inquit, paullum heic ades inteream, si  
Aut valeo stare, aut novi civilia jura:  
Et propero, quo scis. dubius sum, quid faciam,  
inquit:

Tene relinquam, an rem. me sodes, non faciam  
ille;

Et præcedere cœpit. ego, ut contendere durum  
est

Cum victore, sequor: Mæcenas quomodo tecum?  
Hinc repetit. paucorum hominum, & mentis be-  
ne sanæ,

Nemo dexterius fortuna est usus. haberes  
Magnum adiutorem, posset qui ferre secundas,  
Hunc hominem velles si tradere. disperiam, ni  
Summosses omneis. non isto vivimus illic,  
Quo tu rere, modo. domus hac nec purior ulla est,  
Nec magis his aliena malis, nil mi officit un-  
quam,

Ditior hic. aut est quia doctior. est locus uni-  
cuique suus. magnum narras, vix credibile. atqui  
Sic habet. accendis, quare cupiam magis illi  
Proximus esse. velis tantummodo, quæ tua vir-  
tus,

Expugnabis; & est qui vinci possit: eoque  
Difficileis aditus primos habet, haud mihi decto,  
Muneribus servos corrumpam. non, hodie si  
Exclusus fuero desistam; tempora quæram,  
Occurram in triviis: deducam. Nil sine magno  
Vita labore dedit mortalibus. hæc dum agit: ecce  
Fuscus Aristius occurrit, mihi carus, & illum  
Qui pulcre noscet. consistimus: unde venis, &  
Quo tendis? rogat, & respondet: vellere cœpi,  
Et prensare manu lentiſſima brachia, nutans.  
Distorquens oculos, ut me eriperet. male falsus  
Ridens dissimulare: meum jecur urere bilis.  
Certe nescio quid secreto velle loqui te  
Ajebas mecum; memini bene: sed meliori

Tempore dicam: hodie tricesima sabbata, vin' tu  
Curtis Judæis oppedere? nulla mihi, inquam,  
Religio est. at mi: sum paullo infirmior, unus  
Multorum: ignosces: alias loquar. hunc cine  
solem

Tam nigrum surrexe mihi? fugit improbus, ac me  
Sub cultro linquit. casu venit obuius illi  
Adversarius: &, quo tu turpissime? magna  
Inclamat voce: &, licet antestari? ego vero  
Oppono auriculam. rapit in jus. clamor utrinque,  
Undique concursus. sic me servavit Apollo.

S A T Y R A X.

**N**Empe in composito dixi pede currere versus  
Lucili, quis tam Lucili fautor inepte est,  
Ut non hoc fateatur? at idem, quod sale multo  
Urbem defricuit, charta laudatur eadem.  
Nec tamen hoc tribuens, dederim quoque cæte-  
ra: nam sic

Et Laberi mimos, ut pulchra poemata, mirer.  
Ergo non satis est risu diducere rictum  
Auditoris: & est quædam tamen heic quoque  
virtus.

Est brevitæ opus, ut currat sententia, non se  
Impediat verbis, lassas onerantibus aureis.  
Et sermone opus est, modo tristi, sæpe jocosæ,  
Defendente vicem modo rhetoris, atque poetæ;  
Interdum urbani parentis viribus, atque  
Extenuantis eas consulto. ridiculum acri  
Fortius & melius magnas plerumque secat res.  
Illi, scripta quibus comœdia prisca viris est,  
Hoc stabant, hoc sunt imitandi: quos neque  
pulcher

Hermogenes unquam legit, neque simius iste  
Nil præter Calvum & doctus cantare Catullum.  
At magnum fecit, quod verbis Græca Latinis  
Miscuit. ô feri studiorum! quine putetis  
Difficile & mirum, Rhodio quod Pitholeonti  
Contigit. ac sermo lingua concinnus utraque,  
Suavior ut Chio nota si commissa Falerni est,  
Cum versus facias. te ipsum percunctor, an & cum  
Dura tibi peragenda rei sit causa Petilli.  
Scilicet oblitus patriæque patrisque Latini,

Cum Pedius caussas exfudet Poplicola, atque  
Corvinus, patriis inpermiscere perita  
Verba foris malis, Canusini more bilinguis.  
Atque ego cum Græcos facerem, natus mare  
citra,

versutulos; vetuit me tali voce Quirinus  
Post mediam noctem visus, cum somnia vera,  
In sylvam non ligna feras insanius, ac si  
Magnas Græcorum malis implere catervas,  
Turgidus Alpinus, jugulat dum Memnona, dum-  
que

Diffingit Rhæni luteum caput; hæc ego ludo,  
Quæ nec in æde sonent certantia, iudice Tarpa,  
Nec redeant iterum atque iterum spectanda the-  
atris,

Arguta meretrice potes, Davoque Chremeta  
Eludente senem, comis garrere libellos  
Unus vivorum, Fundani. Pollio regum  
Facta canit, pede ter percussio, forte epos acer,  
Ut nemo; Varius ducit, molle atque facerum  
Virgiliq annuerunt gaudentes rure Camœnæ.  
Hoc erat, experto frustra Varrone Atacino,  
Atque quibusdam aliis melius quod scribere  
possem,

Inventore minor: neque ego illi detrachere ausim.  
Hærentem capiti multa cum laude coronam.  
At dixi, fluere hunc lutulentum, sæpe ferentem  
Plura quidem tollenda relinquendis. age, quæso  
Tu nihil in magno doctus reprendis Homero?  
Nil comis tragici mutat Lucilius Acci?  
Non ridet versus Enni gravitate minores,  
Cum de se loquitur, non ut majore reprensus?  
Quid vetat, & nosmet Lucili scripta legentis,  
Quærere, num illius, num rerum dura negarit  
Versiculos natura magis factos, & eunteis  
Mollius? ac si quis pedibus quid claudere senis  
Hoc tantum contentus, amet scripsisse ducentos  
Ante cibum versus, totidem cœnatus; Etrusci  
Quale fuit Cassi rapido ferventius amni  
Ingenium: capsis quam fama est esse, librisque  
Ambustum propriis. fuerit Lucilius inquam,  
Comis & urbanus, fuerit limatior idem,  
Quam rudis, & Græcis intacti carminis auctor,  
Quamque poetarum seniorum turba: sed ille,

foret hoc nostrum fato dilatus in ævum ;  
 tereret sibi multa, recideret omne, quod ultra  
 perfectum traheretur, & in versu faciendo  
 pe caput scaberet, vivos & roderet ungueis ,  
 pe stylum vertas, iterum quæ digna legi sint  
 ripturus : neque, te ut miretur turba labores ,  
 tentus paucis lectoribus, an tua demens  
 libus in ludis dictari carmina malis ? (audax,  
 on ego nam satis est equitem mihi plaudere, ut  
 ontemtis aliis explosa Arbuscula duxit.  
 en' moveat cimex Pantilius, aut crucier, quod  
 ellicet absentem Demetrius , aut quod ineptus  
 unius Hermogenis lædat conviva Tigelli ?  
 lotius, & Varius, Mæcenæ, Virgiliusque ,  
 algius, & probat hæc Octavius optimus, atque  
 uscus, & hæc utinam Vascorum laudet uterque.  
 mbitione relegata te dicere possum  
 ollio. te Mesalla tuo cum fratre, simulque  
 os Bibuli, & Servi, simul his te candide Furni :  
 omplureis alios, doctos ego quos, & amicos  
 rudens prætereos; quibus hæc, sint qualiacumque  
 rridere velim : doliturus, si placeant spe  
 eterius nostra. Demetri, teque Tigelli  
 iscipulorum inter jubeo plorare cathedras.  
 puer, atque meo citus hæc subscribe libello.

Q. HORATII  
 FLACCICI  
 SATYRARUM  
 LIBER II.

SATYRA I.

SUNT, quibus in Satyra videar nimis acer,  
 & ultra  
 Legem tendere opus: sine nervis altera,  
 quidquid  
 Composui, pars esse putat, simileisque meorum  
 Mille die versus deduci posse; Trebati,  
 Quid faciam, præscribe, quiescas, ne faciam,  
 inquis,

Omni-

Omnino versus ? ajo , peream male , si non  
 Optimum erat: verum nequeo dormire. ter uncti  
 Transnanto Tiberim, somno quibus est opus alto,  
 Irriguumque mero sub noctem corpus habento,  
 Aut , si tantus amor scribendi te rapit , aude  
 Cæsaris invicti res dicere ; multa laborum  
 Præmia laturus. cupidum pater optime vires  
 Deficiunt. neque enim quivis horrentia pilis  
 Agmina , nec fracta pereunteis cuspide Gallos ,  
 Aut labentis equo describat vulnera Parthi.  
 Attamen & iustum poteras , & scribere fortem ,  
 Scipiadem ut sapiens Lucilius. haud mihi deëro,  
 Cum res ipsa feret, nisi dextro tempore , Flacci  
 Verba per attentam non ibunt Cæsaris aurem ;  
 Cui male si palpare , recalcitrat undique tutus.  
 Quanto rectius hoc , quam tristi lædere versu  
 Pantolabum scurræ, Nomentanumque nepotem,  
 Cum sibi quisque timet , quamquam est intactus,  
 & odit ?

Quid faciam ? saltat Milonius , ut semel ictō  
 Accessit fervor capiti , numerusque lucernis.  
 Castor gaudet equis , ovo prognatus eodem ,  
 Pugnis. Quot capitum vivunt, totidem studiorum  
 Millia. me pedibus delectat claudere verba  
 Lucili ritu , nostrum melioris utroque.  
 Ille velut fidis arcana sodalibus olim  
 Credebat libris, neque, si male gesserat usquam,  
 Decurrens alio, neque si bene. quo sit, ut omneis,  
 Votiva pateat veluti descripta tabella,  
 Vita senis. sequor hunc , Lucanus, an Appulus ,  
 anceps :

(nus,  
 Nam Vennsinus arat finem sub utrumque colo-  
 Missus ad hoc, pulsus, vetus est ut fama, Sabellis,  
 Quo ne per vacuum Romano incurreret hostis ,  
 Sive quod Appula gens, sen quod Lucania bellum  
 Incuteret violenta. sed hic stylus haud petet ul-  
 tro

(ensis  
 Quemquam animantem , & me veluti custodiet  
 Vagina tectus : quem cur distringere coner ,  
 Tutus ab infestis latronibus ? ô pater, & rex  
 Jupiter, ut pereat positum rubigine telum ,  
 Nec quisquam noceat cupido mihi pacis ! at ille,  
 Qui me commoritur (melius non tangere, clamo)  
 Flebit ; & insignis tota cantabitur urbe.

Cervius iratus leges minuitur & urnam,  
 Canidia Albici, quibus est inimica, venenum  
 Grande malum Turius, si quis se iudice certet.  
 Ut, quo quisque valet, suspectos terreat; utque  
 Imperet hoc natura potens, sic collige mecum.  
 Dente lupus, cornu taurus petit. unde, nisi intus  
 Monstratum? Scævæ vivacem crede nepoti  
 Matrem, nil faciet sceleris pia dextera. mirum.  
 Ut neque calce lupus quemquam, neque dente  
 petit bos.

Sed mala tollet anum vitiato melle cicuta  
 Ne longum faciām: seu me tranquilla senectus,  
 Expectat, seu mors atris circumvolat alis;  
 Dives, inops, Romæ, seu Fors ita jusserit, exsul,  
 Quisquis erit vitæ, scribam, color. ô puer, ut sis  
 Vitalis metuo, & majorum ne quis amicus  
 Frigore te feriat. quid, cum est Lucilius ausus  
 Primus in hunc operis componere carmina mo-  
 rem.

Detrahere & pellem, nitidus qua quisque per ora  
 Cederet, introrsum turpis: num Lælius, aut qui  
 Duxit ab oppressa meritum Carthagine nomen  
 Ingenio offensi, aut læso doluere Metello,  
 Famosisque Lupo cooperto versibus? atqui  
 Primores populi arripuit, populumque tributim:  
 Scilicet uni æquus virtuti. atque ejus amicis.  
 Quin ubi se à vulgo & scena, in secreta remorant  
 Virtus Scipiadae, & mitis sapientia Læli,  
 Nupari cum illo, & discincti ludere, donec  
 Decoqueretur olus, soliti; quidquid tum ego,  
 quamvis

Infra Lucili censum ingeniumque, tamen me  
 Cum magnis vixisse invita fatebitur usque  
 Invidia, & fragili quærens illidere dentem,  
 Offendet solido. nisi quid tu docte Trebati  
 Dissentis. equidem nihil hinc diffindere possum.  
 Sed tamen ut moditus caveas, ne forte negoti  
 Incuriat tibi quid sanctarum inscitia legum:  
 Si mala condiderit in quem quis carmina, jus est  
 Judiciumque esto, si quis mala: sed bona si quis  
 Iudice condiderit laudatur Cæsare. si quis  
 Opprobriis dignum laceravit, integer ipse;  
 Solventur risu tabulae tu missus, abibis.

## S A T Y R A I I.

Q Uæ virtus, & quanta, boni, sit vivere parvo.  
(Nec meus hic sermo est: sed quem præcepit Ofellus.

Rusticus, abnormis sapiens, crassaque Minerva)  
Discite non inter lanceis, mensasque nitentis,  
Cum stupet insanis acies fulgoribus, & cum  
Acclivis falsis animis, meliora recusat;  
Verum heic impransi mecum disquirite. cur hoc?  
Dicam, si potero. Male verum examinat omnis  
Corruptis iudex. leporem sectatus, equove  
Lassus ab indomito, vel, si Romana fatigat  
Militia assuetum Græcari, seu pila velox,  
Molliter austerum studio fallente laborem.  
Seu te discus agit pete cedentem aëra disco.  
Cum labor extuderit fastidia, siccus, inanis  
Sperne cibum vilem: nisi Hymettia mella Falerno  
Ne biberis diluta. foris est promus, & atrum  
Defendens pisceis hiemat mare; cum sale panis  
Latrantem stomachum bene leniet. unde putas,  
Qui partum? non in caro nidore voluptas  
Summa, sed in te ipso est. Tu pulmentaria quæ-  
re aut

Studando, pinguem vitiis albumque, nec ostrea,  
Nec scarus, aut poterit peregrina juvare lagois.  
Vix tamen eripiam, posito pavone, velis quin  
Hoc potius quam gallina tergere palatum;  
Corruptis vanis rerum: quia veneat auro  
Rara avis, & picta pandat spectacula cauda.  
Tamquam ad rem attineat quidquam. num ve-  
scesis ista, (idem?

Quam laudas, pluma? coctove num adest honor  
Carne tamen quamvis distat nihil hæc magis illas  
Imparibus formis deceptum te patet. esto.  
Unde datum sentis? lupus hic Tiberinus, an alto  
Captus hiet, ponteisne inter jactatus, an amnis  
Ostia sub Tusci? laudas insana trilibrem  
Mullum: in singula quem minuas pulmenta ne-  
cesse est.

Ducit te species, video. quo pertinet ergo  
Proceros odisse lupos? quia scilicet illis (dus,  
Majorem natura modum dedit, his breve pon-  
jeju-



Jejunus raro stomachus vulgaria temnit,  
 Porrectum magno magnum spectate catino  
 Vellem, ait Harpiis gula digna rapacibus. at vos  
 Præseutes Austri coquite horum obsonia: quam-  
 vis (quando

Putet aper rhombusque recens; mala copia  
 Ægrum sollicitat stomachum; cum tabula ple-  
 nus, (acta

Atque acidas mavult inulas. nec dum omnis ab-  
 Pauperies epulis regum. Nam vilibus ovis,  
 Nigrisque est oleis hodie locus. haut ita pridem  
 Galloni præconis erat acipensere mensa

Infamis, quid? tum rhombos minus equor alebat?  
 Tutus erat rhombus, tutoque ciconia nido;

Donec vos auctor docuit prætorius. ergo  
 Si quis nunc mergos suaveris edixerit assos,

Parebit pravi docilis Romana juvenus.

Sordibus à tenui victu distabit, Ofello

Judice. Nam frustra vitium vitaveris illud,

Si te alio pravum detorseris Avidienus,

Cui canis ex vero dictum cognomen adhæret.

Quinquenneis oleas est, & silvestria corna;

Ac, nisi mutatum, parcit defundere vinum, &

Cujus odorem olei nequeas perferre. (licebit

Ille repotia, nataleis, aliosve dierum

Festos albatus celebret) cornu ipse bilibri

Caulibus instillat, veteris non parvus aceti.

Quali igitur victu sapiens utetur, & horum

Virum imitabitur? hac urget lupus, hac canis  
 angit,

Mundus erit, qui non offendat sordibus, atque

In neutram partem cultus miser. hic neque servis,

Albuci senis exemplo, dum munia didit,

Sævus erit: nec sic, ut simplex Nævius unctam

Convivis præbebit aquam. vitium hoc quoque  
 magnum,

Accipe nunc, victus tenuis quæ, quantaque secum

Afferat. In primis valeas bene. nam, variæ res

Ut noceant homini, credas, memor illius escæ,

Quæ simplex olim tibi sederit. at simul assis

Miscueris elixa, simul conchyliis turdis:

Dulcia se in bilem vertent, stomachoque tumultum

Lenta feret pituita. vides, ut pallidus omnis

Cæna

Cœna desurgat dubia ? Quin corpus onustum  
 Hesternis vitiis animum quoque prægravat una ,  
 Atque affigit humo divinæ particulam auræ :  
 Alter, ubi dicto citius curata sopori  
 Membra dedit, vegetus præscripta ad munia sur-  
 git. (dam ;

Hic tamen ad melius poterit transcurrere quon-  
 Sive diem festum rediens advexerit annus ,  
 Sen recreare volet tenuatum corpus : ubique  
 Accedent anni, & tractari mollius ætas  
 Imbecilla volet. tibi quidnam accedet ad istam,  
 Quam puer & validus præsumis, molliem, seu  
 Dura valetudo inciderit, seu tarda senectus ?  
 Rancidum aprum antiqui laudabant ; non quia  
 nasus (holpes  
 Illis nullus erat : sed, credo, hac mente, quod  
 Tardius adveniens, vitiatum commodius, quam  
 Integrum edax dominus consumeret. hos uti-  
 nam inter

Herbas natum tellus me prima tulisset !  
 Das aliquid famæ quæ carmine gratior aurem  
 Occupat humanam ? grandes rhombi patinæque,  
 Grande ferunt una cum damno dedecus, adde  
 Iratum patrum, vicinos, te tibi iniquum ,  
 Et frustra mortis cupidum, cum deerit egenti  
 Æs, laquei pretium. jure, inquit, Trasius istis  
 Jurgatur verbis : ego vectigalia magna ,  
 Divitiasque habeo tribus amplas regibus. ergo  
 Quod superat, non est melius quod insume re-  
 possis ?

Cur eget indignus quisquam te divite ? quare  
 Tempia ruunt antiqua Deum ? cur improbe charæ  
 Non aliquid patriæ tanto emetiris acervo ?  
 Uni nimirum recte tibi semper erunt res ?  
 O magnus posthac inimicis risus ! uterne  
 Ad casus dubios fides tibi certius ? hic, qui  
 Pluribus assuerit mentem, corpusque superbum :  
 An, qui contentus parvo, metuensque futuri ,  
 In pace, ut sapiens, aptarit idonea bello ?  
 Quo magis his credas : puer hunc ego parvus O-  
 fellum

Integris opibus novi non latius usum  
 Quam nunc accisis. videas metato in agello  
 Cum pecore, & gnatis: fortem mercede colonum,  
 Non

Non ego, narrantem, temere edi luce profecta  
 Quidquam, præter olus fumosæ cum pede pernae.  
 Ac mihi cum longū post tempus venerat hospes  
 Sive operum vacuo gratus conviva per imbres  
 Vicinus, bene erat, non piscibus urbe petitis;  
 Sed pullo, atque hædo: tum pensilis uva secun-  
 das,

Et nux ornabat mensas, cum deplice ficu.  
 Post hoc sudus erat culpa potare magistra.  
 Ac venerata Ceres, uti culmo surgeret alto.  
 Explicuit vino contractæ seria frontis.  
 Sæviat, atque novos moveat fortuna tumultus,  
 Quantum hinc imminuat? quanto aut ego par-  
 cius, aut vos

O pueri nituistis, ut nunc novus incola venit?  
 Nam propriæ telluris herum natura, neque il-  
 lum,

Nec me, nec quemquam statuit. nos expulit ille:  
 Illum aut nequities aut vafri inscitia juris,  
 Postremo expellet certe vivacior hæres.  
 Nunc ager Umbreni sub nomine, nuper Ofelle  
 Dictus, erit nulli proprius, sed cedit in usum  
 Nunc mihi, nunc alii. quocirca vivite fortes:  
 Fortiaque adversis opponite pectora rebus.

## SATYRA III.

**S**ic raro scribis, ut toto non quater anno  
 Membranam poscas, scriptorum quæque re-  
 texens,

Iratus tibi. quod vini somnique benignus  
 Nil dignum sermone canas. quid fiet? ab ipsis  
 Saturnalibus huc fugisti. sobrius ergo  
 Dic aliquid dignum promissis: incipe. nil est,  
 Culpantur frustra calami, immeritusque laborat  
 Iratis natus paries Dis, atque poetis.

Atqui vultus erat multa & præclara minantis,  
 Si vacuum tepido cepisset villula tecto.  
 Quorsum pertinuit stipare Platona Menandro?  
 Eupolin, Archilochum, comites educere tantos?  
 Invidiam placare paras virtute relicta?  
 Contemnere miser. vitanda est improba Seiren  
 Desidia, aut quidquid vita meliore parasti.  
 Ponendum æquo animo: Di te Damasippe Deæq;

Verum ob consilium donent tonsore. sed unde  
 Tam bene me nosti? postquam omnis res mea  
 Janum

Ad medium fracta est, aliena negotia curo,  
 Excussus propriis. olim, nam quærere amabam,  
 Quo vaser ille pedes lavisset Sisyphus ære:  
 Quid sculptum infabre, quid fustum durius esset,  
 Callidus huic signo ponebam millia centum.  
 Hortos, egregiasque domos merearier unus  
 Cum lucro noram, unde frequentia Mercuriale  
 Imposuere mihi cognomen compita. novi,  
 Et morbi miror purgatum te illius. atqui  
 Emovit veterem mite novus: ut solet, in cor  
 Trajecto lateris miseri capitisque dolore:  
 Ut lethargicus hic cum sit pugil, & medicum

urget,

(ne te

Dum ne quid simile huic, esto, ut lubet. ô bone  
 Frustrere. insanis & tu, stultique prope omnes,  
 Si quid Stertinius veri crepat: unde ego mira  
 Descripsi, docilis præcepta hæc, tempore quo me  
 Solatus jussit sapientem pascere barbam,  
 Atque à Fabricio non tristem ponte reverti.  
 Nam male re gesta cum vellem mittere operto  
 Me capite in flumen: dexter stetit: & cave faxis  
 Te quidquam indignum: pudor, inquit, te malus

urget,

Insanos qui inter vereare insanus haberi.

Primum nam inquiram quid sit furere, hoc si erit  
 in te

Solo, nil verbi, pereas quin fortiter addam:  
 Quem mala stultitia, & quemcunque inscitia veri  
 Cæcum agit, insanum Chrysippi porticus, & grex  
 Autumat. hæc populos, hæc magnos formula  
 reges,

Excepto sapiente, tenet. nunc accipe. quare  
 Desipiant omnes, æque ac tu, qui tibi nomen  
 Insano posuere. velut sylvis, ubi passim  
 Palanteis error certo de tramite pellit,  
 Ille sinistrorsum, hic dextrorsum abít: unus  
 utrique

Error, sed variis illudit partibus. hoc te  
 Crede modo insanum, nihilo ut sapientior ille,  
 Qui te deridet, caudam trahat. est genus unum  
 Stultitiæ in nihilum metuenda timentis: ut igneis,

Ut

Ut rupes, fluviosque in campo obstare queratur.  
Alterum & huic varium, & nihilo sapientius,  
igneis

Per medios, fluviosque ruentis, clamet amica  
Mater, honesta soror, cum cognatis, pater, uxor:  
Heic fossa est ingens, heic rupes maxima: serva:  
Non magis audierit, quam Fufius ebrius olim,  
Cum Ilionam edormit, Catienis mille ducentis,  
Mater te appello, clamantibus huic ego vulgum  
Errori similem cunctum insanire docebo.

Insanit veteres statuas Damasippus emendo.  
Integer est mentis Damasippi creditor? esto.  
Accipe, quod nunquam reddas mihi, si tibi dicam;  
Tunc insanus eris, si acceperis? an magis excors  
Rejecta præda quam præsens Mercurius fert?  
Scribe decem à Nerio. non est satis. adde Cicuræ  
Nodosi tabulas centum; mille adde catenas;  
Effugiet tamen hæc sceleratus vincula Proteus.  
Cum rapies in jura malis ridentem alienis:  
Fiet aper, modo avis, modo saxum, & cum volet  
arbor.

Si male rem gerere, insani est: contra, bene sani:  
Putidius multo cerebrum est, mihi crede, Perilli  
Dictantis, quod tu numquam rescribere possis.  
Audire, atque togam jubeo componere, quisquis  
Ambitione mala aut argenti pallet amore:  
Quisquis luxuria, tristive superstitione,  
Aut alio mentis morbo calet: huc propius me,  
Dum doceo insanire omneis, vos ordine adite.  
Danda est ellebori multo pars maxima avaris:  
Nescio an Anticyram ratio illis destinet omnem,  
Hæredes Staberi summam incidere sepulcro:  
Ni sic fecissent. gladiatorum dare centum  
Damnati populo paria, atque epulum, arbitrio  
Arri.

Frumenti quantum metit Africa. Sive ego prave,  
Seu recte, hoc volui, ne sis patruus mihi. credo.  
Hoc Staberi prudentem animum vidisse, quid  
ergo

Sensit cum summam patrimonio insculpere saxo  
Hæredes voluit? quoad vixit credidit ingens  
Pauperiem vitium, & cavet nihil acrius: ut si  
Forte minus locuples uno quadrante periret,  
Ipse videretur sibi nequior. Omnis enim res,

Virtus fama, decus, divina, humanaque pulchris  
 Divitiis parent: quas qui construxerit, ille  
 Clarus erit, fortis, justus, sapiens etiam, & rex,  
 Et quidquid volet. hoc, veluti virtute paratum.  
 Speravit magnæ laudi fore. quid simile isti  
 Græcus Aristippus? qui servus projicere aurum  
 In media jussit Lybia: quia tardius irent.  
 Propter onus segnes. uter est insanior horum?  
 Nil agit exemplum, litem quod lite resolvit.  
 Si quis emat citharas, emtas comportet in unum.  
 Nec studio citharæ, nec Musæ deditus ulli,  
 Si scalpra, & formas non futor, nautica vela  
 Averfus Mercaturis; delirus, & amens  
 Undique dicatur merito. quid descrepat istis,  
 Qui nummos, aurumque recondit nescius uti  
 Compositis: metuensque velut contingere sa-  
 crum:

Si quis ad ingentem frumenti semper acervum  
 Porrectus viliget cum longo fuste; neque illinc  
 Audeat esuriens dominus contingere granum,  
 Ac potius foliis parcus vescatur amaris,  
 Si positis intas Chii, veterisque Falerni  
 Mille cadis, nihil est, tercentum millibus; acre  
 Potet acetum age, si & stramentis incubet, unde.  
 Octoginta annos natus, cui stragula vestis,  
 Blattarum ac tinearum epulæ, putrescat in arca:  
 Nimirum insanus paucis videatur, eo quod  
 Maxima pars hominum morbo jactatur eodem,  
 Filius, aut etiam hæc libertus ut ebibat hæres.  
 Dis inimice senex custodis, ne tibi desit?  
 Quantum enim summæ curtabit quisque dierum,  
 Ungere si canleis oleo meliore, caputque  
 Cœperis impexæ fœdum porrigine? quare,  
 Si quidvis satis est, perjuras, surripis, aufers  
 Undique? tun' sanus? populum si cedere saxi  
 Incipias. servosne tuos, quos ære pararis,  
 Infanum te omnes pueri clamentque puellæ.  
 Cum laqueo uxorem interimis, matremque ve-  
 neno,

Incolumi capite es? quid enim? neque tu hoc  
 facis Argis,

Nec ferro, ut demens genitricem occidit Orestes.  
 An tu reris eum occisa insanisse parente,  
 Ac non ante malis dementem actum Furiis, quam

In matris jugulo ferrum tepefecit acutum?  
 Quin ex quo est habitus male tutę mentis Orestes  
 Nil sane fecit, quod tu reprehendere possis:  
 Non Pyladen ferro violare, aususve sororem  
 Electram, tantum maledicit utrique, vocando  
 Hanc furiam, hunc aliud, jussit quod splendida  
 bilis.

Pauper Opimius argenti positi intus, & auri,  
 Qui Vejentanum festis potare diebus  
 Campana solitus trulla, vappamque profestis:  
 Quondam lethargo grandi est oppressus, ut heres  
 am circum loculos & claveis lætus, ovanque  
 Curreret. hunc medicus multum celer atque fi-  
 delis,

Excitat hoc pacto: mensam poni jubet, atque  
 Effundi saccos nummorum: accedere plureis  
 Ad numerandum hominem sic erigit. addit &  
 illud,

Ni tua custodis, avidus jam hæc auferet hæres.  
 Men' vivo? ut vivas igitur, vigila. hoc age. quid vis,  
 Deficient inopem venæ te, ni cibus, atque  
 Agens accedat stomacho futura ruenti.  
 Tu cessas agedum, sume hoc ptisanarium oruzæ.  
 Quanti emtæ? parvo. quanti ergo? octo assi-  
 bus. eheu.

Quid refers, morbo, an furtis, pereamne rapinis,  
 Quis nā igitur sanus, qui non stultus. quid avarus,  
 Cultus, & insanus quid? si quis non sit avarus,  
 Continuo sanus. minime. cur Stoice? dicam.  
 Non est cardiacus, Craterum dixisse putato,  
 Sic æger: recte est igitur, surgetque? negabit:  
 Quod latus aut renes morbo tententur acuto  
 Non est perjurus, neque sordidus: immolet quis  
 Sic porcum Laribus. verum ambitiosus & audax:  
 Laviget Anticyram, quid enim differt, Barathrone  
 Pones quidquid habes, an numquā utare paratis;  
 Servius Oppidius Canusi duo prædia, dives  
 Antiquo censu, gnatis divisisse duobus  
 Fertur, & hoc moriens pueris dixisse vocatis  
 Ad lectum: Postquam te talos Aule, nucesque  
 Perre sinu laxo, donare, & ludere vidi,  
 De Tiberi numerare, cavis abscondere tristem,  
 Extimui, ne vos ageret vesania discors:  
 Tu Nomentanum, tu ne sequerere Cicutam.

Quare per Divos oratus uterque Penateis ,  
 Tu cave ne minuas : tu ne majus facias id.  
 Quod satis esse putat pater, & natura coërcet.  
 Præterea ne vos titillet gloria , jure-  
 jurandi obstringam ambo : uter ædilis fuerit, vel  
 vestrum prætor, is intestabilis, & sacer esto ,  
 In cicere, atque faba, bona tu perdasque lupinis,  
 Latus ut circo spatiere , aut ænens ut stes ,  
 Nudus agris , nudus nummis insane paternis ,  
 Scilicet ut plausus quos fert Agrippa, feras tu.  
 Astuta ingenuum vulpes imitata leonem ,  
 Nequis humasse velit Ajacem Atreida vetas cur,  
 Rex sum. nil ultra quæro plebejus, & æquam  
 Rem imperito: ac, si cui videor non justus, inulto  
 Dicere quæ sentit, permitto. maxime regum ,  
 Di tibi dent capta classem deducere Troja :  
 Ergo consulere, & mox respondere licebit ,  
 Consule. Cur Ajax heros ab Achille secundus  
 Putrescit , toties servatis clarus Achivis ,  
 Gaudeat ut populus Priami, Priamusq; inhumato ,  
 Per quem tot juvenes patrio caruere sepulchro?  
 Mille ovium insanus morti dedit, inclytum Ulyf-  
 sem ,

Et Menelaum una mecum se occidere clamans.  
 Tu cum pro vitula statuis dulcem Aulide gnata  
 Anre aras, spargisque mola caput improbe salsa,  
 Rectum animi servas , quorsum , insanus quid  
 enim Ajax

Fecit , cum stravit ferro pecus , abstinuit vim  
 Uxore & gnato, mala multa precatus Atreidis :  
 Non ille aut Teucrum, aut ipsum violavit Ulyssæ,  
 Verum ego, ut hærenteis adverso littore naveis  
 Eriperem , prudens placavi sanguine Divos.  
 Nempe tuo furiose. meo , sed non furiosus ,  
 Qui species alias veri scelerisque tumultu  
 Permissas captet, commotus habebitur, atque  
 Stultitiane erret , nihilum distabit , an ira.  
 Ajax immeritos dum occidit, dissipit ; agnos ?  
 Cum prudens scelus ob titulos admittis inaneis,  
 Stas animo ? & purum est vitio tibi , cum tumi-  
 dum est cor ?

Si quis lectica nitidam gestare amet agnam,  
 Huic vestem , ut gnatae , paret ancillam , paret  
 aurum ;



pusam, aut pusillam appellet, fortique marito  
 Destinet uxorem, interdicto huic omnia adimat  
 Prætor, & ad sanos abeat tutela propinquos.  
 Quid, si quis gnatam pro muta devovet agna,  
 Integer est animi? ne dixeris. ergo ubi prava  
 cultitia, heic summa est insania. qui sceleratus,  
 Et furiosus erit. quem cepit vitrea fama,  
 Hunc circumtonuit gaudens Bellona cruentis.  
 Nunc age luxuriam, & Nomentanum arripe me-  
 cum,

Vincit enim stultos ratio insanire nepotes.  
 Hic simul accepit patrimoni mille talenta,  
 Edicit, piscator uti, pomarius, auceps,  
 Unguentarius, ac Tusci turba impia vici.  
 Cum scurris fartor, cum Velabro omne macellū,  
 Mane domum veniant. quid tum? venire fre-  
 quentes. (horum  
 Verba facit leno. Quidquid mihi, quidquid &  
 Cuique domi est, id crede tuum, & vel nunc pe-  
 te, vel cras.

Accipe, quid contra juvenis responderit æquus,  
 In nive Lucana dormis ocreatus, ut aprum  
 Cœnem ego. tu pisceis hiberno ex equore vellis:  
 Segnis ego, indignus qui tantum possideam. aufer:  
 Sume tibi decies, tibi tantumdem, tibi triplex,  
 Unde uxor media currat de nocte vocata.  
 Filius Æsopi detractum ex aure Metellæ,  
 Scilicet ut decies solidum exsorberet, aceto  
 Diluit insignem baccam, qui sanior, ac si (cam?  
 Illud idem in rapidum flumen, jaceretve cloa-  
 Quincti progenies Arri, par nobile fratrum,  
 Nequitia, & nugis, pravorum & amore gemellum,  
 Luscinias soliti impenso prandere coemtas.  
 Quorsum abeant sani? creta, an carbone notandi?  
 Ædificare casas, plostello adjungere mures.  
 Iudere par impar, equitare in arundine longa,  
 Si quem delectet barbatum: amentia verset.  
 Si puerilius his ratio esse evincet, amare;  
 Nec quidquā differre, utrumne in pulvere, trimus  
 Quale prius, ludas opus, an meretricis amore  
 Sollicitus plores: quæro, faciasne, quod olim  
 Mutatus Polemon; ponas insignia morbi,  
 Fasciolas, cubital, focalia; potus ut ille  
 Dicitur ex collo furtim carpisse coronas.

Postquam est impransū correptus voce magistri.  
 Porrigis irato puero cum poma, recusat:  
 Sume Catelle: negat, si non des; optat. amator  
 Exclusus qui distat? agit ubi secum, eat an non,  
 Quo rediturus erat non arcessitus, & hæret  
 Invisis foribus? nec nunc, cum me vocet ultro,  
 Accedam? an potius mediter finire dolores?  
 Exclusit: revocat. redeam? non, si obsecret ecce  
 Servus non paullo sapientior. ô here, quæ res  
 Nec modum habet, neque consilium, ratione  
 modoque

Tractari non vult. in amore hæc sunt mala: bellū,  
 Pax rursus. hæc si quis tempestatis prope ritu  
 Mobilia, & cæca fluitantia forte, laboret  
 Reddere certa sibi; nihilo magis explicet, ac si  
 Insanire paret certa ratione, modoque.  
 Quid, cum Picenis excerpens femina pomis  
 Gaudes, si cameram percussisti forte, penes te es?  
 Quid cum balba feris annoso verba palato,  
 Ædificante casus qui sanior? adde cruorem  
 Stultitiæ, atque ignem gladio scrutare. modo,  
 inquam,

Hellade percussa Marius cum præcipitat se,  
 Ceritus fuit: an commotæ crimine mentis  
 Absolves hominem, & sceleris damnabis eundē,  
 Ex more imponens cognata vocabula rebus?  
 Libertinus erat, qui circum compita siccus  
 Lautis mane senex manibus currebat, & unum  
 Quiddam magnum addens, unum me surpitem  
 morti,

Dis etenim facile est, orabat sanus utrisque  
 Auribus, atque oculis; mentem nisi litigiosus  
 Exciperet dominus, cum venderet, hoc quoque  
 vulgus

Chrysippus ponit fœcunda in gente Meneni.  
 Jupiter, ingenteis qui das adimisque dolores,  
 Mater ait pueri mensis jam quinque cubantis,  
 Frigida si puerum quartana reliquerit, illo  
 Mane die, quo tu iudicis jejunia, nudus  
 In Tiberi stabit. casus, medicusve levarit  
 Ægrum ex præcipiti, mater delira necabit  
 In gelida fixum ripa, febrimque reducet,  
 Quone malo mentem concussa, timore Deorum,  
 Hæc mihi Stertinijs sapientum octavus, amico

Armo

Arma dedit, posthac ne compellarer inultus.  
 Dixerit insanum qui me, totidem audiet: atque  
 Respicere ignoto discet pendentia tergo.  
 Stoice, post damnum sic vendas omnia pluris:  
 Quam me stultitiam (quoniam non est genus u-  
 num)

Insanire putas? ego nam videor mihi sanus.  
 Quid? caput abscissum demens cum portat Agave  
 Gnati infelicis, sibi tum furiosa videtur?  
 Stultum me fateor (liceat concedere veris)  
 Atque etiam insanum: tantum hoc ediffere, quo  
 me

Ægrotare putes animi vitio, Accipe: Primum  
 Ædificas, hoc est, longos imitaris, ab imo  
 Ad summum totus moduli bipedalis: & idem  
 Corpore majorem rides Turbonis in armis  
 Spiritum, & incessum: qui ridiculus minus illo,  
 An quodcunque facit Mæcenas, te quoque ve-  
 rum est.

Tanto dissimilem, & tanto certare minorem?  
 Absentis ranae pullis vituli pede pressis,  
 Unus ubi effugit, matri denarrat, ut ingens  
 Bellua cognatos eliserit. illa rogare,  
 Quantane? num tandē, se inflans, sic magna fuisset,  
 Major dimidio. num tantocum? magis, atque  
 Se magis inflaret: non, si te ruperis, inquit,  
 Par eris, hæc à te non multum abludit imago.  
 Adde poemata nunc: hoc est, oleum adde camino.  
 Quæ si quis sanus fecit, sanus facis & tu.  
 Non dico horrendam rabiem. jam desine cultum  
 Majorem censu. teneas Damasippe tuis te:  
 Mille puellarum, puerorum mille furores,  
 O major tandem parcas insane minori.

## SATYRA IV.

U Nde, & quo Catius? non est mihi tempus  
 aventi

Ponere signa novis præceptis: qualia vincunt  
 Pythagoram, Anytiq; reum doctumque Platona.  
 Peccatum fateor, cum te sic tempore lævo  
 Interpellarim. sed des veniam bonus, oro.  
 Quod si interciderit tibi nunc aliquid, repetes  
 mox

Sive est naturæ hoc, sive artis, mirus utroque  
 Quin id erat curæ, quo pacto cuncta tenerem:  
 Utpote res tenuis, tenui sermone peractas,  
 Ede hominis nomen: simul an Romanus, an ho-  
 spes,

• Ipsa memor præcepta canam: celabitur auctor.  
 Longa, quibus facies ovis erit, illa memento,  
 Ut succi melioris, & ut magis alba rotundis  
 • Ponere. namque marem cohibent colloso vitel-  
 lum,

Caule suburbano, qui siccis crevit in agris,  
 Dulcior. irriguo nihil est elutius horto.  
 Si vespertinus subito te oppresserit hospes:  
 Ne gallina malum responderet dura palato,  
 Doctus eris vivam misto mersare Falerno:  
 Hoc teneram faciet. pratensibus optima fungis  
 Natura est: aliis male creditur. ille salubreis  
 Æstates peraget, qui nigris prandia moris  
 Finiet, ante gravem quæ legerit arbore solem,  
 Aufidius forti miscebat mella Falerno:  
 Mendose: quoniam vacuis committere venis  
 Nil, nisi lene decet. leni præcordia mulso  
 Prolueris melius. si dura morabitur alvus,  
 Mitulus, & viles pellent obstantia conchæ.  
 Et lapathi brevis herba, sed alba non sine Coo  
 Lubrica nascentes implent conchyliis Lunæ.  
 Sed non omne mare est generosæ fertile testæ.  
 Murice Bajana melior Lucrina Peloris:  
 Ostrea Circæis, Miseno oriuntur echini,  
 Pectinibus patulis jactat se molle Tarentum.  
 Nec sibi cœnarum quivis temere arroget artem,  
 Non prius exacta tenui ratione saporum,  
 Nec satis est cara pisceis avertere mensa,  
 Ignarum quibus est jus aptius, & quibus assis  
 Languidus in cubitum jam se conviva reponet.  
 UMBER, & iligna nutritus glande rotundas  
 Curvat aper lanceis carnem vitantis inertem.  
 Nam Laurens malus est, ulvis, & arundine pinguis,  
 Vineæ summittit capreas non semper eduleis.  
 Fœcundi leporis sapiens sectabitur armos.  
 Piscibus, atque avibus, quæ natura, & foret ætas,  
 Ante meum nulli patuit quæsitæ palatum.  
 Sunt, quorum ingenium nova tantum crustula  
 promit.

Nequa.

Nequaquam satis in re una consumere curam :  
Ut si quis solum hoc, mala ne sint vina, laboret ,  
Quali perfundat pisceis securus olivo.  
Massica si cœlo supponas vina sereno :  
Nocturna , si quid crassi est , tenuabitur aura ,  
Et decedet odor nervis inimicus : at illa  
Integrum perdunt lino vitiata saporem.  
Surrentina vafer qui miscet facie Falerna  
Vina , columbino limum bene colligit ovo :  
Tostis marcentem squillis recreabis , & Afra  
Potorem cochlea nam lactuca innatat acri  
Post vinum stomacho, perna magis, ac magis hillis  
Flagitat in morsus refici : quin omnia malit ,  
Quæcunque immundis fervent allata popinis ,  
Est operæ pretium duplicis pernoscere juris  
Naturam. simplex è dulci constat olivo ,  
Quod pingui miscere mero muriaque decebit ,  
Non aliâ quam qua Byzantia putruit orca.  
Hoc ubi confusum sectis inferbuit herbis ,  
Corycioque croco sparsum stetit , insuper addes  
Pressa Venafranæ quod bacca remisit olivæ.  
Picenis cedunt pomis Tiburtia succo :  
Nam facie præstant. Venucula convenit ollis.  
Rectius Albanam fumo duraveris uvam.  
Hanc ego cum malis, ego facem primus, & Alec.  
Primus & invenior piper album , cum sale nigro  
Incretum , puris circum posuisse catillis.  
Immane est vitium, dare millia terna macello ,  
Angustoque vagos pisceis urgere catino.  
Magna movent stomacho fastidia; seu puer unctis  
Tractavit calicem manibus, dum furta ligurit :  
Sive pravis veteri crateræ limus adhæsit.  
Vilibus in scopis, in mappis, in scobe, quantus  
Consistit sumptus ? neglectis, flagitium ingens.  
Ten' lapides varios lurulenta radere palma ,  
Et Tyrias dare circum illota toralia vesteis :  
Oblitum quanto curam, sumtumque minorem  
Hæc habeant, tanto reprimi justius illis ,  
Quæ nisi divitibus nequeunt contingere mensis ?  
Docte Cati, per amicitiam divosque rogatus ,  
Ducere me auditum. perges quocunque memento.  
Nam quamvis referas memori mihi pectore cui-  
Non tamen interpret tantundem juveris, adde  
Vul-

Vultum, habitumque hominis: quem tu vidisse  
beatus

Non magni pendis, quia contigit. at mihi cura  
Non mediocris inest, fonteis ut adire remotos  
Atque haurire quam vitæ præcepta beatæ.

## S A T Y R A V.

**H**oc quoque Tiresia, præter narrata, petenti  
Responde: quibus amissa reparare queam  
res

Artibus atque modis. quid rides? jamne doloso  
Non satis est Ithacam revehi, patriosq; Penateis  
Aspicere? ô nulli quidquam mentite, vides, ut  
Nudus inopsq; domum redeam te vate: neq; illis  
Aut apotheca procis intacta est, aut pecus. atqui  
Et genus, & virtus, nisi cum re, vilior alga est.  
Quando pauperiem missis ambagibus horres;  
Accipe qua ratione queas ditescere. Turdus,  
Sive aliud privum dabitur tibi de volet illuc,  
Res ubi magna nitet domino sene: dulcia poma,  
Et quoscumque feret cultus tibi fundus honores,  
Ante Larem gustet venerabilior Lare dives.  
Qui quamvis perjurus erit. sine gente, cruentus  
Sanguine fraterno, fugitivus; ne tamen illi  
Tu comes exterior, si postulet, ire recuses.  
Utne regam spurco Damæ latus? haud ita Trojæ  
Me geis, certans Temper melioribus. ergo  
Pauper eris, fortè hoc animum tolerare jubebo.  
Et quondam majora tui. tu protinus, unde  
Divitias, ærisque ruam, dic augur acervos.  
Dixi equidem, & dico. captes astutus ubique  
Testamenta senum neu, si vaser unus & alter  
Insidiatorem præroso fugerit hamo.  
Aut spem deponas, aut artem illusum omittas,  
Magna minorve foro si res certabitur olim,  
Vivet uter locuples sine gnatis, improbus ultro  
Qui meliorem audax vocet in jus, illius esto  
Defensor, fama civem, causæque priorem  
Sperne, domi si gnatus erit, fœcundave conjux,  
Quinque puta, aut Publi(gaudent pronomine mol-  
Auriculæ) tibi me virtus tua fecit amicum (les  
Jus anceps novi: causas defendere possum,  
Eripiet quivis oculos citius mihi, quam te

Con.

Contentū cassa nuce pauperet. hæc mea cura est,  
Ne quid tu perdas, non sis jocus. ire domum, atq;  
Pelliculam cedere jube. sis cognitor ipse;  
Persta atque obdura: seu rubra canicula findet  
Infanreis statuas; seu pingui tentus omafo  
Turius hybernas cana nive conspuet Alpeis.  
Nonne vides aliquis cubito stantē prope tangens  
Inquiet, ut patiens, ut amicis aptus ut acer;  
Plures annabunt thunni, & ceraria crescent.  
Si cui præterea validus male filius in re  
Præclara sublatus aletur, ne manifestum  
Cælibis obsequium nudet te; leniter in spem  
Accede officiosus, ut & scribare secundus  
Hæres: &, si quis casus puerum egerit Orco,  
In vacuum venias. perraro hæc alea fallit,  
Qui testamentum tradet tibi cunque legendum,  
Abnuere, & tabulas à te remove memento:  
Sic tamen, ut limis rapias, quid prima secundo  
Cera velit versu: solus, multisne cohæres,  
Veloci percurrere oculo. plerumque recoctus  
Scriba ex quinqueviro corvum deludet hiantem;  
Captatorque dabit risus Nasica Corano.  
Num furis? an prudens ludis me, obscura ca-  
nendo?

O Laertiade, quidquid dicam, aut erit, aut non.  
Divinare etenim magnus mihi donat Apollo.  
Quid tamen ista velit sibi fabula, si licet, ede.  
Tempore quo juvenis Parthis horrendus, ab alto  
Demissum genus Ænea, tellure, marique  
Magnus erit; forti nubet procera Corano  
Filia Nasicæ, metuentis reddere soldum.  
Cum gener hoc faciet: tabulas focero dabit, atq;  
Ut legat, orabit, multum Nasica negatas  
Accipiet tandem, & tacitus leget: invenietque  
Nil sibi legatum, præter plorare, suisque.  
Illud ad hæc jubeo: mulier si forte dolosa,  
Libertusve senem delirum temperet illis  
Accedas socius: laudes, lauderis ut absens.  
Adjuvat hoc quoque: sed vincit longe prius,  
ipsum

Expugnare caput. scribet mala carmina vecors:  
Laudato, scortator erit? cave te roget: ultro  
Penelopen facilis potiori trade. putasne,  
Perduci poterit, tam frugi, tamque pudica,

Quam

Quam nequiere proci recto depellere cursu ?  
 Venit enim magnum donandi parca Juventus ,  
 Nec tantum Veneris , quantum si diosa culinæ ,  
 Sic tibi Penelope frugi est : quæ si semel uno  
 De fene gustarit , tecum partita lucellum.  
 Ut canis , à corio numquam absterrebitur uncto ,  
 Me fene , quod dicam , factum est , anus improba  
 Thebis

Ex testamento sic est elata : cadaver  
 Unctum oleo largo nudis humeris tulit hæres ,  
 Scilicet elabi si posset mortua : credo ,  
 Quod nimium institerat viventi . cautus adito :  
 Neu desis operæ , neve immoderatus abundes .  
 Difficilem & morosum offendet garrulus . ultro  
 Non etiam fileas . Davus sis comicus , atque  
 Stes capite obstipo , multum similis metuenti .  
 Obsequio grassere , mone , si increbruit aura ,  
 Cautus uti velet carum caput : extrahe turba  
 Oppositis humeris aurem substringere loquaci  
 Importunus amat laudari ? donec ohe jam  
 Ad cælum manibus sublatis dixerit , urge : &  
 Crescentem tumidis infla sermonibus utrem .  
 Cum te servitio longo , curaque levarit :  
 Et certum vigilans , quartæ sit partis Ulysses ,  
 Andieris hæres : ergo nunc Dama sodalis  
 Nusquam est ? unde mihi tam fortem , tamque  
 fidelem ?

Sparge subinde , & , si paullum potes , illachrymare  
 est

Gaudia prodentem vultum celare , sepulchrum  
 Commissum arbitrio sine sordibus exstrue . funus  
 Egregie factum laudet vicinia si quis  
 Forte cohæredum senior male tussiet ; huic tu  
 Dic . ex parte tua , seu fundi , sive domus sit  
 Emtor gaudentem nummo te addicere , sed me  
 Imperiosa trahit Proserpina . vive , valeque .

## S A T Y R A VI.

**H**oc erat in votis : modus agri non ita ma-  
 gnus ,  
 Hortus ubi , & tecto vicinus jugis aquæ fons  
 Et paullum sylvæ super his foret . auctius , atque  
 Di melius fecere . bene est . nihil amplius oro ,  
 Maja



Maja nate, nisi ut propria hæc mihi munera faxis,  
Si neque majorem feci ratione mala rem;  
Nec sum facturus vitio culpave minorem:  
Si veneror stultus nihil horum. ô si angulus ille  
Proximus accedat, qui nunc denormat agellum.  
O si urnâ argenti Fors qua mihi monstret: ut illi,  
Thesauro invento, qui mercenarius agrum  
Illum ipsum mercatus aravit, dives amico  
Hercule. si quod adest, gratum juvat: hac pre-  
ce te oro,

Pingue pecus domino facias, & cætera, præter  
Ingenium: utque soles, custos mihi maximus  
adsis. (movi,

Ergo ubi me in monteis, & in arcem ex urbe re-  
Quid prius illustrem Satyris, Musaque pedestri?  
Nec mala me ambitio perdit, nec plumbeus Au-  
ster,

Autumnusque gravis, Libitinæ quæstus acerbæ,  
Matutine pater, seu Jane libentius audis,  
Unde homines operum primos, vitæque labores  
Instituunt, (sic Dis placitum) tu carminis esto  
Principium. Romæ sponso rem me rapis: eja,  
Ne prior officio quisquam respondeat, urge:  
Sive Aquilo radit terras, seu bruma nivalem  
Interiore diem gyro trahit, ire necesse est.  
Postmodo, quod mi obsit, clare, certumq; locuto,  
Luctandum in turba. facienda injuria tardis.  
Quid vis insane, & quas res agis? improbus urget  
Iratis precibus. tu pulses omne, quod obstat,  
Ad Mæcenatem memori si mente recurras.  
Hoc juvat, & melli est, non mentiar, at simul atras  
Ventum est Esquilias, aliena negotia centum  
Per caput & circa saliunt latus. ante secundum  
Roscius orabat sibi adesses ad Puteal cras,  
De re communi scribæ magna atque nova te  
Orabant hodie meminisses Quincte reverti.  
Imprimat his cura Mæcenat signa tabellis.  
Dixeris experiar; si vis, potes, addit, & instat.  
Septimus octavo propior jam fugerit annus,  
Ex quo Mæcenat me cœpit habere suorum  
In numero: duntaxat ad hoc, quem tollere rheda  
Vellet, iter faciens. & cui concedere nugas  
Hoc genus: hora quota est? Thrax est Gallina  
Syro par?

Matu-

Matutina parum cautos jam frigora mordent,  
 Et, quæ rimosa bene deponuntur in aure.  
 Per totum hoc tempus subjectior in diem & ho-  
 ram

Invidiæ. noster ludos spectaverat una,  
 Luferat in campo, Fortunæ filius, omnes.  
 Frigidus à Rostris manat per compita rumor?  
 Quicumq; obvius est, me consulit. ô bone (nam te  
 Scire, Deos quoniam propius contingis, oportet)  
 Num quid de Dacis audisti? nil equidem, ut tu  
 Semper eris derisorat omnes Dii exagitent me,  
 Si quidquam. quid? militibus promissa, Triquetra  
 Prædia Cæsaris, an est Itala tellure daturus?  
 Jurantem me scire nihil; mirantur, ut unum  
 Scilicet egregii mortalem, alitque silenti.  
 Perditur hæc inter misero lux, non sine votis.  
 O rus, quando ego te aspiciam? quandoq; licebit  
 Nunc veterum libris, nunc somno & inertibus  
 horis

Ducere sollicitæ jucunda obliviam vitæ?  
 O quando faba Pythagoræ cognata, simulque  
 Unctæ satis pingui ponentur oluscula lardo?  
 O noctes, cœnæque Deum: quibus ipse, meique  
 Ante larem proprium vescor, vernaq; procaces  
 Pasco libatis dapibus. prout cuique libido est,  
 Siccat inæqualeis calices conviva, solutus  
 Legibus insanis: seu quis capit acria fortis  
 Pocula, seu modicis humescit lætius. ergo  
 Sermo oritur, non de villis domibusve alienis,  
 Nec male necne Lepos saltet: sed quod magis  
 ad nos (ne

Pertinet, & nescire malum est, agitamur: Utrum-  
 Divitiis homines, an sint virtute beati:

Quidve ad amicitias, usus, rectumve trahat nos.  
 Et quæ sit natura boni, summumque quid ejus.

Cervius hæc inter vicinus garrit anileis  
 Ex re fabellas. nam si quis laudat Arelli  
 Sollicitas ignarus opes, sic incipit: Olim  
 Rusticus urbanum murem mihi paupere fertur  
 Accepisse cavo, veterem vetus hospes amicum;  
 Asper, & attentus quæsit, ut tamen arctum  
 Solveret hospitiiis animum, quid multa? neq; illi  
 Sepositi ciceris, nec longæ invidit avenæ:  
 Aridum & ore ferens acinum, semesaque lardi

Fru-

frustra dedit, cupiens varia fastidia cœna  
incere, tangentis male singula dente superbo:  
um pater ipse domus, palea porrectus in horna  
set ador loliumque, dapis meliora relinquens.  
andem urbanus ad hunc, Quid te juvat, inquit,  
amice,

corrupti nemoris patientem vivere dorso?  
is tu homines urbemq; feris præponere sylvis?  
arpe viam, mihi crede, comes: terrestria quando  
fortaleis animas vivunt sortita, neque ulla est  
ut magno, aut parvo lethi fuga. quo bene, circa,  
um licet, in rebus jucundis vive beatus.  
ive memor, quam sis ævi brevis. hæc ubi dicta  
grestem pepulere: domo levis exsilit. inde  
ambo propositum peragunt iter. urbis aventes  
cœnia nocturni subrepere: jamque tenebat  
nox medium cæli spatium, cum ponit uterque  
a locuplete domo vestigia: rubro ubi cocco  
incta super lectos canderet vestis eburnos,  
multaque de magna superessent fercula cœna,  
quæ procul exstructis inerant hesternæ canistris.  
ergo ubi purpurea porrectum in veste locavit  
grestem; veluti succinctus cursitat hospes,  
continuatque dapes, nec non vernaliter ipsis  
ingitur officiis, prælambens omne, quod affert,  
le cubans gaudet mutata sorte, bonisque  
rebus agit lætum convivam: cum subito ingens  
salvarum strepitus lectis excussit utrumque.  
currere per totum pavide conclave, magisque  
canimes trepidare; simul domus alta Molossis  
ersonuit canibus. tum rusticus: Haud mihi vita  
est opus hac ait; & valeat. me sylva, cavusque  
utus ab insidiis tenui solabitur ervo.

## SATYRA VII.

Amdudum ausculto, & cupiens tibi dicere  
servus

uca, reformido. Davusne? ita, Davus, amicum  
ancipiam domino, & frugi, quod sit satis: hoc  
vitale putes. age libertate Decembri (est,  
quando ita majores voluerunt) utere narra.  
rs hominum vitiiis gaudet constanter, & urget  
propositum: pars multa natat, modo recta ca-  
pessens,

I

Inter.

Interdum pravis obnoxia. sæpe notatus  
 Cum tribus annellis, modo læva Priscus inani  
 Vixit inæqualis, clavum ut mutaret in horas:  
 Ædibus ex magnis subito se conderet, unde  
 Mundior exiret vix libertinus honeste.  
 Jam mœchus Romæ, jam mallet doctus Athenis  
 Vivere, Vertumnis, quotquot sunt, natus iniquis,  
 Scurra Volanerius, postquam illi iusta chiragra  
 Contudit articulos, qui pro se rolleret, atque  
 Mitteret in pyrgum talos, mercede diurna  
 Conductum pavit. quanto constantior idem  
 In vitiis, tanto levius miser: ac prior illo,  
 Qui jam contento, jam laxo fune laborat.  
 Non dices hodie. quorsum hæc tam putida ten-  
 dunt, (das  
 Furcifer? ad te inquam. quo pacto pessime? lau-  
 Fortunam, & mores antiquæ plebis: & idem,  
 Si quis ad illa Deus subito te agat, usque recuses:  
 Aut quia non sentis, quod clamas, rectius esse:  
 Aut quia non firmus rectum defendis, & hæres,  
 Nequicquam cœno cupiens evellere plantam.  
 Romæ rus optas: absentem rusticus urbem  
 Tollis ad astra levis. si nusquam es forte vocatus  
 Ad cœnam, laudas securum olus, ac, velut usquam  
 Vinctus eas, ita te felicem dicis, amasque  
 Quod nusquam tibi sit potandum: iusserit ad se  
 Mæcenæ serum sub lumina prima venire  
 Convivam; Nemon' oleum feret ocys? ecquis  
 Audit? cum magno blateras clamore, fugisque,  
 Milvius, & scurræ tibi non referenda precati  
 Discedunt. etenim fateor me dixerit ille  
 Duci ventre levem: nasum nidore supinor,  
 Imbecillus, iners, si quid vis, adde, popino.  
 Tu, cum sis quod ego, & fortassis nequior, ultro  
 Insectere, velut melior? verbisque decoris  
 Obvolvās vitium? quid, si me stultior ipse  
 Quingentis emto drachmis deprehenderis? aufer  
 Me vultu terrere: manum, stomachumq; teneto,  
 Dum, quæ Crispini docuit me janitor, edo,  
 Te conjux aliena capit, meretricula Davum.  
 Peccat uter nostrum cruce dignius? acris ubi me  
 Natura incendit, sub clara nuda lincerna  
 Quæcunque excepit turgentis verbera caudæ,  
 Clunibus aut agitavit equum lasciva supinum:

Dimit-

Dimittit neque famosum, neque sollicitum, ne  
 Ditior, aut formæ melioris mejat eodem.  
 Tu, cum projectis insignibus annulo equestri,  
 Romanoque habitu, prodix ex iudice Dama  
 Turpis, odoratum caput obscurante lacerna,  
 Non es, quod simulas? metuens induceris: atque  
 Altercante libidinibus tremis ossa pavore.  
 Quid refert, uri virgis, ferroque necari;  
 Auctoratus eas: an turpi clausus in arca,  
 Quo te demisit peccati conscia herilis  
 Contractum, genibus tangas caput? estne marito?  
 Matronæ peccantis in ambos ista potestas?  
 In corruptorem vel justior? illa tamen se  
 Non habitu, mutatave loco: peccatave superne,  
 Cum te formidet mulier: neque credat amanti,  
 Ibis sub furcam: prudens, dominoque furenti  
 Committes rem omnem, & vitam, & cum cor-  
 pore famam.

Evasti? credo metues, doctusque cavebis.  
 Quæ res; quando iterum paveas: iterumque perire  
 Possis. ô toties servus: quæ bellua ruptis  
 Cum semel effugit, reddit se prava catenis?  
 Non sum mœchus, ait. neque ego hercule fur ubi  
 Prætereo sapiens argentea. tolle periculum, (vasa  
 Jam vaga profiliet frenis natura remotis, (que  
 Tunc mihi dominus, rerum imperiis, hominum-  
 Tot, tantisque minor, quem ter vindicta, qua-  
 terque

Imposita haud umquam misera formidine privet?  
 Adde supra dictis, quod non levius valeat. nam  
 Sive vicarius est, qui servo paret, uti mos  
 Vester ait, seu conservus: tibi quid sum ego?  
 nempe

Tu. mihi qui imperitas, aliis servis miser, atque  
 Duceris, ut nervis alienis mobile lignum.  
 Quisnam igitur liber? sapiens, sibi qui imperiosus:  
 Quem neque pauperies, neque mors, neque vin-  
 cula terrent:

Respondere cupidinibus, contemnere honores  
 Fortis, & in seipso totus teres, atque rotundus:  
 Externi ne quid valeat per læve morari.  
 In quem manca ruit semper fortuna potesne  
 Ex his, ut proprium quid noscere? quinque talenta  
 Poscit te mulier, vexat, foribusque repulsum

Perfundit gelida. rursus vocat. eripe turpi  
Colla jugo. liber, liber sum, dic age. non quis.  
Urget enim dominus mentem non lenis, & acreis  
Subiectat lasso stimulos, versatque negantem.  
Vel cum Pausiaca torpes insane tabella,  
Qui peccas minus, atque ego, cum Fulvi, Rutu-  
baque

Aut Placidejani contento poplite miror  
Prælia rubrica picta, aut carbone: velut si  
Revera pugnent, feriant, viretque moventes  
Arma viri. nequam, & cessator Davus: at ipse  
Subtilis veterum iudex, & callidus audis.  
Nil ego, si ducor libo fumante. tibi ingens  
Virtus, atque animus cœnis responsat opimis.  
Obsequium ventris mihi perniciosus est. cur?  
Tergo plector enim, qui tu impunitior, illa  
Quæ parvo sumi nequeunt, cum obsonia captas?  
Nempe inamarescunt epulæ sine fine petitæ,  
Illusque pedes vitiosum ferre recusant  
Corpus. an hic peccat, sub noctem qui puer uyam  
Furtiva mutat strigili? qui prædia vendit,  
Nil servile gulæ parens habet? adde, quod idem  
Non horam tecum esse potes: non otia recte  
Ponere, teque ipsum vitas fugitivus, & erro;  
Jam vino quærens, jam somno fallere curam  
Frustra. nam comes atra premit, sequiturque  
fugacem. (ras?)

Unde mihi lapide quorsum est opus? unde sagit-  
Aut insanit homo, aut versus facit. ocyus hinc te  
Ni rapis, accedes opera agro nona Sabino.

## S A T Y R A V I I I.

UT Nasidieni juvit te cœna beati? (lic  
Nam mihi quarrenti convivam dictus here il-  
De medio potare die. sic, ut mihi nunquam  
In vita fuerit melius, da, si grave non est,  
Quæ prima iratum ventrem placaverit esca.  
In primis Lucanus aper, leni fuit Austro  
Captus, ut ajebat cœnæ pater. acria circum  
Rapula, lactucæ, radices; qualia lassum  
Pervellunt stomachum; siser, alec, sæcula Coa.  
His ubi sublatis, puer alte cinctus, acernam  
Gausape purpureo mensam perterisit, & alter  
Sub.

Sublegit quodcumque jaceret inutile, quodque  
 Posset cœnanteis ostendere: ut Attica virgo  
 Cum sacris Cereris, procedit fuscus Hydaspes,  
 Cæcuba vina ferens: Alcum, Chium, maris expertus.  
 Hæc herus, Albanum, Mæcenas, sive Falernum  
 Te magis appositis delectat: habemus utrumque.  
 Divitias miseras, sed queis cœnantibus una,  
 Fundani, pulchre fuerit tibi, nosse laboro.  
 Summus ego, & prope me Viscus Thurinus, &  
 infra.

Si memini, Varius: cum Servilio Balathrone  
 Vibidius: quos Mæcenas adduxerat umbras.  
 Nomentanus erat super ipsum, Porcius infra,  
 Ridiculus totas simul absorbere placentas.  
 Nomentanus ad hoc, qui, si quid forte lateret,  
 Indice monstraret digito. nam cætera turba,  
 Nos inquam, cœnamus aveis, conchyliis, pisceis,  
 Longe dissimilem noto celantia succum:  
 Ut vel continuo patuit, cum passeris, atque  
 Inguftata mihi porrexerit ilia rhombi.  
 Post hoc me docuit melimela rubere, **minorem**  
 Ad Lunam delecta. quid hoc interfit, ab ipso  
 Audieris melius. tum Vibidius Balathroni,  
 Nos, nisi damnose bibimus, moriemur inulti.  
 Et calices poscunt majores. vertere pallor  
 Tum parochi faciem, nil sic metuentis, ut acreis  
 Potores: vel quod maledicunt liberius; vel  
 Fervida quod subtile exsudent vina palatum.  
 Invertunt Aliphanis vinaria tota  
 Vibidius, Palathroque; secutis omnibus imis.  
 Convivæ lecti nihilum nocuere lagenis.  
 Affertur squillas inter muræna natanteis  
 In patina porrecta. sub hoc herus; hæc gravida,  
 inquit,

Capta est; deterior post partum carne futura.  
 His mistum jus est oleo, quod prima Venafri  
 Pressit cella. gnaro de succis piscis Iberi,  
 Vino quinquenni, verum citra mare nato,  
 Dum coquitur: cocto Chium sic convenit, ut non  
 Hoc magis ullū aliud pipere albo, non sine aceto.  
 Quod Methymnæam vitio mutaverat uvam.  
 Erucas virideis, inulas ego primus amaras  
 Monstravi incoquere: illutos Curtillus echinos,  
 Ut melius muria, quam testa marina remittit.

Interea suspensa graveis aulæa ruinas  
 In patinam fecere, trahentia pulveris atri,  
 Quantum non Aquilo Campanis excitat agris.  
 Nos majus veriti, postquam nihil esse pericli  
 Sensimus, erigimur. Rufus posito capite, ut si  
 Filius imminaturus obisset, flere, quis esset  
 Finis, ni sapiens sic Nomentanus amicum  
 Tolleret? heu Fortuna, quis est crudelior in nos  
 Te Deus? ut semper gaudes illudere rebus  
 Humanis! Varius mappa comescere risum  
 Vix poterat. Balatro suspendens omnia naso,  
 Hæc est conditio vivendi, ajebat: eoque  
 Responsura tuo numquam est par fama labori.  
 Tene, ut ego accipiar laute, torquerier omni  
 Sollicitudine districtum? ne panis adustus,  
 Ne male conditum jus apponatur, ut omnes  
 Præcincti recte pueri, comique ministrent?  
 Adde hos præterea casus? aulæa ruant si  
 Ut modo. si patinam pede lapsus frangat agaso.  
 Sed convivoris, ut ducis, ingenium res  
 Adversæ nudare solent, celare secundæ.  
 Nasidienus ad hæc: tibi Di, quæcunque preceris,  
 Commoda dent: ita vir bonus es, convivaque  
 comis.

Et soleas poscit. tum in lecto quoque videres  
 Stridere secreta divisos aure susurros.  
 Nullos his mallet ludos spectasse: sed illa  
 Redde age, quæ deinceps risisti. Vibidius dum  
 Quærit de pueris, num sit quoque fracta lagena,  
 Quod sibi poscenti non dentur pocula: dumque  
 Ridetur fictis rerum Balatrone secundo:  
 Nasidiene redis mutata frontis, ut arte  
 Emendaturus fortunam. deinde secuti  
 Mazonomo pueri magno discerpta ferentes  
 Membra gruis, sparsi sale multo, non sine farre,  
 Pinguibus & ficis pastum jecur anseris albi,  
 Et leporum avulsos, ut multo suavius, armos,  
 Quam si cum lumbis quis edit. tum pectore adusto  
 Vidimus & merulas poni, & sine chune palumbes,  
 Suaveis res, si non causas narraret earum, &  
 Naturas dominus: quem nos sic fugimus ulti,  
 Ut nihil omnino gustaremus: velut illis  
 Canidia afflasset, pejor serpentibus Afris.



Q. HORATII  
FLACCII  
EPISTOLARUM  
LIBRI I.

AD MÆCENATEM. I.

**P**rima dicte mihi, summa dicende Camœna,  
Spectatum satis, & donatum jam rude  
quæris

Mæcenas iterum antiquo me includere ludo  
Non eadem est ætas, non mens. Vejanus, armis  
Herculis ad postem fixis, latet abditus agro,  
Ne populum extrema toties exoret arena.  
Est mihi purgatam crebro qui personet aurem:  
Solve senescentem mature sanus equum, ne  
Peccet ad extremum ridendus, & ilia ducat.  
Nunc itaque & versus, & cætera ludicra pono;  
Quid verum, atque decens, curo & rogo, &  
omnis in hoc sum:

Condo, & compono: quæ mox depromere possim.  
Ac ne forte roges, quo me duce, quo lare tuter:  
Nullius addictus jurare in verba magistri,  
Quo me cunque rapit tempestas, deferor hospes,  
Nunc agilis fio, & merfor civilibus undis,  
Virtutis veræ custos, regidusque satelles:  
Nunc in Aristippi furtim præcepta relabor,  
Et mihi res, non me rebus, subjungere conor.  
Ut nox longa quibus mentitur amica, diesque  
Longa videtur opus debentibus; ut piger annus  
Pupillis, quos dura premit custodia matrum:  
Sic mihi tarda fluunt, ingrataque tempora, quæ  
spem

Consiliumque morantur agendi gnaviter id quod  
Æque pauperibus prodest, locupletibus æque:  
Æque neglectum pueris, senibusque nocebit.  
Restat, ut his ego me ipse regam, solerque ele-  
mentis.

Non possis oculo quantum contendere Lynceus,  
Non tamen idcirco contemnas lippus inungi:  
Nec, quia desperes invicti membra Glyconis,

Nodosa corpus nolis prohibere chiragra.  
Est quodam prodire tenus, si non datur ultra.  
Fervet avaritia, miseroque Cupidine pectus ?  
Sunt verba, & voces, quibus hunc lenire dolorem  
Possis : & magnam morbi deponere partem.  
Laudis amore tumes ? sunt certe piacula, quæ te  
Ter pure lecto poterunt recreare libello.  
Invidus, iracundus, iners, vinosus, amator ;  
Nemo adeo ferus est, ut non mitescere possit,  
Si modo culturæ patientem commodet aurem.  
Virtus est vitium fugere ; & sapientia prima,  
Stultitia caruisse. vides, quæ maxima credis  
Esse mala, exiguum censum, turpemque repulsam,  
Quanto devites animi, capitisque labore.  
Impiger extremos curris mercator ad Indos,  
Per mare pauperiem fugiens, per saxa, per igneis,  
Ne cures ea, quæ stulte miraris, & optas,  
Discere, & audire, & meliori credere non vis ?  
Quis circum pagos, & circum compita pugna,  
Magna coronari contemnat Olympia, cui spes,  
Cui sit conditio dulcis sine pulvere palmæ ?  
Vilius argentum est auro, virtutibus aurum.  
O cives, cives, quærenda pecunia primum est ;  
Virtus post nummos. hæc Janus summus ab imo  
Perdocet : hæc recinunt juvenes dictata senesque,  
Lævo suspensi loculos tabulamque lacerto.  
Si quadringentis sex septem millia desunt,  
Est animus tibi, sunt mores, & lingua, fidesque ;  
Plebs eris. at pueri ludentes, Rex eris, ajunt,  
Si recte facies. Hic murus aeneus esto,  
Nil conscire sibi, nulla pallescere culpa.  
Roscia, dic sodes, melior lex an puerorum  
Nænia, quæ regnum recte facientibus offert,  
Et maribus Curiis, & decantata Camillis ?  
Isne tibi melius suadet, qui ut rem facias, rem  
Si possis recte : si non, quocunque modo rem :  
Ut propius spectes lachrymosa poemata Puppi :  
An qui fortunæ te respondere superbæ  
Liberum, & erectum præsens hortatur, & optat ?  
Quod si me populus Romanus forte roget, cur  
Non, ut porticibus, sic judiciis fruam iisdem,  
Nec sequar aut fugiam, quæ diligit ipse, vel odit :  
Olim quod vulpes ægroto cauta leoni  
Respondit, referam : quia me vestigia terrent,

Omnia te adversum spectantia, nulla retrorsum.  
Bellua multorum es capitum. nam quid sequar,  
aut quem?

Pars hominum gestit conducere publica: sunt qui  
Fruſtis & pomis viduas venentur avaras,  
Excipiantque ſenes, quos in vivaria mittant.  
Multis occulto creſcit res ſœnore. verum  
Eſto aliis alios rebus ſtudiisſque teneri:  
Iidem eadem poſſunt horam durare probantes?  
Nullus in orbe ſinus Bajis præluceſt amœnis,  
Si dixit dives; locus & mare ſentit amorem  
Feſtinantis heri, cui ſi vitioſa lubido  
Fecerit auſpiciũ: cras ferramenta Teanum  
Tolletis fabri. lectus genialis in aula eſt?  
Nil ait eſſe prius, melius nil cœlibe vita,  
Si non eſt, jurat bene ſolis eſſe maritis.  
Quo teneam vultus mutantem Protea nodo?  
Quid pauper? ride. mutat coenacula; lectos,  
Balnea, tonſores; conducto navigio æque  
Nauſeat ac locuples, quem ducit priva triremis.  
Si curtatus inæquali tonſore capillos  
Occurri, rides; ſi forte ſubucula pexæ  
Trita ſubeſt tunicæ, vel ſi toga diſſidet impar,  
Rides. quid, mea cum pugnat ſententia ſecum?  
Quod petiit, ſpernit: repetit, quod nuper omiſiſi  
Æſtuat, & vitæ diſconvenit ordine toto:  
Diruit, ædificat, mutat quadrata rotundis.  
Infanire putas ſolennia me, neque rides,  
Nec medici credis, nec curatoris egere  
A prætore dati. rerum tutela mearum  
Cum ſis, & prave ſectum ſtomacheris ob unguem  
De te pendentis, te reſpicientis amici.  
Ad ſummam, ſapiens uno minor eſt Jove, dives,  
Liber, honoratus, pulcher, rex denique regum:  
Præcipuè ſanus, niſi cum pituita moleſta eſt.

## AD LOLLIUM. II.

**T**rojani belli ſcriptorem, maxime Lolli,  
Dum tu declamas Romæ, Præneſte relegi:  
Qui, quid ſit pulchrum, quid turpe, quid utile,  
quid non,  
Plenius, ac melius Chryſippo, & Crantore dicit  
Cur ita crediderim, niſi quid te detinet. audi.

Fabula, qua Paridis propter narratur amorem  
Græcia Barbariæ lento collisa duello,  
Stultorum regum, & populorum continet æstus.  
Antenor censet belli præcidere causam.

Quid Paris? ut salvus regnat, vivatque beatus,  
Cogi posse negat. Nestor componere liteis  
Inter Peleiden festinat, & inter Atreiden.

Hunc amor; ira quidem communiter urit u-  
trumque.

Quidquid delirant reges, plebuntur Achivi.  
Seditione, dolis, scelere, atque libidine, & ira  
Iliacos intra muros peccatur, & extra.

Rursus quid virtus, & quid sapientia possit,  
Utile proposuit nobis exemplar Ulysses!

Qui domitor Trojæ, multorum providus urbeis,  
Et mores hominum inspexit, latumque per æ-  
quor,

Dum sibi, dum sociis reditum parat, aspera multa  
Pertulit, adversis rerum immerfabilis undis.

Sirenium voces, & Circes pocula nosti:

Quæ si cum sociis stultus, cupidusque bibisset,  
Sub domina meretrice fuisset turpis, & excors:  
Vixisset canis immundus, vel amica luto sus.

Nos numerus sumus, & fruges consumere nati,  
Sponsi Penelopes, nebulones, Alcinoique,

In cute curanda plus æquo operata juvenus:

Cui pulchrum fuit in medios dormire dies, &

Ad strepitum citharæ cessatum ducere curam.

Ut jugulent homines surgunt de nocte latrones:

Ut teipsum serves, non expergisceris? atqui

Si noles sanus, curres hydropicus, &, ni

Posces ante diem librum cum lumine, si non

Intendes animum studiis, & rebus honestis:

Invidia, vel amore vigil torquebere, nam cur,

Quæ lædunt oculos, festinas demere: si quid

Est animum, differs curandi tempus in annum?

Dimidium facti, qui cœpit, habet, sapere aude:

Incipe. vivendi qui recte prorogat horam

Rusticus exspectat dum defluat annis: at ille

Labitur, & labetur in omne volubilis ævum.

Quæritur argentum, puerisque beatæ creandis

Uxor, & incultæ pacantur vomere sylvæ.

Quod satis est, cui contingit, nihil amplius optet.

Non domus, & fundus, non æris acervus, & auri

Ægro-

Egroto domini deduxit corpore febreis,  
 Non animo curas. valeat possessor oportet,  
 Si comportatis rebus bene cogitat uti.  
 Qui cupit aut metuit, iuvat illum sic domus,  
 aut res,  
 Et lippum pictæ tabulæ, fomenta podagram,  
 Auriculas citharæ collecta sorde dolenteis.  
 Ancerum est nisi vas, quodcunque infundis, ac-  
 scit. (ptas.  
 Spernere voluptates: nocet emta dolore volu-  
 mper avarus eget: certum voto pete finem:  
 Invidus alterius macrescit rebus opimis:  
 Invidia Siculi non invenere tyranni  
 Majus tormentum. Qui non moderabitur iræ,  
 Infectum volet esse, dolor quod suaserit, & mens,  
 Dum pœnas odio per vim festinat inulto.  
 Ira furor brevis est. animum rege: qui nisi patet,  
 Imperat, hunc frænis, hunc tu compesce catena.  
 Fingit equum tenera docilem cervice, magister  
 re viam, quam monstrat eques. venaticus, ex quo  
 Tempore cervinam pellem latravit in aula.  
 Militat in sylvis catulus. nunc adhibe puro  
 Sæctore verba puer, nunc te melioribus offer.  
 Quo semel est imbuta recens, servabit odorem  
 Testa diu. Quod si cessas, aut strenuus anteis,  
 Nec tardum opperior, nec præcedentibus insto.

## AD JULIUM FLORUM. III.

Uli Flore, quibus terrarum militet oris  
 Claudius Augusti privignus, scire laboro,  
 thracane vos, Hebrusq; nivali compede victus,  
 An freta vicinas inter currentia turreis,  
 An pingues Asiæ campi, collesque morantur?  
 Quid studiosa cohors operum struit? hæc quo-  
 que curo,  
 Quis sibi res gestas Augusti scribere sumit,  
 Quella quis & paces longum diffundit in ævum,  
 Quid Titius, Romana brevi venturus in ora,  
 Indarici fontis qui non expalluit haustus,  
 Astidire lacus, & rivos ausus apertos?  
 Et valet, ut ineminit nostri, fidibusne Latinis  
 Hebanos aptare modos studet auspice Musa,  
 An thragica desævit, & ampullatur in arte?  
 Quid

Quid mihi Celsus agit? monitus, multumque  
monendus,

Privatas ut quæret opes, & tangere vitet  
Scripta, Palatinus quæcunque recepit Apollo.  
Ne si forte suas repetitum venerit olim  
Grex avium plumas, moveat cornicula risum,  
Furtivis nudata coloribus. ipse quid audes,  
Quæ circumvolitas agilis thyma? non tibi parvum  
Ingenium, non incultum est, nec turpiter hirtum.  
Seu linguam caussis acuis, seu civica jura  
Respondere parás, seu condis amabile carmen:  
Prima feres hederæ victricis præmia, quod si  
Frigida curarum fomenta relinquere posses;  
Quo te cælestis sapientia duceret, ires.

Hoc opus, hoc studium parvi properemus &  
ampli,

Si patriæ volumus, si nobis vivere cari.  
Debes hoc etiam rescribere, si tibi curæ,  
Quantæ conveniat, Munatius. an male facta  
Gratia nequicquam coit, & rescinditur? at vos  
Seu calidus sanguis, seu rerum inscitia vexat  
Indomita cervice ferox; ubicunque locorum  
Vivitis, indigni fraternalium rumpere fœdus,  
Pascitur in vestrum reditum votiva juvenca.

#### AD ALBIUM TIBULLUM. IV.

**A**lbi, nostrorum Sermonum candide iudex,  
Quid nunc te dicam facere in regione Pe-  
dana?

Scribere quod Cassi Parmensis opuscula vincat,  
An tacitum sylvas inter reptare salubreis,  
Curantem quidquid dignum sapiente, bonoque est?  
Non tu corpus eras sine pectore. Di tibi formam,  
Di tibi divitias dederant, artemque fruendi.  
Quid voveat dulci nutricula majus alumno,  
Quam sapere, & fari ut possit, quæ sentiat, & cui  
Gratia, fama, valetudo contingit abunde,  
Et mundus victus, non deficiente crumena?  
Inter spem, curamque, timores inter & iras  
Omnem crede diem tibi diluxisse supremum.  
Grata superveniet, quæ non sperabitur, hora.  
Me pinguem, & nitidum bene curata cute vises,  
Cum ridere voles Epicuri de grege porcum.

AD

## AD TORQUATUM V.

**S**I potes archaïcis conviva recumbere lectis,  
 Nec modica cœnare times olus omne patella,  
 Supremo te sole domi Torquate manebo.  
 Vina bibes iterum Tauro diffusa, palustreis  
 Inter Minturnas, Sinuessanumque Petrinum.  
 Sin melius quid habes arcesse, vel imperium fer,  
 Jam dudum splendet focus, & tibi munda supel-  
 lex.

Mitte leveis spes, & certamina divitiarum,  
 Et Moschi caussam. cras nato Cæsare festus  
 Dat veniam, somnumque dies. impune licebit  
 Æ stivam sermone benigno tendere noctem.  
 Quo mihi fortuna, si non conceditur uti?  
 parcus ob hæredis curam, nimiumque severus,  
 Affidet insano. potare & spargere flores  
 Incipiam: patiarque vel inconsultus haberi.  
 Quid non ebrietas designat? operta recludit,  
 Spes jubet esse ratas: in prælia trudit inermem:  
 sollicitis animis onus eximit: ac docet arteis.  
 Tæcundi calices quem non fecere disertum?  
 Contracta quem non in paupertate solutum?  
 Hæc ego procurare & indoneus impetor, & non  
 Invitus: ne turpe toral, ne sordida mappa  
 Corruget nareis: ne non & cantharus & lanx  
 Ostendat tibi te: ne fidos inter amicos  
 Sit, qui dicta foras eliminet: ut coeat par,  
 Jungaturque pari. Brutum tibi, Septimiumque,  
 Et nisi cœna prior, potiorque puella Sabinum  
 Decinet, assumam. locus est & pluribus umbris:  
 sed nimis arcta premunt olidæ convivia capræ.  
 Tu quotus esse velis, rescribe: & rebus omiſſis,  
 Atria servantem postico falle clientem.

## AD NUMICIUM VI.

**N**IL admirari prope res est una Numici,  
 Solaq; quæ possit facere, & servare beatum.  
 hunc solem, & stellas, & decedentia certis  
 tempora momentis, sunt qui formidine nulla  
 tributis spectent. quid senses munera terræ?  
 quid maris extremos Arabas ditantis, & Indos?  
 ludicra quid, plausus, & amici dona Quiritis,  
 Quo

Quo spectanda modo, quo sensu credis, & ore?  
 Qui timet his adversa, fere miratur eodem,  
 Quo cupiens, pacto. pavor est utrique molestus.  
 Improvisa simul species exterret utrumque.  
 Gaudeat, an doleat, cupiat, metuatve, quid ad rem?

Si, quidquid vidit melius, pejorque sua spe,  
 Defixis oculis, animoque & corpore torpet  
 Insani sapiens nomen ferat, æquus iniqui,  
 Ultra, quam satis est, virtutem si petat ipsam.  
 I nunc: argentum, & marmor vetus, æraque & arteis

Suspice: cum gemmis Tyrios mirare colores,  
 Gaude, quod spectant oculi te mille loquentem:  
 Gnavus, mane forum, & vespertinus pete tectum:  
 Ne plus frumenti dotalibus emetat agris  
 Mucinus, indignum, quod sit pejoribus ortus,  
 Hic tibi sit potius, quam tu mirabilis illi.

Quidquid sub terra est, in apricum proferet ætas;  
 Defodiet, condetque nitentia. cum bene notum  
 Porticus Agrippæ, & via te conspexerit Appi,  
 Ire tamen restat Numa quo devenit & Ancus.

Si latus, aut renes morbo tentantur acuto,  
 Quære fugam morbi. vis recte vivere? quis non?  
 Si virtus hoc una potest dare, fortis omissis  
 Hoc age deliciis. virtutem verba putas, ut  
 Lucum ligna? cave ne portus occupet alter.

Ne Cibyrica, ne Bithyna negotia perdas,  
 Mille talenta rotundentur, totidem altera: porro  
 Tertia succedant, & quæ pars quadret acervum.  
 Scilicet uxorem cum dote, fidemque & amicos  
 Et genus & formam regina Pecunia donat:

Ac bene nummatum decorat Suadela, Venusque.  
 Mancipiis locuples, eget æris Cappadocum rex.  
 Ne fueris hic tu. chlamydes Lucullus, ut ajunt,  
 Si posset centum scenæ præbere rogatus,  
 Qui possum tot? ait: tamen & quæram, & quot  
 habebo,

Mittam. post paullo scribit, sibi millia quinque  
 Esse domi chlamydam: partem, vel tolleret  
 omneis

Exilis domus est, ubi non & multa supersunt.  
 Et dominum fallunt, & profunt furibus. ergo  
 Si res sola potest facere, & servare beatum,



Hoc primus repetas opus, hoc postremus omittas.  
 Si fortunatum species & gratia præstat,  
 Mercemur servum. qui dicet nomina, levum  
 Quî fodiat latus, & cogat trans pondera dextram  
 Porrigere. hic multum in Fabia valet, ille Velina:  
 Cuilibet hic fasceis dabit, eripietque curule  
 Cui volet, importunus ebur. frater, pater, adde:  
 Ut cuique est ætas, ita quemque facetus adopta.  
 Si, bene qui cœnat, bene vivit; lucet, eamus  
 Quo ducit gula: piscemur, venemur: ut olim  
 Gargilius; qui mane plagas, venabula. servos,  
 Differtum transire forum, populumque jubebat,  
 Unus ut è multis populo spectante referret  
 Emtum mulus aprum. crudi, tumidique lavemur,  
 Quid deceat, quid non obliti: Cerite cera  
 Digni, remigium vitiosum Ithacensis Ulyssæi,  
 Cui potior patria fuit interdicta voluptas.  
 Si, Mimnermus uti censeat, sine amore jocisque  
 Nil est jucundum: vivas in amore, jocisque.  
 Vive: vale. si quid novisti rectius istis,  
 Candidus imperi: si non, his utere mecum.

## AD MÆCENATEM. VII

Quinque dies tibi pollicitus me rure futurum,  
 Sextilem totum mendax desideror. atqui  
 Si me vivere vis sanum, recteque valentem:  
 Quam mihi das ægro, dabis ægrotare timenti  
 Mæcenas veniam: dum ficus prima, calorque  
 Designatorem decorat lictoribus atris:  
 Dum pueris omnis pater, & matercula pallet,  
 Officiosaque sedulitas, & opella forensis  
 Adducit febreis, & testamenta resignat.  
 Quod si bruma nives Albanis illinet agris,  
 Ad mare descendet vates tuus, & sibi parcat,  
 Contractusque leget: te dulcis amice reviset  
 Cum Zephyris. si concedes, & hirundine prima.  
 Non, quo more pyris vesci Calaber jubet hospes:  
 Tu me fecisti locupletem, vescere sodes.  
 Jam satis est. at tu quantum vis tolle. benigne.  
 Non invisa feres pueris munuscula parvis.  
 Tam teneor dono, quam si dimittar onustus.  
 Ut libet: hæc porcis hodie comedenda relinques.  
 Prodigus, & stultus donat, quæ spernit, & odit.

Hæc seges ingratos tulit, & foret omnibus annis  
 Vir bonus, & sapiens dignis ait esse paratum :  
 Nec tamen ignorat, quid distent æra lupinis ,  
 Dignum præstabo me etiam pro laude merentis ,  
 Quod si me noles usquam discedere : reddes  
 Forte latus, nigros angusta fronte capillos :  
 Reddes dulce loqui : reddes ridere decorum, &  
 Inter vina fugam Cynaræ mærare protervæ.  
 Forte per angustam tenuis vulpecula rimam  
 Repserat in cumeram frumenti. pastaque rursus  
 Ire foras pleno tendebat corpore frustra.  
 Cui mustela procul, & vis, ait, effugere istinc ,  
 Macra cavum reperes arctum , quem macra sub-

isti ,

Hæc ego si compellar imagine ; cuncta resigno :  
 Nec somnum plebis laudo satur altitium : nec  
 Otia divitiis Arabum liberrima muto ,  
 Sæpe verecundum laudasti : rexque paterque  
 Audisti coram, nec verbo parcius absens :  
 Inspice, si possum donata reponere lætus.  
 Haud male Telemachus proles patientis Ulyssæi.  
 Non est aptus equis Ithacæ locus : ut neque pla-

nis

Porrectus spatiis, nec multæ prodigus herbæ ,  
 Atreide, magis apta tibi tua dona relinquam.  
 Parvum parva decent. mihi jam non regia Roma,  
 Sed vacuum Tibur placet, aut imbellè Tarentum.  
 Strenuus, & fortis, causisque Philippus agendis  
 Clarus, ab officiis octavam circiter horam  
 Dum redit, atque foro nimium distare Caripas  
 Jam grandis natu queritur : conspexit, ut ajunt ,  
 Adrasum quendam vacua tonsoris in umbra ,  
 Cultello proprios purgantem leniter ungueis.  
 Demetri (puer hic non læve jussa Philippi  
 Accipiebat) abi. quære, & refer : unde domo,  
 quis ,

Cujus fortunæ, quo sit patre, quove patrono.  
 It, redit, & narrat, Vultejum nomine Menam,  
 Præconem, tenui censu, sine crimine notum ,  
 Et properare loco, & cessare, & quærere, & uti ,  
 Gaudentem parvisque sodalibus, & Lare certo ,  
 Et ludis, & post decisa negotia, campo.  
 Scitari libet ex ipso, quodcunque refert. dic  
 Ad cœnam ventat. non sane credere Mena :

Mirari

Mirari secum tacitus. quid multa? benigne  
Respondet, negat ille mihi? negat improbus, & te  
Negligit aut horret. Vulteiū mane Philippus  
Vilia vendentem tunicato scruta popello  
Occupat, & salvere jubet prior. ille Philippo  
Excusare laborem, & mercenaria vincla.  
Quod non mane domum venisset: denique quod  
non  
Providisset eum. sic ignovisse putato  
Me tibi si cœnas hodie mecum ut libet, ergo  
Post nonam venies. nunc i: rem strenuus auge,  
Ut ventum ad cœnam est. dicenda tacenda lo-  
cutus  
Tandem dormitum dimittitur, huic ubi sæpe  
Occultum visus decurrere piscis ad hamum.  
Mane cliens, etiam certus conviva; jubetur  
Rure suburbano indictis comes ire Latinis.  
Impositus mannis. arvum, cœlumque Sabinum  
Non cessat laudare. videt, ridetque Philippus:  
Et, sibi dum requiem, dum risus undique quærit,  
Dum septem donat sestertia, mutua septem  
Promittit: persuadet uti mercetur agellum.  
Mercatur. ne te longis ambagibus ultra,  
Quam satis est, morer; ex nitido fit rusticus,  
atque  
Ulcus, & vineta crepat mera. præparat ulmos,  
Immoritur studiis, & amore senescit habendi.  
Verum ubi oves furto, morbo periere capellæ:  
Ipsem mentita seges: bos est eneçtus arando;  
Offensus damnis, media de nocte caballum  
Arripit, iratusque Philippi tendit ad ædeis.  
Quem simul adspexit scabrum intonsumque Phi-  
lippus,  
Iurans, ait, Vultei, nimis attentusque videris  
Esse mihi. Pol, me miserum patrone vocares,  
I velles, inquit, verum mihi dicere nomen.  
Quod te per Genium, dextramque Deosque Pe-  
nateis  
Obsecro, & obtestor, vitæ me redde priori,  
Qui simul aspexit, quantum dimissa priori.  
Træstent: niature redeat, repetatque relicta.  
Letiri se quemque suo modulo, ac pede, ve-  
rum est.

## AD CELSUM ALBINOVANUM. VIII.

**C**ello gaudere, & bene rem gerere Albino-  
vano

Musa rogata refer, comiti, scribæque Neronis.  
Si quæret, quid agam, dic, multa & pulchra mi-  
nantem,

Vivere nec recte, nec suaviter, haud quia grando  
Contuderit viteis, oleamque momorderit æstus :  
Nec quia longinquis armentum ægrotet in arvis:  
Sed quia mente minus validus, quam corpore  
toto

Nil audire velim, nil discere, quod levet ægrum :  
Fidis offendar medicis, irascar amicis,  
Cur me funesto properent arcere veterino,  
Quæ nocuere sequar: fugiam quæ profore cre-  
dam:

Romæ Tibur amem ventosus, Tibure Romam.  
Post hæc, ut valeat; quo pacto rem gerat, & se:  
Ut placeat juveni, percunctare, utque cohorti,  
Si dicet, recte: primum gaudere: subinde  
Præceptum auriculis hoc instillare memento:  
Ut tu fortunam, sic noc te Celse feremus.

## AD CLAUD. NERONEM. IX.

**S**eptimus Claudii, nimirum intelligit unus,  
Quanti me facias. nam cum rogat, & prece  
cogit

Scilicet, ut tibi se laudare & tradere, coner,  
Dignum mente, domoque legentis honesta Ne-  
ronis,

Munere cum fungi propioris censet amici  
Quid possim vider, ac novit me valdius ipso.  
Multa quidem dixi, cur excusatus abirem:  
Sed timui, mea ne finxisse minora putarer,  
Disimulator opis propriæ, mihi commodus uni:  
Sic ego majoris fugiens opprobria culpæ,  
Frontis ad urbanæ descendi præmia. quod si  
Depositum laudas ob amici iussa pudorem;  
Scribe tui gregis hunc, & sortem crede, bo-  
numque.

## AD FUSCUM ARISTIUM. X.

Urbis amatorem Fuscum salvere jubemus  
 Ruris amatores : hac in re scilicet una  
 cultum dissimiles, ad cætera pæne gemelli,  
 fraternis animis, quidquid negat alter, & alter.  
 annuimus pariter vetuli notique columbi.  
 nidum servas : ego laudo ruris amœni  
 vivos, & musco circumlita saxa, nemusque.  
 quid quæris ? vivo, & regno, simul ista reliqui  
 quæ vos ad cœlum effertis rumore secundo.  
 tque sacerdotis fugitivus, liba recuso :  
 ane egeo jam mellitis potiore placentis :  
 vivere naturæ si convenienter oportet,  
 onendæque domo quærenda est area primum :  
 ovistine locum potiolem rure beato ?  
 ubi plus tepeant hyemes ? ubi gratior auræ  
 eniat & rabiem Canis, & momenta Leonis,  
 um semel accepit Solem furibundus acutum ?  
 ubi divellat somnos minus invida cura ?  
 eterius Libycis olet aut nitet herba lapillis ?  
 rior in vicis aqua tendit rumpere plumbum,  
 am, quæ per pronum trepidat cum murmure  
     rivum ?  
 empe inter varias nutritur sylvæ columnas,  
 udaturque domus, longos quæ prospicit agros.  
 turam expellas furca, tamen usque recurret,  
 mala perrumpet furtim fastidia victrix.  
 n, qui Sidonio contendere callidus ostro  
 scit Aquinatam potantia vellera fucum,  
 rtius accipiet damnum, propiusve medullis,  
 am, qui non poterit vero distinguere falsum.  
 em res plus nimio delectavere secundæ,  
 tatae quatient. si quid mirabere. pones  
 itus, fuge magna : licet sub paupere tecto  
 ges, & regum vita præcurrere amicos.  
 rvus equum pugna melior, communibus her-  
     bis  
 lebat, donec minor in certamine longo  
 loravit opes hominis, frenumque recepit :  
 postquam victor violens discessit ab hoste,  
 equitem dorso, non frænum depulit ore.  
 qui pauperiem veritus, potiore metallis

Libertate caret, dominum vehet improbus, atque  
 Serviet æternum, quia parvo nesciet uti,  
 Cui non conveniet sua res, ut calceus olim,  
 Si pede major erit, subvertet: si minor, uret.  
 Lætus sorte tua vires sapienter Aristi,  
 Nec me dimittes incastigatum, ubi plura  
 Cogere, quam satis est, ac non cessare videbor.  
 Imperat aut servit collecta pecunia cnique  
 Tortum digna sequi potius, quam ducere funem,  
 Hæc tibi dictabam post fanum putre Vacunæ,  
 Excepto, quod non simul esses, cætera lætus.

AD BULLATIUM REVERSUM  
 EX ASIA. XI.

Quid tibi visa Chios, Bullati, notæque Lesbos,  
 Quid concinna Samos, quid Cræsi regia Sardis  
 Smyrna quid, & Colophon, majora, minorane  
 fama?

Cunctane præ campo, & Tiberino flumine for-  
 dent,

An venit in votum Attalici ex urbibus una?

An Lebedum laudas odio maris atque viarum,

Scis, Lebedus quam sit Gabiis desertior, atque

Fidenis vicus, tamen illic vivere vellem,

Oblitusque meorum, obliviscendus & illis

Neptunum procul è tetra spectare furem.

Sed neque, qui Capua Romam petit, imbre lutoq;

Adpersus, volet in caupona vivere, nec, qui

Frigus collegit, furnos & balnea laudat,

Ut fortunatam plene præstantia vitam.

Nec si te validus jactaverit Auster in alto,

Idcirco navem trans Ægæum mare vendas.

Incolumi Rhodos, & Mitylene pulchra facit, quod

Penula solstitio, campestre nivalibus auris,

Per brumam Tiberis, Sextili mense caminus,

Dum licet, & vultum servat fortuna benignum,

Romæ laudetur Samos, & Chios, & Rhodos ab-  
 sens,

Tu, quamcumque Deus tibi fortunaverit horam

Grata sume inanum, nec dulcia differ in annum,

Ut quocumque loco fueris, vixisse libenter

Te dicas. nam si ratio, & prudentia curas,

Non locus effusi late maris arbiter, aufert;

Cælum,

celum, non animum mutant, qui trans mare  
currunt,  
renua nos exercet inertia, navibus atque  
quadrigis petimus bene vivere. quod petis,  
huic est,  
Ulubris, animus sit te non deficit æquus.

## AD IGCIUM. XII.

Rustibus Agrippæ Siculis, quos colligis, Icci,  
Si Recte frueris, non est ut copia major  
Jove donari possit tibi. tolle querelas.  
super enim non est, cui rerum suppetit usus.  
ventri bene, si lateri est, pedibusque tuis, nil  
vitæ poterunt regales addere majus.  
forte in medio positorum abstemius herbis  
vives, & urtica sic vives protinus, ut te  
infestum liquidus fortunæ rivus maturet:  
quia naturam mutare pecunia nescit:  
quia cuncta putas una virtute minora.  
ramur, si Democriti pecus edit agellos,  
itaque dum peregre est animus sine corpore  
velox:  
inter scabiem tantam, & contagia lucri,  
parvum sapias, & adhuc sublimia cures:  
mare compescant, causæ: quid temperet  
annum  
illæ sponte sua, jussæne vagentur, & errent.  
id premat obscurum Lunæ, quid proferat orbē  
id velit, & possit rerum concordia discors:  
pedocles, an Stertinium deleret acumen?  
seu pisceis, seu porrum, & cæpe trucidas,  
ere Pompejo Grospho, & si quid petet, ultro  
fer. nil Grosphus, nisi verum, orabit & æquum,  
is amicorum est annona bonis ubi quid deest  
tamen ignores, quo sit Romana loco res:  
taber Agrippæ, Claudii virtute Neronis  
nenius cecidit: jus imperiumve Phraates  
aris accepit genibus minor. aurea fruges  
iæ pleno diffudit copia cornu.

## D VINNIUM ASELLAM. XIII.

T proficiscentem docui te sæpe, diuque,  
Augusto reddes signata volumina Vinni,

Si validus, si lætus erit, si denique poscet,  
 Ne studio nostri pecces odiumque libellis  
 Sedulus importes opera vehemente minister.  
 Si te forte meæ gravis uret sarcina chartæ;  
 Abjicito potius, quam quo perferre juberis  
 Clitellas ferus impingas, Asinæque paternum  
 Cognomen vertas in risum, & fabula fias.  
 Viribus uteris per clivos, flumina lamas.  
 Victor propositi simul ac perveneris illuc,  
 Sic positum servabis onus, ne forte sub ala  
 Fasciculum portes, librorum, ut rusticus agnum:  
 Ut vinosa glomos furtivæ Pyrrhia lænæ:  
 Ut cum pileolo solæas conviva tribulis;  
 Ne vulgo narres te sudavisse ferendo  
 Carmina quæ possunt oculos aureisque morari  
 Cæsaris. oratus multa prece, nescere porro.  
 Vade, vale, cave ne titubes, mandataque frangas.

## AD VILLICUM SUUM. XIV.

**V**illice sylvarum, & mihi me reddentis agelli  
 Quem tu fastidis, habitatum, quinque focis, &  
 Quinque bonos solitus Bariam dimittere patres:  
 Certemus, spinas animone ego fortius, an tu  
 Evellas agro, & melior sit Horatius, an res  
 Me quamvis Lamiæ pietas, & cura moratur  
 Fratrem mœrentis, rapto de fratre dolentis.  
 Insolabiliter: tamen istuc mens, animusque  
 Fert, & amat spatiis obstantia rumpere claustra,  
 Rure ego viventem, tu dicis in urbe beatum,  
 Cui placet alterius, sua nimirum est odio fors.  
 Stultus uterque locum immeritum causatur ini-  
 que,

In culpa est animus, qui se non effugit unquam.  
 Tu mediastinus tacita prece rura petebas:  
 Nunc urbem, & ludos, & balnea villicus optas.  
 Me constare mihi scis, & discedere tristem,  
 Quandocunque trahunt invisa negotia Romam:  
 Non eadem miramur: eo disconvenit inter  
 Meque, & te nam quæ deserta, & inhospita tesqua  
 Credis, amœna vocat, mecum qui sentit; & odit.  
 Quæ tu pulchra vocas, fornix tibi, & uncta popina  
 Incutiunt urbis desiderium, video, & quod  
 Angulus iste feret piper, & thus, ocyus uva:

Nec



Nec vicina subest vinum præbere taberna  
 Quæ possit tibi : nec meretrix tibicina, cujus  
 Ad strepitum salias terræ gravis. & tamen urges  
 Am pridem non tacta ligonibus arva bovemque  
 Disjunctum curas, & strictis frondibus explēs.  
 Addit opus pigro rivus, si decidit imber,  
 Multa mole docendus aprico parcere prato.  
 Nunc, age, quid nostrum concentum dividat,  
 audi,

quem tenues decuere togæ, nitidique capilli :  
 quem scis immunem Cynaræ placuisse rapaci :  
 quem bibulum liquidi media de luce Falerni,  
 Cæna brevis juvat, & prope rivum somnus in  
 herba.

Nec luisse pudet, sed non incidere ludum.  
 Non istic obliquo oculo mea commoda quisquam  
 Amat, non odio obscuro, morsuque venenat.  
 Ident vicini, glebas, & saxa moventem.  
 Num servis urbana diarja rodere mavis :  
 Num tu in numerum voto ruīs. invidet usum  
 Ignorum & pecoris tibi calo argutus, & horti.  
 Optat ephippia bos piger, optat arare caballus.  
 Quam scit uterque, libens, censebo, exerceat  
 artem.

## D C. NUMONIUM VALAM. XV.

Ux sit hyems Veliæ, quod cœlū, Vala, Salerni,  
 Quorum hominum regio, & qualis via (nam  
 mihi Bajæ

sa supervacuas Antonius, & tamen illis  
 e facit invisum, gelida cum perluor unda  
 r medium frigus. sane myrteta relinqui,  
 Etque cessantem nervis elidere morbum  
 fura contemni, vicus gemit, invidus ægris,  
 i caput, & stomachum supponere fontibus au-  
 dent

finis, Gabiosque petunt, & frigida rura.  
 tandus locus est, & diversoria nota (mas  
 ter agendus equus. quo tendis? non mihi Cu-  
 iter, aut Bajæ, læva stomachosus habena  
 et eques. sed (qui frænato est auris in ore)  
 or utrum populum frumenti copia pascat,  
 lectosne bibant imbreis, puteosne perenneis

Dulcis aquæ, nam vina nihil moror illius oræ.  
 Rure meo possum quidvis perferre, patique.  
 Ad mare cum veni, generosum & lene requiro:  
 Quod curas abigat, quod cum spe divite manet  
 In venas, animumq; meum: quod verba ministret,  
 Quod ine Lucanæ juvenem commendet amicæ.  
 Tractus utem plureis lepores, iter educet apros,  
 Ultra magis pisceis, & echinos æquora celent,  
 Pinguis ut inde domum possim, Phæaxq; reverti;  
 Scribere te nobis, tibi nos accedere par est,  
 Mænius, ut rebus maternis atque paternis  
 Fortiter absuntis, urbanus cœpit haberi,  
 Scurra vagus, non qui certum præsepe teneret,  
 Impransus non qui civem dignosceret hoste:  
 Quælibet in quemvis opprobria fingere sævus,  
 Pernicies, & tempestas, barathrumque macelli,  
 Quidquid quæsierat, ventri donabat avaro.  
 Hic, ubi nequitix fautoribus, & timidis nil,  
 Aut paullum abstulerat, patinas cœnabat omni  
 Vilis & agnini, tribus urfis quod satis esset.  
 Scilicet ut ventres lamna candente nepotum  
 Diceret urendos correctus. Mænius idem  
 Quidquid erat nactus prædæ majoris, ubi omne  
 Verterat in fumum, & cinerem, non hercule  
 miror.

Ajebat, si qui comedunt bona: cum sit obeso  
 Nil melius turdo, nil vulva pulchrius ampla.  
 Nimirum hic ego sum, nam tuta, & parvula laudo,  
 Cum res deficiunt; satis inter vilia fortis.  
 Verû, ubi quid melius contingit, & unctius, idem  
 Vos sapere, & solos ajo bene vivere, quorum  
 Conspicitur nitidis fundata pecunia villis.

#### AD QUINCTIUM. XVI.

**N**E percuncteris, fundus meus, optime Quin-  
 cti,

Arvo pascat herum, an baccis opulente t olive  
 Pomisne & pratis, an amicta vitibus ulmo:  
 Scribetur tibi forma loquaciter, & situs agri.  
 Continui montes, nisi dissocientur opaca (Sol,  
 Valle: sed ut veniens dextrum latus adspiciat  
 Lævum discedens curru fugiente vaporet.  
 Temperiem laudes, quid, si rubicunda benigne

Corna

Corna vepres & pruna ferant, si quercus, & ilex,  
Multa fruge pecus, multa dominum juvet umbra?  
Dicas adductum propius frondere Tarentum.  
Fons etiam rivo dare nomen idoneus: ut nec  
Frigidior Thracam, nec purior ambiat Hebrus,  
Infirmo capiti fluit utilis, utilis alvo.  
Iæ latebræ dulces, etiam, si credis amœnæ  
Incolumem tibi me præstant Septembribus ho-  
Tu recte vivis, si curas esse, quod audis. (ris.  
Iactamus jam pridem omnis te Roma beatum  
Sed vereor, ne cui de te plus, quam tibi credas:  
Neve putes alium sapiente bonoque beatum.  
Neu, si te populus sanum, recteque valentem  
Dictitet, occultam febrem sub tempus edendi  
Diffimules: donec manibus tremor incidat unctis.  
Stultorum incurata pudor malus ulcera celat.  
Si quis bellâ tibi terra pugnata marique  
Dicat, & his verbis vacuas permulceat aureis:  
Tene magis saluum populus velit, an populum tu  
Servet in ambiguo, qui consulit, & tibi, & urbi,  
Jupiter: Augusti laudes agnoscere possis?  
Cum pateris sapiens, emendatusque vocari,  
Responde ne tûo, dic sodes, nomine? nempe  
Vir bonus & prudens dici delector ego, ac tu.  
Qui dedit hoc hodie, cras, si volet, auferet: ut si  
Detulerit fasceis indigno, detrahet idem.  
Pone, meum est, inquit. pono, tristisque recedo.  
Idem si clamet furem, neget esse pudicum,  
Contendat laqueo collum pressisse paternum:  
Mordear opprobriis falsis, mutemque colores?  
Falsus honor juvat, & mendax infamia terret,  
Quem, nisi mendosum, & mendacem? vir bo-  
nus est quis?  
Qui consulta patrum, qui leges, juraque servat  
Quo multæ, magnæque secantur judice lites:  
Quo responfore, & quo causæ teste tenentur.  
Sed videt hunc omnis domus & vicinia tota  
Introrsum turpem, speciosum pelle decora,  
Nec furtum feci, nec fugi, si mihi dicat  
Servus habet pretium, loris non uteris, ajo.  
Non hominē occidi: non pasces in cruce corvos,  
Sum bonus, & frugi. renuit negitatque Sabellus.  
Cautus enim metuit foveam lupus, accipiterque  
Suspectos laqueos, & opertum milvius hamum.

Oderunt peccare boni virtutis amore :

Tu nihil admittes in te, formidine pœnæ.

Sit spes fallendi : miscebis sacra profanis.

Nam de mille fabæ modiis, cum surripis unum ,

Damnum est, non facinus mihi pacto lenius isto.

Vir bonus , omne forum quem spectat , & omne  
tribunal ,

Quandocunque Deos vel porco, vel bove placat :

Jane pater clare, clare cum dixit, Apollo :

Labra movet, metuens audiri : pulchra Laverna

Da mihi fallere : da iusto, sanctoque videri :

Noctem peccatis, & fraudibus objice nubem.

Quo melior servo, quo liberior sit avarus ,

In triviis fixum cum se demittit ob assem ,

Non video. nam qui cupiet, metuet quoque, porro

Qui metuens vivit, liber mihi non erit unquam.

Perdedit arma, locum virtutis deseruit, qui

Semper in augenda festinat, & obruitur te.

Vendere cum possis captivum, occidere noli ,

Serviet utiliter. sine pascat durus, aretque :

Mitiget, ac mediis hyemet mercator in undis :

Annonæ proficit : portet frumenta, penusque.

Vir bonus, & sapiens audebit dicere, Penthem

Rector Thebarum, quid me perferre, patique

Indignum coges? adimā bona, nempe pecus, rem.

Lectos, argentum, tollas licet, in manicis, &

Compedibus sævo te sub custode tenebo.

Ipsæ Deus simul atque volam, me solvet, opinor.

Hoc sentit: moriar. mors ultima linea rerum est.

#### AD SCÆVAM. XVII.

**Q**Uamvis Scæva satis per te tibi consulis, &  
scis ,

Quo tandem pacto deceat majoribus uti :

Disce docendus adhuc, quæ censet amicus: ut si

Cæcus iter monstrare velit. tamen adspice, si quid

Et nos, quod cures proprium fecisse, loquamur.

Si te grata quies, & primam somnus in horam

Delectat : si te pulvis, strepitusque rotarum :

Si lædit caupona ; Ferentinum ire jubebo.

Nam neque divitibus contingunt gaudia solis ;

Nec vixit male, qui natus moriensque fefellit.

Si prodesse tuis, paulloque benignus ipsum

Te

Te tractare voles : accedes ficcus ad unctum ,  
Si pranderet olus patienter, regibus uti  
Nollet Aristippus : si sciret regibus uti ,  
Fastidiret olus, qui me notat. utrius horum  
Verba probes, & facta, doce : vel junior audi ,  
Cur sit Aristippi potior sententia, namque  
Mordacem Cynicum sic eludebat, ut ajunt :  
Scurror ego ipse mihi, populo tu, rectius hoc, &  
Splendidius multo est, equus ut me portet, alat  
Officium facito. tu poscis vilia rerum (rex.  
Dante minor : quamvis fers te nullius egentem.  
Omnis Aristippum decuit color, & status, & res.  
Tentantem majora, fere præsentiis æquum ,  
Contra, quem duplici panis patientia velat ,  
Mirabor, vitæ via si conversa decebit.  
Alter purpureum non expectabit amictum ,  
Quidlibet indutus celeberrima per loca vadet ,  
Personamque feret non inconcinnus utramque.  
Alter Mileti textam cane pejus & angue ,  
Vitabit chlamydem : morietur frigore, si non  
Rettuleris pannum. refer, & sine vivat ineptus,  
Res gerere, & captos ostendere civibus hosteis ;  
Attingit solium Jovis, & cœlestia tentat :  
Principibus placuisse viris, non ultima laus est.  
Non cuivis homini contingit adire Corinthum.  
Sedit, qui timuit ne non succederet ; esto.  
Quid, qui pervenit, fecitne viriliter ? atqui  
Hic est, aut nusquam, quod quærimus. hic onus  
horret

Ut parvit animis, & parvo corpore majus :  
Hic subit, & perfert, aut virtus nomen inane est,  
Aut decus & pretium recte petit experiens vir.  
Coram rege suo de paupertate tacentes,  
Plus poscente ferent, distat, sumasne pudenter,  
An rapias. atqui rerum caput hoc erat, hic fons.  
Indotata mihi soror est, paupercula mater,  
Et fundus nec vendibilis, nec pascere firmus ,  
Qui dicit : clamat, victum date. succinit alter ,  
Et mihi dividuo findetur munere quadra.  
Sed tacitus pasci si posset corvus, haberet  
Plus dapis, & rixæ multo minus, invidiæque.  
Brundisium comes, aut Surrentum ductus amœ-  
num , (breis ,  
Qui queritur salebras, & acerbum frigus, & im-  
Aut

Aut cistam effractam, & subducta viatica plorat  
 Nota refert meretricis acumina, sæpe catellam  
 Sæpe periscelidem raptam sibi flentis : uti mox  
 Nulla fides damnis : verisque doloribus adfit.  
 Nec semel irrisus triviis, attolere curat  
 Fracto crure planum : licet illi plurima manet  
 Lachryma : per sanctum juratus dicat Osirim,  
 Credite ; non ludo : crudeles tollite claudum.  
 Quære peregrinum : vicinia rauca reclamat.

### AD LOLLIUM. XVIII.

**S**I bene te novi, metues, liberrime Lolli,  
 Scurrantis speciem præbere, professus amicum  
 Ut matrona meretrici dispar erit, atque  
 Discolor, infido scurræ distabit amicus,  
 Est huic diversum vitio vitium prope inajus,  
 Asperitas agrestis, & inconcinna gravisque,  
 Quæ se commendat tonsa cute, dentibus atris :  
 Dum vult libertas mera dici, veraque virtus.  
 Virtus est medium vitiorum, & utrimque redu-  
 ctum,

Alter in obsequium plus æquo pronus, & imi  
 Derisor lecti, sic nuntum divitis horret,  
 Sic iterat voces, & verba cadentia tollit :  
 Ut puerum sævo credas dictata magistro  
 Reddere, vel parteis nimium tractare secundas.  
 Alter rixatur de lana sæpe caprina,  
 Propugnat nugis armatus : scilicet, ut non  
 Sit mihi prima fides, & vere quod placet, ut non  
 Acriter elatrem, pretium ætas altera sordet.  
 Ambigitur quid enim ? Castor sciat an Docilis  
 plus

Brundisium Numici melius via ducat, an Appi.  
 Quem damnosa Venus, quem præceps alea nudat,  
 Gloria quem supra vires & vestit, & ungit :  
 Quem tenet argenti sitis importuna famelque,  
 Quem paupertatis pudor, & fuga : dives amicus,  
 Sæpe decem vitiis instructior, odit, & horret,  
 Aut, si non odit, regit, ac veluti pia mater  
 Plus, quam se sapere, & virtutibus esse priorem  
 Vult, & ait prope vera : Mææ (contendere noli)  
 Stultitiam patiuntur opes. tibi parvula res est.  
 Arcta decet sanum comitem toga; desine mecum  
 Cer-

Certare. Eutrapelus, cuiusque nocere volebat,  
Vestimenta dabat pretiosa. beatus enim jam  
Cum pulchris tunicis sumet nova consilia, &  
spes,

Dormiet in lucem: scorto postponet honestum  
Officium, nummos alienos poscet: ad imum  
Thrax erit, aut alitoris aget mercede caballum.  
Arcanum neque tu scrutaberis ullius unquam,  
Commissumque teges, & vino tortus, & ira.  
Nec tua laudabis studia, aut aliena reprendes:  
Nec, cum venari volet ille, poemata panges,  
Gratia sic fratrum geminorum, Amphionis, atque  
Zethi dissiluit, donec suspecta severo  
Conticuit lyra. fraternis cessasse putatur  
Moribus Amphion, tu cede potentis amici  
Lenibus imperiis: quotiesque educet in agros  
Ætolis onerata plagis iumenta canesque,  
Surge, & inhumana senium depone Camenæ,  
Cœnes ut pariter pulmenta laboribus emta;  
Romanis solenne viris opus, utile famæ,  
Vitæque, & membris, præsertim cum valeas, &  
Vel cursu superare canem, vel viribus aprum  
Possis. adde, virilia quod speciosius arma  
Non est qui tractet. scis quo clamore coronæ  
Prælia sustineas campestria. denique sævam  
Militem puer, & Cantabria bella tulisti  
Sub duce, qui templis Parthorum signa refixit,  
Et nunc, si quid abest, Italis adjudicat armis.  
Ac ne te retrahas, & inexcusabilis absis.  
Quamvis nil extra numerum fecisse, modumque  
Cûras, interdum nugaris rure paterno.  
Partitur lintres exercitus: Actia pugna  
Te duce per pueros hostili more refertur.  
Adversarius est frater, lacus, Hadria: donec  
Alterutrum velox victoria fronde coronat.  
Consentire suis studiis qui crediderit te:  
Fautor utroque tuum laudabit pollice ludum.  
Protinus ut moneam. (si quid monitoris eges tu)  
Quid de quoque viro & cui dicas, sæpe videto.  
Percunctatorem fugito: nam garrulus idem est:  
Nec retinent patulæ commissa fideliter aures:  
Et semel emissum volat irrevocabile verbum.  
Non ancilla tuum jecur ulceret ulla, puerve,  
Intra marmoreum venerandi limen amici:

Ne dominus pueri pulchri caræve puellæ ,  
 Munere te parvo beet, aut incommodus angat.  
 Qualem commendas etiam atque etiam adspice:  
 ne mox

Incutiant aliena tibi peccata pudorem.  
 Fallimur, & quondam non dignum tradimus.  
 ergo

Quem sua culpa premet, deceptus omitte tueri.  
 Ut penitus notum si tentet crimina, serves,  
 Tuterisque tuo fidentem præsidio: qui  
 Dente Theonino cum circumroditur, ecquid  
 Ad te post paulo ventura pericula sentis?  
 Nam tua res agitur, paries cum proximus ardet:  
 Et neglecta solent incendia sumere vires.  
 Dulcis inexpertis cultura potentis amici;  
 Expertus metuit. tu, dum tua navis in alto est,  
 Hoc age, ne mutata retrorsum te ferat aura.  
 Oderunt hilarem tristes, tristemque jocos:  
 Sedatum celeres: agilem, gnavumque remissum.  
 Potiores bibuli media de nocte Falerni,  
 Oderunt porrecta negantem pocula: quamvis  
 Nocturnos jures te formidare vapores.  
 Deme supercilio nubem, plerumque modestus  
 Occupat obscuri speciem, taciturnus acerbi,  
 Inter cuncta leges, & percunctabere doctos,  
 Qua ratione queas traducere leniter ævum:  
 Ne te semper inops agitet, vexetque Cupido:  
 Ne pavor, & rerum mediocriter utilium spes:  
 Virtutem doctrina paret, naturave donet:  
 Quid minuat curas: quid te tibi reddat amicum:  
 Quid pure tranquillet; honos, an dulce lucellum,  
 An secretum iter, & fallentis semita vitæ.  
 Me quoties reficit gelidus Digentia rivus,  
 Quem Mandela bibit, rugosus frigore pagus:  
 Quid sentire putas? quid credis amice precari?  
 Sit mihi, quod nunc est, etiam minus, ut mihi.  
 vivam

Quod superest ævi, si quid superesse volunt Di.  
 Sit bona librorum, & provisa frugis in annum  
 Copia: neu fluitem dubiæ spe pendulus horæ.  
 Sed satis est orare Jovem, qui donat, & aufert,  
 Det vitam, det opes: æquum mî animum ipse  
 parabo.



## AD MÆCENATEM. XIX.

**P**Risco si credis, Mæcenas docte, Cratino,  
 Nulla placere diu, nec vivere carmina possunt,  
 Quæ scribuntur aquæ potoribus: ut male sanos  
 Adscriptis Liber Satyris, Faunisque poëtas,  
 Vina fere dulces oluerunt mane Camenæ.  
 Laudibus arguitur vini vinosus Homerus.  
 Ennius ipse pater nunquam, nisi potus, ad arma  
 Profuit dicenda, forum, Putealque Libonis  
 Mandabo siccis: adimam cantare severis.  
 Hoc simul edixit, non cessavere poëtæ  
 Nocturno certare mero, potare diurno.  
 Quid, si quis voltu torvo ferus & pede nudo,  
 Exiguæque togæ simulet textore Catonem,  
 Virtutemne repræsentet, moresque Catonis?  
 Rupit Hyarbitam Timagenes æmula lingua;  
 Dum studet urbanus, tenditque disertus haberi,  
 Decipit exemplar vitiis imitabile. quod si  
 Pallerem casu, biberent ex sanguine cominum.  
 O imitatores servum pecus, ut mihi sæpe  
 Bilem. sæpe jocum vestri movere tumultus!  
 Libera per vacuum posui vestigia princeps:  
 Non aliena meo pressi pede. qui sibi fidit  
 Dux, regit examen. Parios ego primus jambos  
 Ostendi Latio, numeros animosque securus  
 Archilochi, non res, & agentia verba Lycamben.  
 Ac ne me foliis ideo brevioribus ornes,  
 Quod timui mutare modos, & carminis artem:  
 Temperat Archilochi Musam pede mascula Sappho:  
 Temperat Alcæus: sed rebus & ordine dispar.  
 Nec socerum quærit, quem versibus oblinat atris:  
 Nec sponsa laqueum famoso carmine nectit.  
 Hunc ego non alio dictum prius ore, Latinus  
 Vulgavi fidicem. juvat immemorata ferentem  
 Ingenuis oculisque legi manibusque teneri  
 Scire velis, mea cur ingratus opuscula lector  
 Laudet ametque domi premat extra limen iniquus?  
 Non ego ventosæ plebis suffragia venor  
 Impensis cænarum, & tritæ munere vestis.  
 Non ego nobilium scriptorum auditor & ultor,  
Gram-

Grammaticas ambire tribus, & pulpita dignor.  
 Hinc illæ lachrymæ spissis indigna theatris  
 Scripta pudet recitare & nugis addere pondus,  
 Si dixit, rides, ait: & Jovis auribus ista  
 Servas. fidis enim manare poëtica mella  
 Te solum, tibi pulcher; ad hæc ego naribus uti  
 Formido, & luctantis acuto ne fecer ungui,  
 Displicet iste locus, clamo, & diludia posco.  
 Ludus enim genuit trepidum certamen, & iram,  
 Ira truces inimicitias, & funebre bellum.

## AD LIBRUM SUUM. XX.

**V**ertumnum, Janumque, liber, spectare, videris,  
 Scilicet ut prostes Sosiorum pumice mundus,  
 Odisti, claveis, & grata sigilla pudico,  
 Paucis ostendi gemis, & communia laudas,  
 Non ita nutritus. fuge. quo discedere gestis.  
 Non erit emissio reditus tibi. quid miser egi,  
 Quid volui, dices, ubi quis te læserit. & scis  
 In breve te cogi, cum plenus languet amator,  
 Quod si non odio peccantis desipit augur,  
 Carus eris Romæ, donec te deserat ætas.  
 Contrectatus ubi manibus sordescere vulgi  
 Cœperis, aut tineas pasces taciturnus inerteis,  
 Aut fugies Uticam, aut unctus mitteris Iterdam.  
 Ridebit monitor non exauditus, ut ille,  
 Qui male parentem in rupes detrusit asellum  
 Iratus. Quis enim invitum servare laboret?  
 Hoc quoque te manet, ut pueros elementa do-  
 centem  
 Occupet extremis in vicis balba senectus.  
 Cum tibi Sol tepidus plureis admoverit aurseis;  
 Me libertino natum patre, & in tenui re  
 Majores pennas nido extendisse loqueris,  
 Ut quantum generi demas, virtutibus addas.  
 Me primis urbis belli placuisse, domique,  
 Corporis exigui, præcanum Solibus aptum,  
 Irasci celerem, tamen ut placabilis essem.  
 Forte meum si quis te percunctabitur ævum,  
 Me quater undenos sciat implevisse Decem-  
 breis,  
 Collegam Lepidum quo duxit Lollius anno.

Q. HORATII  
FLACCII  
EPISTOLARUM  
LIBRI II.

AD AUGUSTUM. I.

**C**Um tot sustineas & tanta negotia solus :  
Res Italas armis tuteris, moribus ornes,  
Legibus emendes ; in publica commoda  
peccem.

Si longo fermone morer tua tempora Cæsar.  
Romulus & Liber pater, & cum Castore Pollux,  
Post ingentia facta, Deorum in templa recepti,  
Dum terras hominumque colunt genus , aspera  
bella

Componunt, agros assignant, oppida condunt :  
Ploravere suis non respondere favorem  
Speratum meritis. diram qui contudit hydram,  
Notaque fatali portenta labore subegit,  
Comperit invidiam supremo fine domari.  
Urit enim fulgore suo, qui prægravat arteis  
Infra se positas : extinctus, amabitur idem.  
Præsentī tibi maturos largimur honores,  
Jurandasque tuum per nomen ponimus aras,  
Nil oriturum alias, nil ortum tale fatentes.  
Sed tuus hic populus sapiens & justus in uno,  
Te nostris ducibus, te Grajis anteferendo :  
Cætera nequaquam simili ratione, modoque  
Æstimat : & , nisi quæ terris semota, suisque  
Temporibus defuncta videt, fastidit, & odit.  
Sic fautor veterum, ut tabulas peccare vetanteis,  
Quas bis quinque viri sanxerunt, fœdera regum.  
Vel Gabiis, vel cum rigidis æquata Sabinis,  
Pontificum libros. annosa volumina vatū,  
Dictitet Albano Musas in monte locutas.  
Si, quia Græcorum sunt antiquissima quæque  
Scripta, vel optima, Romani pensantur eadem  
Scriptores trutina; non est quod multa loquamur  
Nil intra est olenum, nil extra est in nuce duri.  
Venimus ad summum fortunæ : pingimus, atque

Psallimus, & luctamur Achivis doctius unctis.  
 Si meliora dies, ut vina, poemata reddit,  
 Scire velim petium chartis quotus arroget annus  
 Scriptor abhinc annos centum qui decidit, inter  
 Perfectos, veteresque referri debet, an inter  
 Vileis, atque novos? excludat jurgia finis.  
 Est vetus, atque probus, centum qui perficit annos,  
 Quid, qui deperiit minor uno mense, vel anno,  
 Inter quos referendus erit? veteresne poetas,  
 An quos & præsens, & postera respuet ætas?  
 Iste quidem veteres inter ponetur honeste,  
 Qui vel mense brevi vel toto est junior anno.  
 Utor permissio candæque pilos ut equinæ  
 Paulatim vello, & demo unum: demo etiam unū:  
 Dum cadat elusus ratione ruentis acervi,  
 Qui redit ad fastos, & virtutem æstimat annis,  
 Miraturque nihil, nisi quod Libitina sacravit.  
 Ennius & sapiens, & fortis, & alter Homerus,  
 Ut critici dicunt, leviter curare videtur,  
 Quo promissa cadant, & somnia Pythagorea.  
 Nævius in manibus non est, & mentibus hæret  
 Pæne recens, adeo sanctū est vetus omne poema  
 Ambigitur quoties uter utro sit prior: aufert  
 Pacuvius docti famam senis, Accius alti.  
 Dicitur Afrani toga convenisse Menandro:  
 Plautus ad exemplar Siculi properare Epicharmi:  
 Vincere Cæcilius gravitate, Terentius arte.  
 Hos ediscit, & hos arcto stipata theatro (tas,  
 Spectat Roma potens: habet hos, numeratq; poë-  
 Ad nostrum tempus Livi scriptoris ab ævo.  
 Interdum vulgus rectum videt. est ubi peccat.  
 Si veteres ita miratur, laudatque poetas,  
 Ut nihil anteferat, nihil illis comparet; errat.  
 Si quædam nimis antique; si pleraque dure  
 Dicere credat eos, ignave multa fatetur;  
 Et sapit, & mecum facit, & Jove judicat æquo.  
 Non equidem insector, delendaque carmina Livi  
 Esse reor, memini quæ plagosum mihi parvo  
 Orbiliū dictare: sed emendata videri,  
 Pulchraque, & exactis minimum distantia, miror.  
 Inter quæ verbum emicuit si forte decorum, &  
 Si versus paullo concinnior unus, & alter.  
 Injuste totum ducit, venditque poema.  
 Indignor quidquam reprehendit: non quia crasse

Compositum ille pidae putetur; sed quia nuper:  
Nec veniam antiquis, sed honorem, & præmia  
posci.

Ecce necne crocum, floresque perambulat Attæ  
tabula, si dubitem: clament periisse pudorem  
uncti pane patres, ea cum reprehendere coner  
quæ gravis Æsopus, quæ doctus Rosetus egit:  
el quia nil rectum, nisi quod placuit sibi, ducunt;  
el quia turpe putant parere minoribus: &, quæ  
nberbes didicere, senes perdenda fateri.

um Saliare Numæ carmen qui laudat, & illud,  
quod mecum ignorat, solus vult scire videri:  
geniis non ille favet, plauditque sepultis:  
ostra sed impugnat: nos, nostraque lividus odit,  
quod si tam Græcis novitas invisa fuisset.

iam nobis, quid nunc esset Venus, aut quid ha-  
beret

quod legeret, tereretque viritim publicus usus?

primum positis nugari Græcia bellis  
epit, & in vitium fortuna labier æqua:

nunc athletarum studiis, nunc arsit equorem:  
armoris, aut eboris fabros, aut æris amavit:

pendit picta vultum, mentemque tabella:

nunc tibicinibus, nunc est gavisa tragædis:

o nutrice puella velut si luderet infans:

od cupide petiit, mature plena reliquit.

id placet aut odio est, quod non mutabile  
credas:

c paces habuere bonæ, ventique secundi

mæ dulce diu fuit, & solenne, reclusa

ne domo vigilare, clienti promere jura:

ctos nominibus certis expendere nummos,

ores audire, minori dicere, per quæ

ocere res posset, minui damnosa libido.

avit mentem populus levis, & calêt uno

bendi studio: pueri, patresque severi,

de comas vincti cœnant, & carmina dicant.

ego, qui nullos me affirmo scribere versus,

nior Parthis mendacior, & prius orto

, vigil calamus, & chartas, & scrinia posco.

m agere ignarus navis timet: abrotonum  
ægro (rum est,

audet, nisi qui didicit, dare. Quod medico-

mittunt medici: Tractant fabrilia fabri.

N 2

Scri-

Scribimus indocti, doctique poemata passim.  
 Hic error tamen, & levis hæc infania, quantas  
 Virtutes habeat, sic collige. vatis avarus  
 Non temere est animus : versus amat hoc studet  
 unum :

Detrimenda, fugas servorum, incendia ridet :  
 Non fraudem socio, puerove incogitat ullam  
 Pupillo : vivit filiquis, & pane secundo :  
 Militiæ quamquam piger, & malus, utilis urbi.  
 Si das hoc, parvis quoque rebus magna juvari :  
 Os tenerum pueri, balbumque poëta figurat :  
 Torquet ab obscænis jam nunc sermonibus aurē:  
 Mox etiam pectus præceptis format amicis,  
 Asperitatis & invidiæ corrector, & iræ :  
 Recte facta refert : orientia tempora notis  
 Instruit exemplis : inopem solatur, & ægrum.  
 Castis cum pueris ignata puella mariiti  
 Disceret unde preces, vatem ni Musa dedisset ?  
 Poscit opem Chorus, & præsentia Numina sentit  
 Cælestis implorat aquas docta prece blandus :  
 Avertit morbos : metuenda pericula pellit :  
 Impetrat & pacem, & locupletem frugibus annū.  
 Carmine Di superi placantur, carmine Manes.  
 Agricolaë prisci, fortes, parvoque beati,  
 Condita post frumenta, levantes tempore festo  
 Corpus, & ipsum animum spe finis dura ferentem,  
 Cum sociis operum, & pueris, & conjuge fida  
 Tellurem porco, Silvanum lacte piabant,  
 Floribus, & vino Genium memorem brevis ævi.  
 Fescennina hunc inventa licentia morem  
 Versibus alternis opprobria rustica fudit :  
 Libertasque recurrenteis accepta per annos  
 Lusit amabiliter : donec jam sævus apertam  
 In rabiem verti cœpit jocus, & per honestas  
 Ire domos impune minax. doluere cruento  
 Dente lacesciti. fuit intactis quoque cura,  
 Conditione super communi. quin etiam lex,  
 Pœnaque lata, malo quæ nollet carmine quem-  
 quam

Describi, vertere modum, formidine fustis  
 Ad bene dicendum, delectandumque reducti.  
 Græcia capta ferum victorem capit, & arteis  
 Intulit agresti Latio : sic horridus ille  
 Defluxit numerus Saturnius, & grave virus

Munditiæ pepulere, sed in longum tamen ævum  
 Manserunt, hodieque manent, vestigia ruris.  
 Cæcus enim Græcis admovit acumina chartis :  
 Et post Punica bella quietus, quærere cœpit,  
 Quod Sophocles, & Thespis, & Æschylus utile  
 ferent.

Tentavit quoque, rem si digne vertere possit :  
 Et placuit sibi, natura sublimis, & acer.  
 Nam spirat tragicum satis, & feliciter audet :  
 Sed turpem putat in scriptis metuitque lituram.  
 Effeditur, ex medio quia res arcessit, habere  
 Sudoris minimum : sed habet comœdia tanto  
 Plus oneris, quanto veniæ minus. adspice, Plau-  
 tus

Quo pacto parteis turerur amantis ephebi,  
 Ut patris attenti, lenonis ut insidiosi :  
 Quantus sit Dorfennus edacibus in parasitis :  
 Quam non adstricto percurrat pulpita focco.  
 Gestit enim nummum in loculos demittere, post  
 Securus, cadat an recto stet fabula talo (hoc  
 Quem tulit ad scenam ventoso gloria curru,  
 Exanimat lentus spectator sedulus instat. (rum  
 Sic leve, sic parvum est, animum quod laudis ava-  
 Subruit aut reficit. valeat res ludicra si me  
 Palma negata macrum, donata reducit opimum.  
 Sæpe etiam andacem fugat hoc, terretq, poetam :  
 Quod numero plures, virtute & honore minores,  
 Indocti, stolidique, & depugnare parati,  
 Si discordet eques, media inter carmina poscunt  
 Aut ursum, aut pugiles. his nam plebecula gau-  
 det.

(luptas

Verum equitis quoque jam migravit ab aure vo-  
 Omnis, ad incertos oculos, & gaudia vana.  
 Quatuor, aut plureis anlæa premuntur in horas,  
 Dum fugiunt equitum turmæ, peditumq; catervæ.  
 Mox trahitur manibus regum fortuna retortis.  
 Effeda festinant, pilenta, perorrita, naves :  
 Captivum portatur ebur, captiva Corinthus.  
 Si foret in terris, rideret Democritus, seu  
 Diversum confusa genus panthera camelo,  
 Sive elephas albus vulgi converteret ora :  
 Spectaret populum ludis attentius ipsis,  
 Ut sibi præbentem mimo spectacula plura.  
 Scriptores autem narrare putaret a fello

Fabellam furdo. nam quæ pervincere voces  
 Evaluere sonum, referunt quem nostra theatra?  
 Garganum mugire putes nemus, aut mare Tuscū,  
 Tanto cum strepitu ludi spectantur, & artes,  
 Divitiæque peregrinæ, quibus oblitus actor  
 Cum stetit in scena concurrit dextera lævæ.  
 Dixit adhuc aliquid? nil sane. quid placet ergo?  
 Lana Tarentino violas imitata veneno.

Ac ne forte putes me, quæ facere ipse recusam,  
 Cum recte tractant alii, laudare maligne:  
 Ille per extentum funem mihi posse videtur  
 Ire poëta, meum qui pectus inaniter angit,  
 Irritat, mulcet, falsis terroribus implet,  
 Ut magus; & modo me Thebis, modo ponit  
 Athenis.

Verum age, & his, qui se lectori credere malunt,  
 Quam spectatoris fastidia ferre superbi,  
 Curam redde brevem, si munus Apolline dignum  
 Vis complere libris, & vatibus addere calcar,  
 Ut studio majore petant Helicon virentem.  
 Multa quidem nobis facimus mala sæpe poëtæ:  
 (Ut vineta egomet cædam mea) cum tibi librum  
 Sollicito damus, aut fesso: cum lædimur, unum  
 Si quis amicorum est ausus reprehendere versum:  
 Cum loca jam recitata revolvimus irrevocati:  
 Cum lamentamur, non apparere labores  
 Nostros, & tenui deducta poemata filo:  
 Cum speramus eo rem venturam, ut simulatque  
 Carmina rescieris nos fingere, commodus ultro  
 Arcessas, & egere vetes, & scribere cogas:  
 Sed tamē est operæ pretium cognoscere, qualeis  
 Ædituos habeat belli spectata, domique  
 Virtus, indigno non committenda poëtæ.  
 Gratus Alexandro regi Magno fuit ille  
 Choërilus, incultis qui versibus, & male natis  
 Rettulit acceptos, regale nomisma, Philippos.  
 Sed veluti tractata notam, labemque remittunt  
 Arramenta, fere scriptores carmine foëdo  
 Splendida facta linunt. idem rex ille, poema  
 Qui tam ridiculum, tam care prodigus emit,  
 Edicto vetuit, ne quis se, præter Apellem,  
 Pingeret, aut alius Lysippo duceret æra  
 Fortis Alexandri vultum simulantia. quod si  
 Judicium subtile videndis artibus illud



Ad libros, & ad hæc Musarum dona vocares,  
Bœotum in crasso jurares aëre natum.

At neque dedecorant tua de se judicia, atque  
Munera, quæ multa dantis cum laude tulerunt  
Dilecti tibi Virgilius Variusque poëta.

Nec magis expressi vultus per aënea signa,  
Quam per vatis opus mores, animique virorum  
Clarorum apparent: nec Sermones ego mallem  
Repentes per humum, quam res componere ge-  
stas;

Terrarumque situs, & flumina dicere, & arceis  
Montibus impositas, & Barbara regna, tuisque  
Auspiciis totum confecta duella per orbem,  
Claustaque custodem pacis cohibentia Janum,  
Et formidatam Parthis te principe Romam:  
Si, quantum cuperem, possem quoque. sed neque  
parvum

Carmen majestas recipit tua: nec meus audet  
Rem tentare pudor, quam vires ferre recusent.  
Sedulitas autem stultè quem diligit, urget;  
Præcipue cum se numeris commendat, & arte.  
Discit enim citius, meminitque libentius illud.  
Quod quis deridet, quàm quod probat & veneratur  
Nil moror officium, quod me gravat: ac neq; ficto  
In pejus vultu proponi cerens usquam,  
Nec prave factis decorari versibus opto:  
Ne rubeam pingui donatus munere: & una  
Cum scriptore meo, capsa porrectus aperta  
Deferar in vicum vendentem thus & odores,  
Et piper, & quidquid chartis amicitur ineptis.

## AD JULIUM FLORUM. II.

**F**Lore, bono claroque fidelis amice Neroni,  
Si quis forte velit puerum tibi vendere, natum  
Tibure, vel Gabiis: & tecum sic agat: hic &  
Candidus, & talos à vertice pulcher ad imos,  
Fiet, eritque tuus nummorum millibus octo,  
Verna ministeriis ad nutus aptus herileis:  
Litterulis Græcis imbutus, idoneus arti  
Cuilibet: argilla quidvis imitaberis uda.  
Quin etiam canet indoctum, sed dulce bibenti.  
Multa fidem promissa levant, ubi plenius æquo  
Laudat, venaleis qui vult extrudere merces,

Res urget me nulla meo sum pauper in ære.  
 Nemo hoc magonū faceret tibi, non temere à me  
 Quivis ferret idem. semel hic cessavit : &, ut fit,  
 In scalis latuit metuens pendentis habenæ.  
 Des nummos, excepta nihil te si fuga lædat.  
 Ille ferat pretium pœnæ securus, opinor.  
 Prudens emisisti vitiosum : dicta tibi est lex.  
 Insequeris tamen hunc, & lite moraris iniqua,  
 Dixi me pigrum proficiscenti tibi : dixi  
 Talibus officiis prope mancum : ne mea sævus  
 Jurgares, ad te quod epistola nulla veniret.  
 Quid tum profeci, mecum facientia jura  
 Si tamen attentas ? quereris super hoc etiâ, quod  
 Expectata tibi non mittam carmina mendax.  
 Luculli miles collecta viatica multis  
 Ærumnis, lassus dum noctu stertit, ad assem  
 Perdiderat : post hoc vehemens lûpus, & sibi, &  
 Iratus pariter, jejunis dentibus acer, (hosti  
 Præsidium regale loco dejecit, ut ajunt,  
 Summe munito, & multarum divite rerum.  
 Clarus ob id factum, donis ornatur honestis,  
 Accipit & bis dena super sestertia nummum.  
 Forte sub hoc tempus castellum evertere prætor  
 Nescio quod cupiens, hortari cœpit eundem  
 Verbis, quæ timido quoque possent addere men-  
 tem :

I bone, quo virtus tua te vocat : i pede fausto,  
 Grandia laturus meritorum præmia. quid stas ?  
 Post hæc ille catus, quantumvis rusticus, ibit,  
 Ibit eo, quo vis, qui zonam perdidit, inquit.  
 Romæ nutrirî mihi contigit, atque doceri,  
 Iratus Grajis quantum nocuisset Achilles.  
 Adjecere bonæ paullo plus artis Athenæ :  
 Scilicet ut possem curvo dignoscere rectum,  
 Atque inter sylvas Academi quærere verum,  
 Dura sed amovere loco me tempora grato :  
 Civilisque rudem belli tulit æstus in arma,  
 Cæsaris Augusti non responsura lacertis.  
 Unde simul primum me dimisere Philippi,  
 Decisis humilem pennis, inopemque paterni  
 Et laris, & fundi : paupertas impulit audax,  
 Ut versus facerem sed, quod non desit, habentē,  
 Quæ poterunt unquam satis expurgare cicutæ,  
 Nî melius dormire putem, quam scribere versus?

Sia.

Singula de nobis anni prædantur euntes :  
 Eripuere jocos, Venerem, convivias, ludum :  
 Tendunt extorquere poemata. quid faciam vis ?  
 Denique non omnes eadem mirantur, amantque :  
 Carmine tu gaudes : hic delectatur jambis :  
 Ille Bioneis sermonibus, & sale nigro.  
 Tres mihi convivæ prope dissentire videntur ;  
 Poscentes vario multum diversa palato.  
 Quid dem ? quid non dem ? renuis tu, quod jubet alter.

Quod petis id sane est invisum, acidumq; duobus,  
 Præter cætera, me Romæ ne poemata censes  
 Scribere posse, inter tot curas totque labores ?  
 Hic sponsum vocat, hic auditum scripta, relictis  
 Omnibus officiis. cubat hic in colle Quirini,  
 Hic extremo in Aventino ; visendus uterque.  
 Intervalla vides humane commoda. verum  
 Puræ sunt plateæ, nihil ut meditantibus obftet.  
 Festinat calidus mulis gerulisque redemptor :  
 Torquet nunc lapidem, nunc ingens machina tignum :

Tristia robustis luctantur funera plaustris :  
 Hac rabiosa fugit canis, hac lutulenta ruit sus.  
 I nunc, & versus tecum meditare canoros.  
 Scriptorum chorus omnis amat nemus, & fugit urbes,

Rite cliens Bacchi somno gaudentis, & umbra.  
 Tu me inter strepitus nocturnos atque diurnos  
 Vis canere, & contracta sequi vestigia vatum ?  
 Ingenium, sibi quod vacuas desumpsit Athenas,  
 Et studiis annos septem dedit, insenuitque  
 Libris, & curis statua taciturnius exit (rum  
 Plerumque, & risu populum quatit. heic ego re-  
 Fluctibus in mediis, & tempestatibus urbis,  
 Verba lyræ motura sonum connectere digner ?

\* \* \* \* \*

Frater erat Romæ consulti rhetor : ut alter  
 Alterius sermone meros audiret honores :  
 Gracchus ut hic illi foret, huic ut Mucius ille.  
 Qui minus argutos vexat furor iste poëtas ;  
 Carmina compono, hic elegos, mirabile visu.  
 Cælatumque novem Musis opus, adspice primum.

Quanto cum fastu, quanto molimine circum-  
 spectemus vacuam Romanis vatibus ædem.  
 Mox etiam, si forte vacas, sequere, & procul audi,  
 Quid ferat & quare sibi nectat uterque coronam,  
 Cædimur, & totidem plagis consumimus hostem,  
 Lento Samnites ad lumina prima duello.  
 Discedo Alcæus puncto illius, ille meo quis?  
 Quis, nisi Callimachus? si plus adposcere visus,  
 Fit Mimnermus, & optivo cognomine crescit:  
 Multa fero, ut placem genus irritabile vatum,  
 Cum scribo, & supplex populi suffragia capto,  
 Idem finitis studiis & mente recepta,  
 Obturem patulas impune legentibus aures.  
 Ridentur, mala qui componunt carmina: verum  
 Gaudent scribeutes; & se venerantur, & ultro,  
 Si taceas, laudant, quidquid scripsere beati:  
 At qui legitimum cupiet fecisse poemā,  
 Cum tabulis animum censoris sumet honesti:  
 Audebit quæcunque parum splendoris habe-  
 bunt, (tur,  
 Et sine pondere erunt & honore indigna feren-  
 Verba movere loco, quamvis invita recedant,  
 Et versentur adhuc intra penetralia Vestæ,  
 Obscurata diu populo, bonus eruet, atque  
 Proferet in lucem speciosa vocabula rerum:  
 Quæ priscis memorata Catonibus, atq; Cethegis,  
 Nunc situs informis premit, & deserta vetustas,  
 Adscisset nova, quæ genitor, produxerit usus,  
 Vehemens, & liquidus puroque simillimus amni.  
 Fundet opes, Latiumque beabit divite lingua.  
 Luxuriantia compescet: nimis aspera sano  
 Lævabit cultu: virtute carentia tollet:  
 Ludentis speciem dabit, & torquebitur: ut qui  
 Nunc Sætyrum, nunc agrestem Cyclopa movetur.  
 Prætulerim scriptor delirus, inersque videri,  
 Dum mea delectent mala me, vel deniq; fallant,  
 Quam sapere, & ringi. Fuit haud ignobilis Argis,  
 Qui se credebat miros audire tragædos,  
 In vacuo lætus sessor, plausorque teatro:  
 Cetera qui vitæ servaret munia recto  
 More, bonus sane vicinus, amabilis hospes,  
 Comis in uxorem, posset qui ignoscere servis,  
 Et signo læso non insanire lagenæ:  
 Posset qui rupem & puteum vitare patentem.

Hic ubi cognatorum opibus, curisque relictus,  
Expulit elleboro morbum, bilemque meraco,  
Et redit ad sese. Pol me occidistis amici,  
Non servastis. ait, cui sic extorta voluptas,  
Et demtus per vim mentis gratissimus error.

\* \* \* \* \*

Nimirum sapere est abjectis utile nugis,  
Et tempestivum pueris concedere ludum,  
Ac non verba sequi fidibus modulanda Latinis,  
Sed veræ numerosque modosque ediscere vitæ.  
Quocirca mecum loquor hæc, tacitusq; recordor:  
Si tibi nulla sitim finiret copia lymphæ,  
Narrares medicis. quod, quanto plura parasti,  
Tanto plura cupis, nulline faterier audes?  
Si vulnus tibi, monstrata radice, vel herba  
Proficiente nihil curarier. audieras, cui  
Rem Di donarent, illi decedere pravam  
Stultitiam: & cum sis nihilo sapientior, ex quo  
Pleniores, tamen uteris monitoribus isdem?  
At si divitiæ prudentem reddere possunt,  
Si cupidum timidumq; minus te: nempe ruberes  
Viveret in terris te si quis avarior uno.  
Si proprium est, quod quis libra mercatur, & ære:  
Quædam, si credis consultis, mancipat usus:  
Qui te pascit ager, tuus est, & villicus Orbi  
Cum segetes occat. tibi mox frumenta daturus,  
Te dominum sentit. das nummos: accipis uvam,  
Pullos, ova. cadum temeti. nempe modo isto  
Pallatim mercaris agrum, fortasse trecentis,  
Aut etiam supra, nummorum millibus emtum.  
Quid refert, vivas numerato nuper, an olim?  
Emtor Aricini quondam, Vejantis & arvi,  
Emtum cœnat olus, quamvis aliter putat: emtis  
Sub noctem gelidam lignis calefactat ænum.  
Sed vocat usque suum, qua populus adlita certis  
Limitibus vicina refugit jugia, tamquam  
Sit proprium quidquam, puncto quod mobilis  
horæ, (prema  
Nunc prece, nunc pretio, nunc vi, nunc forte su-  
Permutet dominos, & cedat in altera jura.  
Sic quia perpetuus nulli datur usus, & hæres  
Hæredem alterius, velut unda supervenit undam;  
Quid

Quid vici profunt, aut horrea ? quidve Calabris  
 Saltibus adjecti Lucani, si metit Orcus  
 Grandia cum parvis, non exorabilis auro ?  
 Gemmas, marmor, ebur, Tyrrhena sigilla, tabellas,  
 Argentum, vesteis Getulo murice tinctas,  
 Sunt qui non habeant: est qui non curat habere.  
 Cur alter fratrum cessare, & ludere, & ungi  
 Præferet Herodis palmetis pinguibus : alter  
 Dives, & importunus ad umbram lucis ab ortu  
 Sylvestrem flammis & ferro mitiget agrum :  
 Scit Genius, natale comes qui temperat astrum,  
 Naturæ Deus humanæ, mortalis in unum-  
 quodque caput, vultu mutabilis albus, & ater.  
 Utar & ex modico, quantum res poscet, acervo  
 Tollam: nec metuum, quid de me judicet hæres,  
 Quod non plura datis invenerit. & tamen idem  
 Scire volam, quantum simplex, hilarisque nepoti  
 Discrepet, & quantum discordet parvus avaro.  
 Distat enim, spargas tua prodigus, an neque sum-  
 tum

Invitus facias : neque plura parare labores.

Ac potius, puer ut festis Quinquatribus, olim

Exiguo, gratoque fruaris tempore raptim.

Pauperies immunda domus procul absit. ego,  
 utrum

Nave ferar magna, an parva, ferar unus, & idem.

Non agimur tumidis velis Aquilone secundo :

Non tamen adversis ætatem ducimus Austris,

Viribus, ingenio, specie, virtute, loco, re,

Extremi primorum, extremis usque priores.

Non es avarus : abi, quid cætera ? jam simul isto

Cum vitio fugere ? caret tibi pectus inani

Ambitione ? caret mortis formidine, & ira ?

Somnia, terrores magicos, miracula, sagas,

Nocturnos Lemures portentaque Thessala rides ?

Nataleis græte numeras ? ignoscis amicis ?

Lenior & melior sis accedente senectæ ?

Quid te exempta juvat spinis de pluribus una ?

Vivere si recte nescis, decede peritis.

Iussisti satis : edisti satis atque bibisti :

Tempus abire tibi est : ne potum largius æquo

Rideat, & pulset lasciva decentius ætas.

Q. HORATII  
FLACCII  
DE ARTE POETICA  
LIBER,  
AD PISONES.

**H**umano capiti cervicem pictor equinam  
Iungere si velit, & varias inducere plu-  
mas,

Undique collatis membris, ut turpiter atrum  
Desinat in piscem mulier formosa superne;  
Spectatum admissi risum teneatis amici?  
Credite Pisones, isti tabulæ fore librum  
Persimilem, cujus, velut ægri somnia, vanæ  
Fingentur species, ut nec pes, nec caput uni  
Reddatur formæ. Pictoribus atque poëtis  
Quidlibet audendi semper fuit æqua ptestas.  
Scimus, & hanc veniam petimusque damusque  
vicissim:

Sed non ut placidis coeant immitia, non ut  
Serpentes avibus gementur, tigribus agni.  
Inceptis gravibus plerumque, & magna professus  
Purpureus, late qui splendeat, unus, & alter  
Assuitur pannus, cum lucus, & ara Dianæ,  
Et properantis aquæ per amœnos ambitus agros,  
Aut flumen Rhenum, aut pluvius describitur ar-  
cus.

(sum  
Sed nunc non erat his locus: & fortasse cupres-  
Scis simulare. quid hoc, si fractis enatat exspes  
Navibus, ære dato qui pingitur? amphora cœpit  
Institui, currente rota cur urceus exit?

Denique sit, quod vis, simplex duntaxat, & unum.  
Maxima pars vatum, pater, & juvenes patre digni,  
Decipimur specie recti: brevis esse laboro,  
Obscurus fio. sectantem levia, nervi  
Deficiunt, animique: professus grandia, turgent:  
Serpit humi tutus nimium, timidusque procellæ.  
Qui variare cupit rem prodigialiter unam,  
Delphinum sylvis appingit, fluctibus aprum,  
In vitium ducit culpæ fuga, si caret arte.

Æmi.

*Æmiliū circa ludum faber imus & ungeis  
Exprimet, & molleis imitabitur ære capillos ;  
Infelix operis summa, quia ponere totum  
Nescit. hunc ego me, si quid componere curem,  
Non magis esse velim, quam pravo vivere naso ,  
Spectandum nigris oculis, nigroque capillo.  
Sumite materiam vestris, qui scribitis, æquam  
Viribus, & versate diu, quid ferre recusent ,  
Quid valeant humeri. cui lecta potenter erit res ,  
Nec facundia deseret hunc, nec lucidus ordo.  
Ordinis hæc virtus erit & Venus, aut ego fallor ,  
Ut jam nunc dicat, jam nunc debentia dici  
Pleraque differat, & præsens in tempus omittat  
Hoc amet, hoc spernat promissi carminis auctor,  
In verbis etiam tenuis, cautusque serendis.  
Dixeris egregie, notum si callida verbum  
Reddiderit junctura novum. si forte necesse est  
Indiciis monstrare recentibus abdita rerum ,  
Fingere cincturis non exaudita Cethegis  
Continget, dabiturque licentia sumpta pudenter  
Et nova fictaque nuper habebunt verba fidem, f  
Græco fonte cadant, parce detorta. quid autem  
Cæcilio, Plautoque dabit Romanus, ademptum  
Virgilio Varioque ? ego cur acquirere pauca  
Si possum, invideor ? cum lingua Catonis, & Enni  
Sermonem patrium ditaverit, & nova rerum  
Nomina protulerit ? licuit, semperque licebit  
Signatum præsentem nota producere nomen.  
Ut sylvæ foliis pronos mutantur in annos,  
Prima cadunt, ita verborum vetus interit ætas.  
Et juvenum ritu florent modo nata, vigentque.  
Debemur morti nos, nostraque, sive receptus ,  
Terra Neptunus, classeis Aquilonibus arcet.  
Regis opus, sterilisve diu palus, aptaque remis  
Vicinas urbeis alit, & grave sentit aratrum :  
Seu cursum mutavit iniquum frugibus æmnis ,  
Doctus iter melius. Mortalia facta peribunt ,  
Nedum sermonum stet honos, & gratia vivax.  
Multa renascentur, quæ jam cecidere, cadentque,  
Quæ nunc sunt in honore, vocabula, si volet usus :  
Quem penes arbitrium est, & jus, & norma lo-  
quendi.  
Res gestæ regumque, ducumque, & tristia bella,  
Quo scribi possent numero, monstravit Homerus.  
Ver,*



Versibus impariter junctis querimonia primum.  
 Post etiam inclusa est voti sententia compos.  
 Quis tamen exiguos elegos emisit auctor,  
 Grammatici certant, & adhuc sub iudice lis est.  
 Archilochum proprio rabies armavit jambo.  
 Hunc focci cepere pedem, grandesque cothurni,  
 Alternis aptum sermonibus & populareis  
 Vincentem strepitus, & natum rebus agendis.  
 Musa dedit fidibus Divos, puerosque Deorum,  
 Et pugilem victorē, & equum certamine primum  
 Et juvenum curas, & libera vina referre.  
 Descriptas servare vices, operumque colores,  
 Cur ego, si nequeo, ignoroque, poeta salutor?  
 Cur nescire, pudens prave, quam discere malo?  
 Versibus exponi tragicis res comica non vult.  
 Indignatur item privatis, ac prope socco  
 Dignis carminibus narrari cœna Thyestæ.  
 Singula quæque locum teneant sortita decenter.  
 Interdum tamen & vocem comœdia tollit,  
 Iratusque Chremes tumido delitigat ore:  
 Et tragicus plerumque dolet sermone pedestri  
 Telephus & Pelens, cum pauper, & exsul uterque,  
 Projicit ampullas, & sesquipedalia verba,  
 Si curat cur spectantis teregisse querela.  
 Non satis est pulchra esse poemata: dulcia sunt,  
 Et quocunque volent, animum auditoris agunt,  
 Ut ridentibus arrident, ita flentibus adsunt  
 Humani vultus. Si vis me flere, dolendum est  
 Primum ipsi tibi: tunc tua me infortunia lædent.  
 Telephe, vel Peleu, male si mandata loqueris,  
 Aut dormitabo, aut ridebo. Tristitia mœstum  
 Vultum verba decent; iratum, plena minarum:  
 Ludentem, lasciva: severum, seria dictu.  
 Format enim natura prius nos intus ad omnem  
 Fortunarum habitum: juvat, aut impellit ad iram,  
 Aut ad humum mœrore gravi deducit, & angit:  
 Post effert animi motus interpretare lingua.  
 Si dicentis erunt fortunis absona dicta,  
 Romani tollent equites, peditesque cachinnum.  
 Intererit multum, Davusne loquatur, an heros:  
 Maturusne senex, an adhuc florente juventa  
 Fervidus: an matrona potens, an sedula nutrix:  
 Mercatorne vagus, cultorne virentis agelli:  
 Colchus, an Assyrius: Thebis nutritus, an argis,  
 Aut

Aut famam sequere, aut sibi convenientia finge  
 Scriptor, honoratum si forte reponis Achillem :  
 Impiger, iracundus, inexorabilis, acer :  
 Jura neget sibi nata, nihil non arroget armis.  
 Sit Medea ferox, invictaque, flebilis Ino ,  
 Perfidus Ixion, Io vaga, tristis Orestes ,  
 Si quod inexpertum scæne committis, & audes  
 Personam formare novam ; servetur ad imum  
 Qualis ab incepto processerit, & sibi constet.  
 Difficile est proprie communia dicere tuque  
 Rectius Iliacum carmen deducis in actus ,  
 Quam si proferres ignota indictaque primus ,  
 Publica materies privati juris erit, si  
 Nec circa vilem patulumque moraberis orbem :  
 Nec verbum verbo curabis reddere fidus  
 Interpres : nec desilies imitator in arctum ,  
 Unde pedẽ proferre pudor vetet, aut operis lex,  
 Nec sic incipies ut scriptor cyclicus olim :  
 Fortunam Priami cantabo, & nobile bellum.  
 Quid dignum tanto feret hic promissor hiatu ?  
 Parturient montes : nascetur ridiculus mus  
 Quanto rectius hic, qui nil molitur inepte !  
 Dic mihi Musa virum, capte post tempora Trojæ,  
 Qui mores hominum multorum vidit, & urbeis.  
 Non fumum ex fulgore, sed ex fumo dare lucem  
 Cogitat, ut speciosa dehinc miracula promat ,  
 Antiphaten , Scyllamque , & cum Cyclope Cha-  
 ribdin. -

Nec reditum Diomedis ab interitu Meleagri ,  
 Nec gemino bellum Trojanum orditur ab ovo.  
 Semper ad eventum festinat, & in medias res  
 Non secus ac notas, auditorem rapit, & quæ  
 Desperat tractata nitescere posse, relinquit.  
 Atque ita mentitur, sic veris falsa remiscet ,  
 Primo ne medium, medio ne discrepet imum.  
 Tu, quid ego & populus mecum desideret, audi ,  
 Si plausoris eges aulæa manentis, & usque  
 Sessuri, donec cantor, Vos plaudite, dicat :  
 Ætatis cujusque notandi sunt tibi mores ,  
 Mobilibusque decor naturis dandus, & annis.  
 Reddere qui voces jam scit puer, & pede certo  
 Signat humum, gestit paribus colludere, & iram  
 Colligit, ac ponit temere, & mutatur in horas.  
 Imberbis juvenis tandem custode remoto.

Gau-

Gaudet equis, canibusque, & aprici gramine  
campi:

Cereus in vitium flecti, monitoribus asper,  
Utilium tardus provisor, prodigus æris,  
Sublimis, cupidusque, & amata relinquere pernix,  
Conversis studiis, ætas, animusque virilis  
Quærit opes & amicitias: inservit honori;  
Commisisse cavet, quod mox mutare labore.  
Multa senē circumveniunt incommoda: vel quod  
Quærit, & inventis miser abstinet, ac timet uti.  
Vel quod res omneis timide, gelideque ministrat.  
Dilator, spe longus, iners, avidusque futuri:  
Difficilis, querulus, laudator temporis acti  
Se puero: censor castigatque minorum.  
Multa ferunt anni venientes commoda secum,  
Multa recedentes adimunt: ne forte seniles  
Mandentur juveni partes, pueroque viriles.  
Semper in adjunctis ævoque morabimur aptis.  
Aut agitur res in scenis, aut acta refertur.  
Segnius irritant animos demissa per aurem,  
Quam quæ sunt oculis subjecta fidelibus, & quæ  
Ipse sibi tradit spectator, non tamen intus  
Digna geri promes in scenam: multaue tolles.  
Ex oculis, quæ mox narret facundia præsens.  
Nec pueros coram populo Medea trucidet:  
Aut humana palam coquat exta nefarius Atreus:  
Aut in avem Procne vertatur, Cadmus in an-  
guem.

Quodcunque ostendis mihi sic, incredulus odi.  
Neve Minor, neu sit quinto productior actu.  
Fabula, quæ posci vult, & spectata reponi.  
Nec Deus intersit, nisi dignus vindice nodus  
Inciderit: nec quarta loqui persona laboret.  
Actoris parteis chorus, officiumque virile  
Defendat: neu quid medios intercinat actus,  
Quod non proposito conducat & hæreat apte.  
Ille bonis faveatque, & concilietur amicis,  
Et regat iratos, & amet peccare timentis:  
Ille dapes laudet mensæ brevis: ille salubrem  
Justitiam, legesque, & apertis otia portis:  
Ille tegat commissa, deosque precetur, & oret.  
Ut redeat miseris, abeat fortuna superbis.  
Tibia non ut nunc, orichalco vincta, tubæque  
Æmula, sed tenuis simplexque foramine pauco

Adspirare, & adesse choris erat utilis, atque  
 Nondum spissa nimis complere sedilia flatu.  
 Quo sane populus numerabilis, utpote parvus,  
 Et frugi, castusque, verecundusque coibat.  
 Postquam cœpit agros extendere victor, & urbem,  
 Latior amplecti murus, vinoque diurno  
 Placari Genius festis impune diebus:  
 Accessit numerisque modisque licentia major.  
 Indoctus quid enim saperet, liberque laborum,  
 Rusticus urbano confusus, turpis honesto?  
 Sic priscae motumque, & luxuriam addidit arti  
 Tibicen, traxitque vagus per pulpita vestem.  
 Sic etiam fidibus voces crevere severis,  
 Et tulit eloquium insolitum facundia præceps,  
 Utiliumque sagax rerum, & divina futuri  
 Sortilegis non discrepuit sententia Delphis.  
 Carmine qui tragico vilem certavit ob hircum,  
 Mox etiam agresteis Satyros nudavit, & asper  
 Incolumi gravitate jocum tentavit: eo quod  
 Illecebris erat, & grata novitate morandus  
 Spectator, functusque sacris, & potus, & exlex.  
 Verum ita risores, ita commendare dicaces  
 Conveniet Satyros, ita vertere seria ludo;  
 Ne, quicumque Deus, quicumque; adhibebitur heros,  
 Regali conspectus in auro nuper & ostro,  
 Migret in obscuras humili sermone tabernas,  
 Aut dum vitat humum, nubes, & inania captet.  
 Effutire leveis indigna tragœdia versus,  
 Ut festis matrona moveri iussa diebus,  
 Intererit Satyris paullum pudibunda protervis,  
 Non ego inornata & dominantia nomina solum,  
 Verbaque, Pisones, Satyrorum scriptor amabo:  
 Nec sic enitar tragico differre colori,  
 Ut nihil intersit, Davusne loquatur, & audax  
 Pythias, emuncto lucrata Simone talentum:  
 An custos, famulusque Dei Silenus alumni.  
 Ex noto fictum carmen sequar, ut sibi quivis  
 Speret idem: sudet multum, frustra que labore  
 Ausus idem: tantum series, juncturaque pollet:  
 Tantum de medio sumtis accedet honoris.  
 Sylvis deducti caveant, me iudice, Fauni,  
 Ne velut innati triviis, ac pæne forenses,  
 Aut nimium teneris juvenentur versibus unquã,  
 Aut inmundi crepent, ignominiosaque dicta.

Offenduntur enim, quibus est equus, & pater, & res:

Nec si quid fricti ciceris probat, & nucis emtor,  
 Æquis accipiunt animis, donantve corona.  
 Syllaba longa brevi subjecta, vocatur jambus  
 Pes citus: unde etiam trimetris accrescere jussit  
 Nomen jambeis, cum senos redderet ictus,  
 Primus ad extremum similis sibi. non ita pridem,  
 Tardior ut paullo graviorque veniret ad aureis,  
 Spondeos stabileis in jura paterna recepit  
 Commodus & patiens: non ut de sede secunda  
 Cederet, aut quarta socialiter. hic & in Acci  
 Nobilibus trimetris apparet rarus, & Enni,  
 In scenam missos magno cum pondere versus,  
 Aut operæ celeris nimium, curaque carentis.  
 Aut ignoratæ premit artis crimine turpi.  
 Non quivis videt immodulata poemata iudex;  
 Et data Romanis venia est indigna poetis.  
 Idcircone vager, scribamque licenter? an omneis  
 Visuros peccata putem mea, tutus & intra  
 Spem veniæ cautus? vitavi denique culpam,  
 Non laudem merui. Vos exemplaria Græca  
 Nocturna versate manu, versate diurna.  
 At nostri proavi Plautinos & numeros, &  
 Laudavere sales: nimium patienter utrumque,  
 Ne dicam stulte, mirati; si modo ego, & vos  
 Scimus inurbanum lepido seponere dicto,  
 Legitimumque sonum digitis callemus, & aure,  
 Ignotum tragicæ genus invenisse Camenæ  
 Dicitur, & plaustris vexisse poemata Thespis:  
 Quæ canerent, agerentque peruncti sæcibus ora,  
 Post hunc personæ, pallæque repertor honestæ  
 Æschylus, & modicis instravit pulpita tignis,  
 Et docuit magnumque loqui, nitique cothurno.  
 Successit verus his comædia, non sine multa  
 Laude: sed in vitium libertas excidit, & vim  
 Dignam lege regi, lex est accepta, chorusque  
 Turpiter obtinuit sublato jure nocendi.  
 Nil intentatum nostri liquere poetæ:  
 Nec minimum meruere decus, vestigia Græca  
 Ausi deserere, & celebrare domestica facta:  
 Vel qui prætextas, vel qui docuere togatas.  
 Nec virtute foret, clarisque potentius armis,  
 Quam lingua, Latium, si non offenderet unum.

quemque poetarum limæ labor, & mora vos ô  
 Pompilius sanguis carmē reprehendite quod non  
 Multa dies, & multa litura coërcuit, atque  
 Perfectum decies non castigavit ad unguem.  
 Ingenium misera quia fortunatius arte  
 Credit, & excludit sanos Helicone poetæ (rat.  
 Democritus, bona pars non ungueis ponere cu-  
 Non barbam : secreta petit loca, balnea vitat.  
 Nanciscetur enim pretium nomenque poetæ,  
 Si tribus Anticyris caput insanabile nunquam  
 Tonfori Licino commiserit. ô ego lævus,  
 Qui purgo bilem sub vèrni temporis horam?  
 Non alius faceret meliora poemata: verum  
 Nil tanti est. ergo fungar vice cotis, acutum  
 Reddere quæ ferrum valet, exfors ipsa secandi.  
 Munus & officium nil scribens ipse docebo.  
 Unde parèntur opes: quid alat, formetque poë-  
 tam: ~ (error.

Quid deceat, quid non, quo virtus, quo ferat  
 Scribendi recte sapere est & principium & fons.  
 Rem tibi Socraticæ poterunt ostendere chartæ,  
 Verbaque provisam rem non invita sequentur.  
 Qui didicit, patriæ quid debeat & quid amicis,  
 Quo sit amore parens, quo frater amandus, &  
 hospes

Quod sit conscripti, quod iudicis officium: quæ  
 Partes in bellum missi ducis, ille profecto  
 Reddere personæ scit convenientia cuique.  
 Respicere exemplar vitæ morumque jubebo  
 Doctum imitatore, & veras hinc ducere voces.  
 Interdum speciosa locis, morataque recte  
 Fabula, nullius Veneris, sine pondere, & arte.  
 Valdius obleat populum meliusque moratur,  
 Quam versus inopes rerum, nugæque canoræ.  
 Græjis ingenium, Græjis dedit ore rotundo  
 Musa loqui præter laudem, nullius avaris.  
 Romani pueri longis rationibus assem  
 Discunt in partes centum diducere, dicat  
 Filius Albani, si de quincunce remota est  
 Uncia, quid superat? poteras dixisse, triens eu,  
 Rem poteris servare tuam. redit uncia: quid sit?  
 Semis. ad hæc animos ærugo, & cura peculi  
 Cum semel imbuerit; speramus carmina fingi  
 Posse linenda cedro, & lævi servanda cupresso?

Aut prodesse volunt, aut delectare poëtæ :  
 Aut simul & jucunda, & idonea dicere vitæ.  
 Quidquid præcipies, esto brevis, ut cito dicta  
 Præcipiant animi dociles, teneantque fideles.  
 Omne supervacuum pleno de pectore manat.  
 Ficta voluptatis causa, sint proxima veris.  
 Nec quodcunque volet, poscat sibi fabula credi :  
 Neu pransæ Lamiæ vivum puerum extrahat alvo  
 Centuriæ seniorum agitant expertia frugis :  
 Celsi prætereunt austerâ poemata Rhamnes.  
 Omne tulit punctum, qui miscuit utile dulci.  
 Lectorem delectando pariterque monendo.  
 Hic meret æra liber Sosis, hic & mare transit,  
 Et longum noto scriptori prorogat ævum.  
 Sunt delicta tamen, quibus ignovisse velimus,  
 Nam neque chorda sonum reddit, quem vult  
 manus & mens :

Poscentique gravem persæpe remittit acutum :  
 Nec semper feriet, quodcunque minabitur, arcus,  
 Verum ubi plura nitent in carmine, non ego  
 paucis

Offendar maculis quas aut incuria fudit  
 Aut humana parum cavit natura. quid ergo ?  
 Ut scriptor si peccat idem librarius usque,  
 Quamvis est monitus, venia caret, & citharædus  
 Ridetur chorda qui semper oberrat eadem.  
 Sic mihi, qui multum cessat, sit Chærilus ille,  
 Quem his terque bonum cum risu miror, & idem  
 Indignor, quandoque bonus dormitat Homerus.  
 Verum opere in longo fas est obrepere somnum.  
 Ut pictura, poësis erit : quæ, si propius stes,  
 Te capiat magis, & quædam si longius abstes.  
 Hæc amat obscurum : volet hæc sub luce videri,  
 Judicis argutum quæ non formidat acumen.  
 Hæc placuit semel : hæc decies repetita placebit.  
 O major juvenum, quamvis & voce paterna  
 Fingeris ad rectum, & per te sapis, hoc tibi dictum  
 Tolle memor : certis medium & tolerabile rebus  
 Recte concedi. consultus juris, & actor  
 Causarum mediocris, abest virtute disertæ  
 Messalæ, nec scit quantum Cascellius Aulus :  
 Sed tamen in pretio est. Mediocribus esse poëtis  
 Non homines, non Di, non concessere columnæ,  
 Ut gratas inter mensas symphonia discors,

Et crassum unguentum, & Sardo cum melle papper

Offendunt, poterat duci quia cæna sine istis:  
Sic animis natum inventumque poema juvandis,  
Si paullum à summo disceisset, vergit ad imum.  
Ludere qui nescit, campestribus abstinet armis,  
Indoctusque pilæ, discive, trochive, quiescit,  
Ne spissæ risum tollant impune coronæ.

Qui nescit, versus tamen audet fingere. quid ni?  
Liber, & ingenuus præsertim census equestrem  
Summam nummorum, vitioq; remotus ab omni.  
Tu nihil invita dices faeiesve Minerva:  
Id tibi iudicium est, ea mens. si quid tamen olim  
Scripseris, in Meci descendat iudicis aures.  
Et patris, & nostras, nonumque prematur in  
annum.

Membranis intus positis delere licebit  
Quod non edideris: Nescit vox missa reverti.  
Silvestreis homines sacer interpretesque Deorum  
Cædibus, & victu fædo deterruit Orpheus,  
Dictus ob hoc lenire tigreis rapidosque leones.  
Dictus & Amphion Thebæ conditor arcis  
Saxa movere sono testudinis. & prece blanda  
Ducere quo vellet. fuit hæc sapientia quondam.  
Publica privatis secernere, sacra profanis:  
Concubitu prohibere vago: dare jura maritis:  
Oppida moliri: leges incidere ligno.  
Sic honor, & nomen divinis vatibus, atque  
Carminibus venit. post hos insignis Homerus.  
Tyrtæusque mares animos in Martia bella  
Versibus exacuit. dictæ per carmina sortes,  
Et vitæ monstrata via est, & gratia regum  
Pieriis tentata modis, ludusque repertus,  
Et longorum operum finis ne forte pudori  
Sit tibi Musa lyræ sollers, & cantor Apollo.  
Natura fieret laudabile carmen, an arte,  
Quæsitum est. ego nec studium sine divite vena.  
Nec rude quid prosit video ingenium alterius sic  
Altera poscit opem res, & conjurat amice.  
Qui studet optatam cursu contingere metam,  
Multa tulit fecitque puer, sudavit, & alsit:  
Abstinnit Venere & vino, qui Pythia cantat  
Tibicen, didicit prius, extimuitque magistrum.  
Nunc satis est dixisse. Ego mira poemata pango.  
Occu-



Occupet extremum scabies, mihi turpe relinqui  
est

Et, quod non didici, sane nescire fateri.  
Ut præco ad merceis turbam qui cogit emendas,  
Assentatores jubet ad lucrum ire poëta  
Dives agris, dives positis in scœnore nummis.  
Si vero est, unctum qui recte ponere possit,  
Et spondere levi pro paupere, & eripere atris  
Litibus implicitum: mirabor, si sciet inter-  
noscere mendacem verumque beatus amicum.  
Tu seu donaris, seu quid donare velis cui,  
Nolito adversus tibi factos ducere plenum  
Lætitiæ, clamabit enim, pulchre, bene, recte:  
Pallescet super his: etiam stillabit amicis  
Ex oculis rorem: saliet, tundet pede terram.  
Ut, qui conducti plorant in funere, dicunt,  
Et faciunt prope plura dolentibus ex animo: sic  
Derisor vero plus laudatore movetur.  
Reges dicuntur multis urgere culullis,  
Et torquere mero, quem perspexisse laborent,  
An sit amicitia dignus. si carmina condēs.  
Nunquam te fallant animi sub vulpe latentes.  
Quinctilio si quid recitares, corrigere, sodes,  
Hoc, ajebat, & hoc. melius te posse negares  
Bis terque expertum frustra, delere jubebat  
Et male tornatos incudi reddere versus.  
Si defendere delictum, quam vertere, mallet,  
Nullum ultra verbum, aut operam sumebat ina-  
nem:


Quin sine rivali teque & tua solus amares.  
Vir bonus & prudens versus reprehendit iner-  
teis:

Culpabit duos, in comitis allinet atrum  
Transverso calamo signum: ambitiosa recidet  
Ornamenta: parum claris lucem dare coget:  
Arguet ambigue dictum; mutanda notabit;  
Fiet Aristarchus; nec dicet, cur ego amicum  
Offendam in nugis? hæ nugæ seria ducent  
In mala, derisum semel, exceptumque sinistre.  
Ut mala quem scabies, aut morbus regius urget,  
Aut fanaticus error, & iracunda Diana,  
Vesantum tetigisse timent, fugiuntque poëtam,  
Qui sapiunt: agitant pueri, incautique sequuntur.  
Hic, dum sublimeis versus ructatur, & errat,


Si veluti merulis intentus decidit auceps  
 In puteum, foveamque: licet, Succurrite, longum  
 Clamet, Io cives; non sit, qui tollere curet.  
 Si quis curet opem ferre & demittere funem;  
 Qui scis, an prudens huc se dejecerit, atque  
 Servari nolit? dicam, Siculique poëtae  
 Narrabo interitum. Deus immortalis haberi  
 Dum cupit Empedocles, ardentem frigidus Æt-  
 nam

Insiliit. sit jus, liceatque periri poëtis.  
 Invitum qui servat, idem facit occidenti.  
 Nec semel hoc fecit: nec, si retractus erit jam.  
 Fiet homo, & ponet famosæ mortis amorem.  
 Nec satis apparet. cur versus factitet: utrum  
 Minxerit in patrios cineres, an triste bidental  
 Moverit incestus. certe furi, ac velut ursus,  
 Objectos cavæ valuit si frangere clathros,  
 Indoctum doctumque fugat recitator acerbus.  
 Quem vero arripuit, tenet occiditque legendo,  
 Non missura cutem, nisi plena cruoris, hirudo.

F I N I S.









24

25

26

27

28

29

30

31

32

33

34

35

36

37